

龙坡



明 宋 濂 等撰

中 華 書 局

卷二七至卷三 四

四(紀)

册

元史卷二十七

本紀第二十七

英宗一

臣輔之。」太后不許。延祐三年十二月丁亥,立爲皇太子,授金寶,開府置官屬。監察御史 年二月甲子生。仁宗欲立爲太子,帝入謁太后固辭,曰:「臣幼無能,且有兄在,宜立兄,以 卿等亦當洗心滌慮,恪勤乃職,勿有隳壞,以貽君父憂。」 庶務必先啓太子,然後奏聞。帝謂中書省臣曰:「至尊委我以天下事,日夜寅畏,惟恐弗堪。 段輔、太子詹事郭貫等,首請近賢人,擇師傅,帝嘉納之。六年十月戊午,受玉册,詔命百司 英宗睿聖文孝皇帝,諱碩德八剌,仁宗嫡子也。 母莊懿慈聖皇后,弘吉剌氏,以大德七

順成,四海清晏。今天降大厲,不如罰殛我身,使至尊永爲民主。」辛丑,仁宗崩,帝哀毀過 七年春正月戊戌,仁宗不豫,帝憂形于色,夜則焚香,泣曰:「至尊以仁慈御天下,庶績

本紀

第二十

七

英宗

祝

日者交通宗

戚、大官

相。 禮 素 丙 服 寢 遣 干 使 地 分 讞 H 內 歠 外 ____ 粥。 刑 獄 癸卯, 戊 申 太陰 , 賑 通 犯 漷 斗。 二州蒙古貧民。 甲辰,太子太師 汰 鐵木 知 樞密院 迭兒以 事 太后 四 命 爲 禁巫、 右 丞

書省事 辛未 行省 壬戌, 以 僧 江 重 辛(出)[酉],[日太陰 役蒙古諸驛。 書 **军**章 遼陽 之, 者 西 右丞。 行 爲民。 非示 括 1省右 太陰犯 乞失監 月壬(午)[子],[] 政 民 事 間 天下以公也。」卒正其 己巳 丞 丁 係官 靈臺。 木八刺 卯, 己未, 丁巳, 坐 上都 一鬻官 太陰 修 Ш 犯 命 甲子 修佛 鎭 場 爲中書右 甘肅官牧羊 刑部 犯 儲 軒 雷 罷造 河 日 轅 糧 ٠, 佛 事 星。 鐵 于 泊 以 御 事 宣德、 木 法 女。 永福寺。 戊 于 丞, 窰 迭兒 當杖 白 午, 京 罪。 冶 I雲宗 馬牛駝給朔方民戶, 平章政事 城 參知 開 祭社 丙寅 四 **廬舍**。 阿散 太后: 平、 賑 忽總 門。 政 大同、豐州諸驛饑。 稷。 和林諸 事 請 命答之,帝曰:「不可。 以陝西行省平章政事 赤斤鐵木 罷 攝 捕 張 壬 建御容 上都乾 申 沈明 思 逮 四川 明 倉, 召 爲 殿于 陜 兒、 元寺 以 仍給 爲 中 行 備 西行 不 書 省平章 御 永 賑 規 曠 法 左 史 臺御 福寺。 貸 運 以江 地 坐 丞, 大夫脫歡 供 總管 霏 屯種 政事趙世 史大 趙世 億 法者天下之公,徇 **'**, (=) 中 浙行省左丞 汰富 府。 書 榮爲中書平章 夫答失 復 詔 左 癸酉, 民竄名宿 罷 以 庚 丞 延赴京。 籍 都 爲 午, 換 江 集賢 鐵 水 相 南 住 括勘崇祥院 太陰 木 監 黑驢 冒 罷 兒 大 隸 衞 私 爲 爲 參 政 學士 者 赴 犯 中 嶺 議 而 爲 給給 闕 斗 雲 輕 中 中

等,當以公心輔弼。 位,議于宗親、元老,賢者任之,邪者黜之,可也。」司農卿完者不花言:「先帝以土田 院使失列門,以太后命請更朝官,帝曰:「此豈除官時耶。且先帝舊臣,豈宜 迭兒以前御 中書平章政事兀伯都剌罷爲甘肅行省平章政事,阿禮 准 地,其冒以官地獻者追其直,以民地獻者歸其主。 臣者,宜悉歸之官。」帝問曰:「所賜爲誰。」,對曰:「左丞相阿散所得爲多。」帝曰:「予常諭 制,仍銷其印 議也,豈輔弼之道耶。」遂出完者不花爲湖南宣慰使。 五. 衞 漢軍 一歲例。 ·史中丞楊朶兒只、中書平章政事蕭拜住違太后旨,矯命殺之,並籍其家。 丁丑,奪前中書平章政事李孟所受秦國公制命,仍仆其先墓碑。 卿於先朝嘗請海舶之稅,以阿散奏而止。今卿所言,乃復私憾耳,非公 決開平重囚。 奪僧輦眞吃剌思等所受司徒、 海牙罷爲湖廣行省平章政事。 丙子,定京城環衞更番法, 輕動。 俟予卽 預賜諸 戊寅, 徽政 國公 鐵木 卿

陰犯酒旗上星,熒惑犯進賢。徵諸王、駙馬流竄者,給侍從,遣就分邑。庚寅,帝卽位,詔曰: 協謀宗親,授予册寶。方春宮之與政,遽昭考之賓天。 我先皇帝,至仁厚德,涵濡羣生,君臨萬國,十年于兹。 三月辛巳,以中書禮部領敎坊司。壬午,賑陳州、嘉定州饑。 洪惟太祖皇帝膺期撫運、肇開帝業,世祖皇帝神機睿略,統一 諸王貴戚、元勳碩輔、咸謂朕宜 以社稷之遠圖,定天下之大本, 爪哇遣使入貢。戊子,太 四海。 以聖繼聖,迨

本紀

第

二 十

Ł

英宗

體 先 帝 付 託 之重, 、皇太后擁護之慈,旣深繫於人心,詎可虛於神器, 合辭 勸 進, 誠意交

平章 降 馬 監 秩 樞 等 脱 進 罷 日 + 醫 開 十 密 脫 太 止 都 等 政 萬 從 卿 事 那 府 后 孚。 水 驛饑。 築 有差,七品 事 七 也 顏 爲 儀 監 贍 品 李孟 太皇 但 兒 乃 等金銀、 同 一、尙 北 守 吉 匠 於 如 邊貧 太 爲 乘寺、 尼 乙未, 司 任 前 三月十 職 集賢 盡言, 后。 子 制。 檢 、上柱 泛者。 以 幣帛 ,其藝精 覈 光祿 下不 日 侍 庚子, 是夜, 鞏昌等路 有 國、太師。 日, 善 有 講 降。 寺 量若 辛 學士, 差。 則 太陰 絕 卽 丑: 降 股 並從三品 皇帝 連 者擇用之。 賜 當 太常 賑 禁擅 屯戍,選甘州戍卒。 環。 犯明堂。 邊戍諸王、駙 悉奪 服 寧夏路 敕 位 行, 禮儀 奏璽 羣臣 丙 于大明殿。 前 否 給 申 院、 軍 所 書。 超 ,斡羅 壬辰, 事 丙午,有事於南郊,告即位。 亦 民饑。 受 授散官者, 通 不 中 制 馬 以 . 闌 汝罪 政院、都護 命。 及 樞 思等內附,賜 太皇太后受百官朝賀于興聖宮。 可 甲午, 將 遺 密院 赦天下。 戊戌、汰 也。」甲辰, 御 校 監、尙舍寺、司 朝 史 兼領 士卒 作 會毋 臺 府 佛 臣 左、右 金銀 、崇福 上都留守 鈔萬 越 事 請 詔 班 於 降詔 中 幣 次。 衞 司, 四千貫, 寶慈殿。 外 天 率府。 帛 諭 册 監, 並正 司留守 並 賜 丁未, 有 百 沮 從二品; 諸 差。 司 議 遣 壬 賑 王 以 還其 鐵 Ť. 罷 寅 र्ग 四 也 木 木 肅 員。 崇祥院, 羊五 憐 뮤 ; 孫 降 蒙 部 鐵木 迭 臺 渾 鐵 古 定 兒。 其 前 綱 木兒、 都兒 官遞 迭兒 或 中 吏 遣 以 書 員 知 敕 帝

民

匠

都

總

管府

隸將作院。

本

紀第二十七

英宗一

午,祀社稷,告卽位。己未,紹慶路洞蠻爲寇,命四川行省捕之。祭遁甲神于香山。命平章 政院。 賑之。 職。 萬五千貫。甲寅,太白犯塡星。乙卯,復國子監、都水監,秩正三品。罷回回國子監、行通 宗,以陰陽拘忌,權結綵殿於太室東南,以奉神主。己巳,河間、眞定、濟南等處蒙古軍饑, 佛事七日。戊辰,車駕幸上都。海運至直沽,調兵千人防戍。封王煦爲鷄林郡公。議祔仁 印。壬戌,太陰犯房。以卽位,賞宿衞軍。括馬三萬匹,給蒙古流民,遣還其部。給通、漷 政事王毅等徵理在京諸倉庫糧帛虧額。申嚴和林酒禁。庚申,降百官越階者,並依所受之 遼陽行省丞相,並降爲本省平章政事,惟征東行省丞相高麗王不降。賜諸王鐵木兒不花鈔 廣惠諸司品秩。罷行中書省丞相。 東西道田賦,斗加二升。賑大都、淨州等處流民,給糧馬,遣還北邊。戊寅,以蒙古、漢人驛 二州蒙古戶夏布。 以太常禮儀院使拜住爲中書平章政事。以西僧牙八的里爲元永延敎三藏法師,授金 夏四月庚戌〔朔〕,有事于太廟,告卽位。 追奪佛速司徒官。 罷市舶司,禁賈人下番。 課回回散居郡縣者,戶歲輸包銀二兩。 增兩淮、荆湖、江南 封諸王徹徹禿爲寧遠王。申詔京師勢家與民均役。那懷、渾都兒驛戶饑,賑之。戊 鐵木迭兒請參決政務,禁諸臣毋隔越擅奏,從之。乙丑,仁宗喪卒哭,作 河南行省丞相也先鐵木兒、湖廣行省丞相朶兒只的斤、 ' 罷少府監。復儀鳳、敎坊、

以 利 誘 股 也 其 還 之。 是 7月,左 衞 屯 田 早、蝗,左 翊 屯 田 蟲 食 麥苗 亳 州 水

司 請 雕 列 省 大 餘 事 相 稱 中 其 1 行 H 罷 西 失 平 都 四 海 書 家 只 勤 散 Ŧi. 僧 章 城 省 公 八 五. 兒 旌 政 帝 門 道 謀 政 罷 辛 汪 臣 月 哈 其 條 務 ## 廢 事 諡 及 請 Ė 爲 己 門。 郎 河 工、伶 駐 嶺 禁擅 題 立 四 于 爲 屯 汝 怠者罪 散 冬衛 爲 南 北 癸巳, 拜 朔 中 田 寧 雕 奏除 郊 行 府 中 0 濫 書 住 省平 右 士。 請 霖 禁 爵 書 參 命 之。 拜 王 太 丙 僧 及 知 鞫 平 僧 雨 遣 章 申 陰 建寺 帝 狀 章 政 禱 傷 馳 丙 辛 使 政 犯 麥禾 政 太 事 驛 午, 丽 日 帝 天 事 1 権 -白 Ō 事 豢 o 日 狗 廣 仍 御 黑 以 然 犯 大同 庚 獸 東 發 以 收 史 知 驢 畢。 寅 恐 之費 彼 甲 番 拜 粟 元 劉 樞 及 雲 肸 若 午 貨。 住 五. 給 太 禁宗 遺忘 恒 密 御 内 千 借 爲 璽 請 院 陰 史大 瀋 甲 太 弛 書。 中 石 豐、 犯 興 事 戚 陽 辰 皇 書 或 陜 賑 亭 義 夫 鐵 權 軍 太 西 勝 左 乘 糶 庚 木 脫 倉 貴 民 以 辰 后 諸 酒 之。 丞 間 辛 饑 及 誅 兒 芯 避 禁。 爲 相 郡 奏 , 卯 脫 哈 奪 徭 SII 上 請 1 詞 縣 給 僧 散 役 爲 乃 都 徽 亥, 孧 饑 壬 鈔 奈 及 刺 濫 中 留 道 辰 政 知 黑 萬 作 書 何 忽 賜 罷 守 官 使 政 驢 平 奸 名爵 賀 沅 塔 發 失 和 事 千 伯 章 命 犯 凌 賀 列 敕 林 欽 失 粟 五. 悉 科。 政 縣 顏 門 察 捕 伯 民 海 萬 汝 百 事 詸 浦 坐 等 亦 顏 等 閻 罷 牙 \equiv 貫 ō 之, 戊 便 口 列 等 與 海 並 千 當 爲 賑 服 戌 壬 千 籍 故 詔 集 復 瘞 爲 之。 石 寅 戶 迎 贀 天 其 要 有 殍 貸 中 以 所 詔 子 下 監 家 束 告 之。 學 書 聞 死 乙 棄 江 嶺 察 謀 者 士 平 未 己 र्गा 浙 敕 御 追 妻 北 \equiv 章 復 左 , 丑: 千 請 史 封 亦 行 賑 政 丞

戌,賜 犯井。 至京 甲寅、前太子詹事床兀兒伏誅。京師疫、修佛事于萬壽山。乙卯、昌王阿失部饑,賜鈔千萬 六穗。 司、延福司、羣牧監、宮正司、遼陽萬戶府。復徽儀司爲繕珍司、善政司爲都總管府。內宰 京者、大事五日、小事三日遣還。是夜、月食旣。癸亥、太陰犯壘壁陣。乙丑、賑北邊饑民、 法。 事塔失鐵木兒爲薊國公。己未,定邊地盜孳畜罪犯者,令給各部力役,如不悛,斷罪如內地 二百一十二萬貫。丁丑,改紅城中都威衞爲忠翊侍衞親軍都指揮使司,隸樞密院。罷章慶 有妻子者鈔千五百貫,孤獨者七百五十貫。新作太祖幄殿。西番盜洛各目降。丁卯,太白 木兒不花知樞密院事。戊午,罷徽政院。廣東採珠提舉司罷,以有司領其事。封知樞密院 貫賑之。 [平章政事買驢,仍籍其家。 丁未,封王禪爲雲南王,往鎭其地。 師。 庚申,太陰犯斗。

賜角觝百二十人鈔各千貫。

辛酉,詔免僧人雜役。

壬戌,敕諸使至 六月己酉〔朔〕,流徽政院使米薛迷于金剛山。以脫忒哈、失列門故奪人畜產歸其主。 北邊諸王伯要台等十人鈔各二萬五千貫。邊民賑米三月。修寧夏欽察魯佛事,給鈔 以賀伯顏、失列門、阿散家貲、田宅賜鐵木迭兒等。 賜諸王阿木里台宴服、珠帽。戊辰,賑雷家驛戶鈔萬五千貫。辛未,太陰犯昴。甲 賞誅阿散等功,賜拜住以下金銀、鈔有差。丙辰,召河南行省平章政事埜仙帖穆兒 收脫忒哈廣平王印。丁巳,以江西行省左丞相脫脫爲御史大夫,宗正扎魯火赤鐵 饒州番陽縣進嘉禾,一莖

本

紀

第二十七

英宗一

司、延慶司、甄用監復爲正三品。 益都蝗。荆門州旱。 棣州、高郵、江陵水。

庚子,以江南行御史臺中丞廉恂爲中書平章政事。辛丑,賜公主扎牙八剌等鈔七萬五千 變,賞鈔萬五千貫,敕中外希賞自請者勿予。己亥,太陰犯昴。賜女巫伯牙台鈔萬五千貫。 棄其子於野,殺所乘馬以啗士卒,請賞之。」賜鈔五千貫。。斡魯思辰告諸王月兒魯鐵木兒謀 冕。戊戌,熒惑犯房。樞密院臣言:「塔海萬戶部不剌兀赤與北兵戰,拔軍士三百人以還, 三十萬貫賑之。中書平章政事乃剌忽罷。降封安王兀都不花爲順陽王。禁獻珍寶製衮 事 湖廣行省汰遣之。乙未,賜西僧沙加鈔萬五千貫。以甘肅行省平章欽察〔台〕知樞密院 紅花萬戶府兵。遣扈從諸營還大都,禁踐民禾。安南內附人陳巖言其國貢使多爲覘伺,敕 貫。晉王也孫鐵木兒部饑,賑鈔五千萬貫。壬辰,罷女直萬戶府及狗站脫脫禾孫。散遼陽 戌,賜諸王買奴等鈔二十五萬貫。丁亥,太陰犯斗。諸王告住等部火,賑糧三月、鈔萬五千 將北幸, 三萬、羊四萬,給邊軍貧乏者。癸未,括馬於大同、興和、冀寧三路,以頒衞士。甲申,車駕 壬午,立普定路屯田,分鳥撒、鳥蒙屯田卒二千赴之。運和林糧于扎昆倉,以便邊軍。 ,。〔吾〕回回太醫進藥曰打里牙,給鈔十五萬貫。丙申,以昌平、灤陽十二驛供億繁重,給鈔 秋七月戊寅〔朔〕,賜諸王曲魯不花鈔萬五千貫。命玄教宗師張留孫修醮事于崇眞宮。 調左右翊軍赴北邊浚井。以知樞密院事買驢、哈丹並爲遼陽行省平章政事。

本紀第二十七 英宗一

院事也(先)[兒]吉尼爲江西行省平章政事。[刊是月,後衞屯田及潁、息,汝陽、上蔡等縣水, 貫。 銀鐵冶歸中政院。 也孫鐵木兒遣使以地七千頃歸朝廷,請有司徵其租,歲給糧鈔,從之。 癸卯,賜伶人鈔二萬五千貫,酒人十五萬貫。(己)[乙]已,云以知樞密 以遼陽 金

霸州及堂邑縣蝻。

間路水。 卯,賜上都駐冬衞士鈔四百萬貫。諸王木南卽部饑,興聖宮牧駝戶貧乏,並賑之。丙辰,祔 庚午,發米十萬石賑糶京師貧民。 皇太后禜星,杖之,籍其資。 凉亭,從容謂近侍曰:「頃鐵木迭兒必欲置趙世延于死地, 股素聞其忠良,故每奏不納。」 左 戊午,鐵木迭兒以趙世延嘗劾其姦,誣以不敬下獄,請殺之,幷究省、臺諸臣。 仁宗聖文欽孝皇帝、莊懿慈聖皇后于太廟, 右咸稱萬歲。 人匠提舉司。賑晉王部軍民鈔二百五十萬貫。 八月丁未朔,嶺北省臣忻都坐以官錢犒軍免官,詔復其職。 乙丑,熒惑犯天江。丁卯,太白犯太微垣右執法。宮人官奴,坐用日者請太 脫思馬部宣慰使亦憐眞坐違制不發兵,只杖流奴兒干之地。 壬申,太陰犯軒轅御女。甲戌,廣東新州饑,賑之。 鐵木迭兒攝太尉,奉玉册行事。 禁星于司天監。 辛亥,賑龍居河 戊申,祭社稷。 太白犯靈臺。 不允。 諸軍。 罷曲靖路 帝幸 河

九月甲 申,建壽安 山寺,給鈔千萬貫。 括興和馬以贍北部貧民。 禁五臺山樵採。 罷上

吉爲 鬼。 脫 歲 都 享 不 嶺 己亥, 睿宗 花 寇 北 搠 遭 登歌 |甘 守將 思 太白 肅 班 大樂。 河 捕之。 遣 犯亢。 南諸 使來賀登極 土 庚子,常澧州 癸巳,太陰犯昴。 郡酒禁。 番 利 族、阿俄等五種寇成谷,遺鞏昌 。甲辰,雲南木邦路土官紿邦子忙兀等入貢, 乙酉,太陰犯壘壁陣。 洞 蠻貞公合諸洞爲寇,日命土官追捕之。 瀋陽 水旱害稼、弛其 丙戌, 熒惑犯斗。 總帥以兵討之。 山場河泊之禁。 壬辰,敕議 賜幣有差。 循 戊戌,太陰 州 癸卯, 溪 玉 蠻 一華宮 遣 秦 親 馬 犯 干

扎

蠻

等

使

占城、

占臘

龍

牙門、索馴象。

以

| 廪藏

不充,停諸王所部歲給

之, 后 酉 井 羣 爲 拜 臣 住督造 作 寇, 陽 臣 鄧 籍 鹿 土 乙 恭 集 冬十 命守 其 官 頂 丑: 儉 議 來貢 · 月 丁 壽安山寺。 殿 冉 其 幸大護 臣招捕之。 世 禮 于 壬子, 作佛 昌 上都。 方 0 未, 遺 物。庚申,敕譯佛 此追遠報本之道,毋 國仁王寺。 時 其子冉朝率大、小石隄 享 己巳,罷 癸酉,流諸王 戊午, 太廟。庚戌,太陰 事于 帝 車駕 文德殿 玉華宮祀 師 一阿剌 請 書。 至 以 四十 自上都。 以朕勞於對越 醮八 辛 睿宗登 鐵木兒於雲南 洞 犯熒惑于斗。 酉,賜勞探馬赤宿衞者,遣還所部。 日。 蠻 兒監藏爲 歌樂。 申嚴 入貢。 詔 太常院臣曰:「朕將以四時躬祀太室,宜 兩 而 丙寅, 敕翰林院譯詔,關白中書。 土蕃宣慰(司) [使] 淮 有所損。 鹽禁。 將作院使也速坐董製珠衣怠工,杖 定恭 1 其悉遵典禮。」安南 謝太廟 已,酉陽聳儂洞蠻田 儀式。 都元 帥、四從之。 癸亥,太陰犯 1 庚午,命 卯, 國 爲皇 謀 遣 遠 其 與

本 紀第二十七 英宗一 六〇七

|祐七年十一月丙子,被服衮冕,恭謝于太廟。 旣大禮之告成,宜普天之均慶。 屬茲踰歲,用

十二月乙已朔,詔曰:「朕祗遹貽謀,獲承丕緒,念付託之惟重,顧繼述之敢忘。爰以延

院使闊 得失,今上封事者,或直進御前。乞令臣等開視,乃入奏聞。」帝曰:「言事者直至朕前可也, 輦眞哈剌思赴京師,敕所過郡縣肅迎。乙丑,榮星于回回司天監四十晝夜。 恪,以應天心,毋使吾民重困。」太陰掩昴。 遣使修醮于龍虎山。乙卯,率百官奉玉册、玉寶,加上太皇太后尊號曰儀天興聖慈仁昭懿 降。庚戌,鑄銅爲佛像,置玉德殿。壬子,賜壽寧公主鈔七萬五千貫。癸丑,以天壽節,預 監察御史、廉訪司歲舉可任守令者二人。七品以上官,有偉畫長策可以濟世安民者,實封 包銀五分。 易紀元,于以導天地之至和,于以法春秋之謹始,可以明年爲至治元年。減天下租賦二分, 曰:「良由朕治道未洽,卿等又不盡心乃職,委任失人,致陰陽失和,災害荐至。 自今各務勤 行義,[11]帝曰:「修身治國,無踰此書。」賜鈔五萬貫。河南饑,帝問其故,羣臣莫能對,帝 壽元全德泰寧福慶徽文崇祐太皇太后。翰林學士忽都魯都兒〔迷失〕譯進宋儒眞德秀大學 泊之禁,聽民采取。命官家屬流落邊遠者,有司資給遣之,其子女典鬻於人者,聽還其家。 上之。士有隱居行義,明治體,不求聞達者,有司具狀以聞。」丁未,播州蜑蠻的羊籠等來 丁巳,韶諭 徹伯知樞密院事。 中外。 **兔大都、上都、興和三路差稅三年。優復煮鹽、煉鐵等戶二年。** 戊午,太陰犯井。 庚申, 修祕密佛事于延春閣。丁卯、鐵木迭兒、拜住言:「比者詔內外言 丙辰,以太皇太后加號禮成,御大明殿受朝賀 太陰犯鬼。 辛酉,作延春閣後殿。 開燕南、山東河 丙寅,以典瑞 壬戌,召西僧

院事闆徹伯終獻。詔羣臣曰:「一歲惟四祀,使人代之,不能致如在之誠,實所未安。 風畫晦,桑多損。大同雨雹,大者如鷄卵。 等縣,自三軍河溢,壞民田廬。秦州成紀縣暴雨,山崩,朽壤墳起,覆沒畜產。汴梁延津縣大 所籍京兆田磑還其家。 遣使閱奉元路軍需庫。辛未,拜住進鹵簿圖,帝以唐制用萬二千三百人耗財,乃定大駕爲 行省右丞。以中書參知政事只兒哈郎爲右丞,江南浙西道廉訪使薛處敬爲中書參知政事。 親祀,以終朕身。」廷臣或言祀事畢宜赦天下,帝諭之曰:「恩可常施,赦不可屢下。 使殺人 甲申,召高麗王王(章)[璋]赴上都。四一万戌,帝服衮冕,享太廟,以左丞相拜住亞獻,知樞密 三千二百人,法駕二千五百人。上思州搖結交趾寇忠州。癸酉,帝聞賀伯顏母老,憫之,以 以太皇太后 是歲、決獄輕重七千六百三十事。河決汴梁原武、浸灌諸縣,滹沱決文安、大(成)[城] 至治元年春正月丁丑,修佛事于文德殿。壬午,增置漷州都漕運司同知、運判各一員。 加號禮成,告太廟。己已,敕罷明年二月八日迎佛。中書右丞木八剌罷爲江西 江浙行省平章政事伯顏察兒、江西行省平章政事白撒都並坐貪墨 諸衞屯田隕霜害稼。益津縣雨黑霜。 歲必

如細民輒訴訟者則禁之。」給武宗皇后鈔七十五萬貫。以大學衍義印本預賜

羣 臣。

戊辰,

本 第 二十七 英 宗 六〇九

甲辰、辰星犯外屏。 水、金、火、土四星聚奎。 糧賑之。蘄州蘄水縣饑,賑糧三月。奉元路饑,禁酒。乙未,太陰掩房。己亥,降延福監爲 獲免,則死者何辜。」遂命中書陳便宜事,行之。丁亥,帝欲以元夕張燈宮中,參議中書省事 延福提舉司,廣福監爲廣福提舉司,秩從五品。 張養浩上書諫止,帝遽命罷之,曰:「有臣若此,朕復何憂。 自今朕凡有過,豈獨臺臣當諫, 人皆得言。」賜養浩帛二匹。諸王忽都答兒來朝。癸巳,諸王斡羅思部饑,發淨州、平地倉 以壽安山造佛寺,置庫掌財帛,秩從七品。

秩正三品、割常州、宜興民四萬戶隸之。丁卯,以僧法洪爲釋源宗主,授榮祿大夫、司徒。 賜金五百兩、銀二千五百兩、鈔五十萬貫、幣帛萬匹。丁巳,畋于柳林,敕更造行宮。監察 寺。辛亥、調軍三千五百人修<u>上都華嚴寺。壬子,夜、金、火、土三星聚于奎。大永福寺成</u>, 禁越臺、省訴事。 罷先朝傳旨濫選者。 戊辰,賜公主扎牙八剌從者鈔七十五萬貫。 奉大夫。賑木憐道三十一驛貧戶。辛酉,太白犯熒惑。癸亥,太陰犯心。甲子,置承徽寺, 御史觀音保、鎖咬兒哈的迷失、成珪、李謙亨諫造壽安山佛寺,殺觀音保、鎖咬兒哈的迷失, 杖珪、謙亨、竄于奴兒干地。已未、樞密院臣請授副使吳元珪榮祿大夫,以階高不允,授正 戊申、祭社稷。改中都威衞爲忠翊侍衞親軍都指揮使司。己酉、作仁宗神御殿于普慶 二月,汴梁、歸德饑,發粟十萬石賑糶。 河南、安豐饑,以鈔二萬五千貫、粟五萬石賑 佩金符,領忠翊侍衞親軍都指揮使。癸卯,益都、般陽饑,以粟賑之。 己亥,宦者孛羅鐵木兒坐罪,流奴兒干地。庚子,賑寧國路饑。辛丑,以鐵失爲御史大夫, 波若經成,置大內香殿。益壽安山造寺役軍。己丑,大同路麒麟生。甲午,置雲南王府。 經。癸未,製御服珠袈裟。甲申,敕纂修仁宗實錄,后妃、功臣傳。乙酉,寶集寺金書西番 十四人,賜及第、出身有差。辛巳,車駕幸上都。遣使賜西番撒思加 於京師。 二千二百兩、袈裟二萬,幣、帛、旛、茶各有差。壬午,遣呪師朶兒只往牙濟、班卜二國取佛 二萬五千貫。召諸王太平于汴。 三月甲戌〔朔〕,營王也先帖木兒部畜牧死損,賜鈔五十萬貫。丙子,建帝師八思巴寺 丁丑,御大明殿受緬國使者朝貢。太陰掩昴。 發民丁疏小直沽白河。 庚辰,廷試進士泰普化、宋本等六 賜公主買的鈔五萬貫,駙馬滅憐鈔 地僧金二百五十兩、銀

遠縣。 言刑人難與大祭,遂罷之。 廣德路旱,發米九千石滅直賑糶。戊午,太陰犯心。己未,造象駕金脊殿。吉陽黎蠻寇寧 戌,享太廟。江州、贛州、臨江霖雨、袁州、建昌旱、民皆告饑、發米四萬八千石賑之。丁巳, 夏四月丙午,給喃答失王府銀印,秩正三品;寬徹、忽塔迷失王府銅印,秩從三品。 庚申,太陰犯斗。 戊辰,敕賜鐵木迭兒父祖碑。命宦者孛羅台爲太常署令,太常官

五月丙子,毁上都 回回寺,以其地營帝師殿。賑益都、膠州饑。 丁丑,霸州蝗。 戊寅,

紀第

二 十

七

英

宗

遺 世 濟 早, 発其 太白 王 南 · 家 使 晑 子 祀 道 帖 犯 弟 海 士 穆 鬼 田 李天 積 成 神 爾 租 童 于 尸 天 妃。 祥 氣 者 海 丁亥, 南 坐 入國 教 作 太陰 學。 行 修佛 禁 人 、兵藝, 犯 殿 日 計載。 :者册 于 辛 事 縉山 于大安閣。 丑, 杖之。 交通 太常 流 庚辰,太陰犯明堂。 杯池。 諸王、 女直 禮 儀 庚寅, 量赤 院進太廟制 駙 高 馬, 郵 興等十 賑 府旱。 諸 掌 陰 王哈賓鐵木兒部。 九驛 陽 濮州大饑, 圖。 癸巳, 五 饑、賑之。 科 壬寅,開元 者 寶定路飛蟲食桑。口巴乙未, 毋 命有 泄 占 路霖 辛 司 沂 卯, 海 候。 · 賑之。 州 雨 民 以 漕 張 興 壬午, 昱 糧 國路 坐 至 一妖言, 直 遷 去 歲 親 命

霖 河 上 南 虎 Ţ 溢 都 五. 巳 Щ 雨 参 省 留 六月 張 傷 被 守 嗣 稼, 邊 災 知 、癸卯朔 郡 只 成 者 蠲 政 兒 官 來 事 二萬三千三百戶 其 哈郎 選。 朝 敬 租 授太玄輔 嚴 日 1 爲 罷 辛酉, 有 卯 中 爲 食之。 書平章 禁星于 陝西行 太白 化體仁應 作 經 政 司 金浮 御史臺 天。 事 天 0 屠于 臺。 道大眞人。 趙弘 臨 中 江 大同 上都,藏 丞。 路旱,免其租。 祚等言事,勒 戊午, 路 雨雹。 乙丑,遣 佛 舍利。 涇州 戊辰、衞輝、汴梁等處蝗。 歸 使往銓 雨 通 鄕 乙卯,以鐵 雹。 濟屯霖雨傷稼。 里, 江浙、 己未, 仍禁妄言時 木迭兒領宣政院 江西、湖廣、 太陰 犯 政。 霸州 虚 梁。 大水,渾 四 己巳,以 壬 戌 滁 事 龍 州

水。 癸 秋 酉 七 月 衞 主 輝路胙城縣蝗。 申[朔],賜晉王 也 乙亥、賑南恩、新州饑。 孫 鐵木兒鈔百 「萬貫。 遼陽、 丙子,淮安路屬縣水。丁丑,享太廟。 開元等路及順州、 邢臺等縣大

本紀第二十七 英宗一

寇, 縣 別薨,賻 東昌、永平等路,高唐、曹、濮等州 妖 爲 作 戊 大水。 亂 術 寅, 和 削 國公。 謀亂,復命章台捕之。 萬 遣 通 戶 鈔萬五千貫。 州路縣楡棣水決。庚辰,鹵簿成。 樞 庚子,修上都 何之祺等官一級。 密院判官章台督兵捕 乙酉, 大雨, 城。 丙申, 禁服色踰 渾河 薊州 詔 防決。 河南、江浙流民復業。 遣吏部尚書教化、 平谷、漁陽等縣大水。 之。 水。 庚寅, 壬午,通許、 順德、大同等路 制。 滹沱河及范陽縣巨馬河溢。辛巳,盩厔縣僧圓 清池縣蝗。 己亥,奉仁宗及帝御容於大聖壽萬安寺。 禮 臨淮、盱眙等縣蝗。 部郎中文矩使安南,頒登 淮 雨雹。 大都、 西蒙城等縣饑。 癸巳, 保定、 乞兒吉思部 太陰犯昴。 眞定、大名、濟寧、東平 癸未,封太尉 郃陽 水 黄 極認。 不府蠻 道 士劉志先以 「盧砰 孛蘭 諸王闊 蒲 陰 爲 明

乏, 馬爲重、民以稼穡爲本。 戌,淮安路鹽城、山 害者罪之。 己酉,太陰犯斗。 水, 戶給牝馬二匹。 発 其 租。 八 月壬寅〔朔〕,修都城。 賑北部 丙午,秦興、江都等縣蝗。 庚戌,以軍士貧乏,遣知樞密院事鐵木兒不花整治, 陽縣水,免其租 孤寡糧、 壬子, 熒惑犯 **朕遲留,蓋欲馬得獨牧,民得刈穫,一** 鈔。 安陸府水,壞民廬舍。 賜 軒轅。 0 公主速哥八刺鈔五 車駕駐蹕 乙卯, 丁未,太陰犯心。 興和,左右以寒 中書平章 癸卯, 十萬貫。 政事 戊申、祭社 賑膠州饑。 舉兩得,何計 鐵木兒脫罷為 甚,請還京師 兀兒速、 仍詔 稷。 甲辰,高郵 憨哈納 諭 上 帝 乎寒。」雷州路 上 中外, 都鹿頂殿成。 都 :「兵以牛 留守。 思等部 有敢 興化縣 擾

海康、遂溪二縣海水溢,壞民田四千餘頃,免其租。秦州成紀縣山崩

惑犯太微西垣上將。 丁酉,熒惑犯太微垣右執法。車駕還大都。庚子,安陸府漢水溢,壞民田,賑之。 九 (月乙亥,熒惑犯靈臺。 賜諸王撒兒蠻鈔五萬貫。壬辰,中書平章政事塔失海牙坐受賕 京師饑,發粟十萬石減價糶之。丙子,駐蹕昂兀嶺。 壬午,熒

府、秩正三品。己未、肇慶路水、賑之。丙寅、河南行省參知政事你咱馬丁坐殘忍免官。 賢官年七十者毋致仕。 熒惑犯太微垣左執法。 卯,增置侍儀司通事舍人六員,侍儀舍人四員。己巳,遣燕鐵木兒巡邊。 禁中書掾曹,毋泄機事。 冬十月辛丑朔,修佛事於大內。妖僧圓明等伏誅。 庚戌、親享太廟。壬子、拜住獻嘉禾、兩莖同穗。癸丑,敕翰林、集 以內郡水,罷不急工役。敕蒙古子女鬻爲回回、漢人奴者,官收養 命樞密遣官整視各郡兵馬。戊午,置趙王馬札罕部錢 甲(午)[辰],口思太白經 天。 糧總管 戊申,

尊號詔天下,拜住請釋囚,不允。庚辰,益壽安山寺役卒三千人。辛巳,命御史大夫鐵失領 寅,御大明殿,羣臣上尊號曰繼天體道敬文仁武大昭孝皇帝。是夜,辰星犯房。 左、右阿速衞。丙戌,太陰犯井。丁亥,以敎官待選者借注廣海巡檢。 叉犯軒轅。 十一月辛未,熒惑犯進賢。(己)[乙]亥、[18]幸大護國仁王寺。丙子,太陰犯虛梁。戊 庚寅、拜住等言:「受尊號、宜謝太廟、行一獻禮。 世祖亦嘗議行,武宗則躬行謝 己丑,太陰犯酒旗, 己卯,以受

釀酒。 北口及盧溝橋。 提 禮。」詔曰:「朕當親謝。」命太史卜日,樞密選兵肄鹵簿。辛卯,太陰犯明堂。 金千三百五十兩、銀四千五十兩、幣帛萬匹、鈔五十萬貫。 田賦,以給衞士貧乏者,秩從五品。 僧灌頂寺。己未,封唆南藏卜爲白蘭王,賜金印。眞定、保定、大名、順德等路水,民饑,禁 熒惑犯亢。 鐵木迭兒持節授玉册、玉寶。癸卯,以立后詔天下。慶遠路饑,真定路疫,並賑之。甲辰, 丞相安童碑于保定新城。戊戌、鞏昌成州饑、發義倉賑之。己亥、太白犯西咸。 (舉司徵酒稅擾民,命有司兼權之。甲午,以遼陽行省管內山場隸中政院。 十二月庚子〔朔〕,給蒙古子女冬衣。辛丑,立亦啓烈氏爲皇后,遣攝太尉、中書右丞相 以金虎符頒各行省平章政事。 戊申、躬謝太廟。庚戌、太陰犯昴。作太廟正殿。甲寅、疏玉泉河。車駕幸西 河間路饑,賑之。復以馬家奴爲司徒。 命帝師公哥羅古羅思監藏班藏卜詣西番受具足戒,賜 辛酉,熒惑入氐。甲子,置田糧提舉司,掌薊、景二州 乙丑,置中瑞司。 以諸王怯伯使者數入朝,發兵守 冶銅五十萬斤作 癸巳,以營田 丙申,敕立故

校勘記

壽安山寺佛像。

寧海州蝗。

歸德、遼陽、通州等處水。

(一) 壬(午)(子) 本 紀 輧 <u>--</u>-+ 上 按是月辛亥朔,無壬午日。 校 勘 記 此「壬午」在丁巳初七日前,爲壬子初二日之誤, 今改。類

編已校。

- 辛(丑)[酉] 按是月辛亥朔、無辛丑日。本書卷四八天文志作「辛酉」十一日、據改。 類編已校。
- <u>=</u> 白雲宗〔總〕攝沈明仁 據本書卷二六仁宗紀延祐四年六月癸亥條補。 道光本已校。
- 大同雲內豐勝諸郡縣饑 按本書卷五八地理志,大同路領有雲內、豐、東勝諸州,隋唐時有勝

州、遼叉置東勝州、金、元沿之。此處疑「勝」上脫「東」字。

- Ħ. 欽察[台] 據下文至治二年十二月庚辰條、至治三年七月辛卯條補。
- [六](己)[乙]巳 按是月戊寅朔、無己巳日。此「己巳」在癸卯二十六日後,爲乙巳二十八日之誤,今改。
- フセン 也(先)[兒]吉尼 據上文延祐七年三月丙申條改。 按也兒吉尼一名本書多見。蒙史已校。

新元史已校。

- **一人 八 八** 脱思馬部 官志有「脱思馬田地」。疑「部」當作「路」。 按脫思馬在今青海,非部族、部落名。 本書卷六〇地理志有「脫思麻路」,卷九一百
- 常澧州洞蠻貞公 按元文類卷四一經世大典序錄招捕,貞公慈利州人,州屬澧州路。 此處「常」

字疑衍

土蕃宣慰(司) 〔使〕 都元帥 帥」。本書卷一七世祖紀至元二十九年二月庚寅、卷二三武宗紀至大二年九月己亥條均作「宜 按本書卷八七百官志、土蕃宣慰司都元帥府、其長爲「宣慰使都元

慰使都元帥」,據改。

忽都魯都兒〔迷失〕 據上文仁宗紀延祐四年四月乙丑條補。 忽都魯都兒迷失之名,本書屢見。

[三] 大(成) [城] 據本書卷五八地理志改。

續通鑑已校。

[1] 召高麗王王(章)[璋]赴上都 見卷二二校勘記[八]。又按高麗史卷三四忠宣王世家、卷三五忠

肅王世家,王璋此時已流放土番,元廷所召者爲王燾。蒙史改「章」爲「濤」,是。

寶定路 按元代無「寶定路」、疑爲「保定路」之誤。

(三) 甲(午)(辰) 本書卷四八天文志作「甲辰,太白經天」,據改。 按是月辛丑朔,無甲午日。

本已校。

(1)(1)(2)(2)(2)(3) 按是月庚午朔,己亥爲三十日。此「己亥」在辛未初二日、丙子初七日間,爲乙亥初六日

之誤,今改。 類編已校。

元史卷二十八

本紀第二十八

英宗二

癸未,流徽政院使羅源于躭羅。建行殿于柳林。封塔察兒爲蘭國公。辛卯,太陰犯心。 賜鈔五十萬貫。辛巳,太白犯建星。敕「臺憲用人,勿拘資格。」儀封縣河溢傷稼,賑之。 陽、汝寧等處饑,發米三十九萬五千石賑之。庚辰,太白犯建星。公主阿剌忒納八剌下嫁, 駕耆老幣帛。戊寅,敕有司存卹孔氏子孫貧乏者。己卯,山東、保定、河南、汴梁、歸德、襄 已,以西僧羅藏爲司徒。 廣太廟。甲戌,禁漢人執兵器出獵及習武藝。丁丑,太陰犯昴。 二年春正月己巳朔,安南、占城各遣使來貢方物。 壬申, [1] 保定雄州饑, 赈之。 庚午, 漷州饑,糶米十萬石賑之。甲午,熒惑犯房。 親祀太廟,始陳鹵簿,賜導 丁酉,太白犯牛。

二月己亥朔,熒惑犯建閉星。庚子,置左、右欽察衞親軍都指揮使司,命拜住總之。 罷

本紀第二十八

英

宗二

甲寅, 疫、賑之。 章 人。 行 犯 罰 王 死 上 法伯· 省平 酒 星。 政 都 事 戊午, 旗 事 歇 以太廟 遣 章), 江 Щ 賜 及 戊 中,祭 殿 軒 使進海東青鶻。 政 鈔三萬 浙 賑 事 轅。 及 役軍造流盃 行 眞定等路饑。 帝 買驢為 《社稷。 省參 壬子 五千貫。 師 寺役。 政王 中書平章政 `, 順德路九縣 太 居仁為 池 癸亥、遼陽等路饑,発其租,仍賑糧一月。甲子,恩州水,民饑、 白 辛 諸王怯伯遣使進文豹。 行殿 己未, 犯 丑,賜鐵失父祖碑。 壨 中 一壁陣。 事。 ·書參 太陰犯天江。 廣 水旱、賑之。 海郡邑官曠 西僧亦思剌蠻展普疾、詔爲釋大辟囚一人、答罪二十 知 賜 政 諸王案忒 事, 太陰 薛處敬罷 癸卯,以江南行臺御史大夫欽察爲中書平 括馬賜宗仁衞。壬戌,太白犯壘壁陣。 員, 河 ,敕願往任者,陞秩二等。 不花鈔七萬五千貫。以徹兀台禿忽魯 間 犯井。庚戌、熒惑犯東咸。 路饑,禁釀酒。癸丑, 爲 河南行省左丞。 丙午, 太陰 乙卯,以遼陽 辛亥,太陰 犯明堂。 熒惑犯

宮及 孛 糧 珪 朮 司 一 月。 徒。 諸 魯 三月己巳,中書省臣言:「國學廢弛,請令中書平章政事廉恂、參議中書事張養浩、都事 翀 王 董之。 罷京師諸營繕役卒四萬餘 臨 部 安 勿 路 用 外 南 河 郡 西 人。 學校,仍命御 諸 縣 斡羅思告託 饑,賑 之。 史臺、翰林院 人。 父母,斬之。 癸酉,河南 河間、河南、陜西十二郡春旱秋霖,民饑,殆其租之 兩淮 國 辛未,禁捕天鵝,違者籍其家。 子監同議興舉。」從之。 諸郡饑,禁釀酒。 丙子,延安路饑, 敕四 宿衞 壬申,復 興 賑

父謀叛,臣母私從人。」帝曰:「人子事親,有隱無犯。 兒鈔五萬貫。甲午,遼陽哈里賓民饑,賑之。丁酉,幸柳林。 御史何守謙坐贓杖免。 曹州 華黎祠於東平,仍樹碑。以國用匱竭,停諸王賞賚及皇后答里麻失[里]等歲賜。[三] 庚寅, 宿衞士鈔有差。 內外官吏一資。萬戶哈剌那海以私粟賬軍,賜銀、幣,仍酬其直。 未、脈遼陽女直、漢軍等戶饑。乙酉、賑濮州水災。 奉元路饑。 鳳翔道士王道明妖言伏誅。己丑,有暈貫日如連環。 、滑州饑,賑之。 戊寅,修都城。 復置市舶提舉司於泉州、慶元、廣東三路、禁子女、金銀、絲綿下番。 。命將作院更製冕旒。 庚辰, 敕:「江浙僧寺田, 除宋故有永業及世祖所賜者, 餘悉稅之。」 癸 壬辰, 賑上都十一驛。給宗仁衞蒙古子女衣糧。 。辛卯,遣御史錄囚。 丙戌,以親祀禮成,賜與祭者幣。 今有過不諫, 乃復告訐。」命誅之。 賜諸王斡羅溫孫銀印。 駙馬許訥之子速怯訴曰:「臣 置甘州八剌哈孫驛。 給行通政院印。賜潛邸四 賜諸王脫烈鐵木 命有司建木 丁亥, 普減 監察

恩州饑,禁釀酒。 賜鈔五萬貫。 壬寅,眞州火,徽州饑,並賑之。辛亥,涇州雨雹,免被災者租。 夏四月戊戌朔,車駕幸上都。 甲寅,南陽府西穰等屯風、雹,洪澤、芍陂屯田 乙丑,中書省臣請節賞賚以紓民力,帝曰:「朕思所出倍於所入,出納 己亥,嶺北蒙古軍饑,給糧遣還所部。 一去年旱、蝗,並觅其租。 壬子,公主失憐答里 庚子,賑彰德路 丙

紀第二十八

英宗

_

之際, 卵輩 宜 愼 之, 股 當 撙節其用。」 丙寅 ``賜邊卒鈔、帛。 賑 東昌、覇州 饑民。 松江府上 海縣

之半 趸 珠 南 州 安 德 水 虎 縣 行 州 去 府 仍 戊子 符 饑 臺 饑 年 饑 五. 水旱, 月己 調 御 禁釀 各 史 置 京 以 禁民 大 營 已 衞 只 師 趸 酒。 饑 兒 夫 漢 於 集 其 以 哈 永 軍 庚午, 衆 租 發 二千, 公主 郎 置 平,收養蒙古子 祈 棸 宗仁 爲 神 辛 泰符 速 御 未, 特 一十萬 充宗 一蒙古侍 史大 哥 進 庚 八刺 駙 三三 寅 仁 石 夫。 馬 卿 衞 賑 脱脫 臨 爲 衞 河 女, (糴) 屯 邑二 南 趙國 2 親 田 酉 軍 悪, 遣 陝西 卒 糶 都 縣 大長 使 以 賜 指 諭 民 0 拜住 祭星 鈔 公主。 揮 謀 河 四 五 逆, 間 使 方 雲南 領宗仁蒙古侍 于 萬 、保定、彰 置 司。 五. 貫。 其 首 免德安府被災民 行省平章答失鐵 者罪之。 臺 甲 Щ 丙 E 申,車 德等 子, 驢 甲午, 見伏 癸未 駕 衞 熒 路饑,發 惑退 親 幸 誅, 賑 軍 五. 租。 木兒、 以 鞏昌 都指 餘 臺 犯 御 粟 Щ 杖流 東咸。 史大 修滹沱 階州 賑 揮 朶兒 之,仍 之。 使 賑 夫脫脫 饑。 夏津 庚辰 司 只 河堤。 事 雕 発常. 坐 許 丙 賑 永 贓 佩 爲 賦 杖 固 彰

列 其 捏 面 閨 衞 坐 月 罪 士 戊 戌 並 癸 杖 封 卯 流海 諸葛忠 禁白 南 武 蓮 甲辰 佛 侯 事 爲 威 御史臺臣 烈 雕 陽 忠 武 縣 亳社 顯 請黜監察御 靈仁濟王。 屯 大 水,饑,賑 史不稱職者以示懲勸、從之。 辛 ·丑,萬 之。 戶李英以良民 諸 王 阿馬、承童 爲 坐 奴, 擅 丙午, 徒脱 擅 文

以

吳

全

節

爲

玄

敎

大

宗

師

上

其河 租。 嶺北戍卒貧乏,賜鈔三千二百五十萬貫、帛五十萬匹。 金、鈔。 泊之禁。 壬戌,安豐屬縣霖雨傷稼,免其租。 以鐵木迭兒子同 壬子,作紫檀殿。 丙寅,辰州沅陵縣洞蠻為寇, 遺兵捕之。 知 樞密院事班丹 乙卯,以淮安路去歲大水,遼陽路隕霜殺禾,南 知樞密院事。 與元褒城縣饑,賑之。 己酉, 敕:「已除不赴任者,奪其官。」封公 戊申,奉元路郿縣及成州饑, 也不干八禿兒戍邊有功, 甲子,眞定、山東諸路饑,弛 康路旱,並発其 賜以 並賑

辰州 心。 戊辰,揚州屬縣旱, 殆其租。 江 癸酉,申禁日者妄談天象。 六月丁卯朔,車駕至五臺山,禁扈從宿衞,毋踐民禾。 水溢,壞民 湿含。 丁亥,奉元屬縣水,淮安屬縣旱,並発其租。 己巳,廣元路綿谷、昭化二縣饑,官市米賑之。 甲戌、新平、上蔡二縣水、兔其租。 置中慶、大理二路推官各一員。 丙子,修渾河堤。 庚寅,思州風、雹,建 壬申, 熒惑犯 壬午,

主速哥八刺乳母爲順國夫人。

德路水、皆賑之。

犯井宿(越)[鉞]星。[至] 軍 壬子, 遣 源州。云 秋七月戊戌,淮安路水,民饑,免其租。 親王闍闍 中書左 禿總兵北邊, 丞張思明坐罪杖免,籍其家。 車駕次應州, 賜金二百五十兩、銀二千五百兩、鈔五十萬貫。 曲赦金城縣 己亥、熒惑犯天江。丁未、賜拜住平江田萬畝。 囚 徒。 甲子,錄京師諸役 庚 申, 陞靖州 為路。 軍匠病者千人,各賜 辛酉,次(澤) 戊午,太陰

鈔遣 還。 南 康路 大水,廬州六安縣大雨,水暴至,平地深數尺,民饑,命有司 賑

壁,以 甲戌,次奉聖州 時 庚寅 月 觀之,可 戊 辰,祭社 鐵木迭兒卒,命給直市其 知民 稷。 事 築宗 也。 己已,道州寧遠縣民符翼軫作亂,有司討擒之。 仁衞營。 己卯、廬州路六安、舒城縣水、賑之。 給廬州流民復業者行糧。 葬地。甲午,瑞州高安縣饑,命有司賑之。 戊寅,詔畫蠶麥圖 庚辰,增壽安山 壬申、蔚州民獻嘉 寺役卒七 於鹿 頂 殿

安河 子女 寺,賜 申, 給壽安 鈔 西 九 監役 縣 百 月 春 五 戊戌,大寧路 官 Щ 夏不 十萬 鈔, 造寺役軍匠死者鈔,人百五十貫。 雨,種不入 貫。 人五千貫。 己未、太陰犯 、水達達等驛水傷稼,賑之。給蒙古子女貧乏者鈔七百五十萬貫。 土, 甲寅、賑淮東泰興等縣饑。 居民 明堂。 、流散, 庚申,敕停今年冬祀南郊。 命有司賑給,令復業。 庚戌,申禁江南典雇 丙辰,太皇太后崩。戊午,賜蒙古 作層樓於涿州鹿頂殿西。 妻妾。 癸亥,地震。 辛亥,幸壽安 甲子,臨 戊 Щ

丙 寅, 至 西僧 班 吉疾,賜鈔 五萬 貫

告未得旨 丑,熒惑犯壘壁陣。 役 未 冬十 畢,妨陳宮懸,止用登歌。 · 月丁 輒 去職,杖謫 卯,太史院請禁明 以拜住爲中書右丞相。 雲南。 庚辰 年興作土功,從之。戊辰,享太廟,以國哀迎香去樂,修廟 丙子,押濟 至辛巳, 太陰 南恩州賊潭庚生等降。 思國遣使來貢 犯井。 甲申,建太祖神御殿于興教寺。 (方物。 江南行臺大夫脫脫,坐請

其金,范德郁坐詭隨,並杖免。平江路水,損官民田四萬九千六百三十頃,免其租 陰犯天江。辛酉,熒惑犯歲星。眞人蔡(通)[道]泰殺人,[台]伏誅,刑部尚書不答失里坐受 脫脫禾孫入流官選,給印與俸。置八番軍民安撫司,改長官所二十有八爲州縣。庚申,太 卯,遣西僧高主瓦迎帝師。宣德府宣德縣地屢震,賑被災者糧、鈔。己未,太陰犯東咸。定 等官金帶。 飭,以謹天戒。 罷世祖以後 冗置官。 括江南僧有妻者 爲民。 安南國遣使來貢方物, 回賜金 明年差稅十之三,各處官佃田明年租十之二,江淮創科包銀全稅之。御史李端言:「近者京 以付史舘。 四百五十兩、金幣九,帛如之。癸卯,地震。甲辰,太白犯壘壁陣。 師地震,日月薄蝕,皆臣下失職所致。」帝自責曰:「是朕思慮不及致然。」,因敕羣臣亦當修 犯壘壁陣。丙午,造龍船三艘。戊申,太陰掩井。 戶貧乏鬻賣妻子者,官贖還之。 十二月甲子朔,南康建昌州大水,山崩,死者四十七人,民饑,命賑之。(己)〔乙〕丑,〔己 十一月甲午朔,日有食之。 世祖以來所定制度,宜著爲令,使吏不得爲奸,治獄者有所遵守。」並從之。乙 御史李端言:「朝廷雖設起居注,所錄皆臣下聞奏事目。上之言動,宜悉書之, 凡差役造作,先科商賈末技富實之家,以優農力。 免陝西 己亥,以立右丞相詔天下。流民復業者,免差稅三年。 岷州旱、疫, 賑之。 罷徽政院。 乙巳,熒惑 賜戍北邊萬戶、千戶 站

太白、歲星、熒惑三星聚于室,太白犯壘壁陣。 本 紀 第 二 十 八 英 宗二 丁卯,中書平章政事買驢罷爲大司農,廉恂

把者 萬蠻安撫司副使龍仁貴作亂,湖廣行省督兵捕之。以知樞密院事欽察台爲宣政院使,參知 罷 道元各三授制命、銀印、敕奪其二。壬申、免回回人戶屯戍河西者銀稅。 皆朕所有,如有不足,朕當濟之。若加重賦,百姓必致困窮,國亦何益。」命遵世祖舊制。徽 營繕仍舊,餘如所議。弛河南、陜西等處酒禁。禁近侍奏取沒入錢物。乙酉,杭州火,賑 請釋囚,帝曰:「釋囚祈福,豈爲師惜。 下路,增置一縣。併雲南西沙縣入寧州。 以地震日食,命中書省、樞密院、御史臺、翰林、集賢院,集議國家利害之事以聞。敕兩都 政事速速爲中書左丞、宗仁侍衞親軍都指揮使馬剌爲參知政事。 仍籍其家 總管岑世興作亂, 世祖 爲集賢大學士,以集賢大學士張珪爲中書平章政事。 丙戌,定諡太皇太后曰昭獻元聖,遣太常禮儀院使杂台以諡議告于太廟。 爲寇、自己遣兵捕之。以御史大夫只兒哈郎知樞密院事。 時晃吉刺歲輸尚食羊二千,成宗時增爲三千,今請增五千。」帝不許,曰:「天下之民, 太陰犯建星。 乙亥,太陰掩井。 遣兵討之。鐵木迭兒子宣政院使八思吉思,坐受劉夔冒獻田 辛卯,給蒙古流民糧、鈔,遣還本部。 張珪足疾免朝賀。 丙寅、[10]增鎭南王脫不花戍兵。 朕思惡人屢赦, 反害善良, 何福之有。」宣徽院臣言: 賜淮安忠武王伯顏祠祭田二十頃。 戊辰,以掌道教張嗣成、吳全節 封閣閣禿爲武寧王、授金印。 戊寅,太白犯歲星。庚辰, 癸未,紹興路柔遠州洞蠻 甲戌,兩江來安路 西僧灌頂疾, 己丑,熒惑犯 陞寧昌府為 地伏誅,

陵 州 屬縣 廬 州 及 濟南 豐贍署大惠屯 「真定、 河間 風, 大名 河南 及雲南烏蒙等處屯田旱, 歸德、 汝寧 鞏昌諸處及 河南芍陂屯 汴梁 順德、 田 河間 水, 、保定、慶元、 大同 衞 輝

寧

て、濮

州

益都諸屬縣及諸衛

屯田

蝗。

掌刑 犯 之士。」遂以居信 趙居信、直學士吳澄,皆有德老儒,請 大學士,翰林侍講學士韓從益昭文館 山、黃蘆、三叉諸金銀冶, 政,軍官有罪, 宗 督 縣 井 御容 1兵捕 人邢著 名。 三年春正月癸巳朔,暹 甲辰, 之。 殿祭祀 置仁宗 程進出粟以賑饑民,命有司 庚子, 鎭 馬湩。 重者以聞, 西 爲翰 中宮位提舉 刑部尚書烏馬兒坐贓杖免。 武 寧 林學 和林 主 部 聽民採 士承 輕者就 阿蘭禿等驛戶貧乏, 饑、三賑之。 國及八番洞蠻日 司 旨 二,秩 錬,以十分之三輪官。 決。 澄 大學 爲 徵 正 罷 旌 五 學 用 其門。 上都、雲州 믺 士,並商議中 士。 之。」帝喜曰:「卿言適副股心,更當搜訪 遣諸王忽剌出往鎭雲南, 隸 增置 給 壬寅,命太僕寺增給牝馬 乙未,享太廟。 承徽寺。 各遣使來貢。 鈔賑之。 上都留守司 、興和、宣德、蔚州 ·書省事。 授前樞密院副使吳元珪、王約集 太陰犯鉞星,又犯 以行中書省平章政事 己亥, 判官二員, 曹州 拜住言:「前集賢侍講 賜 思 禹 奉聖州及鷄鳴山 鈔萬 明州 城縣 百 以漢 井。 匹, 五千貫。 盜 去秋霖 起,湖廣行 供 人爲 癸卯,太陰 復兼總 Щ 世 雨害稼, 之, [林隱 辛亥 祖 學 房 仁 專 逸 士 軍

本

紀

第

_

+

八

英

宗

申命 伯啓、也可扎魯忽赤不顏、集賢學士欽察、翰林直學士曹元用,聽讀仁宗時纂集累朝格例。 平民者。 教習 弟逃去,詔出之。 辰,泉州民留應總作亂,命江浙行省遣兵捕之。 丁巳,定封贈官等秩。 足萬戶,命罷收之。乙卯,征東末吉地兀者戶,以貂鼠、水獺、海狗皮來獻,詔存 砲 鐵 失 增置兵部尚書一員。 振 舉 静江、邕、柳諸郡僚爲寇, 臺 綱。 仍著爲令:逃者百日不出,則釋待對者。 壬子,建諸王驛於京 四川行省平章政事趙世延,爲其弟訟不法事,繫獄 命湖廣行省督兵捕之。 師。 遣 回回砲 手萬戶赴 命樞密副 甲寅,以宗仁衞蒙古子 汝寧、新蔡,遵世 使完顏 辛酉,禁故殺子孫 納丹、侍御史曹 卹三歲。 待 祖 2對,其 女額 丙 誣

嫡長 事有 野狐 聚于 位三載,於兆姓萬物,豈無乖戾之事 戊辰,祭社稷。 敕:「常調官外不次銓用者,但陞以職,勿陞 桑乾道。 胃。 闕 一子孫幼者,令諸兄弟姪攝之,所受制敕書權襲,以息爭訟。 二月癸亥朔,作上都華嚴寺、八思巴帝師寺及拜住第,役軍六千二百人。定軍官襲 敷? 對 丙寅,翰林國史院進仁宗實錄。 曰:「地 癸酉, 天壽節,賓丹、爪哇等國遣使來貢。己巳,修(廣)[通]惠河牐十有 震自古有之,陛下自責固宜,良由 **畋于柳林**, 顧謂 卿等宜與百官議,有便民利物者,朕即行之。」置與遠 拜住曰:「近者地道失寧,風 其階。 遣教化等往西番撫初附之民,徵畜牧,治郵傳 臣等失職,不能變理。」帝曰:「殷在 是夜,熒惑、太白、塡星三星 雨不時,豈股纂承 九 (所。[三治 大 寶行

宣徽院選蒙古子男四百入宿衞。罷徽政院總管府三:都總管府隸有司,怯憐口及人匠總管 總管府。諸王怯伯遣使貢蒲萄酒。海漕糧至直沽,遣使祀海神天妃。 子賓客伯都廉貧,賜鈔十萬貫。諸王月思別遣使來朝。罷稱海宣慰司及萬戶府,改立屯田 府隸陝西行中書省。降開成路爲州。丙戌,雨土。京師饑,發粟二萬石賑糶。造五輅旗。 五 丁亥、敕金書藏經二部、命拜住等總之。戊(午)〔子〕、〇四封鷹師不花爲趙國公。辛卯、以太 曰大元通制,頒行天下。是夜,太陰犯東咸。癸未,賑北邊軍鈔二十五萬錠、糧二萬石。命 五百三十九條,內斷例七百一十七、條格千一百五十一、詔赦九十四、令類五百七十七,名 輅。 也不干王傅官屬。罷播州黃平府長官所一,徙其民隸黃平。是夜,太白犯昴。辛巳,造 司徒劉夔、同僉宣政院事囊加台,坐妄獻地土、冒取官錢,伏誅。格例成定,凡二千

遺攝太尉、中書右丞相拜住奉玉册、玉寶上尊諡曰昭獻元聖皇后。辛亥,以圓明、王道明之 亂,禁僧、道度牒、符錄。 丙辰,敕:「醫、卜、匠官,居喪不得去職,七十不聽致仕,子孫無蔭 未,西番參卜郎諸族叛,敕鎭西武靖王搠思班等發兵討之。戊申,稍太皇太后于順宗廟室, 子,崇明(諸)州饑,發米萬八千三百石賑之。甲辰,台州路黃巖州饑,[18]賑糧兩月。丁 1 酉,平江路嘉定州饑,發粟六萬石賑之。戊戌,安豐芍陂屯田女直戶饑,賑糧一月。庚 三月壬辰朔,車駕幸上都。賜諸王喃答失(言)鈔二百五十萬貫,[1三復給諸王脫歡歲賜。

本紀

第二十八

英宗二

灰

部

軍

驛

戶

幾,賑

能 紹 其 業 者, 量材錄用。」監察御史拜住、敎化,坐舉八思吉思失當, 並 一點免。 諸 王火魯

牧, 作 禽十 監 水 學。 卯 賑 戊 陸 之, 萬, 夏 旌 鈔 子 佛 敕 四 令有 內 收其 ,南 事 都 月 黄縣節 百 功德使 壬: 豊州民 司 萬 歲 晝夜。 一戌朔, 償 貫。 入以 其直。 婦 閣 及鞏昌蒙古軍饑,賑 王氏。 助役費,官不得與。 敕 1 敕京師 兒魯至京師。 天下諸司命僧誦經十萬部。 亥, 己卯、詔行 己巳, 萬安、 故羅 羅 慶壽、 浚金水河。 斯宣 助役 釋囚 聖安、 慰使 之。 法,遣 大辟三十一 北 邊 述古妻 普慶 甲戌,命張 軍 使考視 饑 四 人, 丙寅, 寺, 賑 稅 之。 籍高下, 揚 杖 珪 察罕腦兒蒙古軍驛戶饑, 五 領 子江 及 蒙古 司事, 右 十七以 金 司 出 大千戶 員外. Щ 田 澅 寺、 上者· 若 郎 其子娑住 部, 干 五. 六十 王 畝, 臺 比 土 萬 熙 歲 使 九 聖 邦 風 應 人。 勉 祐 來 雪 役 勵 賑 國 獻 斃 之 放 或 之。 方 人 竉

辛丑 禁釀酒。 置 濫 慶 Щ 元 縣 五. 以 路 月 雲南寧遠州。 鐵 峄 辛 戊 失 申,監察御史蓋繼元、 卯[朔],設大 Щ 獨 縣,门沿增 署御 史大 戊 尉 理 戊,太白 夫 一員。 路白 事。 鹽城 壬寅, 徙安 經 宋翼言:「鐵木迭 天。 権 寨縣於 雲南行省平章 稅官,秩正七品;中慶路權 庚子,大風, 龍 安驛。 見奸險貪污,請毀所立碑。」從 雨雹,拔 政事 癸卯, 忽辛 柳 太陰 坐 林 行宮 贓 稅官,秩從 犯 杖 房。 発。 |內外 乙 大 詔 已, 七品。 木二 中 嶺 外 千七百。 開 北 置 仍追奪 米 言 一安慶 貴, 路。

荆湖宣 路武 按灰 邊,有卒累功,請賞以官,帝曰:「名爵豈賞 馬二、羊十五。 同 世 路 爵 皇始 邑縣 鐵 及封贈制書。 鴈門屯田旱損麥。 侍 木 一慰使脫列受賂,事覺,召至京師,御史臺臣請遣就鞫,不允。 建宫室,于今安焉。 臣 見、也先鐵木兒鈔, 雨水害稼。 曰:「祖宗創業艱難,服用節儉乃如 禁驛戶,無質賣官地。丙辰,東安州水,壞民田千五百六十頃。戊午,眞定 帝御大安閣,見太祖、世祖遺衣皆以縑素木綿爲之,重加補綴, 奉元行宮正殿災。 諸衞屯田及永淸縣水。 人萬五千貫。 **朕嗣登大寶,而值此** 上都利用監庫火,帝令衞士撲滅之。因語羣臣曰: 人之物。」命賜鈔三千貫。 以鈔千萬貫,市羊馬給嶺北戍卒,人驟馬二、牝 此,朕焉敢頃刻忘之一」太白 保定路歸信縣蝗。 |燬,此朕不能圖治之故也。」 | 欽察衞兵戍 乙卯,賜勳舊子撒兒蠻、 大名路魏縣霖雨。 犯畢。 嗟歎良 癸丑, 大

室。 儀 使 禮 郡 醜 驢往 贈 夫 六月、寇圍寧都、州民孫正臣出糧餉軍、旌其門。 其家。 從之。 燕赤吉台太赤爲襄安王。 人,其夫阿來追封定襄王,諡忠愍。 [督師。CICD戊辰,毁鐵木迭兒父祖碑,追收元受制書,告諭 癸未, 留守司 以雨 塡 星犯畢。 請修都城,有旨:「今歲不宜大興土功,其略完之。」癸酉,置太廟夾 乙酉、易、安、滄、莫、覇、祁諸州及諸衞屯田水,壞田六千餘 諸王別思鐵木兒統兵北部,別 壬申,將作院使哈撒兒不花坐問上營利,杖流東 丁卯,西番參卜郎諸寇未平,遣徽政 頒歲賜。 中外。 贈乳母忽禿台定 太常請纂修累朝

本

紀

第

_

十八八

英

宗

於 頃 、勞役 諸 王 斯 怯 幸 伯 · 矣。 數 、寇邊,至是遣使來降,帝曰:「朕非欲彼土地人民,但吾民不罹邊患,軍 今旣 來降,當 厚 ·其賜 以安之。」 士発

兒還自 州 籍 臺 辰, 行 王 太 宮駕 忽 諸 鐵 請 廟 占城 木 路 都 成 降 秋 雲南 車 屬 旨 迭 鐵 七月辛卯 或 六百 見家 班丹 縣 木 開言路, 王 兒 蝗 遭 入宿 爲 坐 資。 。〔三〕冀寧、興和、大同三 五 其弟 十匹。 朔 贓 威遠王,授金 衞 帝曰:「言路 諸王 杖 宣政 保佑 発。 賜 徹 丙辰,永 鈔二萬五 使欽察台 八 徹 賜 刺遮 刺禿 禿 即。 何嘗 入 寧王卜〇 奉表來貢 屯田 朝請印,帝 千貫。 減 不開, 自 海道 傳旨署事 [貧民 路 屬縣 顏 但 歲 乙 (方物。 一鈔四十六萬 巨, 卿 鐵 運 以 隕 等選 木兒 其 糧 , 霜。 招諭左右兩 政 中 眞 十萬石 績 爲 書以體制非宜,請通行禁止,從 人未當 定 東路蒙古 未 不 路驛戶饑,賑糧 八 著, 法 千貫市 爾。」漷 ?[10]命宗正 不允, 江 併発 黄勝許、 萬戶府饑,賑 牛具 江淮 州 賜 雨, 鈔二 。口む甲辰, 增科 二千 府及近侍雜治 水害 + 糧。 興。 糧 四 屯 五 兩 白 萬 田 甲 月。 石 諸 稼。 貫。 寅, 酉 王帖 之。 力封 癸卯 其傅 買馬 御 眞 史 壬

滿 農 鎖 南 及諸王按梯不花、 失禿兒、 鐵 月 失 、癸亥, 前平章 弟宣徽 車駕 使 政 鎖 南還, 事 |幸羅、 赤斤鐵木兒、 南 、典瑞院使 駐 月魯(示花)[鐵木兒]、[三曲呂不花、 蹕 南坡。 脫 前 火赤、 雲南 是夕, 行省平章 樞 御 密院 史大 副 夫鐵失、 政 使 事 阿散、 完者、 知 兀魯思不花等謀逆, 僉書 樞密院事 鐵木 樞 迭兒子 密院事 也 先帖 前 章台、 治書侍 木兒、 以 衞 鐵 大司 士 御 禿 史

所領阿速衞兵爲外應,鐵失、赤斤鐵木兒殺丞相拜住,遂弑帝於行幄。年二十一,從葬諸帝

泰定元年二月,上尊諡曰睿聖文孝皇帝,廟號英宗。四月,上國語廟號曰格堅。

代。」曰::「毋多遜,此朕之過也。」嘗戒羣臣曰:「卿等居高位,食厚祿,當勉力圖報。 裔,當體朕至懷,毋忝爾祖。」拜住頓首對曰:「創業惟艱,守成不易,陛下睿思及此,億兆之 嗣承大業,錦衣玉食,何求不得。惟我祖宗櫛風沐雨,戡定萬方,曾有此樂邪?卿元勳之 所得私。八思吉思雖事朕日久,今其有罪,當論如法。」嘗御鹿頂殿,謂拜住曰:「朕以幼冲, 乏,朕不惜賜汝,若爲不法,則必刑無赦。」八思吉思下獄,謂左右曰:「法者,祖宗所制,非朕 不暇,汝爲大臣,不能匡輔,反爲諂耶。」斥出之。拜住進曰:「地震乃臣等失職,宜求賢以 刑戮,奸黨畏誅,遂搆大變云。 之下,遺逸良多,卿等不能盡心求訪,惟以親戚故舊更相引用耶?其明斷如此。 福也。」又謂大臣曰:「中書選人署事未旬日,御史臺卽改除之。 英宗性剛明, 嘗以地震減膳、徹樂、避正殿, 有近臣稱觴以賀, 問: 「何爲賀。 朕方修德 臺除者,中書亦然。 然以果於 芍或貧 今山林

校勘記

壬申 按是月己巳朔,壬申爲初四日,應在庚午初二日後、甲戌初六日前。

皇后答 不 ·備 里麻失(里) 且. 不 ·加先朝二字,疑爲英宗后矣。」按梵語「答里麻失里」, 蒙史云:「答里麻失里,仁宗次后,見后妃舊表。 意爲「法吉祥」, 舊紀稱皇后答里麻失, 此脱「里」字,

= 今補 泰 符 按元無「泰符」縣、泰安州屬縣有奉符、續通鑑改「泰」爲「奉」、疑是。

껃띡 賑 (羅)[糶]

從道光本改

玛 太陰犯 井宿(越)〔鉞〕星 從北監本改。

/ (澤)[渾]源州 據本書卷五 一八地理 志改。 本證已校。

, <u>.</u> . 丙 寅 按是月乙未朔, 無 丙寅 日。 此「丙寅」在甲子三十日後,疑爲十月之丙寅初二日,應在十月

丁 卯 初三日前

蔡(遁)[道]泰 據本書卷一三六拜住傳、卷一七五張珪傳改。 蒙史已校。

八九山 (己)(乙)丑 據本書卷四八天文志改。 類編已校。

丙寅 按是月甲子朔,丙寅爲初三日。 此「丙寅」在乙亥十二日、戊寅十五日間,疑爲 丙子十三日之

誤,或 應移置 1 卯初四日前

紹興路柔遠州 按本 ·書卷六〇地理志, 柔遠州屬四川懷德府,與浙江紹興路 無涉。 此處書紹

興路」,史文有誤。

鎭西武寧王 按本書卷一九成宗紀大德元年三月丁丑、卷二九泰定帝紀泰定二年六月、卷三三

<u>"文宗紀天曆二年二月丁酉、戊戌條有「鎭西武靖王」,與卷一〇七宗室世系表、卷一〇八諸王表</u>

符。此處「寧」當作「靖」。道光本已校。

[1三] (廣)[通]惠河 據本書卷六四河渠志改。蒙史已校。

[18] 戊(午)[子] 按是月癸亥朔、無戊午日。此「戊午」在丁亥二十五日、辛卯二十九日間、爲戊子二十六日

之誤,今改。類編已校。

二吾 賜諸王喃答失(言)鈔二百五十萬貫 按上文至治元年四月丙午、本書卷三〇泰定帝紀致和元年

六月、卷四三順帝紀至正十四年十一月癸未諸條皆作「喃答失」,據删

崇明(諸)州饑至台州路黃巖州饑 按本書卷五〇五行志作「崇明、黃巖二州饑」、此處「諸」字行,

置慶元路嶧山縣 省慶遠路則有宜山縣。疑此處「慶元」爲「慶遠」、「噿山」爲「宜山」之誤。 按本書卷六二地理志,江浙行省慶元路無「噿山縣」,卷六三地理志,湖廣行

遣徽政使醜驢往督師 蕃之境而隸治之,吐蕃有事,則分院往鎭,如大征伐則會樞府議。今參卜郎之叛,事屬宣政,故 不得復有徽政院。 且徽政院所掌者,皇太后位下錢糧選法工役之事;宣政院則掌釋教僧徒及吐 蒙史改「徽政」爲「宣政」,並注云:「按徽政院罷于至治二年十一月,此時

本

紀第二十八

校

勘

記

知醜驢是宣政院使,非徽政院使也。」

賜剌禿屯 田 I 貧 民 鈔 按本書卷二九泰定帝紀泰定元年六月庚午條有 「置海刺禿屯田總管府」

二年閏 正月丁卯條有「置惠遠倉、永需庫於海 刺禿總管府」。 蒙古語「海剌 秃」,意爲「有 楡 此

處疑「刺禿」上脫「海」字。

ト〔顔〕鐵木兒 據本書卷一〇八諸王表補。 蒙古語「卜顏鐵木兒」,意爲「福鐵」。

 \subseteq 眞定州諸路屬 縣 蝗 此處文義錯亂,疑當作「真定路諸州屬縣蝗」。

月魯(不花)[鐵木兒] 不花 三年十二月, 于海島, 並 流諸王 坐與鐵失等逆謀,可證此誤。」按本證是,此處「月魯鐵木兒」涉下「曲呂不花 月魯鐵木兒于雲南,按梯不花于海南, 本證云:「繼培案,張珪、 鐵失傳, 月魯不花作月魯鐵木兒。泰定帝紀至治 曲呂不花于奴兒干, 字羅 及 兀 魯思 致

誤,今改。

元史卷二十九

本紀第二十九

泰定帝一

達國土。至元十三年十月二十九日,帝生于晉邸。大德六年,晉王薨,帝襲封,是爲嗣晉 罕爲北安王,鎭北邊。 王,仍鎭北邊。成宗、武宗、仁宗之立,咸與翊戴之謀,有盟書焉。 泰定皇帝,諱也孫鐵木兒,顯宗甘麻剌之長子,裕宗之嫡孫也。初,世祖以第四子那木 北安王薨,顯宗以長孫封晉王代之,統領太祖四大斡耳朶及軍馬、達

日,晉王獵於禿刺之地,鐵失密遣斡羅思來告曰:「我與哈散、也先鐵木兒、失禿兒謀已定 邸,爲倒刺沙言::「主上將不容於晉王,汝盍思之。」於是倒刺沙與探忒深相要結。八月二 之,哈散歸,言御史大夫鐵失與拜住意相忤,欲傾害之。至治三年三月,宣徽使探忒來王 王府內史倒刺沙得幸於帝,常值伺朝廷事機,以其子哈散事丞相拜住,且入宿衞。久

木

紀第二十

九

泰定

帝

事 得 .谓 成,推 也。」於是王命囚 立王爲皇帝。」又命斡羅思以其事告倒剌沙,且言:「汝與馬速忽知之,勿令旭邁傑 | 斡羅思,遣別烈迷失等赴上都,以逆謀告。 未至,癸亥,英宗南還,駐

禪南坡。是夕,鐵失等矯殺拜住,英宗遂遇弑于幄殿。

諸 Ŧ 按梯 不花及 也先鐵木兒 奉皇帝璽綬, 北迎帝于鎭所。〔九月〕癸巳,〔〕即皇帝位

於龍居河,大赦天下。 詔曰:

在後, 愼,但 也者。 心,不 成 扶立了 吉思皇帝四个大斡耳杂, 薛禪 凡軍馬人民的不揀甚麼勾當裏,遵守正道行來的上頭,數年之間,百姓得安業。 完澤篤 圖 兩个哥哥曲 皇帝 位 一次,依本分與國家出氣力行來,諸王哥哥兄弟每,衆百姓每, 皇帝教我繼承位次, 口 憐見嫡孫、 律 皇帝、普顏篤皇帝,姪 裕宗皇帝長子、我仁慈甘麻剌爺爺根底,封授晉王,統領 及軍馬、 大斡耳朵裏委付了來。 達達國土都付來。三依著薛禪皇帝聖旨,小心謹 碩德八剌皇帝。 已委付了的大營盤看守著, 我累朝皇帝根底,不謀異 也都理會的

的 體 人 商 例 今 . 量著: (有;其餘爭立的哥哥兄弟也無有;這般)晏駕其間,比及整治以來,人心難測,宜 我 的 ·姪皇帝生天了也麽道,迤南諸王大臣、軍上的諸王駙馬臣僚、達達百姓每, 大位次不宜久虚,惟 我是薛禪皇帝嫡派,裕宗皇帝長孫,大位次裏合坐地

是日 失、失禿兒、赤斤鐵木兒、脫火赤、章台等於大都,並戮其子孫,籍入家產。己巳,太白犯亢。 禿[忽]魯、[E] 通政院使紐澤並爲御史大夫,速速爲御史中丞。遣旭邁傑、紐澤誅逆賊鐵 以撒 午,以內史倒刺沙爲中書平章政事,乃馬台爲中書右丞,鐵失知樞密院事,馬思忽同知樞密 事 辰,召亦都護高昌王鐵木兒補化。 「密院、御史臺、宣政院、宣徽院得自奏聞,餘悉由中書。」辛丑,以馬某沙知樞密院事,失禿 也 部 爲 《御史中丞,內史善僧爲中書左丞。 丁酉,以完澤知樞密院事,禿滿同僉樞密院事。 I,以知 先鐵木兒、完者、鐵南、禿滿等於行在所。以旭邁傑爲中書右丞相,陝西行中書左丞相 風 的迷失知樞密院事,章台同知樞密院事。 · , 孛羅爲宣徽院使, 旭邁傑爲宣政院使。 乙未, 大理護子羅蠻爲寇。 大司農。召諸王官屬流徙遠地及還元籍者二十四人還京師。是歲,至一大寧蒙古大千 冬十月癸亥,修佛事於大明殿。甲子,遣使至大都,以卽位告天地、宗廟、社稷。 成 安 (雪斃畜牧, 賑米十五萬石。南康、漳州二路水, 淮安、揚州屬縣饑, 賑之。 〈撫百 吉思皇帝的大斡耳朵裏,大位次裏坐了也。 [樞密院事淇陽王也先鐵木兒爲中書右丞相,諸王月魯鐵木兒襲封安西王。甲 (姓)使天下人心得寧,早就這裏卽位提說上頭,從著衆人的心,九月初四日,於 壬申,以內史按答出爲太師、知樞密院事。 己亥,敕諭百司:「凡銓授官,遵世祖舊制,惟 交衆百姓每心安的上頭, 赦書行有。 以樞密副使阿散 戊戌, 誅逆

賊

本

第

二 十

九

泰 定 帝

兒

樞

月

院

爲

政事 犯 招 尢 伯 諭 之。 百司 都 刺 揚州 遵守世祖成憲。癸未,以旭邁傑兼阿速衛達魯花赤。 爲 中書平章政事。 江都縣火,雲南王、西平王二部衞士饑,皆賑之。 八番順元及靜江、大理、威楚諸路徭兵為寇,敕湖廣、雲南 丙戌,以江浙行省平章

詔:-副元 守庸,坐黨鐵失免官。壬子,敕營繕不急者罷之。癸丑,遣使詣曲阜,以太牢祀孔子。 申, 星 福 於 院 次于祖婚。 縣饑,芍陂屯田旱,並賑之。 凡 司 丁未,御大明殿,受諸王、百官朝賀。庚戌, 帥 奉 烏 天 北安王那木罕像于高良河寺。祭遁甲五福 有 月己 、監。 罪 馬兒率兵捕之。雲南開南州大阿哀、阿三木、台龍買六千餘人寇哀卜白鹽井 自首者,原其罪。」袁州路宜春縣、鎭江路丹徒縣饑,賑糶米四萬九千石。 丙辰,御史中丞速速,坐貪淫免官。 丑朔,熒惑犯亢。車駕次于中都,修佛事於昆剛殿。 乙未,太白犯東咸。辛丑,車駕至大都。 詔百司朝夕視事毋怠。 神。 丁巳,廣州路新會縣民氾長弟作亂,廣東 甲寅,諸王怯別遣使來朝。 壬寅,熒惑犯氐。 庚寅, 辛亥,御史中丞董 太白 諸王怯別遣使來 犯鈎鈴。 乙卯,禁 敕會 丙

発官。 迷失,黥竄字謙亨、成珪,罷免王毅、高昉、張志廟,天下咸知其冤,請昭雪之。」詔存者召還 御史言:「曩者鐵木迭兒專政,誣殺楊朶兒只、蕭拜住、賀伯顏、觀音保、 月己未,御史臺經歷朶兒只班、御史撒兒塔罕、兀都蠻、郭也先忽都,並坐黨鐵失 鎖咬兒哈的

伯

王

快

間

股

瀧

里印。 不花于海南,曲 言:「世祖 后金主。 百餘錠、銀三萬三千錠,錢及幣帛稱是。遣使祀海神天妃。盜入太廟,竊仁宗及莊懿慈聖皇 宣懿淑 何敢簡 親藩 ~, 賜 等歲 元元 水縣 徹 用,死者贈官有差。 癸未 徹 潛 猺 賜 之心。 一禿,月修佛事,以却寇兵。 了,誅戮大臣,使先帝孤立,卒罹大禍。 |聖皇后。己巳,辰星犯(壁壘)[壘壁]陣。[吾]庚午,以卽位,大賚后妃、諸王、百官,金七 戊辰、請皇考、皇妣諡于南郊、皇考晉王曰光聖仁孝皇帝、廟號顯宗、皇妣晉王妃 邸衞 廣 其禮。」命仍四祭。 以來,太廟歲惟一享,先帝始復古制,一歲四祭,請裁擇之。」帝曰:「祭祀,盛事也, 劉寅等降。甲戌,命道士吳全節修醮事。 辛未,熒惑犯房。 金、銀、幣、帛有差。 西右江 士鈔,人六十錠。 月魯、禿禿哈、速敦皆鐵失之黨,不宜寬宥。」遂並伏誅。丙子,命嶺北守邊諸 呂不花于奴兒干,孛羅及兀魯思不花于海島,並坐與鐵失等逆謀。乙酉,雲 來安路總管岑世興遣其弟世元入貢。流諸王月魯鐵木兒於雲南,按梯 授諸王薛徹下以其父故金印。庚申,以宦者剛答里爲中政院使。 壬申,作仁宗主,仍督有司捕盜。祭星于司天監。癸酉,德慶路 監察御史脫脫、趙成慶等言:「鐵木迭兒在先朝,包藏禍心,離 辛巳,熒惑犯東咸。壬午,諸王月思別遺怯烈來朝,賜以金、 浚鎭江路漕河及練湖,役丁萬三千五百人。給諸王八刺失 己卯,命僧作佛事於大內以厭雷。 其子鎖南,親與逆謀,久逭天憲,乞正其罪,以 乙亥,征東夷民奉獸皮來附。太常院臣 增諸王薛徹干、駙馬哈

戌

錄

思、播、 木兒 陽 錠 脚 年 與 日 加 府 加 而 授光 絲 封賞, 帛。 、鈔七千錠, 車里 儀 知 爲寇, 鈔三分。 下 股 同三司。 之變,諸王買 禁獻 于孟 兩廣 荷 禄 更 上契聖夷,嘗蒙獎諭 以示激勸。」遂以泰寧縣五千戶封買奴爲泰寧王。 新 大夫, 天 詔 爲寇, 洞 (鴻禧,嗣大歷服, Щ 招 除虚 稽諸 以前 場湖泊 寨差稅一年, 倒刺沙爲中書左丞相,知樞密院事馬某沙、御史大夫紐澤、宣政院使鎖禿並 諭 仍賜金、銀、鈔有差。 之。 、奴逃赴潛邸,願效死力,且言不除元兇, 詔招 太師 增 典 之利。 田稅。 禮, 平江 流 論 之。 拜忽商議軍國重事。 踰年改元,可以明年爲泰定元年。」免大都、興和差稅三年,八番 |嘉定州饑,遼陽答陽失蠻、[K] 闊闊部風、雹,並賑之。 江淮創科包銀三年,四川、雲南、甘肅秋糧三分,河南、陝西、遼 **発**幹 側躬圖治,夙夜祗畏,惟祖訓是遵,乃開歲甲子,景運伊始, 定吏員 諭 今臣等議,宗戚之中,能自拔逆黨,盡忠朝廷者,惟有買奴,請 百司惜名器, 脫逋錢。 出身者秩止 塑馬哈吃刺佛像於延春閣之徽清亭。 賑恤 丁亥, 各遵世祖定制。 四品。 雲南、廣海、八番等處戍軍。 議賞 以追尊皇考、皇妣、韶天下。 討逆功, 則陛下美名不著, 知樞密院事、大司 丙戌, 賜 旭邁傑金十錠、銀三十 旭邁傑言:「近也先鐵 徒闊徹伯授開 求直言。 天下後世 1 韶改元,韶 澧州 雲南花 賜高 一何從 思

是 一歲,夏,諸衞屯田及大都、河間、保定、濟南、濟寧五路屬縣,霖雨傷稼。 秋,沂州定襄 孙

饑

賑糶

米二萬

石。

萬石 制器 都指 幣帛 請立 道住 錠。 楊、黃五 西 王遠徙者悉還其部。 知 行省平章 政 可。 事,近侍忽都帖木兒假禮部尚書, 甲寅、賜諸王太平、忽剌台、別失帖木兒等金印。 及大元通制,刊本賜 二百 皇太子。 ,賑京師貧民。 揮使,徹里哈 泰定 種 敕封 匹,阿忽鐵木兒等金銀各有差。 元年春正月乙未,以乃馬台爲平章政事,善僧爲右丞。 人,以其戶二萬七千來附,請歲輸布 一政事 解州 賜諸王徹徹禿金 也兒吉你赴闕。 為 鹽池 左右衛 丙辰,賜故監察御 召親王圖 神日 百官。 阿速親軍都指揮使。 靈富公。 帖睦爾 丁未,以稱海屯田萬戶府達魯花赤帖陳假嶺北行 錠、銀六十錠、 己亥,以誅逆臣也先鐵木兒等詔天下。 :史觀音保、鎖咬兒哈的 廣德、信州 于瓊州, 使西域諸王不賽因部。 壬寅,以故丞相拜住子答兒麻失里爲宗仁衞親軍 二千五百匹,置長官司 阿木哥于大同。 幣帛各百匹,塔思不花金一錠、銀四十錠、 命僧諷西番經於光天殿。 岳州、 敕高麗王還國,仍歸 惠州 迷失妻、子鈔各千錠。 、南恩州民饑,發粟賑之。 戊申, 定怯薛台歲 敕諸王哈刺還本部。 八番生蠻韋光正等及 以撫之。 辛丑, 其 甲辰,敕譯列聖 前。 給 諸王、大臣 鈔, 己酉,命諸 糶 中書省參 賜 米二十 人八十 司 徒

曰星吉思吃剌,曰闊兒魯

二月丁

已朔,

作顯宗影堂。

己未,修西番佛事於壽安山寺,

本

紀

第

+

九

泰

定

帝

丳 昌王亦都護帖木兒補化遣使進蒲萄酒。丁丑,監察御史宋本、趙成慶、李嘉賓言:「盜竊 行義、貞觀政要等書進講, 珪、翰林學士承旨忽都魯都兒迷失、學士吳澄、集賢直學士鄧文原,以帝範、資治通鑑、大學 戌,江浙行省左丞趙簡,請開經筵及擇師傅,令太子及諸王大臣子孫受學,遂命平章政事 復命中書於常選擇人用之。壬申,請上大行皇帝諡于南郊曰睿聖文孝皇帝,廟號英宗。 游京城。 出 李嘉賓言:「遼王脫脫, 廣 木兒,罷之。 廟神主,由太常守衞不謹,請罪之。」不報。 ۴, 柯。 王日福祐。 日 請廢之,別立近族以襲其位。」不報。 水 庚午、選守令、推官。 朶兒麻, 癸未,宣諭也里可溫各如敎具戒。 紹興、慶元、延安、岳州、 日 乘國 颯 間卜里喃家,經僧四十人,三年乃罷。 復敕右丞相 有 隙, 舊制, 誅屠骨 臺憲歲舉守令、推官二人,有罪 也先鐵木兒領之。 潮州五路及鎭遠府、河州、集州饑,發栗 肉, 戊寅,御史李嘉賓劾逆黨左阿速衛指揮 甲子,作佛事,命僧百八人及倡優百 其惡已彰, 加封 廣德路 諸王 恐懷疑貳。 祠山神張眞君
怯別、字羅 庚 申, 連坐,至是言其不 如 監察 令歸 各遺使來貢。 日 普濟, 御 藩, 史傅巖起、 賑 戲,導帝師 譬之縱虎 之。 寧國 使脱 帖 甲

爲 丑: 中書參知政事。 驢答刺罕,並爲太子詹事 三月丁亥朔, 罷徽 罷大同路黃華嶺及崇慶屯田。 政院,立詹事院,以太傅朵台、宣徽使禿滿迭 ; 中 書參知政事王居仁爲太子副詹 賜壽寧公主金十錠、銀五十錠、鈔二萬 事。 以同 兒、桓國 知宣 公拾 政 (院事 得驢、 楊 太尉 廷

邑, 還京 腦兒 兒間 平章 大夫。 諸王 大明 徭 尉、 賜敎官有差。 錠。 寇 仍置王 司 一政事 永淳 不賽 殿 師。 1 乙未,以江西行省平章政事 罷宣慰 徒、司空, 鈔, 嗣 以 册 縣 封晉王。 因遣使朝貢。 庚戌,月直 乃馬台 四 傅。 遣 八八罕氏為皇后, [+] 皇子阿(速)[刺]吉八為皇太子。[5] 己酉, 以皇子八的麻 jij 還所 司,立王傅府。 行 中 戊戌、廷試進士、賜八刺、張益等八 -書省] 三公之職,濫假僧人,及 攝 中 部, 祭南 泰寧王 書省平章政 延民眞 臣請禁横奏賞賚及踰越奏事 敕擅徙者 郊, 臨洮狄道縣,冀寧石州、離石、寧鄉縣旱,饑,賑 買奴卒,以 只海、阿答罕來獻 知樞密院事闆徹伯攝祭太廟, 以 知 事 斬, 也見吉你知樞 囊 樞密院 藏匿者杖之。 加 其 台 事 子亦憐眞朶兒赤嗣。 「兼宣 會福、殊祥二院,並辱 ,也 (先) 大珠。 一政院使, 密院 [兒]吉你爲雲南行 十四四 者,從之。 賜 監察御 諸 事。 往征 王 人及第、出 徹徹禿水 置定王薛徹干總管府。 以册皇后、 史宋本、李嘉賓、傅巖起言:「太 西番寇參卜郎。 庚子,欽察罷爲陝西行臺 名爵 遣湘寧王八 身有差, ,請罷之。」不報。 福 縣戶 省 皇太子告。 米 右丞 兩 刺 萬三千六百爲 會試下 月。 失 癸卯 相。五石 里 給蒙古流 出 - 第者, 廣西橫州 丙午, 鎭 命 癸丑, 察罕 流 中 御 亦 亦 御 書 史 食

千人 鈔四 夏 四四 萬 月 七千 戊午,廉恂罷爲集賢 錠。 太尉 不花、平章政事即烈、坐矯制以寡婦古哈强配撒梯 大學 士,食其祿 終身。 賜乳母李氏鈔千錠。 了被鞫 賜征參卜 詔 以世 郎

本

紀

第

二

+

九

泰

定

帝

史院 蠻 師 咱, 伯 兵民 昌 祖 以 爾 元 等還 嶺 部 作 殿 舊 至 主 聖皇后 築 使。 北 自 及 佛 臣 西域 潭州 甲子 , 渾 北 行 事 和 原 邊 厭 林 河 罷 中 御容 戶 其 蒙古 堤。 書省 雷 衞 籍。 車駕 及王 罪 封 + 殿 庚辰, 八 四 戶 丙 左 幸 禪 辛 於 己 幾,賑 刺 寅 白 丞 上都 普慶寺 未, 未 皆賜 一潑皮 失 人還宗 以 賜 • 月食旣。 里 以 糧 風 昌 爲 繼 車 ·(10) 珠字 烈 以諸 鈔 王 中 仁 帳 母 八 衞。 有 買 書 駝 月食、地 王 辛 詔賜帝師所居撒思加部。 刺 癸 的 左 差。 一寬徹 馬。 酉, 失里 酉 丞,江南 爲 賜 一,以 皇妹昌 北 命昌王 江 癸亥, 震, 不花、失 牛 陵 庭 太子 馬彙 路 的 手 行 屬 撒 八刺 國 以 詔 詹事 臺中 駝。 刺 大長 國 兒 縣 戒 工魯 饑。 言 失 飭 禿滿 丞杂杂為 平 稅 公主, 里往 Ŀ 百官。 僧、道 章 英宗 雲南 軍 迭 政 羊馬。 鎭 兒 庚 給 事 阿難 廟 中慶、昆明 辛巳, 邸 申 爲 中 銀 兀 號 舍積貨。 中 書參 印。 伯 答昔所 諸王 詔 日 書 都 太 整 格 平章 知 不 刺 堅 飭 廟新殿成。 以 屯 賽因遣 政 忽咱某丁 丁卯, 居 御 政 右丞 田 事 地 史 事。 水 0 一善僧 臺。 遺 親 使 馬 修 甲 爲哈 諸 佛 來 刺 王 木憐撒 ·戌,命 等 作 王 貢 罷 圖 事 居守 昭 讚 捏 爲 帖 於 獻 兒 唲 忽 古 發 太 壽 睦

刨 使 卽 帖 位 里 以 矯 木 五. 亦 制 兒 月 亂 不 T 無一 花 亥 法 皆蒙 詹 監 人能執成 察 事 寬 禿滿 御 宥,甚 史董 答 法爲朕言者。 兒, 鵬南 爲 失刑 黨 劉 附 逆徒 潛 ,乞定其罪 邊笥 知 身 而 、慕完、 不言則不忠,且陷人於罪。 虧 ", 以銷 臣節 沙 天變。」不允。己丑,帝 太常守廟 班 以 災 異 不 上言 謹, 遼王擅殺宗親,不花 平章乃蠻台、宣徽院 繼 諭 自今,凡有所知, 倒 刺 沙 曰:「朕

六月

Ž

卯朔,遣諸

王

閣閣

出鎮畏兀、賜金、銀、鈔千計。

州高蘭

神場寒

卯 置 路,給鈔 萬六千八十錠。 薨 未 主 舍。 等處饑 屯 都 仕 発 兩 漳地 眞 江 雪 海 照 田 天 膊 一黄 宣德 、彰德 下 刺 明 定晉州 王 寃 鈔 门皆發 勝 羅 秃 和買雜役三年 身故 怯別 四萬錠。 枉 屯 許 府 九 未 錠。 汴 等 田 鞏 粟 深州 理 等遣其宗 不 梁等路 寇 總管府。 得 政 昌路及八番 賑 諸 威楚。 販蒙古 與乞遣: 之。 丙 歸葬,妻子 王 令 ,奉元諸路 寅, 寛徹 ·, 蜑 朩 雨傷稼,順 大同 親鐵木 辛未, 饑 信 庚申,張 遣使 其子 戶 民、遺 賞 差稅 金石番等處雨雹。 渾 亦 流落者,有 招 弟朝 源 及甘 兒 里 罰 修 諭參 吉赤 還 娃自大都至,以守臣集議事言:「逆黨未討,奸惡未除, 德、大名、 泂 不 不 黑牙 貢 肅 年。 花 所 公 ,真定滹沱 卜 來朝。 部。 賦 等,奉馴 許之。 河 蠻答哥 郞 渠 百官 司 役 河間 營 資 延安 不 遣 四品 田 給 賜 佛事 豹 丁卯, 河 均,財用 闊 路 、東平等二十 等處,雨 駙 泂 遣 闊 陝西 還,仍 間 饑 以 馬 西 於 出 下 鐵 大喔 馬 水 晉寧 禁酒。 等詣高麗,取 |渭水 , 木兒等部 不 晶 來 著 傷稼、賑 普覃散官一 節 ,朝貢。 一殿成, 殿。 爲 |涇||州 ,請裁擇之。」不允。 黑水 令。」雲南 癸亥,作禮拜寺於上 癸 郡蝗,晉寧 |揚 鈔一 作鎭雷 糧二月。 詔:「 酉, 深果州 等,三 州 女子三十人。 萬三千錠, 帝受佛 疏 大 坐靜佛寺 江 决 壽春等路, 理 、羅昌 大司 水皆溢 繫囚 路 品 戒 你 遞 農 於 囊 進 北 諸 常 並 屯 存 。四庚午, 帝 都 爲寇。 廣 邊 王 德 湖 田 恤 階。 戍 阿 西 及 二、諸 大 忠 民 龍 木 兵 河 衞 同 鈔 哥 憤 遠 廬 興 大

南諸

屯田皆旱。

馬 給故印。 領、義寧、靈川等處徭。 邑縣、曹州楚丘縣、 虎符,翰林修撰楊宗瑞爲禮部郎中,佩金符,奉卽位詔往諭安南。置長慶寺,以宦者阿亦伯 以畏兀字譯西番經。丁未,禁星于上都司天監。以山東鹽運司判官馬合謨爲東部尚書,佩 師 伯顏帖木兒出鎭闊連東部,阿剌忒納失里出鎭沙州,各賜鈔三千錠。撒忒迷失率衞士佐太 遠搖角潘父絹等率衆來降,署爲簿、尉等官有差。 州屯河溢、山崩,免河渠營田租。 去,仍依舊制。」從之。 爲寺卿。 灃了、洺水溢,自回真定、廣平、廬州等十一郡雨傷稼,龍慶州雨雹大如雞子,平地深三尺,定 **薨,賻鈔五千錠。賜雲南王王禪鈔二千錠,諸王阿都赤鈔三千錠。** 按塔出 秋 七月丙戌,思州平茶楊大車、酉陽州冉世昌寇小石耶、凱江等寨,調兵捕之。 罷 己亥,賑蒙古流民,給鈔二十九萬錠,遣還,仍禁毋擅離所部,違者斬。 行邊、賜鈔千錠。癸卯、罷廣州、福建等處採珠鑑戶爲民,仍免差稅一年。 |中瑞司。中書省臣言:「東宮衞士,先朝止三千人,今增至萬七千,請命詹事院汰 大名路開州濮陽縣河溢,大都路固安州淸河溢, 戊申,以籍入鐵木迭兒及子班丹、觀音奴貲產給還其家。 庚寅, 遣使代祀岳瀆。

丙申,以諸王薛徹禿襲統其父完者所部, 大都、鞏昌、延安、冀寧、龍興等處饑,賑糶 加封溫州故平陽侯日英烈侯 順德路任 作楠木殿。 有差。 庚子,諸王 縣沙、(澧) 奉元路朝 招諭 廣西慶 諸 丙午, 王阿 船

寅〔朔〕,徹徹兒、火兒火思之地五千貧乏,〔三〕賑糧二月。

八月甲

本

紀

第

二 十

九

泰定帝

乙卯,敕以刑獄復隸

午,作 遣翰 宗 州等十二郡及 山崩 都。 以 聞,敕授 正 林 府 癸未, 赦 中宫 水溢,壅土至來谷 學 前 依 事 士承旨斡赤 者從行省處決。 世 金脊殿。 敕樞密役 祖 浴路王 庚 舊 申 制 一哈伯等部饑、賑 ', 辛未, 軍凡三百 市 祀 刑 牝 太祖 部 河 馬 成丘 勿 繪帝師八 以金 萬 與。 太宗、 入以 匹 阜。 泉館 取 丙 糧 Ŀ 辰, 汴 湩 思巴像十 有差。 睿宗: 酒 一奏聞 梁、 酒。 課賜 享太 濟南屬 御容 廟。 公主壽寧。 賑 詔諭 于普慶寺。 帖 頒 縣 列 1 雲南 各行 干 È, 雨 水 大車 賜諸 木 省, 傷稼, Ţ 倫等驛 賜親王 里 丑: 俾塑 王 八 罷 賑 小 記之。 里 変 卢 之。 圖 車 台 糧 玉泉 帖 里 延安、 黄頭 陸 鈔有 敕 Щ 秦州 爾鈔三千 河役。 武 鈔各千五百 差。 冀寧 官坐 成 紀縣 , 杭 罪 車駕 辛亥,二四 錠。 制 州、潭 大 至大 授 錠。 庚

其子 昭 結 獻 魯 路 脫 思 九 元 洛 列 伴 月 聖 皇后 2 水 h 總 溢 酉,封也速不堅爲 改 邕州 忌 統 濮 所, 日 州 修佛 爲南 舘 更置 陶 寧路。 事 縣 臨洮總管府。 飯僧 及 荆王, 諸 岑 世 萬(萬)人。[三敕存恤 衞 屯 興遣其弟 賜 田 金印。 水, 賜 潛 建昌 邸 興元來朝貢。公司 以宣德府復隸 衞 紹 士 興 武 鈔 衞軍 萬 路 錠。 饑 上都留 年。 丙 奉元 賑 申 糧 癸丑 , 路 有差 守司。 葺 長安 一,以 太祖 縣 籍 辛 神 大 入 剪, 御 阿散 雨 殿 灃 罷 哈思的 家貲給 水溢

士元請早諭 冬十 月 教太子,帝嘉納 2 卯, 秦 州 成 紀 之。 縣 趙 戊午, 氏 婦 享太廟。 產三男。 立壽福 成 都 嘉穀 總管府, 生 秩 莖 一九穗。 正三品 1 典累朝 È, 監 察 神 御 御

四千錠。 並賜金印。 襲封雲南王。〔15〕封親王圖帖睦爾爲懷王,食邑(端)〔瑞〕州六萬五千戶,〔15〕增歲賜幣帛千匹 雲南行省諭之。徙封雲南王王禪爲梁王,食邑益陽州六萬五千戶,仍以其子帖木兒「不花」 傭民丁浚之。丙子,命帝師作佛事於延春閣。丁丑,緬國王子吾者那等爭立,歲貢不入,命 世子陳日爌遣其臣莫節夫等來朝貢。眞州珠金沙河,松江府、吳江州諸河淤塞,詔所在有司 詔招諭之,其角(塞)[寒]賽子尼面雁、[l+]搆木子刁零出降。 庚午,太白犯斗。 壬申,安南國 赴中書。 丙寅、太白犯斗。己巳、太白入斗。太陰犯塡星。 廣東道及武昌路江夏縣饑,賑糶有差。 壬午,熒惑犯壘壁陣。 肇慶徭黃寶才等降。 延安路饑,發義倉粟賑之,仍給鈔 河南廉訪使買奴,坐多徵公田租免官。 庚申,命左、右相日直禁中,有事則 雲南車里蠻爲寇,遣斡耳朶奉 以

以朮溫台知樞密院事。 鈔各千五百錠、斡耳朶罕鈔千二百錠、魯賓鈔千五百錠。甲午、禁星于回回司天監。己亥、 灰,工部主事張成,太史院都事費著,分調閩海、兩廣、四川、雲南選。諸王不賽因言其臣出 班有功請官之,以出班爲開府儀同三司、翊國公,給銀印、金符。賜諸王散朮台、也速速兒 [十一月]己丑, [10]命道士修醮事。癸巳, 遣兵部員外郎宋本, 吏部員外郎鄭立、阿魯 辛丑,造金寶蓋,飾以七寶,貯佛舍利。甲辰,作歇山鹿頂樓于上

魯國大長公主女適懷王。

紀

第二十

九

泰定帝

十萬錠、中統〔鈔〕十萬錠。〔三〕己酉,詔免也里可溫、答失蠻差役。 庚戌,招諭融州徭般領 五 糶有差。 大、小木龍等百七十五團。 丁未, 嘉定路龍(興)[游]縣饑,仁三)賑糧一月。大都、上都、興和等路十三驛饑,賑鈔八千 釋笞四十七以下囚及輕罪流人,給鈔二千錠散與貧者。 河間路饑,賑糧二月。 汴梁、信州、泉州、南安、贛州等路饑,販 印明年鈔本至元鈔四

總管 蒙古子女孳畜。 月。 行省遣使諭 太白經天。 雨雪免朝服。」庚午,熒惑犯外屏。辛未,新作棕殿成。諸王饋思的薨,賻鈔五百錠。乙亥, 勢所便,還請疊石爲塘,詔曰:「築塘是重勞吾民也。其增石囤扞禦,庶天其相之。」乙丑,給 同 州 州地震,有聲如雷。癸亥,鹽官州海水溢,屢壞隄障,侵城郭,遣使祀海神,仍與有司視形 知州。降詔宣諭,仍各賜幣帛二。乙卯,雲南猺阿吾及歪閙爲寇,行省督兵捕之。 (`)黃勝許爲懷遠大將軍,遙授沿邊溪洞軍民安撫使,佩虎符,致仕,其子志熟襲爲上思 延安路雹災,賑糧一月。溫州路樂淸縣鹽場水,民饑,發義倉粟賑之。 十二月癸丑朔,以岑世興爲懷遠大將軍,遙授沿邊溪洞軍民安撫使,佩虎符,仍來安路 曲赦重囚三十八人,以爲三宮祈福。夔路容米洞蠻田先什用等九洞爲寇,四川 降五洞,餘發兵捕之。陝西行省以兵討階州土蕃。 丙寅,命翰林國史院修纂英宗、顯宗實錄。敕:「內外百官凡行朝賀等禮, 察罕腦兒千戶部饑,賑糧一 兩浙及江東諸 庚申,

南民貧僧富,諸寺觀田土,非宋舊置幷累朝所賜者,請仍舊制與民均役。」從之。以籍八思 吉思地賜故監察御史觀音寶、鎖咬兒哈的迷失妻子,各十頃。戊戌,造象輦。參卜郎來降, 星 祗懼,災沴之至,莫測其由。 豈朕思慮有所不及而事或僭差,天故以此示儆?卿等其與諸 達魯花赤,與其屬往鎭撫參卜郎。庚戌,詔諭宰臣曰:「向者卓兒罕察苦魯及山後皆地震, 爲土蕃等路宣慰使都元帥,兼管長河西、奔不兒亦思剛、察沙加兒、朶甘思、朶思麻等管軍 脱歡答刺罕陞爲左丞相。諸王怯別遣使貢方物,賜鈔四萬錠。戊申,以乞刺失思八班藏卜 奉安顯宗像于永福寺,給祭田百頃。廣西山獠爲寇,命所在有司捕之。江浙行省平章政事 賜其會班朮兒銀、鈔、幣、帛。辛丑,懷王圖帖睦爾出居于建康。壬寅,太白犯建星。 南安、英德、新州、梅州等處饑,賬糶有差。 司集議便民之事,其思自死罪始,議定以聞,朕將肆赦,以詔天下。」肇慶、鞏昌、延安、赣州 內郡大小民饑。 術之士,非司天官不得妄言禍福。 二年春正月丙戌,辰星犯天雞。 朕自卽位以來,惟太祖開創之艱,世祖混一之盛,期與人民共享安樂,常懷 敕:「御史臺選舉,與中書合議以聞。」中書省臣言:「江 乙未,以畿甸不登,罷春畋。 禁后妃、諸王、駙馬,毋通 甲辰,

紀

第二十

九

泰定帝

元

松江 花 哥 訪 於 六 叛 間 於兀敦 百 有 請 城 海 民 司 真定、保定、瑞州 言 都 嶺 五十 削 刺 之意,不報 盟 宿 降 禿 道。 月 滅 水 戶,賑 鐵 四 壬 庸 總管府。 Ш 方 子 保定 失所用驟陞官。 田 乙 東 拙 朔、詔赦天下、除江淮創科包銀、免被災地差稅一年。 代祀之使,棄公營私,多不誠潔,以是神不歆格,請愼擇之。」山南 丑: 使司,命州縣正官領之,仍加兼 廉 只干、麻 鈔三萬錠。 訪 路饑,賑鈔四萬錠、糧 命整治屯田。 丁卯,中書省臣言:「國用不足,請罷 使 己巳,修滹沱河 四路饑,禁釀酒。 許 餇 兀三驛饑,賑 敬 南 請 戊寅、諸王忽塔梯迷失等來朝、賜金、銀、鈔、幣有差。 賓州、 頒族 河南行省左丞姚煒請禁屯田 堰。 葬制,禁用 棣 糧 州等處水,行司民饑,賑糧二萬石,死者給 萬五千石。 階州 壬申、罷水興銀場、聽民採鍊、以十分之二輸官。 二千石。 土蕃 知渠堰事。 陰 爲寇, 陽 **衡州衡陽縣民饑,瑞州蒙山銀場丁饑,賑** 雄 相 州 地 不急之費。」從之。 鞏昌總帥府調兵禦之。 歸信諸縣 邪 癸酉,作棕毛殿。 說 吏蠶食屯戶,及勿務羨 大雨,河溢,被災者萬一千 庚 紀中,修 置惠遠倉、永需 丙子,浙 野狐嶺、色澤、 站 廉 鈔以葬。 八兒監藏 訪使帖 己卯 西道 增以廢 河 木 罷 五 廉 庫

來降, 加嗣漢三十九代天師張嗣成太玄輔化體仁應道大眞人。 土官三百 月 甲 申, 六十人請 祭先農。 朝。 丙 · 戌,頒逍經于天下名山宮觀。 湖廣 行省請汰其衆還部, 令的娘等四十六人入覲, 丁亥,平伐苗酋的娘率其戶十萬 庚寅,熒惑、(辰)[歲]星、塡星 從之。

請立 聚于 床。 延 物 事,參知 華閣 來 戊 行 朝 畢。行國辛卯,賑安定王朶兒只班部軍糧三月。爪哇國遣其臣昔刺僧迦里也奉表及 中, 都 貢。 政 水監於汴梁,做古法備捍,仍命瀕河州縣正官皆兼 封 事潑皮爲右丞。 命道士祭五 廣 阿里迷失爲和 西徭 潘寶陷柳城縣。 福太一神。 國公、 御史大夫禿忽魯加太保,仍御史大夫。 張珪爲蔡國公, 庚戌,通、

漷二州饑,發粟 1 酉,祭星于回 仍 回 知經筵事。 司 天 監。 賑 知河防事,從之。 糶 己亥, 以中 薊州、 庚子,姚煒以河水屢決, 書右丞善僧 命西僧作燒壇佛事 寶坻縣、慶元路 丙午,造玉御 爲平章政 於 方 象

山諸 饑,賑糶 縣 饑 有差。 賑糧 三月。 甘州 、蒙古驛戶饑,賑糧 三月。 大都、 鳳翔 寶慶、衡州 潭州、全州諸

錠。 諸 及 及民 ĺЦ 王 一帖木 丁修之。 東蒙古 乙亥,安南國 月癸丑 見不花等 軍饑、賑糧 乙丑, 一,修 世子陳日 曹州濟陰縣河隄, 鈔有 車駕幸 一。鈔 差。 有差。 爌遣使貢方物。 上都。 辛酉、咸平府淸河、寇河合流、失故道、壞堤堰、敕蒙古軍千人 肇慶、 諸王 役民丁一萬八千五百人。 富州、 搠 思班部戰 荆門州旱,漷州、薊州、鳳州、延安、歸德等處民 惠州、 袁州、江 士四百人征參卜郎有功,人賞 州諸路及南恩州、梅州饑、賑糶 甲寅,禁捕天鵝。 丁巳, 鈔 几 千 賜

夏四 本 月丁 紀 第 亥、作吾殿。癸巳、和市牝馬有駒者萬匹。敕宿衞駝馬散牧民間者、歸官厩飼 + 九 泰 定 帝 六五五

封后 海 公主。 仍 中 南 政 父 7 豐、 使 火 酉 禁 潭 里 Щ 濮 孙 東 奉 兀 州 元 察兒 諸 涿州 鄄 路 路 城縣 爲威 白 酒。 等處饑 水 言城西 縣 靖 丙 雹。 午, 賑 | 堯塚 僰 鞏昌路伏 糧 戊 夷 中 五. 上有佛寺,請 及 萬 , 鬼 以 餘 許 雁 石 遮 師 大 敬 殺 隴 雲南 雨 爲 西 徙之,不 中 漢 Щ 書 行 崩 中、中、 左 省 報。 秦州 丞 所 鎭 遣 江 中 辛 諭 幾、賑 寧國 i, 政 蠻 使 使 加 馮亨爲 鈔三萬錠。 者 公 瑞 て主 書・ 州 敕 追 中書參知 桂 寧爲皇姊 捕 州 之。 南 安、 政 1 寧

路 灣鹽 蕡。 郡 雹 酉 夷 國 演 臨 霖 用 融 潭 洮 大 不 肆 丽 五. 人 州 州 府 ···, 江 十 月 都 足 寇 否 饑 興 路 陷 壬子 五 請 泉 湖 國 檀 倒 洞、 賑 水 减 州 屬 改 八 車 溢 鈔 厩 吉龍 漢 縣旱 大 河 馬、汰 五 里 水 間 寨, 命 萬 陶 ·, 彰 洞 鹽 江 刺孟 平 五 督 洞 衞 運 浙 千 德 邊將嚴認 地 士,及 司 行省 錠 路 村 深 及大阿哀蠻 爲 蝗 Щ 丈 大都 及 節 備之。 有 韻 都 諸 五. 興 河 水 王 尺, 諸徭 間 庸 平 一兵萬 濫 癸丑 等路 田 江 汴 賜 爲 ",從之。 等十 司 梁 人 都轉 寇, 興役 路 龍 乘象寇 十 廣 牙 運鹽 疏洩之。 門蠻 郡 西 五. 賜 陷朶刺 饑 元 縣 潛 使 帥 遣 河 司 邸 溢 府 使 怯 置 發 等 奉 江 遣 米三十二萬 憐 諫議 表 十 兵討之。 陵 察乃使于 口千人 貢 四 路 書院於 寨,木 方物 江 溢 鈔三萬錠 丙子, 周王 邦路蠻 五 昌 辛未 洮 干 平縣 州 餘 和 旭 邁 八廟 臨 世 罷 祀 傑 洮 浙 瑓 京 鞏 等 唐 西 率 府 師 劉 諸 以 官 癸 僰

六 月己卯朔 皇子 生, 命 水 祓 除 于 宫。 葺 萬 歳 Щ 殿。 静江 猺 爲 寇, 遣廣西宣慰 司 發兵

捕之。 辛巳,柳州徭 爲寇,戍兵討斬之。 癸未,潯州平南旱徭為寇, 達魯花赤都堅、 丙申,· 中書參 都監姚 知政

九郡 皆領 府綿江、中江水溢入城郭。 南州 趙丑 事左塔不台言:「大臣兼領軍務, 南康、歸州等十二郡饑、賑糶米 未,立都水庸田 行省官雜鞫之。 之,仍賜幣帛以 泰亨死之。 衞 蝗,奉元、衞輝路及永平屯田豐贍、昌國 阿只弄、哀培蠻兵爲寇,命雲南行省督所屬兵捕之。 厮、郭菩薩 兵,如虎而翼,故成逆謀。 甲申、改封嘉王晃火帖木兒爲幷王。丙戌,塡星犯井鉞星。 使司、浚吳、松二江。 旌其直。 ,妖言彌勒佛當有天下,有司以聞,命宗正府、刑部、樞密院、 辛丑,柳州馬平縣徭爲寇,湖廣行省督所屬 丁酉, 冀寧路汾河溢。 七萬餘石。 靜江義寧縣及慶遠安撫司蠻徭爲寇,敕守將捕之。 前古所無。 今軍衞之職,乞勿以大臣領之,庶勳舊之家得以保全。」從 敕營造毋役五衞軍士,止以武衞、虎賁二衞給之。 鎭西武靖王部及遼陽 鐵失以 、濟民等署雨傷稼,蠲其租。 秦州秦安山移。 御史大夫, 通州 追捕之。 新州路旱,濟南、河間、東昌等 三河縣大雨, 也先帖木兒以 水達達路饑,賑糧 丙午, 濟寧、興元、寧夏、 塡星犯井。 水丈餘。 御史臺及河南 知樞密院事 息州民 月。 潼川 T

賽丘羅出降, 戌,遣阿失伯 秋七月戊申朔,大、小車 祀宅神于北部行幄。 木邦路土官 八廟旣降復叛。 里蠻來獻馴象。 甲寅,遣使奉詔 禁星于上都司天監。 (乙)[己]酉、[三賜諸王燕大等金、鈔有差。 分諭徭蠻,鎮康路土官你囊、謀粘路土官 紐澤 許師敬編類帝訓成 庚

本

紀 第

-九

泰

定

帝

虎、武當 益,並 威楚, 收養流民 寧 禾,睢州河決,順德、汴梁、德安、汝寧諸路旱, 觅其租。 玉。 瀫藏 監 行 藩 歲 夷 請 一、來賓 中, 經 省 征 王 其 於 一怯別。 寇, 經筵 左丞乞住、兵部尚書李大成、中書舍人買驢將兵二萬二千人討之,仍以諸王斡耳朶罕 徭,廉訪司 軍 「宜除罷。」從之。 招諭之。 御史臺臣言:「廉 0 威楚、大理諸蠻爲寇,雲南行省請出師, 三山。 諸 湖廣行 海北 遺棄子女。 進講,仍俾皇太子觀覽,有旨譯其書以進。 立 縣,命廣西 癸亥,修大乾元寺。 河南行都水監。 搖角盤吉祥寇陽春縣,命江 思州 幼其濫殺,今凡 己未,置車里軍民總管府,以土人寒賽 :省請兵討之,不許, 洞蠻楊銀千等來獻方物。 守將捕之。 延安、鄜州、綏德、鞏昌等處雨雹, 敕太傅朵台、太保禿忽魯 訪 司蒞軍,非世祖舊制。 申禁漢 出 以許 師,請廉訪司官一員蒞 慶遠溪洞民饑,發米二萬五 詔播州宣撫使楊也里不花招諭 師敬 人藏執兵仗" 及 西行省督兵捕之。 郎 封駙 中買驢兼經筵官。 不允,遣亦剌馬丹等使大理,普顏 賈胡鬻寶,西僧修佛事,所費不貲, 日至禁中集議國事。 有軍籍者,出征 馬孛羅帖木兒、知樞密院 丙辰,享太廟。 爲 梅州 般陽新城縣蝗,宗仁衛屯 軍糾 總管,佩 饒州、鎭江、邠州諸路饑,賑糶 百石,平價糶之。 庚午,以國用不足, 正。」從之。 金虎符。 廣西諸徭寇城邑,遣湖 則給之,還, 之。 播 徭 蠻 戊午, 州蠻黎平愛等集羣 庚申,以宮 中書 潘寶寇 事火沙 敕 省 遣 復歸于官。 田 實 罷 Щ 臣 使 鐔津、義 隕 東州 於國 並 立 書 人二賜 言:「往 代 霜 一等使 金字 祀 殺 縣 無 廣

米三萬餘石。

祀 衞 監 汰 輝 岳 層名 路 阿塔赤所掌駝馬,於外郡飼之。 八 汲縣 月戊子,修上都香殿。 山大川。 河溢。 敕:「諸王私入京者,勿供其所用,諸部曲宿衞私入京者,罪之。」命度支 南恩州、瓊州饑,賑糧一月。 辛卯,雲南白夷寇雲龍州。 大都路檀州、鞏昌府靜寧縣、[三法]延安路安塞縣雨雹。 臨江路、歸德府饑,賑糧二月。衡州、建昌、 癸巳,歲星犯天罇。 辛丑,遣使代

岳州饑,賑糶米一萬三千石。

興利除 民重 之樂。 官 阿吉剌、御史中丞曹立之燕南山東道,太子詹事別帖木兒、宣徽院判韓讓之河東陝西道,吏 睯 兩 慰 浙 晦 ,悉遵祖宗成憲。曩屢詔中外百司,宣布德澤,蠲賦詳刑,賑恤貧民,思與黎元共享有生 跡 使 江 困、朕甚憫焉。 九 |蒙爾之江南湖廣道,禮部尚書李家奴、工部尚書朱蕡之河南江北道, 同知樞密院事 東道,江東道廉訪使朶列禿、太史院使齊履謙之江西福建道,都功德使舉林伯、荆湖 丘 害,從宜舉行。 尚慮有司未體股意,庶政或闕,惠澤未洽,承宣者失於撫綏,司憲者怠於糾察,俾吾 月戊申朔,分天下爲十八道,遣使宣撫。 | 園,才堪輔治者, 具以名聞。 」以湖廣行省參知政事馬合某、河東宣慰使李處恭之 今遣奉使宣撫,分行諸道,按問官吏不法,詢民疾苦,審理冤滯,凡可以 有罪者,四品以上,停職申請,五品以下,就便處決。 詔曰:「朕祗承洪業,夙夜惟寅,凡所以圖治 其有政績尤異,

本

紀

第二十

九

泰定

帝一

令。 銀印。 弑逆,皆由鐵木迭兒始禍,請明其罪,仍錄付史館,以爲 檀州雨雹。 瀕河諸倉,以備賑救,仍敕有司治義倉。禁大都、順德、衞輝等十郡釀酒。募富民入粟拜官, 戌,諸王牙卽 使貢金浮圖。 二千石從七品,千石正八品,五百石從八品,三百石正 乙卯、享太廟。 癸丑,車駕至大都。 開元路三河溢。 貢馬。 己酉,海運江南糧百七十萬石至京師。 己未,岑世興上言,自明不反,請置蒙古、漢人監貳官, 丁丑,浚河間 遣使祀海神天妃。甲寅,禁饑民結扁擔社,傷人者杖一百,著爲 瓊州、南安、德慶諸路饑,賑糧、鈔有差。 陳玉帶河。 廣西徭寇賓州。 一九品,不願仕者旌其門。 庚戌,復尙乘寺、光祿寺爲正三品,給 人臣之戒。」漢中道文州霖雨,山崩 禮部員外郎元永貞言:「鐵失 詔優從之。 諸王斡卽遺

諸寨苗、僚爲寇。 州、三命撫諭之。 丑,賜恩平王塔思不花部鈔五千錠。 冬十月戊寅朔,張珪歸保定上冢,以病辭祿,不允。 乙未,皇后亦憐眞八刺受佛戒於帝師。 壬午,禁成都路釀酒。 壬辰, 熒惑犯氐。 癸未,以倒刺沙爲御史大夫。 癸巳,塡星退犯井。 **岑世興及子鐵木兒率衆寇** 丁酉,廣西徭酋何童降,請防邊自 丁亥,享太 播州 凱 黎苗 廟。 上林等 己

效,從之。 乙巳,寧遠知州添插言,安南國土官押那攻掠其木末諸寨,請治之,敕安南世子

諭 押那歸其俘。 丙辰、〔云〕寧夏路、曹州屬縣水。 覇州、衢州路饑、賑糧二月。

幸大承華普慶寺,祀昭獻元聖皇后于影堂,賜僧鈔千錠。 請 常德路 衆 自 申 行省左丞乞住捕之。 飭 錠、米五萬石。 中 石 "; 場賜 臺. 卽 ·書左丞相,加開府儀同三司、錄軍國重事。 罷皇后上都營繕,從之。 頭等寨,敕調兵禦之。 位,累詔天下憫恤黎元,惟廣徭屢叛,殺掠良民,故命斡耳朶罕等討之。今聞迎降者甚 綱。 (諸王不賽因鈔二萬錠、帛百匹。諸王斡耳朶罕遣使以追捕廣西徭寇上聞,帝曰:「朕 更以恩撫之。 水、民饑、賑糧 庚申、倭舶來互市。 月 戊申、日之周王和世球遣使以豹來獻。改長寧軍爲州。 河間 諸郡流民就食通、漷二州, 若果不悛,嚴兵追捕。」京師饑,賑糶米四十萬石。 壬戌,敕軍民官蔭襲者,由本貫圖宗支,申請銓授。 萬一千六百石。 八番宣慰司官失備坐罪。戊午,塡星退犯井宿鉞星。己未,詔整 紐澤以病乞罷,不允。 廣西道宣慰使獲徭會潘寶下獄,其弟潘見遂寇柳州,命湖廣 丁卯、罷蒙山銀冶提舉司、命瑞州路領之。壬 命有司存恤之。 丙辰,郭菩薩等伏誅,杖流其黨。丁巳, 岑世興結八番蠻班光金等合兵攻 杭州路火,賑貧民糧一月。 庚戌,旭邁傑以歲饑 内郡饑, 賑鈔十萬 丙寅、倒刺沙復爲

十二月戊寅,以塔失帖木兒爲中書右丞相。 本 紀 第 <u>=</u> 九 泰 定 帝一 癸未,加塔失帖木兒開府儀同三司、上柱

從之。甲午,太白犯壘壁陣。 讖,私藏不獻者罪之。癸巳,京師多盜,塔失帖木兒請處決重囚,增調邏卒,仍立捕盜賞格, 乃馬歹攝鎭其地。 所編教荒活民書頒州縣。 命戍兵捕之。 儀同三司。 戒於帝師。熒惑犯天江、辰星犯建星。丁亥、修鹿頂殿。 國、錄軍國 重事、監修國史、封薊國公。諸王不賽因遣使貢珠、賜鈔二萬錠。乙酉、帝復受佛 弛瑞州路酒禁。 壬寅,大寧路鳳翔府饑,禁釀酒。 中書省臣言山東、陝西、湖廣地接戎夷、請議選宗室往鎭、從之。 濟南、延川二路饑,賑鈔三千五百錠。 左丞乞住、諸王斡耳朶罕征徭賊敗之。 召張珪於保定。丁酉,加紐澤知樞密院事,與馬某沙並開府 右丞趙簡請行區田法 鎭南王脫不花薨,遣中書平章政事 惠州、杭州等處饑, 元江路土官普山爲寇, 於內地,以宋董煟 申禁圖 賑

里為鐵失等所繫死,贈功臣號及階勳爵諡 是歲,陝西府雨雹。〔回〕御河水溢。 以故翰林學士不花、 中政使普顏篤、 指揮使卜顏忽

校勘記

四日。

考異已校

[九月]癸巳 據下文即位詔補。 按卽位詔謂「九月初四日」卽位,是月庚寅朔,癸巳卽九月初

- 達達國土都付來 按本詔書下文用語及文義、此處「付」上當有「委」字。 蒙史已校
- 是歲 按九月之末不當云「是歲」、此處史文有誤。
- 禿〔忽〕魯 據下文泰定元年五月壬辰條所見「秃忽魯」補。 按憲臺通紀有「命禿忽魯、紐澤兩箇
- 爲御史大夫」。
- 五 辰星犯(壁壘)[壘壁]陣 從殿本改正。
- 遼陽答陽失蠻 人名。此「陽」字當涉上「遼陽」而衍。 本證云「陽字疑衍」。按「答失蠻」一名本書多見,爲伊斯蘭修士之音譯,亦用作
- (七) 册八八罕氏為皇后 書宏吉刺氏,不當云八八罕氏。」 考異云:「后妃表、后妃傳、特薛禪傳並作八不罕。 八不罕者,其名也,當
- 阿(速)〔剌〕 吉八 「阿里吉八」,即「阿剌吉八」之異譯。元史紀事本末已校。 據蒙文羅藏丹津黃金史、蒙古源流語音改。 按本書卷一〇七宗室世系表作
- かれ 也(先)[兒]吉你 見卷二七校勘記[4]。
- (0)昭〔獻元〕聖皇后 「寺」疑爲「事」字之誤。 據下文泰定二年十一月丁巳條及本書卷一〇六后妃表、卷一一六后妃傳補。
- 作鎭雷坐靜佛寺 順德路任縣沙(遭)[灃]洛水溢 按寰宇通志卷五,任縣有灃河。

本

紀

第二十

· 九

校

勘 記

澧水在今湖南,與任縣無涉。

「澧」「灃」形近致誤,今改。道光本已校。

- [二] 五千貧乏 按文義、疑「千」下脫戶字。
- 辛亥 按是月甲寅朔,無辛亥日。此「辛亥」在庚申初七日、庚午十七日間,舜爲辛酉初八日 或癸亥

初十日之誤。

- [三] 飯僧萬(萬)人 「萬」字重出,據文義删。續通鑑已校。
- 岑世興遣其弟興元來朝貢 按上文至治三年十二月癸未條有「岑世興遣其弟世元入貢」。 世興

兄弟行有世忠、世傑、則此人當名世元。「興」疑爲「世」字之誤。

[1七] (塞) [寒]賽 據下文泰定二年七月己未條及元文類卷四一經世大典序錄招捕所見「寒賽」「罕

賽」改。蒙史已校。

帖木兒「不花」據下文泰定四年十一月庚午條及本書卷一〇七宗室世系表、卷一〇八諸王表

補。蒙史已校。

- 二之 (端)[瑞]州 州原爲元武宗海山食邑。 元無「端州」。 海山次子圖帖睦爾封懷王、襲其父食邑。「端」誤,今改。續編已校。 按本書卷二一成宗紀大德八年十月庚寅條及卷九五食貨志歲賜一瑞
- (三) (十一月)己丑 己丑日;十一月癸未朔,己丑爲初七日。。考異是,從補。 考異云:「是年失書十一月,自己丑以後,皆十一月事。」按是年十月甲寅朔,無

- [II] 中統[鈔]十萬錠 從道光本補。
- \subseteq 嘉定路龍(興)[游]縣饑 按本書卷六〇地理志、嘉定府路屬縣有龍游、據改。 本證已校。
- 南賓州棣州等處水 按元無「南賓州」。四川重慶路忠州屬縣有南賓、但未升州。此處疑爲「濟

南濱州、棣州」之脫誤了南」上脫「濟」字了「濱」誤爲「賓」。

熒惑(辰)[歲]星塡星聚于畢 據本書卷四八天文志改。按是日畢宿黃經在五〇至七〇度間,火

星黃經四○度半,木星黃經五八度,土星黃經六七度半,皆合;水星黃經三二四度半,不合。

- (三)(乙)(己)酉 按是月戊申朔,無乙酉日,此「乙酉」在庚戌初三日前,爲己酉 初二日之誤,今改。」道
- 三 鞏昌府靜寧縣 按本書卷六〇地理志、「靜寧縣」應作「靜寧州」。

光本已校。

- 上林等州 本證云:「案地理志」上林是賓州屬縣,非州也。」
- 丙辰 按是月戊寅朔、無丙辰日。此「丙辰」在乙巳二十八日後、疑爲丙午二十九日之誤。
- (三九) (十一月)戊申 戊申日;十一月丁未朔,戊申爲初二日。 考異是,從補。 考異云:「是年失書十一月,自戊申以後皆十一月事。」按是年十月戊寅朔,無
- 陝西府雨雹 本證云:「案以五行志證之,府上脫臨洮二字,然是年陝西雨雹又非止一府也。」

本

元史卷三十

本紀第三十

泰定帝二

魯思部。辛酉、太白犯外屏。癸亥、封朶列捏爲國公。以知樞密院事撒忒迷失爲嶺北行中 書省平章政事。 江南河渠水利。己未,賜武平王帖古思不花部軍民鈔,人十五錠。以湘寧王八剌失里鎭兀 仍給牛具。諸王不賽因遣使獻西馬。徵前翰林學士吳澄,不起。置都水庸田司於松江,掌 順王,鎭湖廣,買奴爲宣靖王,鎭益都;各賜鈔三千錠。以山東、湖廣官田賜民耕墾,人三頃, 播州宣慰使楊燕里不花招諭蠻會黎平慶等來降。回戊申,元江路總管普雙叛,命雲南行省 招捕之。諸王薛徹秃、晃火帖木兒來朝、賜金、銀、鈔、幣有差。壬子、封諸王寬徹不花爲威 三年春正月丙午朔,征東行省左丞相、高麗國王王(章)[璋],[]遣使奉方物,賀正旦。 戊辰,緬國亂,其主答里也伯遣使來乞師,獻馴象方物。 安南國阮叩寇思

本

紀

第三

+

泰

定帝二

明路 命湖廣 行 省督兵備之。 大都路屬縣饑,賑糧六萬石。 恩州 水,以 糧 賑之。

間 杂杂 太宗 建 政 建 (元)(己)丑 茗 吉 事 殊 顯 盈 刺 保定、 宗 居 祥 貧民 州 睿宗 守。 甲 月 丰 神航 殺 真定三路饑, 辰 御 1 於 鈔六萬錠。 知 御容 立 Ŧi. 殿 3 丑: 州事李 車 一,購能 於 典醫署,秩 臺 禁汁 駕幸 1於翰 、 盧師 Ш 上都。 賜 梁路 **德卿等**, 首告謀 林國 寺,賜 命諸王 賑 田 從 三百 糧 釀 史院。 逆 五 命諸 額 酒。 四 命 魯賓 月。 品,隸詹事院。 頃 厭 日 湖 大天 王 甲午,葺真 魅 丁亥, 廣 爲 爪 者 也忒古不花及 建 行省督兵捕之。 大宗正。 昌 源延 哇 給賞,立 路 國 中 機,賑 書 遣使貢方物。 (壽) 「聖」寺。 定玉華宮。 請罷征徭, 賞 歸德府屬 壬午,廣西 (格)爺 糶 中 米 書省臣 三萬 以 中外。 愛敕 縣 乃 敕斡耳杂罕等班 乙未,修佛事 庚子,以 全茗州土官許文傑率諸徭 馬台知 石 河 兀伯 決、民饑、賑糧五 以金書西番字藏經。甲戌, 庚辰,賑魯 都 樞密院 通 刺、察乃、 政院使察乃爲 厭 雷于 事。 師, 王阿兒加 崇天 其鎭 善僧 一萬六千石。 甲 申,祭太祖、 門。 戍 中書平章 失里部瓮 許 者 以叛,寇 師 丙 如 至 故 河

安南 冶 鉞 星 等 事 國 三月 歸中 三言爲 未 乙 已朔 書,並從之。 龍 敕 州萬 百 帝 官 戸趙 1集議 以 不 雄飛等所 急務 酮 壬子,榮星于司天監。 自 責, 中 書省 侵,乞諭 命審 臣等請 決 重囚, 還所掠, 汰衞 癸丑, 遣 士,節濫賞,罷營繕,防徭寇,諸 使分祀 詔 廣西道遣官究之。丙午, 八番巖霞洞蠻來降,願歲輸布二千五 五 嶽 四瀆、名山大川及京城寺觀。 塡 寺官署坑 星 犯 井宿

洮、 官以失討坐罪。 陣,塡星犯井。 帖木兒、許師敬譯帝訓成, 安撫緬 百匹,設蠻夷官鎭撫之。 鳳翔 國,賜 、星吉兒宗山等處。賜諸王孛羅鐵木兒、阿剌忒納各鈔二千錠。 其主金幣。 庚午,塡星、太白、歲是聚于井。 大都、河間、保定、永平、濟南、常德諸路饑,免其田租之半。 永平、衞輝、中山、順德諸路饑,賬鈔六萬六千餘錠。 甲子, 乙卯,申禁民間金龍文織幣。丁巳,遣諸王失刺鎭北邊。 更名曰皇圖 命功德使司簡歲修佛事一百三十七。 大訓, 敕授皇太子。 辛未,泉州民阮 考試國子生。 鳳子作亂,寇陷城邑,軍民 丙寅,翰林承旨阿憐 寧夏、奉元、建昌諸路 戊辰,熒惑犯 遣僧修佛 戊午,詔 事 壘 於 臨 壁

姓 鬼。 長官彭忽都 四 壬寅,熒惑犯壘壁陣。〔容〕米洞蠻田先什用等結十二洞蠻寇長陽縣,〔六〕湖廣行省遣 月丙戌、鎮安路總管岑修廣爲弟修仁所攻、來告、命湖廣行省辨治之。 不花招之。 田先什用等五洞降, 餘發兵討之。 修夏津、 武[城]河堤三十三 戊戌,太白犯 九

饑,賑糧二月。

所, 一役丁萬七千 五百人。

饑,禁 遣其子 臣言:「 五 醸 招三 赤斤 月甲(戌)[辰]朔、公藩王怯別遣使來獻豹。 酒。 儲栗, 聽 罷造 奉方 福 軍士度川遠給 物 建歲供 來朝。日己卯,以帝師兄鎖南藏卜領西番三道宣慰司事,尚公主,錫 一族餳。 不便, 以 西僧馳驛擾民,禁之。 請復 徒于曲尤之地。」 乙巳,修鎭雷佛事三十一所。 甲寅、八百媳婦蠻 從之。 修上都復仁門。 招 南(道)[通] 甘肅行省 涇州

本

紀

第

王鹤。 宗古卜剌卜吉里昔吉林亦木石威石部,朶兒只本刺領籠答吃列八 呪語于居庸關崖石。庚午,乞住招諭永明縣五洞徭來降。 路岑修文合山獠、角蠻六萬餘人爲寇,命湖廣、雲南行省招諭之。遣指揮使兀都蠻鐫西番 雄州饑,太平、興化屬縣水,並賑之。 班藏卜領卜刺麻沙搠部,公哥班領古籠羅烏公遠宗蘭宗孛兒間沙加堅部,唆南監藏 人皆勳舊子孫,罪無實狀,乞復其職,仍敕憲臺勿以空言妄劾。」從之。丁卯,岑世興及鎭安 足,從之。 給壽寧公主印,仍賜田百頃、鈔三萬錠。甲子,中書會歲鈔出納之數,請節 監察御史劾宣撫使朶兒只班,學士李塔剌海、 廬州、欝林州及洪澤屯田旱,揚州路屬縣財賦官田 劉紹祖庸鄙不勝任。 河西加木籠四部來降,以答兒麻 里阿卜魯答思阿答藏 中 書議:「三 用 ト領蘭 以補

神。 帛各二百匹。丁酉,遣道士吳全節修醮事於龍虎、三茅、閣皂三山。 命湖廣行省討之。丁亥,命湘寧王八剌失里出鎭阿難答(的)之地。[10]戊子,諸王脫脫等來 從之。癸未,播州蠻黎平愛復叛,合謝烏窮爲寇,宣撫使楊燕禮 朝,賜金、銀、鈔、幣有差。 中書省臣言:「比郡縣旱蝗,由臣等不能調變,故災異降戒。今當恐懼儆省,力行善政, 六月癸酉朔,賜藩王怯別七寶束帶。 乙未,命梁王王禪及諸王徹徹禿鎭撫北軍,賜王禪鈔五千錠、幣 以秃哈帖木兒爲四川行省平章政事; 請終母 不花招平愛出降。烏窮 戊戌、遣使祀解州鹽池 不附,

並発其租

錠。 奉元、鞏昌屬縣大雨雹,峽州旱,東平屬縣蝗,大同屬縣大水,、漆燕等處治戶饑,賑鈔三萬 萬錠。己亥、納皇姊壽寧公主女撒答八剌于中宮。道州路櫟所源徭爲寇、命乞住督兵捕之。 亦冀陛下敬愼修德,憫恤生民。」帝嘉納之。 光州水,中山安喜縣雨雹傷稼,大昌屯河決,大寧、廬州、德安、梧州、中慶諸路屬縣水 賑昌王八刺失里部鈔四萬錠。 賜吳王潑皮鈔

旱,並蠲其租

十輛。乙巳,怯憐口屯田霜,賑糧二月。丙午,享太廟。丁未,紹慶酉陽寨冉世昌及何惹洞 戶,不允。增給太祖四大斡耳朶歲賜銀二百錠、鈔八千錠。遣使祀海神天妃。造豢豹氊車三 土官你囊來獻方物。 遣使來獻馴象方物。 仕銓格。」己未,禁諸部王妃入京告饑。以月魯帖木兒嗣齊王,給金印。八百媳婦蠻招南通 諸王不賽因獻駝馬。 方佛銅像。乙卯,詔翰林侍講學士阿魯威、直學士燕赤譯世祖聖訓,以備經筵進講。戊午, 四千錠、給金印。壬子、皇后受牙蠻答哥戒于水、精、「晶」殿。「二〕甲寅、幸大乾元寺、敕鑄五 爲寇。詔行宮駝馬及宗戚將校駐冬北邊者,毋輒至京師。辛亥,封阿都赤爲綏寧王,賜鈔 秋七月甲辰,車駕發上都,禁車騎踐民禾。遼王脫脫請復太母月也倫宮守兵及女直屯 遣日本僧瑞興等四十人還國。作別殿於潛邸。敕:「入粟拜官者,准致 乙丑,發兵修野狐、色澤、桑乾三嶺道。 戊辰,太白經天。己巳,大理 庚申、日三廣西宣慰副使王瑞請益戍兵、及以土民屯田備蠻、仍置南寧

本

第三十

泰

定帝

賑 等路 雹。 安 無 永 平 雕 龍 司 賏 奉元 辰 趙 河 決 州 鈔七 涿 鄭 州 路 萬錠 覇等州 陽武 火 大名 縣,漂民萬六千五 及諸 賑 糶 濠 位 永平 州饑民 屯田田 奉元 蝗。 麥三萬 諸路屬 大同 百餘家, 九千 渾 縣 源 早。 餘 賑 河 之。 石 溢 汴 梁路水。 命 檀 永 瘞京 平 順 大都 等 城 大名 州 外 諸屬 网 棄 「順 河 骸 決。 縣水, 德 死 狀 溫 衞 大 不 楡 輝 風 白者, 水溢 淮 安 酮

省 蓝 物。 其軍 次 災 州 兵, 1 有 中 道元 變 酉 水 洞 司 賜 究之。 海 儲 都 罷 相 癴 藩 鈔千錠。 寇 一、畋于 於 獵 亦 刁 以 月甲戌,兀伯都 王 罪被 汪 兒 用 黎三來附 不 古 古 爲 賑 賽 汪 寇 黜 解 刺 河 火 因遣使獻 大 南 、廉訪 一,命雲南 倉 察禿 天 探 韶:-源 馬赤軍 戶 詔 之地。 刺許 副 延 諭 部 道 聖寺 玉及 使散(元只)[只兀]台,[三以使酒相 行省備之。 廉 尙 士有妻者, 州蜑 籍 師 書 賜 獨 神 郭 敬,並 太 峯 其餘丁。 御 戶使復 良 殿 師 駝。 坐 以災 按 成。 丁亥, 悉給徭役。」 贓 難出 是夜,太白犯軒轅御 業。 発。 戊寅 罷行宣政院及功德使 變饑歉乞解政柄, 遺梁王 鈔二千八百錠。 鹽官 作天妃宫于 修 州大 遷黃羊坡民二百五 王禪 澄清 風,海溢, 整飭斡 石 海津鎭。 牐 詆 女。 不 鹿頂 耳朶思 甲申 龙 司 狀聞 以 壞隄防三十餘里 、殿成。 西番 星變,下 乙亥, **免武** 享太 十戶 邊 詔 土官撒 事 罷 備 兩 於 遣 廟 0 甘 詔 釋之。 寺 鞬 乃馬台 辛 肅 恤 逋 加 靼 長 卯, 札 民 布 部 春 負 渾 甲午,以 遭 雲南 宫宫 來 簡 兵 辛 倉 使祭 獻 寧遠 道 閱 介,徙 方 行 士 邊

諸路及 損 海 稼。 .神,不止,徙居民千二百五十家。 廣西 真定蠡州、奉元蒲城等縣及 兩江饑,並發粟賑之。 揚州崇明州大風雨,海水溢,溺死者給棺斂之。 無爲州諸處水,河中府、永平、建昌印都、□□中慶、太平 大都昌平大風,壞民居九百家。 龍慶路雨雹一尺,大風 杭州火,

賑糧一月。

必當 汾水溢。 扶、雲南行省威楚路禿刺寨長哀培、景東寨長阿只弄男阿吾、大阿哀寨主弟你刀、木羅寨長 事。 中書省臣言:「今國用不繼,陛下當法世祖之勤儉以爲永圖。 哀卜利、 興聖、隆福三宮。 三,以吾仲地置孟隆路一、甸一,以哀培地置甸 大車里昭哀姪哀用、孟隆甸土官吾仲,並奉方物來獻。 使于諸王怯別、 癸亥,太白犯太微垣右執法。 回奏。」帝嘉納之。 九月丁未,增置上都留守判官二員,棄推官。 **茫施路土官阿利、鎭(江)[康]路土官泥囊弟陀金客、木(帖)[粘]路土官丘羅** 廬州 、懷慶二路蝗。 月思別、不賽因 丁巳,弛大都、上都、興和酒禁。 揚州、寧國、建德諸屬縣水,南恩州旱,民饑, 三部。 賜大車里新附蠻官七十五人裘帽鞾襪。 賑潛邸貧民 一,並降金符、銅印,仍賜幣、帛、鞍、勒有差。 庚申,車駕至大都。 辛亥,命帝師還京,修灑淨佛事于大明、 鈔二十萬錠。 以昭哀地置木朶路一、木來州 臣等在 湖廣行省太平路總管郭 職,苟有濫承恩賞者, 並賑之。 壬戌,以察乃領度支 戊辰,命權赤等 汾州平遙縣 一、甸 はころ

本

紀

第三

+

泰

定帝

祖,用 地利。 糶之。 李讓 癸酉,日日河水溢,汴梁路樂利堤壞,役丁夫六萬四千人築之。 言善行,以時省覽,從之。 損兵傷農,而卒 萬壽宮。 享太廟。 王不賽因 武縣旱,発其 福 利以逞私欲,惟陛下察之。」帝嘉納焉。(十一月) 庚子,[1刊]陝西行臺中丞 劾 增倍半。若武宗之崇恩福元、仁宗之承華普慶,租權所入,益又甚焉。英宗鑿 浙 世 賜大天源延聖寺鈔二萬錠,吉安、臨江二路田千頃。 [遣使來獻虎 月辛 祖建大宣文弘教等寺,賜永業,當時已號虛費。而成宗復搆天壽萬寧寺,較之世 西 壬午,帝師 奉安顯宗御容於大天源延聖寺。 廉 租 訪 未朔,發卒四千治通州道,給鈔千六百錠。 ·無益。 使完者不花受賂,簿對不服, 寧夏路萬戶府、慶遠安撫司饑,並賑之。 以疾還撒思加之地,賜金、銀、鈔、幣萬計,敕中書省遣官從行,備供億 夫土地祖宗所有,子孫當共惜之。 瀋陽、遼陽、大寧等路及金、復州水,民饑, 辛巳,太白犯進賢。 韶遣刑部郎中唆住鞫其侵辱使者,笞之。 臣恐茲後藉為 甲戌、紐澤陞右御史大夫。 弛寧夏路酒禁。 中書省臣言:「養給軍民, 京師饑,發粟八十萬石,減 天壽節,造道士祠 賑鈔 口 姚煒請集世 實,妄興工役,徼 五萬錠。 宣撫 使馬合某、 衞 Щ 懷慶修 輝 庚辰, 開 必籍 祖 嘉 價

「自今當釋者,敕宗正府審覆。」乙巳,梁王王禪往北邊,賜鈔三千錠。 〔十一月〕癸卯、G云中書省臣言。 西僧每假元辰疏釋重 囚, 有 乖 政典,請罷 己酉,作鹿頂棕樓。 之。 有旨:

乙卯, 家,赈糧一月,給死者鈔二十貫。 路饑,並賑之。 旱,発其稅。 禁。 南王,鎭揚州。 寇,湖南道宣慰司遣使諭降之。 土番爲寇,武靖王遣臨洮路元帥盞盞諭降之。 播州蠻宋王保來降。 太白犯鍵閉。 追復 前平章政事李孟官。 永平路大水,冤其租,仍賑糧四月。 錦州水溢,壞田千頃,漂死者百人,人給鈔一錠。 辛酉, 廣西透江團徭為寇,宣慰使買奴諭降之。 加御史大夫紐澤開府儀同三司。 己巳,徙上都淸寧殿于伯亦兒行宮。 戊午,造中統、至元鈔各十萬錠。 賜湘寧王八剌失里鈔三千錠。 廣寧路屬縣霖雨傷稼,賑鈔三萬錠。 汴梁、建康、太平、池州諸路及甘肅 加封廬陵江 扶靈、青溪、櫟頭等源蠻爲 弛永平路山澤之禁。 崇明州海溢,漂民舍五百 諸王不賽因遣使來獻馬。 封諸王鐵木兒不花 一神日 顯應。 弛成都酒 沔陽 亦集乃 階州 爲鎭 府

聲 廷,御史趙師魯以水旱請罷其事,從之。 傅太子,帝嘉納之。壬午,御史賈垕請祔武宗皇后于太廟,不報。敕以來年元夕搆燈山于內 賜梁王王禪宴器金銀。 回陰陽家言天變,給鈔二千錠,施有道行者及乞人、繫囚,以禳之。 如雷,連震者四。 [十二月]丁丑,[12]諸王月思別獻文豹,賜金、銀、鈔、幣有差。 庚寅、赦天下。 以皇子小薛夜啼,賜高年鈔。癸巳,作鹿頂殿。 召江浙行省右丞趙簡爲集賢大學士,領經筵事。 甲申,師魯又請親祀郊廟, 御史哈剌那海請擇正人 帝嘉納之。 丁亥,寧夏路地震,有 己亥, 丙戌,以回 命帝師修佛 壬辰,

本紀

第

+

泰

定

帝

役 事 州 招 赈 了,廢 之。 河 諭 釋 溢 扶 武 重 靈 大寧路大水,壞田五千五百頃,漂民舍八百餘家,溺死者人給鈔一錠。 事 囚三人。 漂民舍八百餘家,壞田二千三百頃,兎其租。 洞蠻劉季等來降。 不講。請遵世祖舊制,教習五 置大承華普慶寺總管府,罷規運提點所。 保定路饑、賑米八萬一千五百石。 衛親軍,以備扈從。」不報。 廣西靜江、象州諸路及遼陽路饑,並 御史言:「比年營繕, 懷慶路饑,賑 湖廣屯戍千戶只干不花 鈔四 以衞 萬錠。 軍 供

皇子 饑 緣 王 不 御 萬 路 並 縣 [37] 史臺臣 允丹 諸 刺 人。 四 石門十寨巡 脈之。 壬子,以 堡。 芯 年 請親 初置 藏 納 春正月甲辰、諸王買奴來朝、賜金一錠、銀十錠、鈔二千錠、幣帛各四十匹。 丁 ト受佛 失里等鈔六千錠。 大寧路水、給溺死者人鈔一錠。 雲南 祀 卯, 中政院)檢司。 |郊廟,帝曰:「朕遵世祖舊制,其命大臣攝之。」己酉,太白 燕 戒于智泉寺。 行省檢校官。 南 金銀鐵冶歸中書。靖安王闊不花出鎭陝西,賜鈔二千錠。 廉訪 御史辛鈞言:「 司請立眞定常平倉,不報。 甲寅,鷹師脫脫病,賜鈔千錠。 遼陽 鹽官州海水溢,壞捍海堤二千餘步。 行省諸 西商鬻寶,動以數十萬錠,今水旱民貧, 郡饑,賑鈔十八萬錠。 浚會通 戊午,命市珠 河,築漷州 彰德、 甲子 犯牛。 淮安、揚州諸路 ,武籠 護倉堤,役丁夫 寶首飾。 請節 庚戌、置紹 癸丑,賜諸 洞 | 量窓武 其費。 庚申, 乙旦,

1 赤領仁宗神御殿事,大司徒亦憐眞乞剌思爲大承華普慶寺總管府達魯花赤,仍大司 乙亥, 午,狩于漷州。 長 出 親王也先鐵木兒出鎮 亦思宅卜卒,命塔失鐵木兒、紐澤監修佛事。 月辛未,祀先農。 諸王火沙、阿榮、答里出鎮北 甲戌、祭太祖、太宗、睿宗御容于大承華普慶寺,以翰林院官執事。 北 邊,賜金一 錠、銀五錠、鈔五 邊,賜金、銀、鈔、幣有差。 丙戌, 百錠、幣帛各十匹。 詔同僉樞密院事燕帖木兒教 帝師參馬亦 丙子,命亦烈 徒。 思吉思 閱 壬

死,詔 作 太傅朶台為太 文豹、西馬、佩刀 震,有聲如雷。 止風 三月辛丑,皇子允丹藏卜出鎭北邊。以那海赤爲惠國公,商議內史府事。癸卯, 戮尸傳首。 佛事。 師,太保禿忽魯爲太傅,也可扎魯忽赤伯達沙爲太保。 潮州路判官錢珍,挑推官梁楫妻劉氏, 丙午,廷試進士阿察赤、李黼等八十五 、珠寶等物來 海北廉訪副使劉安仁,坐受珍賂除名。 獻,賜金、鈔萬計。 庚申, 不從,誣楫 人, 遣使往江南 辛亥,諸王槊思班、 賜進士及第、出身 下獄殺之。 求奇花異果。 敕前太師伯忽與議大 7有差。 不賽亦等, 事覺, 辛酉,以 珍飲 和寧 命 西 以 地 藥 僧

路饑,賑鈔三萬錠、糧二月。

管府及雲需總管府隸上都留守司。

事,如是調烏蒙屯田。

庚寅,八百媳婦蠻 督招南通來獻方物。

奉元、廬州、淮安諸路及白登部饑、三三賑糧有差。

諸

儒軍

戊子,進襲封行聖公孔思晦階嘉

議

大夫。

以馬(忽思)[思忽]為雲南行省平章

政

辛卯,白虹貫日。

以尚

供

總

永平

本紀

有差。 千錠。 卯,熒惑犯井。 職 鎭察罕腦兒。三三封寬徹爲國公。 鈔十萬二千錠,從之。壬戌,車駕幸上都。 事 四 一千錠。郡王朶來、兀魯兀等部畜牧災,賑鈔三萬五千錠。中書省臣請酬哈散等累朝售寶 陝西 食其 大寧、廣平二路屬縣饑,賑鈔二萬八千錠。 行 俸終身。 臺 中丞 復置衞候直都指揮使司 敬嚴爲集賢大學士, 召翰林學士承旨蔡國公張珪、集賢大學士廉恂、 以 阿散 並商 ,秩正 火者知樞 復設武備寺同 議 四品。 中 書省事, 密院 河南行省諸州 諸王不賽因遣使獻文豹、獅子,賜鈔八 事。 判六員。 珪仍 渾河 領經 決, 命親王八刺失(思)[里] 縣及建康 筵 太子賓客 發軍民 事。 賜諸 屬 萬 王 縣 王 人塞之。 一毅, 饑 火 沙 悉復 赈 部 糧 出 價 舊 鈔

夫。 思監 通、順、檀、薊等州,漁陽、寶坻、香河等縣饑,賑糧兩月。 白 水 甲戌,作棕毛鹿頂樓。 少監 縣,千戶張恒力戰,死之。 禁星于回 藏 夏四 班 張 藏 仲 .月辛未,盗入太廟,竊武宗金主及祭器。 下 為 仁及行省官發工匠二萬餘人,以竹落木栅實石塞之,不止。 回 帝 司 天臺。 師, 己卯,道州永明縣徭爲寇。 賜玉印,仍詔 湖廣 邑人立 徭寇 全州、 諭天下僧。 詞, 敕賜額曰「旌義」。甲午,以西僧公哥列 義寧屬縣,行意 乙未,以武 大理慶甸 癸未,鹽官州海 河間、揚州、建康、太平、衢州、常州 命守將捕 備寺卿 為寇。 之。 水溢,侵地十九里,命都 阿昔兒答刺罕為 河南、 癸巳,高州 壬申,作武宗主 奉元二路及 思 御 巴 徭 寇電 冲 史大

諸路屬縣及雲南烏撒、武定二路饑,賑糧、鈔有差。 永平路饑,免其租,仍賑糧 兩 月。

雨雹 考。 給其親。 官。 路洛陽 神御殿于天壽萬寧寺。 丁卯, 元江路總管普雙坐贓免,遂結蠻兵作亂,敕復其 五. 睢州 一月辛 縣 有蝗 河南、江陵屬縣饑,賑糧有差。 修 河溢。 丑,太尉丑 佛事於賀蘭山及諸行宮。 可五畝、羣烏食之旣、數日蝗再集、又食之。 大都、南陽、汝寧、廬州等路屬縣旱蝗。 一 驢 卒。 己未,占城國遣使貢方物。 癸卯,以鹽官州海溢, 汴梁屬縣饑, 発其租。 罷諸王分 地州縣長官世襲,俾如常 甲子,以典守宗廟不嚴, 命天師張 舊 職。 衛輝 德慶路徭 嗣 常州、 路大風九日,禾盡偃。 成修醮 來降,歸所掠男女,悉 淮安二路, 釀 之。 調官,以三載 罷太常 乙巳,作成宗 寧海州 禮 儀 河南 爲

屬縣蝗。 選。自己甲申,廣西花角蠻爲寇,命所部討之。 事 官,仍設巡檢司 郡繫囚。 一路饑,賑糶有差。 史惟良 六月辛未,翰林侍講學士阿魯威、 己卯, 清解職歸養,不允。 以撫 永興屯被災,発其租。 之。 中山府雨雹。 發義倉粟, 賑鹽官州民。 丁丑, 汴梁路河決。 倒 直學士燕赤等進講, 刺沙等以災變乞罷, 辛巳, 乙未,紹慶路四洞會 造象輿六乘。 汝寧府旱。 廬州路饑, 賑糧 不允。 仍命譯資治通鑑 癸未,遺察乃、伯顏赴大都 大都、河間、濟南、 七萬 阿者等降,並 罷兩都營繕 九千石。 以進。 工役。 命爲蠻 鎭江、 參知政 夷長 錄諸 興

降, 安鎭 鎖南 兒、 錠, 官 刺沙 魯帖 欽 忽 者 只哥台等來 棺棺 部 厰 銀 金、 非 兀 管 渠 木 職 晃忽來 秋 譯世 參 沙 有 伯 一役民 銀 兒 **|** 七 延安屬 羅 代 知 都 訴 修 月 鈔二萬錠。 祖 不 政 土官散 幣、 刺 貢 荆 獻 大 T 得 聖 事 丁六千 以 「縣旱」 明 酉 Ξ 方 賜 帛有 不花 去 訓 疾 也速 殿。 物 **三朔**」, 金 怯 職 乞 ____ 人。 差。 壬子 発 遮 解 銀 也 史惟 甲 占 御 殺 詔 其 政 元 辰 鈔 城 史臺臣 不 賽丘 諭 是 江 租 優 甲 于 賜諸 國 良,參議買 路普雙 月 へ、幣 寅 宗 播 稅 侵其 獻馴象 詔 羅 州蠻 正 . 言, 籍 有 王 諭 遭 , 府, 遼 差。 火 田 分 敕雲 之。 使市 謝 陽 復 內 兒 = 地 蝗 決 烏窮 奴, 遼 郡 叛 遣 獄 灰 戊午, 南 旄 河 命 雲 遵世 建 使 並 江 牛於 王 來獻 甘 月魯帖木兒、 戊 記 南 横 乞 老 孙 遣 肅 戌 謀 祖 解 早、 撒 黑 渠 海 人諭 西 行 方 書院 舊 諸 粘 職 加 河 神 域。 物。 省 路 制 天 蝗 王 河 水 之。 閱 荐 燕 於郿 妃。 溢 溢 土官賽丘 有 1 丙午, 籍 戊戌 八 旨:「毋多 癸亥, 至, 只 已, 歸之。 右 丙寅 衢 刺 縣 吉台襲位 非 衞 失 州 給 ,气息遣 享 率 國 祠 賜 羅 齊 里 大 太廟 乙 籍 細 宋 部 解, 壽 雨 招 王 及 僧 饑 丑 故 儒 率 月 諭 駙 翰 水 股當 造 張 並 道 周 公 魯 馬 林 八 T 發廪 丞 使 載 有 主 賑 百 帖 買 侍 王 未, 相 自 來 妻者 之。 鈔 媳 木 住 讀 塔失 和 賑 朝 辛 儆 敕二 罕 五. 婦 學 世 兒 饑 丑 爲 千 蠻 即。 琜 士 卿 鈔 帖 者,給 己亥 民。 招 等 及 錠 िय 經 賜 木 亦宜 諸 筵 伯 萬 魯 齊 兒 塞 講 漂 岐 顏 威 Ŧ 王 五 保 倒 各 恭 千 還 來 察 月 讀

八

月戊辰

,給累朝

斡

耳

朶鈔

有

差。

癸酉

給

别

乞

烈

失

寧國

公印

度支

監

卿

孛

斡耳朶作欽明殿成。 郡饑。 鵠言,令民採捕珍禽異獸不便,請罷之,敕:「應獵 奉 間、奉元、懷慶等路蝗。 民田廬,並賑之。 千,修白浮、瓮山 徙他鎮。」不報。癸巳,諡武宗皇后曰宣慈惠聖,英宗皇后曰莊 山崩,飛石斃人。 鈔 「四千錠。 ·母,不允。 田 州 苗人祭伯秧寇李陀寨,命湖廣行省捕之。 洞徭爲寇,遺湖廣行省捕之。 賜皇后乳母鈔千七百錠。 河堤。 鳳翔、興元、成都、峽州、江陵同日地震。 建德、杭州、衢州屬縣水。 壬辰,御史李昌言:「河南行省平章政事童童,世官河南,大爲奸利,請 鞏昌府通(漕)[渭]縣 是月,揚州路崇明州、海門縣海水溢,汴梁路扶溝、 滹沱河水溢,發丁沒治河以殺其勢。 癸未,賜營王也先帖木兒鈔三千錠。 山崩。印以碉門地震,有聲如雷,晝晦。 真定、晉寧、延安、河南等路屯田**旱**。 者其捕以進。」乙亥,賜公主不答昔你媵 庚辰,運粟十萬石貯瀕河諸 靜懿聖,升祔太廟。發衞軍 蘭陽 奉元路治中單 縣 乙酉,伯 河溢, 大都、河 倉, 天全道 備 沒 亦 内

千錠。 之地, 湖廣 者六人。」禁僧道買民田,違者坐罪,沒其直。 土官宋王保來獻方物。 九月丙申朔,日有食之。 請以職官贓污者處之,以示懲戒。」從之。 壬戌,遣歡赤等使諸王 阿察赤的斤獻木綿大行帳。敕:「國子監仍舊制歲貢生員業成 壬寅, 保定、眞定二路饑,賑糧三萬石、鈔萬五 怯別等部。 寧夏路地震。 甲子,御 壬子,太白犯房。 .史言:「廣海古流放 甲

州 慰 賑 其 四 惠州 司 地 申 事 閏 以同 名山 副元 諸 路饑,賑米四萬四千石。 變赦天下。 知鳥撒宣慰司 大川。甲午, 帥,南通之子招三斤知木安府,姪混盆知孟傑府,仍賜鈔、幣各有差。 賜 諸王徹徹禿、渾都帖木兒鈔各五千錠。 廣 事你 西 八百媳婦蠻請官守,置蒙慶宣慰司都元帥府及木安、孟傑二府于 兩江徭爲寇,命所部捕之。甲戌,命祀天地,享太廟,致祭五嶽 出公、土官招南通並爲宣慰司都元帥, 土番階州饑,賑鈔千五百錠。奉元、慶遠、延安諸路饑, 己巳,太白經天。 招諭人米德為同知宣 車駕至大都 建昌、贛

錠。 相 路 1 政 察御史馮思忠請命太常纂修累朝禮儀。 Ė 脫 事 一秩,巖 以以 歡 龍 己亥,御史德住請擇東宮官。 冬十月丙申,享太廟。 答刺罕、平章 辛 Щ 御 神 史中 起 日 由 監察御史亦怯列台卜答言,都水庸田使司擾民,請罷之。癸丑,江浙行省左丞 忠顯靈澤普佑孚惠王。 . 東累官四品,於法不得陞。」制可。 丞趙世延爲中書右丞,以中書參議傅巖起爲 政 事高昉,以海溢病民,請解職,不允。 戊戌,諸王脫別帖木兒、日也哈兒蠻等獻玉及蒲萄酒,賜鈔六千 癸卯, 乙巳,晝有流星。己酉,以治書侍御史王士熙爲參知 命帝師作佛事于大天源延聖寺。甲辰,改封建德 壬戌,開南州土官阿只弄率蠻兵爲寇,雲南行省 安南遣使來獻方物。 吏部尚書。 雲南沙木寨土官馬愚等來朝 御史韓鏞言:「尚書 戊午,辰星犯 東咸

十四四 招 捕之。 萬九千石。 增置肅州、沙州、亦集乃三路推官。 衞輝獲嘉等縣饑,賬鈔六千錠,仍蠲丁地稅。 大都路諸州縣霖雨,水溢,壞民田廬,賑糧二 龍興路屬縣旱, 発其租。 大

名、河間二路屬縣饑,並賑之。

饑,蠲 州宣慰使。 崇城,不允。 蠻夷官。 子,賜公主不答昔你鈔千錠。 其賦三年。 月庚午,禁晉寧路釀酒。 雲南蒲蠻來附,置順寧府、寶通州、 召雲南王帖木兒不花赴上都。 孛斯 來附。 諸王塔思不花部衞士饑,賑糧千石。 給伯亦斡耳杂駝、牛。 平樂府徭爲寇,湖廣行省督兵捕之。辛卯,以降蠻謝烏窮爲 減價糶京倉米十萬石,以賑貧民。 癸酉, 慶甸 以歲饑,開內郡山澤之禁。 太白犯壘壁陣。 縣。 冀寧路陽曲縣地震。 緬國主答里必牙請復立行省於迷郎 乙亥, 熒惑犯天江。 以思州土官田仁爲思 永平路水旱、民 丙

錠。 內不 木兒等鈔 豹、白猴、 貢方物。 癸丑,命趙 ·獲者,償其贓。 十二月庚子,發米三十萬石,賑京 甲辰, 四千錠。 白鸚鵡 世延及中書參議韓讓、 梧州徭爲寇, 各 *→* 己未, 辛丑、敕塔失鐵木兒、倒刺 蔡國公張珪卒。 歲星退犯太微西垣上將。 湖廣行省督兵捕 師饑。 左司 植萬歲山花木八百七十本。 郎中姚庸提調 絳州 之。 沙領內史府四斡耳杂事。 太平縣趙氏婦,一產三子。 戊申,諸王孛羅遣使貢碙砂,賜 静江路徭兵為寇,湖廣行省督兵捕之。 國子 監。 乙卯,爪哇遣使獻 丙辰,賜 癸卯,安南遣使 定捕盜令,限 諸 王孛羅帖 鈔二千 金文 來

本

紀

第

Ξ

+

泰定

帝

右江 諸寨 土官岑世 忠等來獻方物。 大都 、保定、 濟南、 懷 慶諸路 草, 発田

半。河南、河間、延安、鳳翔屬縣饑,並賑之。

雨 河泱。 是歲 揚 汴梁 州路 延安、 通 州 汝寧 崇明 峽 州 大 州 風 旱, 海溢 濟 南 衞 輝 濟寧 南陽 八路屬縣蝗。 汴梁諸屬縣霖

冶提 之。 廟,三 帝 臺 僧、 星 食 鹽。 吉 將 一、樞 道 舉 甲 班 畋 致 密、 詔 獻官舊 匿 和 司 申 部 柳 加 諭 対幸淵 商 宿 元年 饑 林 歸 遣 百 稅 御 衞 皆 使 司 有 賑 春 重臣爲之。」丁 勳 史王獻等 祀 司 給宗 鈔 龍神 正月乙丑 凡 海 戚 萬 命帝 大臣 神 不 錠、 福應昭 赴 天 衞蒙古子 師 米五 妃。 以歲 · 而 任 朔, 修 及 惠公。 近以 丑 佛 / 擅離職 戊子, 饑 千 , 高 事 諫, 石。 女糧六月。 麗王遣 頒農桑舊制 戶 于 部 |河||間 帝 禁中 詔 占城遣 者 日 尙 優 拿 書爲 :「其禁衞 使來朝賀, 護 眞定、 免陝 其官 爪 使 辛巳, 十 亞 哇 水貢 四條于天下, 獻 避 西 順德諸路饑, 國 土 撈 主札 〈方物, 差遣 靜 人旣 獻方物。 鹽 册 江 擾民 牙納哥, 徭寇 疏遠 者,答之。」御 年。 且言 家,),禮難 靈 仍 甲戌, 發 賑 為交趾 川 詔 命御 卒 鈔 仍 勵 萬 修 賜 嚴 臨 有司 享太廟。 史二人 京 史鄒 肅 衣 所 桂 千錠 城。 物 侵, 以察勤 弓 請 一縣, 惟亨言:「時享太 、巡察之。」 矢。 詔 罷 仍 命繪蠶 舊制 大都 益 命 諭 都 罷 廣 解 之。 諸 西 加 麥圖 以省 屬 招 東 南 列, 禁 安 縣 鐵 捕

州、大名路白馬縣饑,並賑之。

壞,調番休鹽丁修之。陝西諸路饑,賑鈔五萬錠。河間、汴梁二路屬縣及開(城)〔成〕、〔三〕乾 之。賜遼王脫脫鈔五千錠,梁王王禪鈔二千錠。壬戌,太白晝見。癸亥,解州鹽池黑龍堰 免河南自實田糧一年,被災州郡稅糧一年,流民復業者差稅三年,疑獄繫三歲不決者咸釋 二月癸卯, 弛汴梁路酒禁。乙卯,牙卽遣使藏古來貢方物。 庚申, 詔天下改元致和。

州蒙古軍饑,並賑之。

申,雨霾。甲戌,雅濟國遣使獻方物。(乙)[己]卯、[云]帝御興聖殿受無量壽佛戒于帝師。 以厭海溢。戊子,車駕幸上都。 往鹽官祀海神,仍集議修海岸。 誹所致,請量才敍用。」從之。辛未,大天源延聖寺顯宗神御殿成,置總管府以司財賦。 立萬戶府二,領征西紅胖襖軍。 塔失帖木兒、倒刺沙言:「災異未弭,由官吏以罪黜罷者怨 辰,命僧千人修佛事于鎭國寺。 撫司以總之,不允。置州一,以世興知州事,置縣二,聽世忠舉人用之,仍諭其兄弟共處。 雲南安隆寨土官岑世忠與其兄世興相攻,籍其民三萬二千戶來附,歲翰布三千匹,請立宣 三月庚午,阿速衞兵,出戍者千人,人給鈔四十錠,貧乏者六千一百人,人給米五石。 辛巳,賜壽寧公主鹽價鈔萬引。 丙戌,詔帝師命僧修佛事于鹽官州,仍造浮屠二百一十六, 己丑,以趙世延知經筵事,趙簡預經筵事,阿魯威同知經筵 甲申,遺戶部尚書李家奴

本

紀第三十

泰定

帝二

氏 奉 事 婦 方 物 元 來 產 用 獻 三子。 吳秉道 置 州 晉 , 以 虞集、 寧 撒 衞 段輔、馬 輝 加 布 路 知 及 州 祖常、燕赤、孛术 等處饑,並 泰安州 事 , 隸 羅羅 饑 賑 賑 宣 之。 慰 鈔 魯 四 司 孙 並 萬 徵 八 其 千 兼 三百 租 經筵官 賦 錠。 壬 辰, 雲南 冀 寧路平定州 太平路當 土官撒 加 塗 布 縣楊 降 了, 賑

米

萬

石

陝

西

四

]]]

及

加

南

府

南 M 洞 等 以民 屬 庭 色目 州 廟 大 夏 饑 都 縣 四 神 人 饑 月丙 日 / 效漢 東昌 請 忠惠 發 分 申 法 僧 鈔 大寧 · , 欽 順 Ţ 賑 道 利 憂 州 之。 儲 靈 者除 汴 徭 粟 濟 梁 黄 是 濟 昭 焱 其 之,不 月 佑 懷 等 名,從之。 慶 王 霊 爲 之屬 唐 報。 州 寇 柳 州 命 濬 甲寅, 州 縣饑 湖 壬寅 孙 刺 廣 大 史 行 改封蒙山 雨 柳宗 李家奴以 發 省備之。 雹 粟 賑 元 薊州 之。 日 神 作石 文 己亥 日 及 保定 惠 嘉 岐 昭 电 惠 Щ 塔失帖 捍 靈 冠 昭 公。 海 石 州 應 議 城 王, 德州 戊午 木兒、 聞 鹽 縣 己 池 禁傷 倒 般陽 蝗 神 酉 刺 造 御 沙 廣 彰德、 靈富 金 請 史 路 銀器 楊 凡 濟 倬

水。 崇 明 州 大 風 海 溢

遺 作 其 光 還 亂 燭 五 地 月 大 建 甲子 理 返 甲 怒 申 改元 江 遣 安南 旬 官 士 分 官 己巳 國 護 阿哀 及八洞蠻會遣 流 民還 八 你 百 寇樂辰 媳婦蠻 鄉, 仍禁聚至千人者杖 諸 遣 使獻方 寒, 子 哀招 命 が物。 雲 獻 南 戊子,以嶺北行 馴 行 象 省 督兵捕 百。 癸 酉 丙 之。 寅, 籍 省平章 在京流 庚 廣 辰, 西 政事塔失帖木兒 普寧縣 民 有 廢 流 疾 星 僧 者 大 陳 如 給 慶 缶 安

十四萬三千餘錠。 爲中書平章政事。 峽州 是月、燕南、山東東道及奉元、大同、河間、河南、東平、濮州等處饑、賑鈔 屬縣饑,賑糶糧五千石。 冀寧、廣平、眞定諸路屬縣大雨雹。 汝寧

府 潁州、衛輝路汲縣蝗。 涇州靈臺縣旱。

賑糧 南寧、開元、水平諸路水。 世 祖 五萬石、鈔四十萬錠。 神御殿。 六月,高麗世子完者禿訴取其印,遣平章政事買閭往諭高麗王,俾還之。丙午,遣使祀 是月,諸王喃答失、徹徹秃、火沙、乃馬台諸(郡)〔部〕風雪斃畜牧、同己士卒饑, 江陵路屬縣旱。 奉元、延安二路饑,賑鈔四千八百九十錠。 河南(安德)[德安]屯蠖食桑。[計] 彰德屬縣大雨雹。

未,修佛事于欽明殿。 秋七月辛酉朔,寧夏地震。 乙酉,皇后、皇太子降旨諭安百姓。 庚午,帝崩,壽三十六。 葬起輦谷。 丙戌,太白犯軒轅大星。 。己卯,大寧路地震。

九月, 倒 刺沙立皇太子爲皇帝,改元天順,詔天下。

無事,號稱治平,茲其所以爲足稱也。 泰定之世,災異數見,君臣之間,亦未見其引咎責躬之實。 然能知守祖宗之法以行,天

校勘記

下

高 本 紀 麗 國 第 王王(章)〔章〕 Ξ + 校 勘 記 見卷二二校勘記〇〇 又按王璋死於泰定二年五月,此時在位者爲其子

王騫。

- 黎平慶 按上文泰定二年七月丙辰條、下文六月癸未條均作「黎平愛」,疑「慶」爲「愛」之誤
- (三)(元)(己)丑 按是月丙子朔,無乙丑日。 此「乙丑」在丁亥十二日、甲午十九日間,爲己丑十四日之

誤,今改。道光本已校。

改。

類編已校。

- 大天源延(養)〔聖〕寺 據下文十月庚辰、 癸酉、 致和元年三月辛未諸條及本書卷七五祭祀志
- 甲戌 二十三月,疑是。 按是月丙子朔,無甲戌日。 此「甲戌」在丙申二十一月、庚子二十五日間, 類編改作「戊戌」
- K] [容]米洞 諸條所見「容米洞」補。蒙史已校。 據本書卷二三武宗紀至大三年四月己酉、十一月戊子及上文泰定元年十二月乙亥
- 7 修夏津武[城]河堤 據本書卷五八地理志補。 按夏津、武城皆高唐州屬縣,境內有衞河經流。
- 五月甲(戌)[辰]朔 按泰定三年五月朔在甲辰、「戌」誤、今改。 類編已校。

續通鑑已校。

- へたし 招南(道)[通] 據下文泰定三年七月己未、四年二月庚寅、閏九月甲午條改。
- (0)阿難答(的)之地 按阿難答之名本書屢見了的」字行,今删。蒙史已校。

- 水(精)[晶]殿 按上文泰定元年六月辛未條有「修黑牙蠻答哥佛事於水晶殿」,據改。續編已校。
- 庚申 按是月癸卯朔,庚申爲十八日。此庚申在己巳二十七日後,疑爲庚午二十八日之誤或錯簡。
- 散(元只) [只兀]台 按此名蒙古語、意爲「散只兀部人」、此處「兀只」倒誤、今改正。
- 建昌印都 按本書卷六一地理志、雲南建昌路有邛部州。「印都」史無其地、疑爲「邛部」之誤。
- 二吾 宮你囊 鎭(江)(康)路土官泥囊弟陀金客木(帖)(粘)路土官丘羅 按本卷下文泰定四年七月戊午條復見「謀粘路土官賽丘羅」, 即泥囊、謀粘路土官賽丘羅即丘羅出降,此鎭江當作鎭康,謀木同聲,粘帖字形相 本證云:「繼培案,二年七月鎭康路土 本書卷六一地理志有 「謀粘路軍 近 而誤。」

民府」,本證是,從改。

- 癸酉 按是月辛未朔,癸酉爲初三日,應在甲戌初四日前。
- (十一月)庚子 按十月辛未朔,是月大盡,庚子爲三十日,「十一月」三字衍誤,今删。
- 〔十一月〕癸卯 按十一月辛丑朔,癸卯爲初三日。 今補「十一月」三字。
- (十二月)丁丑 無丁丑日,十二 月辛未朔,丁丑爲初七日。 考異云:「是年失書十二月」自丁丑 考異是,從補 以後,當屬十二月。」按是年十一月辛丑朔,
- 馬(忽思)[思忽] 處「忽思」二字倒誤,今改正。 按本書卷一二五賽典赤贍思丁傳,賽典赤第五子馬速忽爲雲南平章政事。 此

本

- \subseteq 白登部 按元無「白登部」。 本書卷五八地理志、大同路有白登縣、疑「部」爲「縣」之誤。
- 八剌 失(思)[里] 據本書卷一○七宗室世系表、卷一○八諸王表改。 蒙史已校
- 全州 義寧屬縣 按本書卷六三地理志, 全州路屬縣無義寧, 義 寧縣隸靜江路,本身更無屬縣,

「屬」字衍誤。

- 遣察乃伯顏赴大都銓選 本證云:「繼培案、伯顏當是伯顏察兒之誤、時與察乃同爲平章。」
- 至 戊戌 按是月丁酉朔;戊戌爲初二日, 已見上文。 此重出之「戊戌」在丁未十一日、壬子十六日間,
- 鞏昌 府 通(曹)[渭]縣 據本書卷五〇五行志改。 續通鑑已校。

疑為

戊申十二日或庚戌十四日之誤。

- 脫別 帖木兒 按本書卷三四文宗紀至順元年閏七月癸未條有「杂列鐵木兒」,卷三五同紀至順
- 作篇 二年八月壬子條作「朶列帖木兒」, 來帖 木兒」,係察合台系諸王。 十二月戊午條作「秃列帖木兒」,卷六三地 此 處所指,似卽此人。 又楚王牙忽都子與此 理志 同 名。 西北 新元 地 附錄 史
- 改「別」爲「列」,疑是。
- 云〕開(城)〔成〕 見卷一○校勘記□0〕。
- (元)[己]卯 按 是 月甲子朔, 無 乙卯日。 此「乙卯」在甲戌十一日、庚辰十七日間,爲己卯十六日之

誤,今改。道光本已校。

記

今從道光本改。

[三] 河南(安德)[德安]屯 據本書卷五〇五行志改正。本證已校。

元史卷三十一

本紀第三十一

明宗

德三年,命武宗撫軍北邊,帝以四年十一月壬子生。 成宗崩,十一年,武宗入繼大統,立仁 明宗翼獻景孝皇帝,諱和世球,武宗長子也。 母日仁獻章聖皇后,亦乞烈氏。 成宗大

宗爲皇太子,命以次傳於帝。

南。 等路蒙古軍萬戶孛羅、翰林侍講學士教化等並爲常侍,中衞親軍都指揮使唐兀、兵部尚書 賽罕八都魯爲中尉,仍置諮議、記室各一員,遣就鎭。 皇太子,又與太后幸臣識烈門譖帝於兩宮,浸潤久之,其計遂行。於是封帝爲周王,出鎭雲 置常侍府官屬,以遙授中書左丞相禿忽魯、大司徒斡耳朶、中政使尚家奴、山北遼陽 武宗崩,仁宗立,延祐三年春,議建東宮,時丞相鐵木迭而欲固位取寵,乃議立英宗爲

帝 罕爲太師,鐵木迭兒奪其位,出之爲陝西行省丞相,及敎化等至,卽與平章政事塔察兒、行 殺 臺 以 [來會。 其故白行省,俾聞之朝廷,庶可杜塞離間,不然,事變叵測。」遂與數騎馳去。 至 团 御史大 思罕、教化于河中,帝遂西行,至北邊金山。西北諸王察阿台等聞帝至,咸率衆來附 其部,與定約束,每歲冬居扎顏,夏居斡羅斡察山,春則命從者耕于野泥,十餘年間, 年冬十一月,帝次延安,禿忽魯、尚家奴、孛羅及武宗舊臣釐日、沙不丁、哈八兒禿等 、夫脫里伯、中丞脫歡,悉發關中兵,分道自潼關、河中府入。已而塔察兒、脫歡襲 教化謀曰:「天下者我武皇之天下也,出鎭之事,本非上意,由左右搆間致然。 請 先是,阿思 邊

三年 使扈從皇后八不沙至自京師。 八月癸亥,御史大夫鐵失等弑英宗,晉王也孫鐵木兒自立爲皇帝,改元泰定。五月,遣 延 祐 七年,仁宗崩,英宗嗣立。是歲夏四月丙寅,子妥懽帖木爾生,是爲至正帝。 二年,帝弟圖帖睦爾以懷王出居于建康。三年三月癸酉,子 至治

懿璘質

班生、是爲寧宗。

衆曰:「武皇有聖子二人,孝友仁文,天下歸心,大統所在,當迎立之,不從者死!」乃縛平章 密院 歲 戊 事 燕鐵木兒留守京師,遂謀舉義。八月甲午黎明,召百官集興聖宮,兵皆露刃,號於 辰 七月庚午,泰定皇帝崩于上都,倒刺沙專權自用,踰月不立君,朝野疑懼。 時僉

烏伯 東太 必不得已,當明以股志播告中外。」九月壬申,懷王卽位,是爲文宗。改元天曆,詔天下曰: 旦夕卽至矣。丁巳,懷王入京師,羣臣請正大統,固讓曰:「大兄在北,以長以德,當有天下。 宣言已遣使北迎帝,以安衆心。復矯稱帝所遣使者自北方來,云周王從諸王兵整駕南轅, 納失里固守內廷。 都刺、伯顏察兒,以中書左丞朶朶、參知政事王士熙等下于獄。 於是帝方遠在沙漠,猝未能至,慮生他變,乃迎帝弟懷王于江陵,且 燕鐵木兒與西安王阿

「謹俟大兄之至,以遂朕固讓之心。」

都,倒 失鐵木兒、御史大夫紐澤、太尉不花等,兵皆次于楡林,燕帖木兒與其弟撒敦、子唐其勢等, 帥 師 與戰,屢敗之。上都兵皆潰。十月辛丑,齊王月魯帖木兒、元帥不花帖木兒以兵圍上 時倒刺沙在上都,立泰定皇帝子爲皇帝,乃遣兵分道犯大都。而梁王王禪、右丞相答 刺沙乃奉皇帝寶出降,兩京道路始通。

山,嶺北行省平章政事潑皮奉迎,武寧王徹徹禿、僉樞密院事帖木兒不花繼至。乃命孛羅 沿邊元帥朶烈捏、萬戶買驢等,咸帥師扈行。舊臣孛羅、尙家奴、哈八兒禿皆從。至金 師。 於是文宗遣哈散及撒迪等相繼來迎,朔漠諸王皆勸帝南還京師,遂發北邊。諸王察阿 兩京之民聞帝使者至,歡呼鼓舞曰:「吾天子實自北來矣」」諸王、舊臣爭先迎謁,

所至成聚。

籍,以知古今治亂得失。卿等至京師,當以朕意諭之。」 京師,帝命之曰:「朕弟曩嘗覽觀書史,邇者得無廢乎?聽政之暇,宜親賢士大夫,講論史 報京師。是月,前翰林學士承旨不答失里以太府太監沙剌班輦金銀幣帛至。遣撒迪等還 行幄,以文宗命勸進。丙戌,帝卽位于和寧之北,扈行諸王、大臣咸入賀。乃命撒迪遣人還 天曆二年正月乙丑,文宗復遣中書左丞躍里帖木兒來迎。乙酉,撒迪等至, 入見帝于

月,文宗立奎章閣學士院于京師,遺人以除目來奏,帝並從之。 二月壬辰,宣靖王買奴自京師來覲。辛丑,追尊皇妣亦乞烈氏曰仁獻章聖皇后。是

察阿台今亦從股遠來,有司供張,皆宜豫備。卿其與中書臣僚議之。」丁亥,雨土,霾 丙寅,帝謂中書左丞躍里帖木兒曰:「朕至上都,宗藩諸王必皆來會,非尋常朝會比也,諸王 丞八即剌、知樞密院事禿兒哈帖木兒等,各率其屬以從。壬戌,造乘輿服御及近侍諸服用。 三月戊午朔,次潔堅察罕之地。辛酉,文宗遣右丞相燕鐵木兒奉皇帝寶來上,御史中

兒等曰:「凡京師百官,朕弟所用者,並仍其舊,卿等其以朕意諭之。」燕鐵木兒奏:「陛下君 臨萬方,國家大事所繫者,中書省、樞密院、御史臺而已,宜擇人居之。」帝然其言,以武宗舊 丞相,開府儀同三司、上柱國、錄軍國重事、監修國史、答刺罕、太平王並如故。 四月癸巳,燕鐵木兒見帝於行在,率百官上皇帝寶,帝嘉其勳,拜太師,仍命爲中書右 復諭燕鐵木

醫,省 特命臺 墨懼, 之。 院 辛 諸 庶 世 夫。 等傳旨, 司 敗 行 人 、哈八 御御 其 德 1 政 法 司 樞 一文宗 心。』卿 政。 密 甲 其 史臺 、院闕 咸 詢 成 猶斧斤 見禿 他 院 午 臣 宗 俾 宣 一立行 等居 事務,果有 天下 日 事 立 僉同 以來 及 聞 諭 :「太祖 失,不以御史臺治之,可 爲 都督 重則 知 百 燕鐵 是 中書平章 國 風 小列聖 漂標譯 司 樞密院, 紀 日 家,譬猶 府 儻 庶府, 共治天下, 大小 入木深,其勢然 木兒、 之司, ,帝宴諸王、大臣 皇帝嘗訓敕 Ŧ 違 所言,必先 所 相 京師,遺使來奏,又以臺憲官除目來上,並從之。 股 一政事, 承 奏,以告于朕。 命昭武王 伯答沙、火沙 意, 一人之身,中書 亦嘗念及此乎? 罔 必 不恪 前 臣 罰 中書、院、臺,其下 下 無赦 也。 中書平章政事伯帖木兒 遵成憲。 知樞 乎? 于 芸 一 丁 、哈八兒秃、 股 "『美色、名馬,人皆悅 行殿,燕鐵木兒、哈八兒秃、伯帖 軍務 職掌, 密院 有闕 凡諸 則右手 世祖初 酉 機 朕 事 二, 以 失, 王 密 今居 已有定制 火沙 也, (百司, 陜 百 立御 卿亦 樞密院當 八郎刺等曰:「世 太祖 西 司 樞密則 領 及 行 汉聞, 史臺,首 行 違法 一世祖 暬 臺 樞 知 世祖 御 御 左 密院 之,然方寸 樞密院 卽 越 史大 之臣 股 手 所 禮, 以 命塔察 命 也。 不 事 居之位,凡省、院、臺、 聞 一,毋 夫鐵 爾 廷臣集律 , 事 祖 賽 左右 責也。」 聽舉 得 毋 ,,常侍孛羅 皇帝・ 木 木 帖 見、奔帖傑 癸卯,遣 隔 以 見脫 有繫累, 見、孛羅 木 手有病,治 劾。 夙 越 立 兒、 令章程 乙未,特命孛羅 陳 夜 中書省、 爲上 請。 買 爲間 風 使 等侍。 卽 爲 紀 兒 奴 都 如 以以 之以 宜宣諭 而 能 御 重 並 京 留守 史大 稽 百 爲 樞 人 同 則 壞 師 協 帝 知 留 貪 良 名

魯忽乃晉邸衞卒,不諳政務。並宜黜退。」臺臣以聞,帝曰:「御史言甚善,其並黜之。」又諭 省平章政事。 宗爲皇太子,仍立詹事 臺臣曰:「御史劾嶺北省臣,朕甚嘉之。 任。 「嶺北行省,控制一方,廣輪萬里,實爲太祖肇基之地,國家根本繫焉。 1 日 平章塔即吉素非勳舊,奴事倒刺沙,倔起宿衞,輒爲右丞,俄陞平章,年已七十,眊昏殊 左丞馬謀,本晉邸部民,以女妻倒刺沙,引爲都水,遂除左丞。 怯來、只兒哈郎並爲甘肅行省平章政事, 命中書左丞 甲辰,敕 相鐵木兒補化攝告卽位于郊廟、社稷。 一院, 中書省賜官吏送寶者秩一等,從者賚以幣帛。 罷儲慶司。 繼今所當言者,毋有所憚。 以徹里鐵木兒爲中書平章政事,關兒吉司 忽刺台爲江浙行省平章政事,那海爲嶺 造武寧王徹徹禿及哈八兒禿 被劾之人,荷營求申訴, 郎中羅里,市井小人,秃 乙巳,監察御史言: 方面之寄,豈可 爲 中 書右 立文 北行 輕

典 德郡王。賜扈駕宿衞士等幣帛有差。己未,皇太子遣翰林學士承旨阿鄰帖木兒來 殿、車輿。庚午,命燕鐵木兒陞用嶺北行省官吏,其餘官吏並賜散官一級。 申,次斡耳罕(木)[水]東。[1]辛酉,御史大夫孛羅、中政使尚家奴,並特授開府儀同三司,以 朕必罪之。或廉非其實,毋輒以聞。」 四番宿衞。 五月丁巳朔,次朶里伯眞之地。 癸亥,次必忒怯禿之地,翰林學士承旨斡耳朶自京師來覲。 戊午, 遣西安王 阿剌忒納失里還京師。 命有司 選用潛邸舊臣 封帖木兒爲保 新 武宗 庚 幄

己卯 汗, 都 及 已,次斡羅斡禿 1 大都省臣 八 不能 扈 索 爲 丑: 駙馬 次次 柳 一從士,受制命者八十有五人,六品以下二十有六人。 **,皇太子發京師。** 之, 自存 城 秃忽刺 無所 別闍 . 鑄皇太子寶。 那 敕 王 得, 里及扈 之地 间 河 以 東宣 東。 乃命更鑄之。 八郎 衞 鎭南 加翰 壬午,次 慰 百官, 刺 時求太子故寶不 司 爲 賑 林 王帖木 陝西 悉從 糧 學士承旨唐兀 不魯通之地。 西木鄰等四十三驛旱災,命中書以糧 兩 行 行。 月。 見不花、諸王 臺 御 庚辰, 戊寅,京 史大 知所在 爲太尉。 夫,衆家奴 是日,左丞相鐵木兒補化等以帝卽位,攝告南 賜諸王燕只哥台鈔二百錠、 (師市) 也速、斡即、答來不花、杂來只班、伯顏也不 ,近侍伯 馬二百八十匹,載 趙王馬 爲御史中 壬申,次探禿兒海之地。封亦憐眞 不花言寶藏于 札罕部落旱,民五 · 恋。 賑之,計八千二百石。 上都 乙亥,次秃忽刺 乘 輿服 幣帛二千匹。 行幄,遣 御送行在所。 萬五千四百 人至上 辛 敕

院 諸 郊。 宜,乞申 戊子,燕鐵木兒等奏:「中 老 奏:「皇太子 臣 甲申,次忽刺 六月丁亥朔,次 議 命禁止,庶使政 賑 、救之。 遣 使 火 來言,近已頒赦,四川諸省兵悉遣還營, 1 坤都 失溫 酉,次兀 權 政院 之地 也 歸 示 一。」從之。 納 越 刺 之地。 八之地。 中書擅 是日,鐵木兒補化等以帝卽位,攝告于宗廟、社稷。 奏除授,移文來徵制 庚寅,次撒里之地。 陞都督府為 大都 督府。 惟雲南逆謀 敕,已 陝西行 己亥,次闊 如 省告饑,遣 所請授之,然於 叵測, 朶之地。 兵未可 使還都, 大體 郎 龍 > 樞 與 非

化所言良是。 勸。 則 枕 自 正 ·藉,加以冬春之交,雪雨愆期,麥苗槁死,秋田未種,民庶遑遑,流移者衆。 臣伏思之**,**此 其 或 去 其近 七月丙 家節用之時也。 所出已過數倍。 秋 卿等其 命將出師,戡定禍亂,其供給軍需,賞賚將士,所費不可勝紀。若以歲入經賦較之,]侍諸臣奏請恩賜,宜悉停罷,以紓民力。」 臺臣以聞,帝嘉納之,仍敕中書省以其所 乙亥,次不羅察罕之地。丙子,文宗受皇太子寶。戊寅,次小只之地。壬午,遣 辰朔,日有食之。甲子,次孛羅火你之地。壬申,監察御史把的于思言:「朝廷 以朕意諭羣臣。」 天阴可畏,朕未嘗斯須忘于懷也。皇太子來會,當與共圖其可以澤民利物者 况今諸王朝會,舊制一切供億,俱尚未給,而陝西等處饑饉荐臻,餓殍 如果有功必當賞賚者,宜視其官之崇卑而輕重之,不惟省費,亦可示

使詣京師,敕中書平章政事哈八兒禿同翰林國史院官,致祭太祖、太宗、睿宗三朝御容。 發

諸衞軍六千完京城。

已,知樞密院事臣也不倫等議請上尊諡曰翼獻景孝皇帝, 廟號明宗。 三年三月壬申, 祔于 庚寅,帝暴崩,年三十。葬起輦谷,從諸陵。是月己亥,皇太子復卽皇帝位。十二月乙 八月乙酉朔,次王忽察都之地。丙戌,皇太子入見。是日,宴皇太子及諸王、大臣于行

校勘記

太廟。

[一] 次斡耳罕(木)[水]東 按斡耳罕水即今鄂爾渾河,此處「水」、「木」形近致誤,今改。續通鑑已校。

(散)[撒]里怯兒之地 從北監本改。 參看卷一校勘記[三]。

作「闊帖兀阿闌」。此名蒙古語,意爲「荒洲」。此處「倫」係行譯之文,將蒙語「之」裹入地名。 闊朶傑阿剌偷 此地卽本書卷二太宗紀所見之「曲雕阿蘭」、「庫鐵烏阿剌里」,卷三憲宗紀又

元史卷三十二

本紀第三十二

文宗一

氏。 等議立英宗爲皇太子,明宗以武宗長子,乃出之,居于朔漠。及英宗卽位,鐵木迭兒復爲丞 十一年,武宗入繼大統。至大四年,武宗崩,傳位于弟仁宗。延祐三年,丞相鐵木迭兒 大德三年,武宗總兵北邊,帝以八年春正月癸亥生。 文宗聖明元孝皇帝,諱圖帖睦爾,武宗之次子,明宗之弟也。母曰文獻昭聖皇后,唐兀

曩以小人譖愬,俾居遠方,當亟召還,明正小人離間之罪。」未幾,鐵失、也先鐵木兒等爲逆, 交通親王,於是出帝居于海南。 三年六月,英宗在上都,謂丞相拜住曰:「朕兄弟實相友愛, 相,懷私固寵,搆釁骨肉,諸王大臣,莫不自危。至治元年五月,中政使咬住告脫歡察兒等 而晉王遂立爲皇帝,改元泰定。召帝于海南之瓊州,還至潭州,復命止之。居數月,乃還京

本

紀第三十二

文

宗一

師 初 月 Ŧ 封 旣 懷 爲 皇帝 賜黃 ", 以 八金印。 內 史倒 二年 刺 沙 正 爲 月, 中 書平章 又命出居于建康, ·政事,遂爲 丞相,狡愎自 以殊祥院使也 用,災異數 先 捏掌 其衞士。 見,而

帝兄弟播越南北,人心思之。

極,傳 正 . ', 吾 扎 魯忽 致 黨 檄 和 守 扈 赤 元 禦諸 從 闊 年 者 春 闊 關 執諸王、 出等, 一大駕出 則 大 與僉樞密院 大臣 事 濟 殺 矣。 林,以疾還宮。 之。 事 居大都者,即縛大都省、臺官, 燕鐵木兒謀曰:「今主上之疾 諸王滿禿、 阿馬剌台, 日臻,將往 太常禮儀使哈海, 宣言: 太子 上 已至, 都 IE. 如 位宸 有 宗 不

都。 睛 _ + 也 月, 月 先 庚 午, 捏 駕 私 至 泰定皇帝崩于 至 上都,滿禿、闊 上 都,與倒 刺 上 闊 沙 都。 等圖 出等扈從。 倒 弗利 刺 沙 於 及 帝,乃遺宗正 梁王王禪、遼王 西安王阿剌 成納失里居守,燕鐵木兒亦留大 扎 魯忽赤雍古台 一脫脫, 因 結 黨 遷 害 帝 政, 居 人皆 江 陵。

平。 畤 八 燕 月 甲 鐵 午,黎 木 見實掌 明,百官 大都 集 樞 興聖宮,燕鐵 密符印 ,謀於 木兒 西安王 率 阿剌 30 刺 忒 鐵 納 木 兒、 失里,陰結 孛倫 赤 等十七人,兵皆露刃 勇士,以 圖 舉 義

號 有 不 於 衆 熙 順 者 日 参議 :「武宗皇帝 斬 中書省事脫脫、吳秉道,侍御史鐵木哥、丘世傑,治書侍御史脫歡,太子詹 乃 手 縛 有 平章政 聖 子二 事 烏伯 人, 孝友仁文,天下 都刺、伯顏 察兒, 正 分命 統 當 勇 歸之。 士執 中 今爾 書左丞杂杂, 一二臣,敢紊 參 邦 知 事丞 政 事

辰

唐

|兒

收

花

學

左

以

内

王買奴 省參 安王令, 兵屯白馬 意識 等往 帝 將 其 肅 士承旨亦列赤、 丞 知知 相 、勢,自上都來歸。 命。 等,皆下之獄。 兵 政 發江陵,遣使召 府庫犒軍士。 廉訪 屯 、諸王燕不花于山東。 迎帝,且令塔失帖木兒矯爲使者自南來,言帝已次近郊,使民毋驚疑。 政事王不憐吉台爲樞密副使,與中書右丞趙世 ,太子詹事塔失海涯爲中書平章政事,前湖廣行省右 河南行省平章政事伯顏,令簡兵以備扈從。 給宿 河中。 卽遣 甸 司、萬戶府及郡縣印。 ,隆鎮衛指揮使斡都蠻將兵屯泰和嶺。 衞京 前 壬寅,河南行省以郡縣闕人,權署官攝其事。 河南行省參知政事明里董阿、 城軍士鈔有差,調諸衞兵守居庸關及盧兒嶺。 通政院使寒食分典機務, 燕鐵木兒直宿禁中,達旦不寐,一 燕鐵木兒與西安王阿剌忒納失里共守內廷,籍府庫,錄符印,召百官入 1鎮南王 河南行省殺平章曲烈、右丞別鐵木兒。 |鐵木兒不花、威順王寬徹不花、湖廣行省平章政事高昌王鐵木 己亥、徵兵遼陽。 庚子,發宗仁衞兵增守遷民鎭。 調兵守禦關 前宣 明里董阿至汴梁,執行省臣,皆下之獄。 是日,前湖廣行省左丞相別不花 丁酉,發中衞兵守遷民鎭。 一政使答里麻失里, .延、同僉樞密院事燕鐵木兒、[三] 夕或再徙, 要,徵諸 丞速速爲中書左 癸卯,燕鐵木兒之弟撒敦、子 是日 衛兵屯京師 丙申,遺左衞 人莫知其處。 辛丑,遣萬戶徹 明 里董阿 馳驛迎帝於江 丞, 等至江陵。甲 戊戌、徵宣靖 下郡縣造 率使禿魯將 又遣撒 乙未,以西 前 里帖木 陝西 爲 陵,密 翰 里 不 兵 林 行 叉

兒補 寅,刺 哈海 燕鐵 宗 西。 留 來 以 前 伯 指 7 欽察戰于宜興,斬欽察于陣,禽乃馬台送京師,戮之,失刺敗走。 及 燕 行 遼王 歸 TF. 揮 兩 翰 顏 化來 赤等十八 木 省 鐵 林 扎 爲 使 丁未 馬黑巴等至 卽 鈔七萬 兒 脫 木 學 也 魯 本 平 命守 脫、 兒 省 又令乃馬台矯爲 章 速台兒將兵守碑樓口。 忽赤闊 撒 士承旨阿不海牙爲河南行省平章政事。 知 左 政 古北 敦守居庸關,唐其勢屯古北口。 諸王 一千錠,分給官吏、將士。又命有司 丞 事 人,同謀援大都,事覺,倒刺沙殺之。 樞 執 密院 相。 **闊出**,前 探馬赤,不至。丙午,諸王按渾察至京師。 湖廣行省左丞馬台某送京師,以別薛代之。河南行省出府庫金千兩、銀四 陝西、皆見殺。 口。癸丑,鑄樞密分院印。 |孛羅帖木兒、太師朶帶、左丞相 事,亦列赤爲御史中丞。 河南行省遣前萬戶孛羅等將兵守潼關。 河南行平章政事買闆,集賢侍讀學士兀魯思不花, (使者北來)言周王整兵南行,聞者皆悅。 乙卯,脫脫木兒及上都諸王失刺、平章政事乃馬台、詹事 河南行省殺其參政脫孛臺。 命河南行省造銀符,以給軍士有功者。 是日,上都諸王及用事臣,以兵分道犯京畿, 壬子,阿速衛指揮使脫脫木兒帥其軍自上都 `造乘輿、供張、儀仗等物。 發平灤民塹遷民鎮,以禦遼東軍。 倒 庚戌,帝至汴梁,伯顏等扈從北行。 刺 沙、 遣前 知樞 召陝西行臺侍御史馬扎兒台 己酉,諸王滿禿、阿馬剌台, 密院事鐵木兒脫居守。 西臺御史剌馬黑巴等諭陝 丙辰,燕鐵木兒奉法駕郊 帝命河南行省平章政事 乙巳,遺隆鎭衞 太常禮儀院使 辛亥, 戊申 甲 以

迎。 黑漢謀附上都,坐棄市,籍其家。 中書參知政事,河南行省左丞相伯顏爲御史大夫,中書右丞趙世延爲御史中丞。 戊午,以速速爲中書平章政事,前御史中丞曹立爲中書右丞,江浙行省參知政事張友諒爲 兒、太尉不花、平章政事買闆、御史大夫紐澤等,兵次楡林。 河南萬戶也速台兒同知樞密院事。 丁巳,帝至京師,入居大內。 貴赤衞指揮使脫迭出自上都, 率其軍來歸, 罷回回掌教哈的所。 上都梁王王禪、右丞相塔失鐵木 陞宜興縣爲州。 隆鎮衛指揮使 命守古北口 己未,以

從之。 貨無算,法當沒官,而倒刺沙私其種人,不許,今請籍其家。」從之。 有司括馬。中書左丞相別不花言:「回回人哈哈的,自至治間貸官鈔,違制別往番邦,得寶 師。 而還。 遣使卽軍中賜脫脫木兒等銀各千兩,以分給軍士有功者。賜京師耆老七十人幣帛。命 九月庚申朔,燕鐵木兒督師居庸關,遣撒敦以兵襲上都兵于楡林,擊敗之,追至懷來 陝西兵入河中府,劫行用庫鈔萬八千錠,殺同知府事不倫禿。 隆鎮衞指揮使斡都蠻以兵襲上都諸王滅里鐵木兒、脫木赤于陀羅臺,執之, 燕鐵木兒請釋馬合某, 壬戌、遺使祭五 歸于京 一嶽、四

監察御史其糾言之。」以高昌王鐵木兒補化知樞密院事,也

中書奏請政務者,以違制論。

穀、銓選、刑罰、興造,罔不司之。自今除樞密院、御史臺,其餘諸司及左右近侍,敢有隔越

瀆。命速速宣諭中外曰::「昔在世祖以及列聖臨御,咸命中書省綱維

百司,總裁庶政,凡錢

之。 鄧 及。 萬 西 先 鑄 使 之,不克。 拒 兒 八 及 師 大 遼東 御 州 分 不 事 刺 捏 网 冗 距 帝 萬 暂 花 行 馬 召 萬 安 爲 潼 在 內 南 兵于 燕 言 成 戶 河 戶 威 朔 也 郡 孫 間 鐵 軍 或 徽 先 戊辰, 一必 順 方 匹 薊州 木兒 立 節 來 使 河 帖木 爲 王 萬 保定、 行 不 中 貢 股 寬徹 三萬, 以兵守武 事 走闕 樞密院于 得 大 敢 方 給 東 不 兒 司 已, 遠, 流 紊天序 物 居 以 眞 不 1 農 庸 沙 命 定 花、宣 湖廣 卯 所部兵 必 湖 關 明 河 上 賜 關 明著 燕 及 汴 乎 都 里 廣 軍 上 行 70 元 梁 董 靖 諸 鐵 參 士 都 入管州 南 省 命 朕意以示天下 帥 阿 糗 政 燕 王 木 王 將 以 軍 海 等 四 一也先 買 鐵 兒 鄭 糧。 土 同 路 道 大 兀 奴 率 木 昂 唯 來 知 萬 括 都 刺 等, 霄、萬 平陽 兒 諸 賜 殺 帖 歸 樞 戶 民 留 守 木兒、 鎭 日二 掠 王 者 密院 府 馬。 守 金 居 南 吏民。 鈔 保 各 來 闊 戶 庸 而 大臣, 王鐵木兒 人心向 各 事 徴 定 年 闊 五 後 脫 平 關 有 台 也 運 爲 十 可。 脫 兩 章 丙 差 速 伏 萬 米 陵 木 兩 禿滿 上 寅 並 背之機, 台 = 賜 闕 縣 兒 戶 都 爲 不花等鈔有 銀 兒 百 將之, 西 請 命造 號 樞 河 軍 迭 中 各五 安 知 西 早 稱 密 兒, 攻 書 行 + \pm 兵 精 院 軍 正 碑 間 平章 並 百 樞 萬 器 自 銳 赴 [5] 大 臣 樓 不 黃 密院 兩 位,以 闕 石 刺 遼 容 口 差。 政 江 河 請 龙 東 髮, 浙 幣各三十 事 指 爲 發 事 納 造 命 以 河 安 徴 營, 蘄 將 金 南 襄 失 兵 揮 江 天下 募 五. 符 或 里、 西 陽 入 行 兵行 使 勇 以 黃 衞 、遷民 萬 失之,噬 鎭 帝 也 匹。 湖廣 士 便 屯 戍 戶 軍 昶 從 田 速 南 徴 軍 楊 鎭 古 列 太行 遣 兵 軍 臺 遣 王 三省六 克 辭 戍 萬 赴京 兒 撒 帖 臍 諸 忠 漕 禦 從 敦 木 無 淮 人

廟。 各流于遠州,並籍其家。 關,西擊河中、潼關軍,以摺疊弩分給守關軍士。 有司 和市粟豆十六萬五千石,分給居庸等關軍馬。 雲南孟定路土官來貢方物。 同知樞密院事脫脫木兒與遼東禿滿迭兒戰于薊州兩家店。 烏伯都刺、鐵木哥棄市、朶朶、王士熙、伯顏察兒、脫歡等 上都諸王忽刺台等引兵犯崞州。 遣軍民守歸、峽諸隘。 辛未, 常服謁太 庚午,命

覦,此不易之成規,萬世所共守者也。 也先帖木兒等潛通陰謀, 心,以次 洪惟我太祖皇帝混一海宇,至受立定制,以一統緒,宗親各受分地,勿敢妄生覬 相傳,宗王、貴戚,咸遵祖訓。 冒干寶位,使英宗不幸罹於大故。朕兄弟播越南北,備歷艱 至於晉邸,具有盟書,願守藩服,而與賊臣鐵失、 世祖之後、成宗、武宗、仁宗、英宗,以公天下之

帝即位於大明殿,受諸王、百官朝賀,大赦,詔曰:

險,臨御之事,豈獲與聞!

非德 以 顯 自 握 用 一,宜俟 國柄,用成其奸。 ,疏遠勳舊,廢棄忠良,變亂祖宗法度,空府庫以私其黨類。大行上賓,利於立幼, 朕以叔父之故,順承惟謹,于今六年,災異迭見。 周王 大兄,固讓 遼隔 朔漠,民庶遑遑,已及三月,誠懇迫切。 再三。 宗王、大臣,以宗社之重,統緒之正,協謀推戴,屬於眇躬。 宗戚、將相、百僚、耆老,以爲神器不可以久虛,天下不可 權臣倒刺沙、烏伯都刺等,專權 朕姑從其請, 謹俟大兄之至, 股 以

天 以 曆 涿 朕 元 年 固 讓 可 之心 大 赦 _ 天下。 已於 致和 自九 元 月 年 千三 九 月十三日 日 昧 爽 已 , 前 刨 、除謀 皇帝 位於大 殺 祖 父 明 母 殿 ` 父 0 母 其 以 妻妾 致 和 殺 元 夫,奴 年 爲

婢 殺 主 謀 故 殺 人 但 犯强 盜, 即 造 偽 鈔 不 赦 外,其 餘 罪 無 輕 重,咸 赦除之。

史大 司、 癸 亥,立太禧 食邑 堅帖木兒、 (等自 使。 政 臺 四 上柱 夫。 事 御 爾 翰 賜 史大 恩 , 中 林 國 福 金 都 外文 諸 孙 於 院,以 錄 院 江 建 五. 夫朶兒 王禪 戲 王 來 浙 廉 增給驛璽 百 武 孛 軍 朝 股 訪 兩 行省右丞易釋 兵襲破居庸關 奉 羅 臣僚, 或 분 使易釋董阿 、銀二千 祖宗 只 賜 忽 重 有 爲 按 事 書。 協 意 都火者 神御 江 灰 、中書右丞 於 心 浙行省左 鈔百 五百 命燕 天下 相 殿 董 來朝 予 爲 錠, 將 兩 祠祭,秩 右 ,輯寧億兆,以 哉 阿 鐵 相、 丞,前 並 鈔 木兒將兵 ! 土 以 丞 萬錠 皆 徵 重 爲 祀 相 監 一念祖 潰 太 左 正 天 中 修 平江 禧 右 淮 神。 書 國 燕鐵 院 品 擊遼東軍 宗 兩 西 左 史, 使, . , 阿 道 成 開 官 丞 括 罷 速 木兒軍 肅 治 創 依 張 地五 河 中 會 之艱 衞 功。 政 前 東 思 福 書 o 軍 廉 知 馬 明 百 **一次**三河 平章 老幼 咨爾 封燕 殊 訪 頃 樞 爲 恐隳大業, 祥 左 使 速速 密 甲 赴京師 多 鐵 院 丞 [5円] 兩 中 戌 木兒爲太平王,以 方,體予至 院 兒 書 事 丙子 o 燕 諸 右 御 思 不 是以 蘭 史 鐵 江 伯 王 丞 , 塔北 西 行 木 曹立爲江浙 中 海 顏 王禪游兵至大口 勉徇 者 牙 兒 意 丞 行 加 亦 只 省 斬 爲 太 加 列 平 籍 江 尉 開 輿 見哈郎 南 太平 章 府 赤 其家 以 儀 兼 政 行 行 省 路 事 太 江 同 尙 佛 御 南 平 賴

寶

行

章

院

于陣,敗 浮 院 都 院 漢 刺 橋 北。 朝。 於 伯 旅 燕鐵木兒還軍次楡河,帝出齊化門視師。 有 之事 舉 之西,敵不 事 頒 事 將 延 天 都 丁,依 春 增給 命留 詔 刺 軍 而 其 並著其實,無則勿妄以言。 ,臣請 關羽 樞 閣 使者及遼東徵兵使者,以聞,詔誅之。 潛 扇 書平章政事 前 密副 守司完京城、軍士乘城守禦。 惑其人者,罪之。」又敕:「軍中逃歸,及京城游民敢攘民財者斬。」命高昌僧作佛 大都驛馬百 通陰謀,變易祖宗成憲,旣已明正其罪。 中 爲顯 脱脱 又命也 敢 ·書左 以身任之。」卽 使阿剌帖木兒、指揮使忽都帖木兒以兵會王禪,復來戰,又敗之。 犯。 靈義勇武安英濟王,遣使祠其廟。 丞相。 木兒與遼東軍戰薊州之檀子山。 里可溫於顯懿莊聖皇后神御殿作佛事。 明里董阿爲江 至夜、撒敦、脫脫木兒前後夾攻、敗走之,追及于昌平北, 远。 括 庚辰,太白犯亢宿。 山東馬。 日還宮。命司 廉訪司書吏,當以職官、教授、吏員、郷貢進士參用。」加封 浙行省平章政事。 燕鐵木兒與上都軍大戰白浮之野,燕鐵木兒 燕鐵木兒與王禪前軍戰于檢河,四敗之,追奔紅 天監禁星。 丁丑,燕鐵木兒來見曰:「乘輿一出,民心必驚。軍 癸未,以同知樞密院事禿兒哈帖木兒知樞 詔諭御史臺:「今後監察御史、廉訪司,凡有 辛巳,命司天監禁星。以別不花知樞 壬午、大霧。王禪等遁崑山(州)。日 獲上 凡回回種人不預其事者,其安業勿懼, 戊寅、諭中外曰:「近以姦臣倒刺沙、鳥 王禪收集散亡, 諸王 一阿兒八忽、按灰、脫脫 復來戰, 斬首數千級, 我師列陣白 我師據紅 手刃七人 密 密 橋 來

本

紀

第

副使。 北行省左丞燕不鄰知樞密院事。 官五,各路司吏五,教授二,鄕貢進士四人。本臺經歷品秩相當者,除各道廉訪使, 臺:「凡各道廉訪司官,用蒙古二人,畏兀、河西、回回、漢人各一人。各司書吏十六人,用 戶孛羅 本臺譯史通事考滿不得除御史。」靖安王 棄關走,闊不花等分據陝州等縣,縱兵 募丁壯千人守捍城 四 规。 關不花等將陝西兵潛由 郭。 乙酉,以明里董阿爲中書平章 上都兵入古北口,將士皆潰,其知 潼關南 水門 政事,嶺 都 事 除 萬 職

忠懿,子鎖乃贈司徒,封雲國公,諡貞閔。 鐵木兒大兵繼至,轉戰四十餘里,至牛頭山, 燕鐵木兒遣撒敦倍道趨石槽,掩其不備擊之。 燕

木兒,「云將作院使撒兒討溫,送闕下戮之,將校降者萬人,餘兵奔竄,夜遣撒敦出 古北 口逐

壯守直 海港。 脱脱 活 居庸關 木兒與遼東軍戰 調 臨 壘石以爲固。 淸 萬 戶 府運糧軍三千五百並 丁亥,遼東軍抵京城, 御河 分守, 燕鐵木兒引兵拒之,令京城里長召募丁 山東 丁壯萬 人守禦益都 、般陽 師。 諸處 募丁

關,石州之塢堡口,汾州之向陽關,隰州之烏門關,吉州之馬頭、秦王嶺二關,靈石縣之陰地 壯及百工合萬人,與兵士爲伍,乘城守禦,月給鈔三錠、米三斗。 冀寧、晉寧兩路所轄:代州 尼,日不至。前尚書左丞相三寶奴以罪誅,其二子上都、哈剌八都兒近侍,命以所籍家貲 行樞密院官卜顏、幹都蠻,指揮使也速臺兒將兵援之。陝西行臺御史大夫也先帖木兒引 關,皆令穿塹壘石以爲固,調丁壯守之。戊子,上都諸王忽剌台等兵入紫荆關,將士皆潰, 之雁門關, 崞州之陽武關, 嵐州之(大)[天]澗口、[+] 皮庫口, 保德州之寨底、天橋、白羊三 木兒軍至,官吏皆棄城走,也先帖木兒悉以其黨代之。召雲南行省左丞相也(先)[兒]吉 「徹里帖木兒身爲大將,紀律不嚴,望風奔潰,宜加重罰,以示勸懲。」不報。 兵從大慶關渡河,擒河中府官殺之。萬戶徹里帖木兒軍潰而遁,河南廉訪副使萬家閭言, 河東聞也先帖

官言:「卽位之始,當告祭郊廟、社稷,時享之禮,請改用仲月。」從之。 省調兵守虎牢關。 肆剽掠,同知路事阿里沙及故平章張珪子武昌萬戶景武等率民持挺擊死數百人。 脫脫木兒等將兵四千,西援紫荆關。調江浙兵萬人,西禦潼關。 冬十月己丑朔,命西僧作佛事。 庚寅、我師與遼東軍夾潞水而陣,遼東軍宵遁,我師渡而襲之。 燕鐵木兒引兵至通州,擊遼東軍敗之,皆渡潞水走。遣 紫荆關潰卒南走保定,因 紫荆關兵進逼涿州 辛卯,禮 河南行

及制命還之。

京畿。 寧王 幷 兒等,旣已明正典刑,宜傳首四方以示衆。」從之。丁酉,以縉山縣民十人嘗爲王禪向導,誅 度支芻粟。 退保故關,冀寧遂破。 將兵由故關援之。冀寧路官募民丁迎敵,和尚以兵爲殿,殺獲甚衆。 大軍至,敵兵皆遁。 木兒率軍循北山而 兒、章吉與也先捏合擊敵軍於良鄉南、轉戰至瀘溝橋、忽刺台被創,據橋 死者蔽野,餘皆宵遁,遣撒敦追之,弗及。甲午, 以 忽刺台游兵進逼南城,令京城居民戶出壯丁一人,持兵仗從軍士乘城,仍於諸門列甕貯水 理之。癸巳,立壽福、會福、隆禧、崇祥四總管府,分奉祖宗神御殿,秩正三品,並隸太禧院 同 (防火。 取其家貲。 知州 八刺失里引兵入冀寧,殺掠吏民。時太行諸關守備皆闕, 事教化的調丁壯禦之。 賴陛下洪福,王禪遂致潰亡,生擒諸王孛羅帖木兒及諸用事臣蒙古答失、雅失帖木 燕鐵木兒及陽翟王太平、國王朶羅台等戰于檀子山之棗林、唐其勢陷陣、殺太平, 中書省臣言:「上都諸王、大臣,不思祖宗成憲,惑於姦臣倒刺沙之言,輒以 倒刺沙貸其姻家長蘆鹽運司判官亦刺馬丹鈔四萬錠,買鹽營利於京 西,趣良鄉,諸將時與忽剌台、阿剌帖木兒等戰于瀘溝橋,聲言燕鐵木兒 使者頒詔于甘肅,至陝西,行省、行臺官塗毀詔書,械使者送上都 丙申, 燕鐵木兒入朝, 壬辰,也先捏以軍至保定,殺阿里沙等及張景 賜宴興聖殿。 命有司市馬千匹,賜軍士出征 賑通州被兵之家。 冀寧路來告急, 會上都兵大至, 而宿 武兄弟五 敕萬戶 命速速等董 乙未,燕鐵 師、詔追 脫脫木 和尚 兵犯 和 尚 湘

本

有廪禄 家貲。 人者?: 沙等從至京師 見、諸王別 己酉 獲。 可。 臣言:「凡有罪者,旣籍其家貲,又沒其妻子,非古者罪 西、湖廣 課 圓 辰 田宅賜撒 事,侍御 鈔給 河南行省來告急,戒有司 丁未,告祭于南郊。 非 邸及遼王 別不花 者 其 開居庸 命有司 與燕 史玥璐 入貢駕鵝太頻, 直。 敦 及內侍宮人歲給獨豆,皆權止之。 思帖木兒、阿兒哈失里、那海罕及東路蒙古元 鐵 加太保,落知樞密院事。 關。 放還防河運糧軍。 收將士所遺符印 ,下之獄。 辛亥,雲南徹里路土官刁賽等來貢 所轄路、 木兒議, 不花爲中丞。 陝西 諸 軍奪武關, 府、州、縣達魯花赤並罷免禁錮, 令減其數以省驛傳。 分遣使者檄行省、內郡 人不許 以中書平章政事塔失海涯爲大司農,復以 修城壁,嚴守 以度支芻豆經用不足,凡諸王 一、兵仗。 奏陳。」以宦者米薛迷奴 陝西兵至鞏縣黑石渡,遂據虎牢, 萬 戶楊克忠等兵潰。 命刑 賑糶 衞。 部 糴豆二十萬石於瀕 京城 郎中大都、 以諸王火沙第賜燕鐵木兒繼母公主察吉兒 罷 雲南銀「沙」羅 米十萬石,石爲鈔 〈方物。 兵以安百 人不孥之意。今後請勿沒 帥不花 庚戌,帝 選流官代之。 婢家貲賜伯顏。 前 詔:「自 駙 姓。 廣 東 甸 御 馬來朝並節其給,宿 帖木兒等奉上皇帝 僉事 今朝廷 以宦者伯帖木兒妻及 土官哀贊等 御 河 千 興 我師皆 州縣, 張 欽察台爲中 五 聖 世 政務及籍 給淮 貫 殿, 壬子 榮 潰 以河 齊王 追 來貢 東 丙 ', 以 儲 人妻子。 理 宣 間 午, 沒田 一月魯 仗 鳥 方物 書 慰 寶 河 伯 悉 衞 平 Щ 中 司 南、江 一制 宅 奴 爲 官已 章政 銀字 倒 帖 都 東 (元) 賜 婢 木 所 刺 刺 鹽

癸丑 之被 死, 古塔失等三十人田宅賜徹里鐵木兒等三十人,從之。 師。 是。」命中書革正之。 北 阿塔赤,二百匹給中宮阿塔赤,餘二千匹分牧於內郡。 見兵至潞州。 妻女又何罪焉! 已,毀顯宗室,升順宗祔 賜 至是被執,其所俘男女千人,悉還其家。 司事,鷹坊伯撒里、河南行省左丞姚煒並爲儲慶使。 第四室,英宗 唐其 一兵奪紫荆關,官軍潰走,掠保定之民。 也先担不俟奏聞,輒擅殺官吏及珪五子。 公兵者。 · 燕鐵木兒辭知樞密院事, 命其叔父東路蒙古元帥不花帖木兒代之。 八刺失里及趙王馬扎罕、諸王忽刺台, 勢。 甲寅、罷徽政院、改立儲慶使司、秩正二品。 丙辰,燕鐵木兒請以所沒逆臣赤斤鐵木兒家貲還其 附右穆第四室。 乙卯,以倒刺沙宅賜不花帖木兒,倒刺沙 今旣籍其家,又以其女妻也先捏,誠非國家待遇勳臣之意。」帝曰:「卿等言 命御史臺擇人充各道廉訪司官。 右穆第二室,成宗祔右穆第三室,武宗祔 加命燕鐵木兒爲答刺罕,仍命子孫世襲其號。 遣使止江浙軍士之往潼關者,就還鎮。 本路官與故平章張珪子景武五 承上都之命,各起所部 珪父祖三世為國 元帥 以所括 覈上都倉庫錢穀。御史臺臣言:「近 遣官賑良鄉、 子潑皮宅賜 平章政事速速、明里董阿 也速答兒執湘寧王 河北諸路馬,四百匹給四 [勳臣,設使|珪子有罪,]珪之 妻。 左昭第三室,仁宗祔左昭 兵南侵冀寧,還次馬邑, 斡都蠻, 涿州、 鐵木哥兵 人,率其民擊官軍 燕鐵木兒請 定興、保定驛戶 八刺失里送京 内侍王伯顏宅 燕鐵木兒請以 入鄧州。 並領 也先鐵木 以蒙 儲 宿 衞 慶

本

制。 共議 日 當 尉不花。 河 盜 南 以 敕:「天下僧道有妻者,皆令爲民。」也先捏 平章 以 儿 聞 死罪,刑部議以爲三不花不道,衆所聞 、今臣僚、唯丞相燕鐵木兒、大夫伯顏許 初,不花乘國家多事,率衆剽掠,居庸以北皆爲所擾,至是盜 ,或私任己意者,不許獨請**。** 曲 列等二十三人田宅賜 西安王阿剌忒納失里等二十三人,從之。 上都官吏,自八月二十一日以 知, 兼三 軍次順德。 幸遇盜殺,而本路隱其殘剽之罪,獨以 職署事,餘者並從簡省。 令廣平、大名 入其家殺之。 後擢 兩路! 用者, 戊午,詔諭廷臣 百司 括 馬。 事當奏者, 並追收其 興 盜 殺 和 太

薦,若旣用之,又以人言而止,臺綱不能振矣。 兵北 司印 奴獲 聞,於法不當。」中書以聞,帝嘉其議 勿爲是言。 有能擒獲者,授五品官,同黨之人,若能去逆效順,擒王禪等來歸者,免本罪,依 「朕在瓊州、建康時,撒迪皆從,備極艱苦,其賜 之者,得備宿衞;敢有隱匿者,事覺與犯人 邊。 十一月己未〔朔〕,詔諭中外曰:「諸王王禪及禿滿迭兒、阿剌不花、禿堅等,兵敗 因 兵 中書省臣言:「侍御史左吉非才,不當 興而 左吉果不可用,省臣 失者, 令中書如品秩鑄給之。 何不先言之。 任 鹽引六萬,俾規利以贍其家。」命郡縣招集被 命太保伯答沙陞太 同罪。」給殿中侍御史及冀寧路印,凡內外百 必如省臣所言,臣等乞辭避。」帝曰:「汝等其 其令左吉仍爲侍御史。」 風 憲。」御史臺臣伯顏等言:「左吉, 傅, 兼宗正 帝謂中書省臣 扎魯忽赤 上授官,家 御史所 而 總

花 中統 衞 倒 省 去。 丑: 亥,帝宿齋宮。 宅賜欽察台。 仁言,汰近歲白身入官者。 迷、[10]剛答里歸田里。庚申,中書錄用前御史臺官亦憐眞、蔡文淵。 令有司 兵流亡之民,貧者賑給之。 迭兒竊位擅 中書省追 一, 燕 都指 、鎖南 選 刺 汴梁 沙 廉 鈔 鐵木兒請以烏伯都刺等三十人田宅賜斡魯思等三十人,從之。 以 四 揮使。 追 吏 八、于欽、張士弘言:「朝廷政務,賞罰爲先,功罪旣明,天下斯定。 上都 、河南等路及南陽府頻歲蝗旱,禁其境內釀酒。 萬錠。」監察御史言:「戶部鈔法,歲會其數,易故以新,期於流通,不出其數。 邇者 征其稅。 理倒刺沙及其兄馬某沙,子潑皮、木八剌沙等家貲。 理送還。 權 一假 經 庚午,復立察罕腦兒宣慰司。 也先捏兵至武安,也先鐵木兒以軍降。 甲子、服衮冕、享于太廟。 |費不足,命有司刻板印鈔; 刑賞 山北、京東驛被兵者,賑以鈔二萬一千五百錠。 中書省臣言:「今歲旣罷印鈔本,來歲擬印至元鈔一百一十九萬二千錠、 以遂其私,綱紀始紊。 敕行御史臺:「凡有糾劾,必由御史臺陳奏,勿徑以封事聞。」命 遼東降軍, 給行糧遣還。 陝西兵進逼汴梁,聞朝廷傳檄罷兵,乃解去。 今事旣定, 宜急收毁。」從之。 命總宿衞官分簡所募勇士,非舊嘗宿衞者皆罷 迨至泰定, 爵賞益濫。 京畿及四方民爲兵所掠而奴于人者, 河東州縣聞之,盡殺其所署官吏。 日本舶商至福建博易者,江浙行 辛酉,燕鐵木兒請以紐澤 放高麗(官)[宦]者米薛 用江南行臺御史王琚 比以兵興,用人甚急, 丁卯,伯顏 監察御史撒里不 國家近年自鐵木 兼忠翊侍 田田 癸

本

紀

兵 于五臺寺。 太 被災之家。乙亥,賜西安王阿剌忒納失里、齊王月魯帖木兒、知樞密院事不花帖木兒金各 哀,雲南威楚路土官胒放等,九十九寨土官必也姑等,各以方物來貢。 氣,操履端 軍 五. 詔各杖一百七,流遠,籍其家貲。甲戌,居泰定后雍吉剌氏于東安州。杭州火,命江浙行省賑 上 故 僧 「都舉兵、諸王失剌、樞密同知阿乞剌等十人、南望宮闕鼓譟、其黨拒命逆戰、情不可恕。」 平章黑驢平江田三百頃及嘉興蘆地賜西安王阿剌忒納失里。 作佛事於興和新內。 廟禮成,御大明殿,受諸王、文武百官朝賀。 士有差。丙子,速速坐受賂,杖一百七,徙襄陽,以母年老,詔留之京師。丁丑,以躬祀 百 質罰 兩、銀各二千五百兩、鈔各萬錠,諸王朶列帖木兒金五十兩、銀五百兩、鈔千錠,從者及 軍 功罪 戊寅,以御史中丞明路不花爲太禧使。 - 執使降,不屈,死之。 時愈樞密院事塔海擁兵南陽不救。 不 正,陛下欲振憲綱,非任斯人不可。」乃復以玥璐不花爲中丞,兼太禧使。 旣明,賞罰攸當,則朝廷肅淸,紀綱振舉,而天下治矣。」帝嘉納之。 可不嚴。 命河南、江浙兩省以兵五萬益湖廣。 夫功之高下,過之重輕,皆係天下之公論。 鐵木哥兵入襄陽, 本路官皆道。 荆王也速也不干遣使傳檄至襄陽,鐵木哥引 監察御史撒里不花等言:「玥璐不花素禀直 己卯, 中書省臣言:「內外流官年及致仕 襄陽縣尹谷庭珪、主簿張德獨不 願命有司,務合公議,明示 癸酉, 壬申, 遣官告祭社稷。以 八百媳婦國使者昭 燕鐵木兒言:「向者 辛未,遣西 作佛事

還鎭。 府官捕之。 察百戶及其軍士還鎭。 北。 爲左丞,殺其省平章寬徹等官,稱兵燒絕棧道。 馬某沙、紐澤、撒的迷失、也先鐵木兒等皆棄市。 能兵還。 者,並依階敍授以制敕,今後不須奏聞。」制可。 官,皆其私人,亦宜革去。」從之。敕趙世延及翰林直學士虞集製御史臺碑文。 鐵木兒言:「晉王及遼王等所轄府縣達魯花赤旣已黜罷,其所舉宗正 丙戌,作水陸會。 用故中丞崔彧故事,加平章政事居前職。 及乳媼 必兒等十一人。壬午,第三皇子寶寧易名太平訥,命大司農買住保養於其家。 以中政院使敬儼爲中書平章政事,同知樞密院事徹里帖木兒爲中書左丞。 諸衞 也孫眞。 別不花罷。 以御史中丞玥璐不花爲中書右丞。癸未,倒剌沙伏誅,磔其尸於市,王禪亦賜死, 漢軍 四川 及州縣丁壯所給甲冑兵仗,皆令還官。 甲申,命威順王寬徹不花還鎭湖廣。 行省平章囊加 以阿魯灰帖木兒等六人在上都欲舉義,不克而死,並賜贈諡,卹其家。 命有司追理上都官吏預 以脫脫等三人妻賜闆闆出等三人。以朶台等十一人田宅賜駙馬朶 台自稱鎭西王,以其省左 御史臺臣言:「行宣政院、行都水監宜罷。」從之。 (借俸) 以也先鐵木兒、烏伯都刺珠衣賜撒迪、趙世 烏蒙路教授杜巖肖謂「聖明繼統) 以所賜速速、也先捏宅,改賜駙馬謹 遼王脫脫之子八都聚黨出 御史中丞趙世延以老疾辭職,不許, 庚辰, 遣使奉迎皇兄明宗皇帝 丞脫脫爲平章,前雲南 府扎魯忽赤、中書斷 剽掠,敕宣德 遣諸衛兵各 廉訪 韶行樞 辛巳,遺欽 使楊靜 方內大 只兒 於漠

本

捏將兵 鐵 其家。 不花及 子 南 賜燕 制 王,宗正札魯忽赤闊闊出等十七人並賜 妻歸父母家。 延春閣 飭蒙古驛。 知之,御史不必言。」庚寅,令內外諸司,天壽節聽具肉 孫遠方, 木 行 可。 兒 臺 不隣等九人, 十二月己丑朔,監察御史言,伯顏 が所至, 燕鐵木兒。 御史言:「遼王 及 辛丑,立龍翊侍衞親軍都指揮使司, 中書省臣言:「陝西行省、行臺官,焚棄詔書,坐罪 、興聖宮、隆福宮、 卜蘭 而析其元封分地。」詔中書與勳舊大臣議其事。 諸關隘嘗毁民屋以塞者,賜民鈔,俾完之。 擅殺官吏, 奚、 己亥,造皇后玉册、玉寶。 卯罕為之,餘官悉聽燕鐵木兒選人以聞。 從之。 乙未,以王禪弓矢賜燕鐵木兒、伯顏。 脫脫,自其祖父以來, 俘掠子女貨財。」詔刑部鞫之, 丙午、日日幸大崇恩福元寺, 萬歲山 作佛事 宜 功臣號及階官爵諡, Ō 庚子,赦天下。 與燕鐵木兒 屢爲 雲南 分掌欽察軍 叛逆,蓋因 土官普雙等來貢方物。 謁 食、民間 體 甲午, 籍其家,杖一百七,竄于南寧,命其 士, 當 武宗 賜諸王 燕鐵木兒請 論 所封 流, 火兒忽答等十三人從湘寧王 命高昌 仍命 秩正三品; 功行賞,帝曰:「伯顏之功,朕 神御殿。 以王禪 禁屠宰 雖 地 滿禿爲果王,阿馬剌台 有司 經 大 僧 放宥, 物 作佛 奴婢賜 以馬某沙等九 如舊制。 刻其功于 衆。 分命諸僧於大明殿 御史臺臣言:「也先 指揮使三人, 事 永 宜削 鎭 於寶慈殿。 不錄用為 南 命通 碑, 王號,處其 王 鐵木 賜 政 人田宅 命燕 宜。」 爲毅 院 鈔 卹 兒 整 iLi

撒迪、 武宗 里鐵 異 請各遺 酉 人。雲南 振 部 剌 被兵 右 八樣局 一,開 臺綱 依依 失 父 書 木 時 省 母 派 里 丞 宿 郡 上都 內侍 詔 相 遙 臣 憂 見陞右 玥 人 以司之,秩 用 縣 姚 衞 、送名 者, 璐 授 也 兵,旣伏誅,命皆籍其家貲。 趸 州 軍 酒 天 不顔 見吉 參 不 下。 雑役。 · 禁。 知 士 聽 今方 丞 鷹 花 知 州 例 如 禿古思 於行 一,參 爲 政 你 高明 給 從六品 立内 壬子,以 舊 許 太禧使。[三]丁巳,封 事 禁醸 知 一男豆。 叉 制。) 階 在 襲 宰 政 來 不 奉迎 所。 加 前, 貣 至。 酒 中奉 事躍里鐵 台 諸 御 乙巳 方物。戊申,以潛邸所用工 加 皇兄於漠北。 路 等自新 以 史臺言:「囊 隸儲 弛 大夫, 伯 加諡唐司徒顏眞卿正烈文忠公,令有司 民匠 王 Щ),伯顏 顏 禪 慶使 場 木兒 爲太保, 一則御 詔落遙授之職,而 提領所 妻金珠首飾歸 河 加 西僧百 司 .濼之禁;私相假貸者, 西安王 爲 加 太 左丞 史言宜勿行。」 西安王阿 台拒 秩 尉 合爲提 知樞密院事 人作佛事於徽猷閣七日。 正三品。 [50] 開 命 參議省事趙世安爲參 刺 府儀 中宮。 西南, 舉 忒納 刺 司 匠百 仍 忒 以 同 不花帖木兒爲太尉 從之。 失里 其 罪 納 秩從五品。 三司, 阿伯等六人田宅賜諸王老的等六 丙辰, 舊 五十人付皇子阿剌 失里 不 俟秋 階。 爲 可 敎 與 豫王,賜南康路 宥 反 陞太禧院 成 是月 亦列赤 坊司 燕鐵木兒、 ,所授制 責償。 甲寅,復遣治書侍御 歲 知政 復 達魯花 時 癸卯, 並爲 致祭 遣 香山 從 敕, 事。 蒙古、色目 使 忒 御 鐵木兒補 欽察、阿速二 赤撒刺 品 宜 者召雲南 爲 爲 納答刺, 史 戊 陝西自 從追奪。」 食邑。 中 司 大 午, 兒, - 書(左) 、夫,同 徒 人願 化, 徹 史 泰 行 在

本

紀

定二年至是歲不雨,大饑,民相食。 路水,沒民田萬四千餘頃。 河北、山東有年。 杭州、嘉興、平江、湖州、鎭江、建德、池州、太平、廣德等

校勘記

- [一] 太常禮儀使哈海 按下文致和元年八月己酉條作「哈海赤」,此處「哈海」下疑脫「赤」字。
- 同僉樞密院事燕鐵木兒 按本書卷一三八燕鐵木兒傳, 燕鐵木兒泰定三年遷同 僉樞 密院

本卷上文致和元年春已書「僉樞密院事燕鐵木兒」,

此處「同」字

疑行。

致和元年進僉書樞密院事,

- 洪惟我太祖皇帝混一海宇 夏;世祖皇帝,混一海宇」。 按元代詔書皆稱太祖創業、世祖統一,此 道光本據元文類卷九卽位改元詔改作「洪惟我太祖 處顯有脫文。 皇帝, 肇造區
- 平王定策元勳之碑,事在己卯,此處疑脫「己卯」二字。 燕鐵木兒與王禪前軍戰于楡河 按本書卷一三八燕鐵木兒傳及元文類卷二六馬祖常太師太
- へ弄し 此 王禪等遁崑山(州) 處「州」字行、今删。 按讀史方輿紀要卷一一,崑山卽昌平州之狼山,與江浙平江路崑山州無涉, 元史紀事本末已校。
- 八六山 平章蒙古塔失〔雅失〕) 帖木兒 據下文十月丙申條及本書卷一三八燕鐵木兒傳補。 蒙史已校。

- (4) 嵐州之(大)(天)澗口 從南監本天啓三年補刊頁改。按天澗口在嵐州北。
- [c] 也(先)[兒]吉尼 見卷二七校勘記[P]。
- <u>┌</u>丸 <u>↓</u> 雲南銀〔沙〕羅甸 本證云:「案二年二月兩作銀沙羅甸, 至順三年作銀沙羅等甸, 此脫沙字。」

從補。

- 高麗(官) [宦] 者米薛迷 據上文十月辛亥條改。道光本已校。
- 丙午 按是月己丑朔,丙午爲十八日。此「丙午」在乙未初七日、己亥十一日間,疑爲丙申初八日之
- 中書(左)(右)丞玥璐不花 據上文十一月壬午條及本書卷一一二字相年表改。 蒙史已校。

誤或錯簡。

元史卷三十三

本紀第三十三

兒復爲楚王。 沙 士承旨不答失里北還皇兄行在所,仍命太府太監沙剌班奉金、幣以往。 爲昭武王。 天曆二年春正月己未朔,立都督府,以總左、右欽察及龍翊衛。 庚申,封知樞密院事火 文宗二 床兀兒之子答鄰答里襲父封爲句容郡王。 高昌王鐵木兒補化爲中書左丞相,大司農王毅爲平章政事,欽察台 高麗國遣使來朝賀。

乙丑,中書省言:「度支今歲芻麋不足,

期。

癸亥,

諸王渾都帖木兒薨,取其印及王傅印以賜斡卽。

燕鐵木兒爲御史大夫,太平王如故。

賜魯國大長公主鈔二萬錠營第宅。

甲子,

武寧王徹徹禿遣使來言皇兄啓行之

皇兄遣火里忽達孫、

刺刺至京師。

以伯帖木兒扈從有功,遺使以幣帛百匹卽行在賜

辛酉,封朶列帖木

知樞密院

遣前翰林學

太白犯壘壁陣。

時享于太廟。

齊王月魯帖木兒薨。

本

紀

第

 \equiv

+

 \equiv

文

宗 _

十八 沒欽 常 濫 丑,四 鈔五 台者,囊 鶻 兀 H 得陳乞,亦不得沒爲官口。」從之。 未,以册命皇后,告于南郊。 已, 從逆,舉 思 及 于皇兄行在所。]]] 書省、宣徽院臣稽考近侍、 福 例 賜 支給 萬六千二百錠、幣帛三萬四千餘匹; 戶,今增二千四百戶。 (察家)其子年十六,請令與 图 囊 元 JII 內 功。 寺。 加 嚢 兵犯京畿,拘其符印 加 外 台 外, 台之弟,囊 加台攻破播州 軍 鷹、鶻、獅 遣 乞師于鎭西武靖王 士四萬二千二百七十人鈔各一 凡 使 陳乞者宜勿予。」從之, 賜 西域諸 龍 、豹之食,舊支肉 中 加台遺使招 瑞 猫 王燕只吉台 見埡 司。 又,佛事 賜 宿衞 制 丙子, 其 搠思班,搠思班以兵守 敕。 豫玉黃金印。 隘 母 之,不花台 廩給,定其名籍。 壬申, 宣宣 歲 同居,仍請繼今臣僚有罪致籍沒者, 罷今歲柳林田狩。 費,以今較舊,增多金千一百五十兩、銀六千二百兩 海 價二百餘錠,今增至萬三千八百錠,控鶴舊止六百二 慰使楊 皇后媵 仍命中書右丞徹里帖木兒總 東鶻二。 遣近侍星吉班以 請悉揀汰。」從之。 錠。 延 不從,斬其 回 臣 回 里不花開關 張住童等七 戊辰, 作佛 人戶與民 以遼陽省蒙古、高麗、肇州三萬戶將校 關隘 事。 復鹽制每四 使。 遣 詔往四川 納 均當差役。 使獻 陝西告饑, 人,授集賢侍講學 中(正)[政]院臣言,[]皇后日 中書省臣言:「朝廷賞賚,不宜 甲戌,復命 之。 海東鶻于 陝西蒙古軍都元 百斤爲引,引爲 招諭 其 事。 賑 中書省臣言:「近籍 太僕卿教化 其妻有子,他 囊 以鈔五 皇兄行 加 丙寅,帝 台。 士等官 萬錠。 在 癸酉, 鈔三錠。 獻 帥 所 幸 大崇 不 海 人不 花 東 命 辛

錠,遣 罕諸 其門 時直 冀 從 帝位 敗 以 以 吏, 催· Ш 用 人官從七 陝西 寧李孝仁妻寇氏、濮州 之。 者三十四 金、 所需,鈔十萬錠、幣五 范 於 軍 使往給之。 幣、 陽 初 和 皮 之三賑 行 八 等縣 入仕 寧 番元 臺御 品, 民 居宅, 之北。 人,並陞其 T 饑民 及驟陞者黜之, 五. 薛允等十六人官從八品。 糶 帥 史大夫阿不 萬五 之。 脫 仍遣 大同路言,去年早且 糧 四 出 奉元 兩 ||千,俱至烏江。 亦 內 、階秩。 月。 鬉 破 萬匹、綿五 侍禿教 王 蒲城縣 鳥 海牙為 加台焚雞 義妻雷氏 己卯, 江 餘聽敍復。 陝西 北岸賊兵, 化 民王 中 如 千斤。 以 大饑, 武 書平章 皇兄行 南陽 册 癸未,遣宣 顯 關 遭兵,民 命 辛巳, 政 大橋,又焚棧 行 以御 皇后, 復奪關 詔鈔予所需之半,幣給一 五. 一政事。 郄 在 省乞糧三十萬石、 二妻張氏、懷 世 所。 多流殍, 史臺贓罰 起復 同 告于太廟。 一靖王 口。 居, 皇兄遣常侍孛羅及鐵住訖先至京 播州楊萬戶 中 道。 買奴往行 衞 書左 諸王 命以本路及 鈔三百錠賜敎 輝 慶 安寅 命 月魯帖 丞史惟 庚辰, 阿魯輝妻霍氏皆以貞節 中 引四 鈔三十萬錠, 在 書省錄 妻陳氏、 所。 良 木兒統蒙古、漢 賜潛 萬匹。 東勝 JII 爲 賊兵至鳥 江)坊司 丙 御 邸 州 河 陵、 戌,皇兄明宗 史 說 赈 糧 間 撒 中 詔 汴 書 大都路涿州房 萬三千石, 刺見。 王 丞。 梁 賜 劉 江峯, 成 郡 鈔 道衡等 人、答刺 妻劉氏 縣 + 上 師, 一,並旌 壬午, 官 官 刨 几 減 賞 萬 軍 扈 皇 官 匹

本 紀 第 丑, Ξ 曲赦 + \equiv 四]]] 文 囊 宗 加台。 庚寅,燕鐵木兒復爲中書右丞相。 立繕 七二九 司 掌織御用

省議 魯帖木兒等至播州,招諭土官之從囊加台者,楊延里不花及其弟等皆來降。 後凡銓 沙 城 及 罕腦兒宣慰使撒忒迷失將本部蒙古軍,會鎭西武靖王等討四川。 搠思 [土]關,三|陝西行省督軍禦之。 睿宗御容于普慶寺。 於闕 貢方物。 紋綺,秩正三品 佛事 羅 《侵損己身,許訴官,餘非干己,不許告訐,著爲制。 帝謂 班 里 甸 追尊皇妣亦乞烈氏日仁獻章聖皇后,唐兀氏曰文獻昭聖皇后,命有司具册寶。建遊皇 等皆調軍,以湖廣行省官脫歡、別薛、孛羅及鄭昂霄總其兵進討。」從之。 選 咸來貢方物。 廷臣曰:「撒迪還,言大兄已卽皇帝位。 〉,其詣行在以聞。」 廬州路合肥縣地震。 雲南 丙午,囊加台分兵逼襄陽, 囊 壬辰,囊加台據雞武 加台以書誘鞏昌總帥汪 行省蒙通蒙算甸土官阿三木,開南土官哀放,八百媳婦、金齒、九十九洞、銀 辛卯, 丁酉,遣晉邸部曲之在京師者還所部。 癸卯,賜吳王木楠子、西寧王忽答的迷失、諸王那海罕、閻兒吉思金 帝御大明殿,册命皇后雍吉剌氏。 關,奪三叉、柴關等驛。 樞密院言:「囊加台阻兵四川,其亂未已,請命鎭西武靖王 一延昌。 湖廣行省調兵鎮播州 丙申, 壬子, 凡二月二十一日以前除官者,速與制 命中書省、 癸巳,遣翰林侍講學士曹元 頒行農桑輯要及栽桑圖 命有司造行 及歸州。 廣西 翰林國史院官祀太祖、太宗、 囊加台以兵至金州,據白(工) 思明路軍民總管黃克順來 諸傭雇者,主家或犯惡逆 在帳殿。 己酉,熒惑犯井宿 癸丑, 戊戌,命察 辛丑、中書 用祀孔子 諸

永平、大同二路,上都雲需兩府,貴赤衛,皆告饑。永平賑糧五萬石,大同賑糶糧萬三千石, 羅甸等處宣慰司都元帥府。丙辰,奉元臨潼、咸陽二縣及畏兀兒八百餘戶告饑,陝西行省 葉盡,蟲俱死。 雲需府賑糧一月,貴赤衞賑糧二月。眞定平山縣、河間臨津等縣、「三」大名魏縣,有蟲食桑, 以便宜發鈔萬三千錠賬咸陽,麥五千四百石賬臨潼,麥百餘石賑畏兀兒,遣使以聞,從之。 御史撒迪、翰林直學士虞集並爲侍書學士,又置承制、供奉各一員。更鑄鈔版,仍毀其刓 閣學士院,秩正三品,以翰林學士承旨忽都魯都兒迷失、集賢大學士趙世延並爲大學士,侍 調河南、江浙、江西、山東兵萬一千,及左右翼蒙古侍衞軍二千,討四川。乙卯,置銀沙

中興、瓊州日乾寧、潭州日天臨。甲子、滅太官羊直。丙寅、躍里帖木兒自行在還、諭旨曰: 于行在所。」癸亥,命有司造乘輿服御,北迎大駕。改潛邸所幸諸路名:建康曰集慶,江陵日 及金腰帶二十,詣行在所,以備賜予。 德明、禮部尚書八剌哈赤等從行。 那海、太醫使呂廷玉、給事中咬驢、中書斷事官忽兒忽答、右司郎中孛別出、左司員外郎王 中丞八卽剌、翰林直學士馬哈某、典瑞使教化的、宣徽副使章吉、僉中政院事脫因、通政使 三月辛酉,遣燕鐵木兒奉皇帝寶于明宗行在所,仍命知樞密院事禿兒哈帖木兒、御史 復命有司奉金千五百兩、銀七千五百兩、幣帛各四百匹 帝命廷臣曰:「寶璽旣北上,繼今國家政事,其遣人聞

紀

第三十三

文宗二

御殿 官進 子孫 南諸 開 今春 「朕在 囊 建大龍 十罪,將殺之。 之聚京師者,遣往居庸關 聞亦悉虛 遼陽酒禁。 加 台 月祭, 兵平四川,也速台兒以病 及近侍年幼者肄業。 王答失不花、秃堅不花及平章馬(忽思)[思忽]等,四集衆五萬, 不雨,命中書及百司官分禱 上都 所遣守隘 翔集慶寺,以來歲興工。辛未,監察御史與扎魯忽赤等官錄囚。 E°.供億 特命 ,宗王、大臣 乙亥,置行樞密院,以山東都萬戶也速台兒知行樞密院事,與湖廣、河南 如 也兒吉尼遁走八番,答失不花等爲署參知政事等官。 如列聖故事。 碉門安撫使布答思監等降於雲南行省。 有 不足,其以御史臺、司農司、樞密、宣徽、宣政等院所貯充之。」蒙古饑民 必皆會集,有司當備供張。 北,人給鈔一錠、布一匹,仍令興和 甲戌,舊賜篤麟帖木兒平江田百頃,官嘗收其 不往。 僧、道、也里 山川羣祀。 命明里董阿爲蒙古巫覡立祠。丁丑,文獻昭 可溫、朮忽、答失蠻爲商者,仍舊制納 設奎章閣授經郎二員,職正 上都積貯,已爲 丁亥,雨土,霾。 路 賑 糧 倒 兩 數 己巳,命改 剌 月,還所部。 丞 沙所耗, 七品,以 壬申,以 〈租米, 相 也兒吉尼專擅 勳 大都 詔特予之。 去冬無雪, 集慶潛邸, 聖 戊辰, 舊、貴戚 皇后神 府藏, 丙戌, 兩省

吉台 運 河。 以 夏 甲午,四番衞士各分五十人直東宮。 母 四四 月己 老辭,同 丑,時享于太廟。 **僉樞密院** 事 傅巖起請往,從之。 辛卯,命躍 里鐵木兒、王不憐吉台代也速台兒 丁酉,給鈔萬錠,爲集慶大龍翔寺置永業。 壬辰,匠官年七十者, 許致仕。 四川 浚漷 不憐 州 戊

戶,當賑糧十四萬三千餘石。」從之。諸王忽剌答兒言黃河以西所部旱蝗,凡千五百戶,命 行省言:「池州、廣德、寧國、太平、建康、鎭江、常州、湖州、慶元諸路及江陰州饑民六十餘萬 府路以兵、旱民饑,食人肉事覺者五十一人,餓死者千九百五十人,饑者二萬七千四百餘 行省督所屬簿錄,護送歸其家。丙辰,行在所遣只兒哈郎等至京師。河南廉訪司言:「河南 逃戶糧三千六百石。壬子,販通州諸縣被兵之民糧兩月,被俘者四千五百一十人,命遼陽 分邑達魯花赤受代,不得仍留官所,其父兄所居官,子弟不得再任。辛亥,賬鄧州諸縣被兵 國來貢羅香木及象、豹、白猿。戒翰林、典瑞兩院官,不許互相奏請璽書以護其家。諸王 利州饑,賑糶糧萬石。 賑衛輝路饑民萬七千五百餘戶。 丙午,封孛羅不花爲鎭南王。 占臘 八萬石及河南、漢中廉訪司所貯官租以賑,從之。德安府屯田饑,賑糧千石。常德、澧州慈 民又數十萬,先是嘗賑之,不足;行省復請令商賈入粟中鹽,富家納粟補官,及發孟津倉糧 命,立帝爲皇太子,命仍置詹事院,罷儲慶司。陝西諸路饑民百二十三萬四千餘口,諸縣流 等聽韶,蜀地悉定,諸省兵皆罷。癸卯,明宗遣武寧王徹徹禿、中書平章政事哈八兒禿來錫 皮,以陝西久旱,遣使禱西嶽、西鎭諸祠。賜衞士萬三千人鈔,人八十錠。四番衞士舊以萬 人。乞弛山林川澤之禁,聽民采食,行入粟補官之令,及括江淮僧道餘糧以賑。」從之。江浙 人爲率,至是增三千人。己亥,湖廣行省參知政事孛羅奉詔至四川,赦囊加台等罪,囊加台

易 徐 賑 州 糧 邳 兩 諸 賑 月 州 糧 饑 大 月。 都 民 六十七 興 靖 和 州 賑 萬 順 糶 六千 德、 糧 大名、彰德、 九 餘 千 戶 八 ,賑 白 以鈔 石 懷 九 慶、衛輝 濮 萬 州 錠、 鄄 城 、汴梁、 糧 縣 萬 蠶 五. 災。 千 中 石。 興諸 大 寧 大都 路, 興 中 泰安、 宛 州 平 縣, 高 懷 保 唐 慶 孟 定 曹 遂 州 州 冠、 廬

州無爲州蝗。廣西獠寇古縣。

戊寅 詹 補 所 玉 書 天 駕 星。 達 德 省 護 達 化 事 致 殿 聖 及 昌 路 ,次于大口 臣 乙 五. 詹 立 寺。 江 及 擬 30 月 丑: 王 皇 事 南 八 速 大 注 T 太 丞 命 古見 刺 行 天 中 給 已 及 子之命。 有 朔 源 失 臺 書 皇 斷 司 天 子 干 復 延 里 御 徴諸 事 給 還 史 聖 部 戶 宿 賜 官 行 官, 寺 衞 鎭 所 大 王鼎八 魯國大 賜 在 之士 大 夫 作 奏于 家 徹 宿 阿兒 佛 水。 庚 令 徹 衞 千 事 申 入朝。 行 長 司 禿 士 己未, 思 o , 人 在所 公主 太白 金五 衣 鈔, 典 崩 丙 糧 寶 子, 海 庚辰 鈔二萬錠, 犯 遣 匹 及 百 7、典 牙 乙亥 鬼宿 番 馬 兩 武 翰 江 用 次 芻 宿 寧 林 浙 積 餘 衞 豆。 香水 幸 學 主 典 有 P 行 增 以搆 醫 士承旨 徹 大 氣。 省 差。 爲 以 等官。 聖 貢 徹 平 萬三千 儲 壽 禿、 居 癸亥 章 改 慶 阿鄰 第。 置 萬安寺,作 儲 政 司 中 江 1 事 慶 人, 所 淮財 書 賜 復 帖 丑: 曹 使 燕鐵木 貯 遣 平章 , 木 至是又 立 司 帝 金三十 賦 翰 兒 爲 佛 發 政 林學 都總管府 北 並 詹 事 京 兒 事 迎 爲 增千 事 于 鋌 師 哈八 祖 土 大 太子 院 世: 父紀 承旨 駕。 銀 人。 北 祖 秩 兒 詹 百 迎 伯 神 禿至 斡耳 功 命 事 甲 鋌 Ī 顏 御 明 碑銘。 司 三品品 戌 宗皇帝 殿 叉 鐵 自 建 杂 天 除 監 木 命 迎 行 叉 大 副 承 禜 水 在 於 中 隸

之。給保定路定興驛車馬,又賑被兵之民百四十五戶糧一月。眞定路民被兵者二千七百四 十八戶,亦命賑之。上都迭只諸位宿衞士及開平縣民被兵者,並賑以糧。大名路蠶災。 詹事院。陝西行省言:「鳳翔府饑民十九萬七千九百人,本省用便宜賑以官鈔萬五千錠。 叉,豐樂八屯軍士饑死者六百五十人,萬戶府軍士饑者千三百人,賑以官鈔百三十錠。」從

書院額。書院祀周文憲王,仍命設學官,春秋釋奠,如孔子廟儀。 爲令。」壬子,海運糧至京師,凡百四十萬九千一百三十石。是月,陝西雨。賜鳳翔府岐陽 奴婢財產,不必罪其妻子。當典刑者,則孥戮之,不必斷付他人,庶使婦人均得守節。請著 配有功之人,又與前賢所謂『娶失節者以配身是己失節』之意不同。今後凡負國之臣,籍沒 者,其妻妾卽斷付他人,似與國朝旌表貞節之旨不侔、夫亡終制之令相反。況以失節之婦 [里]店。[E] 辛亥,陝西行臺御史孔思迪言:「人倫之中,夫婦爲重。 比見內外大臣得罪就刑 平屯田府所隸昌國諸屯大風驟雨,平地出水。丁未,太白晝見。庚戌,次于上都之六十 元、台州、婺州諸路饑民凡十一萬八千九十戶。乙巳,命中書省逮繫也先捏以還。丙午,永 汝其勉修厥職,祗修實政,可以上答天變。」仍命馳奏于行在。己亥,江浙行省言,紹興、慶 有旨諭之曰:「皇帝遠居沙漠、未能卽至京師、是以勉攝大位。今亢陽爲災、皆予闕失所致。 六月丁亥朔,明宗遣近侍馬駒、塔台、別不花至。丁酉,鐵木兒補化以旱乞避宰相位, 明宗遣吏部尚書別兒怯

紀第三十三

文宗二

萬, 豐 戶 不花 馬多羸 贍 ´, 賑 自嵩 還 諸 糧 署 修 汝 師 月。 驛 以 至 蝗 戶貧乏,令有司 淮 命 陝西 及 南 中 水災,発今年租。 書集老臣 延安諸屯,以旱免徵 死亡相 籍, 市 一議賑荒之策。 馬補之。 命所 汴梁 在 州 蝗。 舊所 益都莒、 縣官, 時陝西、河東、 逋 衞 糧千九百七十石。 以 輝蠶 密二州 便 と宜賑 災。 春 峽州旱。 之。 水, 燕南、 順元、 夏旱 河北 永平屯 淮 蝗, 思 東諸路、歸德府徐、邳 饑 播 河南 田 民 州 府昌 諸路流民十數 三萬 諸驛,因兵 國、濟民、 一千 ·四百 興,

淮安、 冀 不 1 廉 征 止 上 馂 京 皆 州 愼 頃 釋奠。 陽 師 再 大 無 秋 水 戊午、 曲 過 僧 犯 水 七 災。 者 月 道 縣 徙 廬州 丙 商 以 以 酮 己未, 大都之東安、薊州、永淸、益津、潞縣、春夏旱、麥苗枯、 之本 辰 淮 税。 充 雹 朔, 諸屬縣及遼陽之蓋州蝗。 安海 大者如 或 省 癸亥, 更定遷徙法 不毛 有冒 日有食之。 寧州 温,罪 雞 之地, 太 鹽 卵。 白 城 .經天。 及王 十年 令諸 凡 丁巳, Щ 應 陽諸縣 傅。 無 徙者,驗所居遠近,移之千里,在道遇赦,皆得 王封邑達 丙子, 過, 次上都之三十里店。 遭 去年水, 則量移之; 所遷 使以 帝受皇太子寶。 魯花赤,推擇 上尊、腊羊、鈔十 **発今年田租**。 本部 人死,妻子聽歸 宗仁衞屯田大水,壞田二百六 辛巳, 年二十五 錠 真定、河間、汴梁、永平、 六月壬子 發諸 至大都 衞 以上、識 國子 軍六千完京 土 雨, 著。 監,助仲秋 至 放還; 著 達治體 是 爲 日 令。 城 如 乃

甘肅行 至 羅察罕,以伯顏爲中書左丞相,依前太保,欽察台、阿兒思蘭海牙、趙世延並中書平章政事, 寅,明宗崩,帝入臨哭盡哀。 坐大不道棄市。 阿榮、趙世安提調通政院事,一切給驛事皆關白然後給遣。戊戌,四川震加台以指斥乘輿, 日,伏望聖上早正宸極,以安億兆之心,實宗社無疆之福。」流諸王忽刺出于海南。 丙 右 上都。 申,監察御史徐奭言:「天下不可一日無君,神器不可一時而曠。 丞相塔失鐵木兒、知樞密院事鐵木兒補化及上都留守鐵木兒脫並爲御史大夫。 八月乙酉朔,明宗次于王忽察都。丙戌,帝入見,明宗宴帝及諸王、大臣于行殿。庚 省平章朶兒只爲中書右丞,中書參議阿榮、太子詹事丞趙世安並中書參知政事,前 乙未,賜護守大行皇帝山陵官、御史大夫孛羅等鈔有差。焚四川偽造鹽、茶引。 己亥,帝復卽位于上都大安閣。大赦天下,詔曰: 燕鐵木兒以明宗后之命,奉皇帝寶授于帝,遂還。壬辰,次孛 先皇帝奄棄臣庶已踰數 丁酉,命 癸巳,帝

私,以 而 我裕皇天不假年,成宗入繼,纔十餘載。我皇考武宗歸膺大寶,克享災心,志存不 朕惟昔上天啓我太祖皇帝肇造帝業,列聖相承。 仁廟居東宮、逐嗣宸極。 厥 身。 甫及英皇,降割我家。晉邸違盟搆逆,據有神器,天示 世祖皇帝旣大一統,卽建儲貳,

於 是宗戚舊臣,協謀以舉義,正名以討罪,揆諸統緒,屬在眇躬。 朕興念大兄播遷

尋命阿 斯 子寶。 朔漠, 固,恐隳大業。 道里遼遠,自春徂秋,懷艱阻於歷年,望都邑而增慨,徒御弗愼,屢爽節宣。 信使往來, 相望於道路,彼此思見,交切於衷懷。八月一日,大駕次王忽察都,朕欣瞻對之有期, 獨 兼程 念之痛心,以夜繼旦。 ,以賢以長,曆數宜歸,力拒羣言,至於再四。 朕幸釋重負,實獲素心,乃率臣民,北迎大駕。而先皇帝跋涉山川,蒙犯霜露, 刺 丽 先進,相見之頃,悲喜交集。 忒納失里、燕鐵木兒奉皇帝寶璽,遠迓于途。受寶卽位之日,卽遣使授朕皇太 **股雖從請而臨御,秉初志之不移,是以固讓之詔始頒,奉迎之使已遣。** 何數日之間,而宮車弗駕,國家多難,遽至於 乃曰艱難之際,天位久虛,則衆志弗

宗社 安九 爽 以 ル有。 前 大計, 乃以八月十五日卽皇帝位于上都。可大赦天下, 自天曆二年八月十五日昧 諸王、大臣以爲祖宗基業之隆,先帝付托之重,天命所在,誠不可違,請卽正位,以 ,罪無輕重,咸赦除之。 朕以先皇帝奄棄方新,摧怛何忍;銜哀辭對,固請彌堅,執誼伏闕者三日,皆

於 戡定之餘,莫急乎與民休息;丕變之道,莫大乎使民知義。 亦惟爾中外大

庚子,命阿榮、趙世安督造建康龍翔集慶寺。 辛丑,立寧徽寺,掌明宗宮分事。 壬寅,以鈔

小之臣,各究乃心,以稱朕意。

台為 牙納失 秩正 南屛山、大都西山。甲辰,命司天監及回回司天監禁星。 萬錠、幣帛二千匹,供明宗后八不沙費用。 史中丞史惟良沛縣地五十頃。發諸衞軍浚通惠河。丙午,自庚子至是日,晝霧夜晴。 五鋌以下全畀之,又以七分爲率,其二分準時直給鈔。」制可。 ·丞霄雲世月思、前儲慶使姚煒並儲政使。 燕鐵木兒、阿榮留上都,監給恩賚金幣。以仁宗、英宗潛邸宿衞士二百人還大都, 必恩賚諸王、百官。比因兵興,經費不足,請如武宗之制,凡金銀五鋌以上減三之一, 或以衣、馬爲贈者聽。 饑,賑鈔千錠。庚戌,改詹事院爲儲政院,伯顏兼儲政使,中政使哈撒兒不花、太子詹 上都留守。 乙巳,立藝文監,秩從三品,隸奎章閣學士院,又立藝林庫、廣成局,皆隸藝文監。 戊申、封諸王寬徹爲肅王。己酉、車駕發上都。賜明宗北來衞士千八百三十人各鈔 里爲遼王,以故遼王脫脫印賜之。出官米五萬石,賑糶京師貧民。丁未,以馬扎兒 怯薛官十二人各鈔二百錠。 癸卯,幸世祖所御幄殿祓祭。 馬扎兒台前爲陝西行臺侍御史,坐塗毀詔書得罪,以其兄伯顏有功,故特 遣道士苗道一、吳全節修醮事于京師,毛頴達祭遁甲神于上都 賜諸部曲出征者幣帛人各二匹遺還。冀寧之忻州兵 陞奎章閣學士院秩正二品,更司籍郎爲羣玉署, 禁凡送諸王、駙馬恩賜者,毋受金幣,犯者以贓 河東宣慰使哈散託朝賀爲名,斂所屬鈔千錠入 中書省臣言:「祖宗故事,即位之 遺欽察台先還京師,經理政 備直 賜御

晉 潑皮及 及安豐務 大 日 一流流 都 寧路饑民 御 速速,又 事 城隍 史劾「前 鼠海 其諸父木楠子赴京師。 神 遞運糧三月。営、密、沂諸州、饑民采草木實、盜賊日滋,賑以米二萬一千石,幷賑 雖 與速速等潛 :島,朕所不忍,其幷妻子置之集慶。」河南府路旱、疫,又被兵,賑以本府屯田 爲護國保寧王,夫人爲護國保寧王妃。 鈔萬錠。 會赦,仍徵鈔還其主。 敕自今有以朝賀斂鈔者,依枉 法論 丞相別不花昔以贓罷,天曆初因人成功,遂居相位。 大名、真定、河間諸屬縣及湖、池、饒諸路旱。 [呼日者推測聖算。 甲寅,置隆祥總管府,秩正三品,總建大承天護聖寺工役。監 今奉詔已釋其罪,宜竄 諸海島,以杜姦萌。」帝 保定之行唐縣蝗。 既矯制以買驢家貲賜平 罪。 癸丑,徵吳王 加封 租

管府。 千兩, 癸亥,敕宣徽院所儲金、銀、鈔、幣,百司毋得奏請。 凡 永 舉精衣各一襲。丁卯,大駕至大都。戊辰,敕翰林國史院官同奎章閣學士采輯本朝典故, 往 明宗所送寶官吏,越次超陞者皆從 九 鈔幣有差。 月乙 戊午,賜武寧王徹徹禿金百兩、銀五 庚申,加封故領諸路道教事張留孫爲上卿、大宗師、輔成贊化保運神德眞君。 卯朔,作佛事于大明殿、興聖、隆福諸宮。 己未,立龍翔、萬壽營繕提點所、海南營繕提點所,並秩正四品、隸隆祥總 黜降。 |百兩,西域諸王||燕只吉台金二千五百兩、銀萬五 賬甘肅行省沙州、察八等驛鈔各千五百錠。 甲子,賜雲南烏撒土官祿余、曲靖土官 市故宋太后全氏田爲大承天護聖寺 辛酉,

往督有司捕治之。壬午,伯顏以病在告,居赤城,遣使召赴闕。封知樞密院事燕不鄰爲興 燕鐵木兒言,鎖住天曆初有勞于國,請各遣還田里,從之。甲戌,命江浙行省明年漕運糧二 敬、伏誅。嵐、管、臨三州所居諸王八刺馬、忽都火者等部曲、乘亂爲寇、造省、臺、宗正 子,改太禧院爲太禧宗禋院。立溫州路竹木場。以衞輝路旱,罷蘇門歲輸米二千石。鐵木 言一「今天下郡邑被災者衆,國家經費若此之繁,帑藏空虚,生民凋瘵,此政更新百廢之時。 賜宣靖王買奴。監察御史劾奏:「知樞密院事塔失帖木兒阿附倒刺沙,又與王禪舉兵犯闕。 兒補化加錄軍國重事。 宜遵世祖成憲,汰冗濫蠶食之人,罷土木不急之役,事有不便者,咸釐正之。 里。旣受命,逗留三日及所至飮宴稽期者治罪。取賂者以枉法論。」辛未,以控鶴士二十人 準唐、宋會要,著爲經世大與。召威順王寬徹不花赴闕。 立衞侯司,秩正四品,隸儲政院。 賑陝西臨潼等二十三驛各鈔五百錠。 可弭?禎祥可致。不然,將恐因循苟且,其弊漸深,治亂之由,自此而分矣。」帝嘉納之。 丙 百八十萬石赴京師。廣西思明州土官黃宗永遣其子來貢虎、豹、方物。 今旣待以不死,而又付之兵柄,事非便。」詔罷之。壬申,怯薛官武備卿定住特授開府儀同 三司。癸酉,帝御大明殿,受諸王、百官朝賀。鐵木迭兒諸子鐵住等,明宗嘗敕流于南方。 以翰林學士承旨也兒吉尼、元帥梁國公都列捏並知行樞密院事。 敕:「使者頒詔赦,率日行三百餘 論也先捏以不忠不 乙亥,史惟良上疏 如此,則天災 立府官

本

國公。 以大司農卿燕赤爲司徒。 癸未,建顏子廟于曲阜所居陋巷。 上都西按塔罕、闊干忽

刺禿之地,以兵、旱,民告饑,賑糧一月。

|花還鎭揚州。禁奉元、永平釀酒。戊子,知樞密院事昭武王火沙知行樞密院事。 封太禧宗禋使秃堅帖木兒爲梁國公。甲午,以登極恭謝,遣官代祀于南郊、社稷。 皆隸隆祥總管府。辛卯,燕鐵木兒率羣臣請上尊號,不許。雲南行省立元江等處宜慰司。 大承天護聖寺營繕提點所,秩正五品;又立大都等處、平江等處田賦提舉司二,秩從五品; 奉玉册、玉寶于太廟,如常儀。命江西、湖廣分漕米四十萬石,以紓江浙民力。 部諸臣僚,議上大行皇帝尊諡曰翼獻景孝皇帝,廟號明宗,國言諡號曰護都篤皇帝。」是日, 之。丙申,中書省臣言::「臣等謹集樞密院、御史臺、翰林、集賢院、奎章閣、太常禮儀院、禮 十月內遷調。」監察御史劾奏:「吏部尚書八剌哈赤,先除陝西行臺侍御史,避難 改遷,於典制不類,且治蹟無從考驗。 臣言::「舊制、朝官以三十月爲一考,外任則三年爲滿。 比年朝官率不久於其職,或數月卽 申飭海道轉漕之禁。 賑陝西饑民。己亥,加封天妃爲<u>護國庇民廣濟福惠明著天妃,賜廟額曰靈慈,遣使致</u> 冬十月甲申朔,帝服衮冕,享于太廟。 籍四川囊加台家產,其黨楊靜等皆奪爵,杖一百七,籍其家,流遼東。 請如舊制爲宜。」敕:「除風憲官外,其餘朝官,不許二 丙戌,命欽察台兼領度支監。 遣鎮南王孛羅不 給鈔十五 不行。」罷 己丑,立 中書省

監

詔

申飭

都

水

監

河防之禁。

辛丑,遣使括勘內外郡邑官

久次事

·故應代·

者,歲終

上名于

中

書

紀

第

 \equiv

官

德、武昌 屯 印 田 一總管 燕鐵 澧州諸路旱饑, 府 木 田 兒 租 以爲言, 申禁天下 出官粟賑糶 詔 給還之。 私殺馬牛。 艺。 雲南威楚路黃州土官哀放遣其子 明宗 陝西 乳媼夫斡耳朵,在武宗 鳳翔府饑民四萬七千戶,皆賑 時爲 來 大司 朝貢。至 以 徒,仁宗 鈔 湖 廣 朝 拘

鄰答里 總統 及武 爲言,帝有旨:「朶耳 承 冥福 朝貢 闊 國 改普慶修 甸。 天護 子監學。 徹 封國公冲卜卒, 當、龍虎 十一月乙卯,以立皇后,詔天下。 伯 江 命帝 西 聖寺。 一知行 罷功 知 寺 龍 樞 密院事 師率羣僧作佛 人 樞密院事 德 庚午,諸王闊不花至自陝西,收其印,遣還。 興、南康 三世。 使司 匠提舉司 冠州 ·,位居衆 旱。命杂耳只 其弟 撫 戊午, 遣使代祀天妃。 只 以所掌事 先朝舊臣, 滞 爲營繕提點所,秩從五 韶列聖諸宮后妃陪從之臣, 、監藏 事七日于大天源 知院 、袁、吉諸路 歸宣 班 事上。 臧 亦 不當以 一政院。 1 都 襲職, 受佛 護 早。 甲子,廬州 爲 例 己巳,撒 延聖寺,道 河南行 戒於帝 賜 拘。」 仍以 丙 燕鐵 品, 寅 武宗宿 **璽書**、印 隸崇祥 省 師,作佛事六十日。 油 早饑, 木兒宅 陞 永給 丞 爲 士建 山 相。 中 衞 東 壬申, 衣 發糧 章 書 總管府。 土 醮于 文庫芻 河 與之。 近制 画。 右丞。 歲 北蒙古軍大都 五千 賜, 毁廣 玉虛、天寶、太乙、萬壽 粟。 行省 皇后 雲南 石賑之。 癸亥, 如仁宗衛 命 平王 不設 后八不沙請 中 以銀 丙辰,以 書 威楚路 木剌忽印, 以翰 丞 左 五. 督府 丞 相, 止 土 萬 土官 一鷹坊 句容 趙 林 例 兩, 秩從二品 中 學 世 爲 命哈班 安 明宗資 郡 書 助 眤 册 土 西 提 省 獵畿 承 建 放 兀 王 夏 大 答 譋 來 僧 以 宫

代 刺 即 之, 與 更鑄 之。 即 T 以賜。 丑: 復 癸酉,太陰 立孟 定路 犯塡 軍 民 星。 總管府。 丙子, 諸王阿剌忒納失里翊戴有勞, 以其父越王 復 給 元江路 軍 民 總管府印 湖 廣 州 縣 爲 廣 禿 源

等徭 王燾 **卯**,公 **久病** 宼 掠者二百 不 翰林 能 朝, 八 國 + [史院 請命其子 餘 所, 臣言:「纂修英宗實錄, 命 (楨)[禎]襲位。[五] 行 省 平章劉 脱歡 以平江官田 請 招 具倒刺沙款伏付史館。」從之。 捕 之。 造青 百五十頃,賜 木 綿 衣 萬 大 領, 龍 賜 翔 集 韋 高 宿 慶寺及 麗 軍 .。(乙) 或 大 王

崇禧 都 萬壽 威 衞 寺。 使。 壬午, 辛 Ė 遷 詔 山東 豫王 阿剌 河 北蒙古軍大 沈 納 失里鎭雲南 都督 府 賜 於濮州,仍 其衞 士 聽 鈔萬錠,仍 Щ 東 廉 訪 每歲豫給 司 按治。 其衣 欽察台 廩 兼

右

切 無 有 月甲 所 與。 申, 丙戌、詔百官一 給 豳 王 忽塔忒迷失王傅印。 딞 至三品,先言朝政得 以 西 |僧輦 失一 眞 事 吃 · 四 刺 思 밂 爲帝師 以下,悉聽敷 。[10] 詔 陳。 僧尼 徭 仍 命 役

趙 世 安 阳 榮 輯錄所上章疏, 善者 即議 舉行。 追 封 燕鐵 木兒 曾 祖 班 都察為 溧陽王, 祖 |+

哈為 臣 昇王 舊 制 父床 凡有 九 奏陳, 兒爲(楊)[揚]王 衆議 定 共署,乃入奏。 。江三庚寅, 祓祭于太祖 近年了 事 方 幄 議 擬, 殿。 一二省臣 以末吉爲大司 輒已上請 徒。 ",致多 中 書 那

滯。 今 請 如 舊 制 御 ... 臺 臣 言: 風 憲官赴任, 毋 拘 遠近, 均給 驛爲宜。」 並 一從之。 辛 卯,命

帖 帝 木 師 見不 変 其 花 徒 爲 作 官 佛 譲 事 玉。 於 疑 暉 初 閣 鎭 南王 甲 午,冀寧路旱 脱不花薨, 饑 子幸羅不花幼,命帖木兒不花襲其爵 賑 糧二千九百石。 乙未, 改封 鎭 孛羅

前

南

差,牙連禿傑魯迭所居鷹坊八百七十戶糧三月。戊申,以明璐 官寺亦各有常產,其酒課悉令仍舊輸官爲宜。」從之。 總管府事 土番巡捕都元帥府。 五十四所、歲輸課十餘萬錠。 恩福元寺。 長沙王吳芮爲長沙文惠王。壬寅,命江浙行省印佛經二十七歲。 寺田,自金、宋所有及累朝賜予者,悉除其租。 **賑米五千石。** 使驛致故帝師舍利還其國,給以金五百兩、銀二千五百兩、鈔千五百錠、幣五千匹。 爲僧。」戊戌,以潍、浙、山東、河間四轉運司鹽引六萬,爲魯國大長公主湯沐之資。 諭廷臣曰:「皇姑 不花旣長, 一人。朕思庶民若是者猶當旌表,況在懿親乎!趙世延、虞集等可議封號以聞。」詔:「諸僧 織武宗御容成,卽神御殿作佛事。 帖木兒不花請以王爵歸之, 庚戌、詔興舉中 丁未,造至元鈔四十五萬錠、中統鈔五萬錠,如歲例。 甲辰,以明年正月武宗忌辰,命高麗、漢僧三百四十人,預誦佛經二藏于大崇 魯國大長公主,蚤寡守節,不從諸叔繼尚,鞠育遺孤, 賑上都留守司八剌哈赤二千二百餘戶、燭剌赤 政院事。 比者間以賜諸王、公主及諸官寺。諸王、公主自有封邑、歲賜, 辛亥、趣內外已授官者速赴任。 乃特封宣讓王,以示褒寵。 其有當輸租者, 敕:「凡階開府儀同三司者, 班列居一品之 開河東冀寧路、四川重慶路酒禁。 不花爲御史大夫, 仍発其役。 癸卯,蘄州路夏秋旱饑, 收諸王帖 中書省臣言:「在京酒坊 八百餘戶糧三月,鈔有 改 其子襲王爵, 上都饅頭 僧還俗者,聽復 古思金印 兼領隆 Щ 己亥,遣 加諡 女配予 天曆 漢 祥

前。」武昌江夏縣火,賑其貧乏者二百七十戶糧一月。黃州路及恩州旱,並発其租。

錠,幣帛四十萬七千五百匹,絲八十八萬四千四百五十斤,綿七萬六百四十五斤,糧千九十 是歲,會賦入之數:金三百二十七鋌,銀千一百六十九鋌,鈔九百二十九萬七千八百

校勘記

- 中(正)[政]院 據下文三月辛酉、十二月庚戌條及本書卷八八百官志改。道光本已校。
- 白(工)(土)關 據本書卷一三七阿禮海牙傳及元一統志改。 續通鑑已校。
- 河間臨津等縣 元無「臨津縣」。 按本書卷五八地理志,河間路領寧津、臨邑等六縣,疑此處「臨

津」爲「臨邑、寧津」之脫誤。

- 癸酉、七月丁丑,二年二月己酉、十月癸丑諸條「秃堅不花」皆作「秃堅」,「不花」二字疑涉上「答 秃堅不花及平章馬(忽思)[思忽] 按下文至順元年正月丁卯、二月己丑、甲午、三月辛未、五月
- 「五」 次于上都之六十〔里〕店 據周伯奇扈從北行前、后記補。 本證已校。

失不花」行。又,「忽思」二字倒誤,見卷三〇校勘記[10]。

八六山 陞定安縣爲南(康)[建]州 據寰宇通志卷一○六改。 按下文有「以南建洞主王官知州事」,洞名

本

紀第三十三

校勘記

與州名合。

747 雲南威楚路黃州土官哀放遣其子來朝貢 按雲南威楚路無黃州, 上文本年二月辛丑條有「開

南土官哀放」、疑「黃州」爲「開南州」之誤。

[<](乙)(己)卯 按是月癸丑朔、乙卯爲初三日,已見於前。 此重出之「乙卯」在丁丑二十五日、辛巳

二十九日間,爲己卯二十七日之誤,今改。道光本已校。

□ 元 請命其子(楨)[禎]襲位 據高麗史卷三六忠惠王世家改。 續編已校。

[10] 輦真吃剌思 按本書卷二〇二釋老傳作「輦眞吃刺失思」,此名藏語, 意爲「寶祥」。 此處當脫

失」字

父床兀兒爲(楊)[揚]王 據本書卷一二八土土哈傳附床兀兒傳改。 續編已校。

元史卷三十四

本紀第三十四

文宗三

諭之。丁卯,雲南諸王禿堅及萬戶伯忽、阿禾、怯朝等叛,攻中慶路,陷之,殺廉訪司官,執 省左丞相。戊午,頒璽書諭雲南。辛酉,時享太廟。命回回司天監禁星。壬戌,中興路饑, 左丞忻都等,迫令署諸文牘。庚午,芍陂屯及鷹坊軍士饑,賑糧一月。辛未,中書省臣言: 賑糶糧萬石,貧者仍賙其家。 甲子,燕鐵木兒、伯顏並辭丞相職,不允,仍命阿榮、趙世安慰 丁巳,賜明宗妃按出罕、月魯沙、不顏忽魯都鈔幣有差。以知樞密院事伯帖木兒爲遼陽行 「科舉會試日期,舊制以二月一日、三日、五日,近歲改爲十一、十三、十五。請依舊制。」從 壬申,衡陽搖爲寇,劫掠湘鄉州。癸酉,以宣徽使撒敦復知樞密院事,與欽察台並領長 至順元年春正月丙辰、命趙世延、趙世安領纂修經世大典事。 懷慶路饑,脈鈔四千錠。

本

紀

第三十

29

文宗三

閣學 寧卿 牙 寅,賜隆禧總管 饑,總管 鈔三千錠,往 行 使齌金千五 王 爲 一之子脫脫 省以鹽課 Ξ 士院 秦國 烈 荆 永 昭 襄 王伯 平路 惠 田 禮 鈔十 木兒 百 靈 甘 賦 恭 賜 部 兩 頭 庚辰,陞羣玉署爲羣玉 以 府 以所 肅 提 燕 赴闕。 萬錠賑流民之復業者。 去年八月雹災告。 尙 舉 田 तों 銀 鐵 祐 書(巙巙)[巎巎]兼監羣玉 髦 千 司 受制命質官糧 Ŧi. 木兒 頃。 牛。 爲 百 趙 荆 質 兩 世 濠州 襄 立 , 庫 延請致仕,不 詣杭 一荆襄 濟 去 農 0 祭處、 萬 年 香 州 寧 加 早,賑 一内司 戶 書 石 海 封 提舉 佛 赈 州 徭賊 秦 平松 經。 允。 之。 文登、 蜀郡 秩 糧 內司 司 正 八百餘 (等處) 賜 命 1 月。 平江 太守李冰 三品,置司 事 牟平縣 海 中 丑 田 7 南 書 \Box 提 大 赋 人寇石康 追 省 大 辛巳, (明)[名]路及江 舉 提 封 製 饑 興 爲 司 舉 尉、 龍 玉 聖 爲 賑以 寶 司 普 帶二十,賜 平江 改 縣。 德廣裕英惠 亞尉、僉司 , 奴 明 大 並 爲 糧 寺 善農 都 己 隸 郢 \equiv 鈔萬錠,市 卯 太禧宗 千 田 城 浙 提 賦 臣 石。 諸 僚 提 王 封 司 舉 路 太醫院 舉司 官 諡 **禋院** 丙 丞 司 俱 其 永 樂 子 以 子一 品 爲 仍 業 敏 , 去 遣 宣 使 者 衡 隸 命 地 年 使 農 奎章 召 州 郎 野 陜 荆 早 西 沛 齎 理 戊

開 等處宣慰 府 儀 百 月 使都 壬 司 午 蒄 朔 帥 籍 以 張 趙 珪 雲南麓 世 子 安 五. 爲 20(州)(一 人 御 家資 史中 川」等土官來貢 丞, 乙 西, 史惟 以 良 西 爲 方物 僧 中書 加 瓦 Ξ 左 藏 丞。 揚州、 1 蘸 癸未, 安豐、廬州等路饑 八兒 監 加 藏 知 並 樞 密院 爲 鳥 思 事 以 藏 燕 啉 不 淮

古昔治亂得失陳說於前,使朕樂於聽聞。 閣 安規運、普慶營繕等八提點所並爲營繕司,秩正五品。以修經世大典久無成功,專命奎章 及建康、廣德、鎭江諸路饑,賑糧一 視 聰明,其於致理之道,自然生知。 徵其食邑租賦。 秃堅、伯忽等攻陷仁德府,至馬龍州。 封父母者聽。 |南五千石者從七品,自餘品級有差。 江南、陝西、河南等處富民輸粟補官,江南 鹽課鈔五萬錠、糧五萬石賑之。 臺贓罰 木兒如國史例監修。 百人禦之。 說祖宗,旣乏生知之明,於國家治體,豈能周知。 阿隣帖木兒、忽都魯都兒迷失等譯國言所紀典章爲漢語,纂修則趙世延、虞集等,而 鈔萬錠、 庚寅,改萬聖祐國、興龍普明、龍翔萬壽三提點所並爲營繕都司, 秩正四品; 僧、道輸已粟者,加以師號。 金千兩、銀五千兩付太禧宗禋院,供祭祀之需。 奎章閣學士忽都魯都兒迷失、撒迪、 開元路胡里改萬戶府軍士饑, 真定、蘄、黄等路, **朕以統緒所傳,實在眇躬,夙夜憂懼,自惟早歲跋涉艱阻** 月。 四川富民有能輸粟赴江陵者,依河南例,其不願仕,乞 調八番元帥完澤將八番答刺罕軍千人、順元土軍五 衛輝、江州二路饑,賑鈔二萬錠。 卿等其推所學以稱股意,其勿復辭。」帖麥赤驛戶 萬石者官正七品,陝西千五百石、河南二千石、江 徵江浙、江西、湖廣賑糶糧價鈔赴京師。 汝寧府、 故立奎章閣,置學士員,日 給糧賑之。 虞集辭職,詔諭之曰:「昔我祖宗睿知 鄭州饑、各賑糧 (三月)辛卯 賜燕鐵木兒給驛璽書,以 寧國路饑一嘗賑糧 (朔),[四] 以御史 二月。 以祖宗明訓 丁亥,命 己丑, 燕鐵 萬

本紀

第

三 十

四

文宗三

者來歲 官,立 灌陽 皇子 未 謀 失 給 辭 職 刺 京 兩 五 《者皆》 淮 忒 以 御 任 品 萬 鈔 師 以 兵討 亦璘 台 縣 鹽 濟 史 納 石 大 伯 城 一衡,不 死, 答 補 霜 課 大 其 秃堅、伯忽等攻晉寧州 劫 栅, 顏 不 眞 雲南 乏。 夫職,不允。 運。 畫雺 鈔 刺 民 足, 知樞 欽察台 焚倉庫 Ħ. 班 並 財。 思 萬 癸卯,汴 爲 受佛戒。已亥,命明宗皇子受佛 從之。 復 密院事 報效,銓選之際,紊亂 錠 立諸 御史臺臣言「欽察台 鄜 賑 庚子 以 萬 賑 以 王 出 拒命。 色民 之。 五. ,以兵 ,,依前太保、錄軍 丙 梁路 土蕃 征 千石。 豫王 申 獲免 匠 丙 ٠, 封 等處民饑,命 雲南 午, 乙未, [42] 興所收諸王 打 丘 癸巳, 刺 捕 禿堅 頃 祥符 鷹坊 復 龙 浦 中書省言:「江 臺 以 納 蠻 綱紀、 自立 衞 臣 來朝。 都總管府, 天 प्रा 失 縣 國 輝 疑 也先 兒 曆 霜 有 里 路 重 爲雲南王 而 貪污 初 思 所 災。 司 作城 事 劾 帖 在 闢 部 以 戒。監察御 赈常德、 芝, 千六 糧 著聞、恬 Ŀ 海 甲 木 浙 秩 新鄉 詔 都 兒 莀 牙 賑 一,伯忽 不 民饑, 諭 正二品 常常 爲 百 流 之。 澧 稱 中 搠 餘 江 縣 書 王禪之子于 思監等印還給之。 州 事 與 史言:「 不 南 新安、 爲 大 人 今歲海 路饑。 情, 闊 日 知 饑、賑糧 丞相 行 風 耻 闊 置奎章 臺御史大夫。 雨 宜 保定諸 昔在 出 **〕黜罷爲宜。」從之。** 中書平章杂兒(失)[只], 災。 運爲 雪 等謀 阿禾 T 其 世 吉陽 酉, 閣 甲 米二百萬石, 枉 月。 祖 執 驛 監書博 午,自 忽刺忽等爲平章 帝及皇后 倒 軍 嘗以宰 制 淮安路民 刺 壬寅,明 命 乙巳 疫 庚 士二人, 沙 日 中 死, 寅 尙 相一人 可 事 う対 至 其不 命 徭 燕 卿 璐 泄 是日 小 賊 明 中 秩 不 以以 呈 總 書 足 等 IE 花 T 百 入 SII

三月甲寅,命宣政院供顯懿莊聖皇后神御殿祭祀。

本紀

第

Ξ

十四四

文

宗

=

千人, 兒補: 例 錠 鳥 餘 郡 丞 王 領 官 失、買哥 司 、宗正 I復故 王 賑 之。 撒 丽 贓 軍 從像 賚 花 營 辛 東 罰 命儲 烏蒙 有差 廷試 昌 職 堡 以 鈔 錄 府官往捕之。 玥 分 一饑民 Ŧ 賑 河 討 羣 使 璐 政院 戊午, 之。 由 南 進 東 雲 西 臣 蒙 不 分龍 八番 三萬三千六百 行 士 平 南 請 華 北 慶、 給 省 , 路 T 禿 E 諸 振 封皇子 其衣 賜 平章 慶 道 巴 須 羅羅 堅、 皇帝尊號,不 舉 王 篤 州 討 城縣饑,賑 徙封 壬申 臺 燕 伯忽 糧 列 隸大 雲南 乞住 斯 綱 只吉台 一芻粟。 圖 阳 濟陽 刺 都 之 戶。 嵩 奉玉册 爲雲南行省平 T 王文燁等九十七人及第、 忒納答刺 功, 賜 明 卯, 王 以 發米 明宗 己巳, 許 不 州 木 Ш 雲南 Ti, 固 賽因 諸王 木八 土官幣帛 玉寶 東 十萬 楠 近侍 請 鹽 子 宣慰 議 爲 也 刺沙來貢蒲 月卽 明宗 課 不 燕王, 爲 石 耐 孫 七十 章 已, 吳王 鈔。 使土官 明宗 台 賑 各 別 升耐, 糶 八番 乃許 部 人官 等所。 安慶 立宮相 京 0 吳王 神 1 舉宗 師 禁泛 ī有差。 順元宣 之。 主 百 萄 序于英宗之上, 貧民。 安 干 餘 出 潑 酒 甲子, 府總其府 濫 豐 封 太 身有差。 皮 人 祿 為濟陽 賜 裕宗 給驛。 廟 入 知 慰 余 蘄 癸亥 天 樞 使帖 鈔 詔 並 幣有 Щ 密院 黄 濮 及 諭 遙授 事, 命 四 縣, 州 昭 木 王 中 遣 廬 臨清 獻 事 差。 兒 彰德路 Ш 視 外, 秩 雲南 諸 掠民 五. 官 不 元 不 賜 正 順 路饑, E 花 吏 、館陶二 聖 花 八番 以 命 宗 桑哥班 行 財 皇后 脅 帖 御 Щ 爲 歲祭美 品, 省參 產 從 史大 木 成 雲 順 以 東 宗 位 囊 兒 南 燕 淮 鹽 元 縣 知 遺 爲 課 撒 夫 宿 里 鐵 四 行 加 廟 曲 政 樞 台 武 鐵 木 遷 鈔 芯 衞 省 周 廉 賑 者 密 平 之 文 訪 萬 迷 兒 左

千錠賑之。辛巳、諸王哈兒蠻遣使來貢蒲萄酒。廣德、太平、集慶等路饑,凡數百萬戶。濮 十萬有奇,賑糧四月。丁丑,陞太常禮儀院秩正二品。敕有司供明宗后八不沙宮分幣帛二 千五百錠。沂、莒、膠、密、寧海五州饑,賑糧五千石。 南登封、偃師、孟津諸縣饑,賑以兩淮鹽課鈔三萬錠。 馬還鎭,錫賚有差。丙子,改山東都萬戶府爲都督府。 近倉糧賑之。甲戌,封諸王速來蠻爲西寧王。乙亥,西番哈剌火州來貢蒲萄酒。諸王、駙 鈔七千錠。光州光山縣饑,出官粟萬石,下其直賑糶。 百匹,及阿梯里、脫忽思幣帛有差。 賜燕鐵木兒功勳之碑。廣平路饑,以河間鹽課鈔萬三 鞏昌、臨洮、 蘭州、 定西州饑, 賑鈔三 中興、峽州、歸州、安陸、沔陽饑戶三 雲南木邦路土官渾都來貢方物。河 信陽、息州及光之固始縣饑,並以附

諸處民饑,累常賑救,去歲賑鈔百三十四萬九千六百餘錠、糧二十五萬一千七百餘石。今 分給其家。」從之。戊子,四川行省調重慶五路萬戶以兵救雲南。庚寅,中書省臣言:「邇者 <u>真也不干爲桓國公。燕鐵木兒言:「天曆初,阿速軍士爲國有勞,請以鈔十萬錠、米十萬石</u> 糧都總管府,秩正三品。中書省臣言:「各宮分及宿衞士歲賜錢帛,舊額萬人,去歲增四千 州諸縣蟲食桑葉將盡。 人,邇者增數益廣,請依舊額爲宜。」詔命阿不海牙裁省以聞。甲申,時享太廟。丙戌,封也 夏四月壬午朔,命西僧作佛事于仁智殿,自是日始,至十二月終罷。 癸未,置怯憐口錢

第三十四

文

宗三

傅、 汴梁 月,滄州、高唐州屬縣蟲食桑葉盡。 羅蠻,萬餘人遇害,千戶祝天祥等引餘衆遁還。 雲南賊祿余以蠻兵七百餘人拒烏撒、順元界,立關 言:「奉元、鞏昌、鳳翔等路以累歲饑,不能具五穀種,請給鈔二萬錠,俾分糴于他郡。」從之。 沿邊部落蒙古饑民八千二百,人給鈔三錠、布二匹、糧二月,遣還其所部。 陝西饑,敕 云都思帖木兒及樞密判官洪浹將之,與湖廣行省平章脫歡會兵討雲南。 不花爲其所害。 護聖寺爲 庚子,降璽書申諭太禧宗禋院。 七萬六千戶,一百一萬二千餘口,請以鈔九萬錠、米萬五千石,命有司分賬。」制曰「可」。以 撒]土官禄余殺烏撒宣慰司官吏,四降于伯忽。 副尉、守司馬各二員。丁酉,遣諸王桑兀孫還雲南。 辛丑,明宗后八不沙崩。壬寅,括益都、般陽、寧海閑田十六萬二千九十頃,賜大承天 懷慶、彰德、大名、 水業。 有司作佛事 立益都廣農提舉司及益都、般陽、寧海諸提領所,並隸隆祥總管府。 晉寧、建昌二路民饑,賑糧五萬五千石、鈔二萬三千錠。 少七日。 興和、衞輝、順德、歸德及高唐、泰安、徐、邳、 壬辰,以所籍張珪諸子田四百頃,賜大承天護聖寺爲永 天臨之醴陵、湘陰等州、台州之臨海等縣饑,各賑糶米五千 (荀)[芍]陂屯饑,[云]賑糧三月。 韶江浙、 羅羅諸蠻俱叛,與伯忽相應,平章 固守。 河南、 重慶五路萬戶軍至雲南境,值羅 金蘭等驛馬牛死,賑鈔五百錠 江西三省調兵二萬,命諸王 土蕃等處脫思麻民饑 曹、冠等州饑民六十 己酉,作佛 癸巳,置豫王王 戊申,陜西行 帖 事。是 烏(蒙)

命有司賑之。賑懷慶承恩、孟州等驛鈔千錠。

該萬 蒙。 徒。 州土官德益叛,附于禄余。 見 世 慶、衛輝 玉 使 修英宗 中書右 饑,賑以 濟者,腹裏差發、江淮 一册、玉 延 皆 忽都魯養阿等, 翰 遣 壬戌,歸德府之譙縣霧傷麥。 戶府 Ŧi. 爲 林學 實 月 豫 丞相,詔 山東鹽課鈔三千錠。 、(普)[晉]寧四路曾經賑濟人戶、[10]今歲差發全行蠲免。其餘被災路分人民已經 遼東軍所害,並加褒贈。 寶,上尊號日 乙卯, 錄 王 、寧夏路哈赤千 阿剌 成。 士承旨 天下。 遣宣徽使定 戊辰,車駕發大都, 忒納失里 皆爲囊加台所害, ,封魯國 欽天統聖至德誠功大文孝皇帝。 夏稅,亦免三分。己未,羅羅斯權土官宣慰撒加伯、阿漏土官阿剌、里 以鈔四萬錠分給宮 卢 [鎭西番] 授以 所軍 公。 住等, 庚申, 武昌路饑,賑以 賑衛輝 士饑,各賑糧二月。 戊午,帝御大明殿,燕帖木兒率文武百官及僧道 癸亥,四川 以 以受尊號恭謝太廟。 次大口。 並 受尊號告祭南郊。 金印。 贈官賜 大名、 人。 軍至雲南之雪山峽,遇羅羅 糧五萬石、鈔二千錠。 廬州 陞尙 諡。 賜諸 賜魯國大長公主鈔萬錠。 王 舍寺秩 饑民鈔六千錠、糧 榆次縣主簿太帖木兒、河中府 己巳,次龍虎臺。 脱歡 是日,改元至順,詔天下。 辛酉, 故|四 金印,大司徒 正三品。 川行 四川行省討雲南, 省 甲子,申命燕鐵木兒爲 平章寬徹 命阿鄰 五 千石 置肅王 不蘭奚 斯軍,敗之。 丁卯、翰林國 帖 四四 木兒爲 父銀印。 開元 寬徹傅、尉、 進軍至烏 川道 判官秃塔 、耆老,奉 河南 路 大 德州 史院 胡 加 廉 懷 賑

本

紀

第

Ξ

+

74

文

宗

=

討之。 陽、南陽 錠、布 以 荒乏穀種,給鈔三千錠,俾糴於他郡。己卯,遣使詣五臺山作佛事。 皆領兵 禧 司 五. 浙 李郁 東宣 錠給雲南軍需。 各 禋 使亦 進討禿堅、伯忽。 乙亥、置順元宣撫司、統答刺、尽、〔罕〕軍征雲南、〔三人賜鈔五錠。 匹、糧一月。 、濟寧、東平、汴梁等路,高唐、開、濮、輝、德、冠、滑等州,及大有、千斯等屯田蝗。 員。 妻崔氏 |慰使陳天祐、湖廣參知政事||樊楫死於王事,贈封特加一級。 列赤 辛未, 爲 以志節,汴梁尹華以孝行,皆旌其門。 中書平章政事。左、右欽察、龍翊侍衞軍士五千三百七十戶饑,戶賑鈔二 置宣忠扈衞親軍都萬戶府,秩正三品,總斡羅思軍士,隸 是月, 癸酉,遣使勞軍于雲南。 甲戌,八番乖西解苗阿馬、察伯秩等萬人侵擾邊境,詔樞密臣分兵 右衞左右手屯田大水,害禾稼八百餘頃。 時諸王禿刺率萬戶忽都魯沙、怯列、孛羅等, 庚辰,命湖廣行省以鈔 龍興張仁興妻鄒氏、 廣平、河南、大名、般 衛輝路之輝州,**以** 樞密院。以太

饑 病, 翰 一供飲饍,冒昧者多,不稽其案牘,則弊日滋。宜如舊制,具實上之省部,以備考覈。」從之。 無 賑 學 六 糧 預 角辛 士承旨、奎章閣大學士,引疾以辭。」帝曰:「朕重老成人,其令世延仍視事中書、果 四 銓 萬石。 選可 已朔,燕鐵木兒言:「嚮有旨,惟許臣及伯顏兼領三職。 也。」丙戌,大駕至上都。戊子,給左、右欽察、龍翊侍衞軍士糧 饒 州饑,亦命有司賑之。癸巳,御史臺臣言:「宣徽院錢穀,出納無經,以 今趙世延以平章政事兼 壬辰、鎭江

徐州胡居仁孝行

田

迤北蒙古饑民三千四百人,人給糧二石、布二匹。旌表眞定梁子益妻李氏等貞節,

河南、湖廣、江西、甘肅行省誦藏經六百五十部,施鈔三萬錠。 州 **孛羅以蒙古漸丁軍五千往雲南。** 尚家奴、禿烏台,右阿速衞指揮使那海察、拜住,以謀變有罪,並棄市,籍其家。 兒,通政使只兒哈郎,翰林學士承旨教化的、伯顏也不干,燕王宮相教化的、斡羅思,中政使 納失里等由八番,分道進軍。黃河溢,大名路之屬縣沒民田五百八十餘頃。 軍萬三千人,人乘馬三匹。 麻蒙古民饑,賑糧一月。丁未,改東路蒙古軍元帥府爲東路欽察軍萬戶府。 中瑞卿撒里爲大司徒。賜四川行省左丞孛羅金虎符。 行樞密院事,陝西行省平章探馬赤、近侍教化爲同知、副使。 丙申,立行樞密院討雲南,賜給驛璽書十五、銀字圓符五。 雲南行省右丞躍里怗木兒拒之,斬首四百餘級。四川軍亦敗撒加伯于蘆古驛。丙午,朶思 及前、後、武衞屯田水災。大都、益都、眞定、河間諸路、獻、景、泰安諸州,及左都威衞屯 徹里鐵木兒同鎭西武靖王搠思班等由四川,教化從豫王阿剌忒 。乙巳,羅羅斯土官撒加伯合烏蒙蠻兵萬人攻建昌縣,三三 以鹽課鈔二十萬錠供雲南軍需。 以河南行省平章徹里鐵木兒知 。知樞密院事闊徹伯、 發朶甘思、朶思麻及鞏昌諸 是月,高唐、曹 庚子,以內侍 癸卯,四川 脫脫木 命

秋七月辛亥,封諸王按渾察爲廣寧王,授以金印。 壬子,命西僧祭星。 七五 丙辰,以闊徹伯

官 密院 鈔十 石。 等部 管府 陜西 鈔 廪 堰 舊 平 賜 西 大 方有 幣有差。 虚 制 棘 宿 僧 디 空, 萬 二歲 獻 徒 大 丙 行 衞 爲 廣平路 旨発 御 秩 錠 都 省 寅 皇 即 軍 人口牧畜 史 其 四 之順 至 子 賑被災者十二家。 士 授 蒙古 品 臺 費 所授官, 更。 雲南 丙子 燕王 ,從之。 撒 之肥 有五 一、各怯 州 甲 百 詔:「僧、道、 ,敕中 作 東 姓 乙 命 鄉 增 加 薛 日 佛 1 己未, 其 安 以 丑: 酬 賞 保定路之曲 巳 其 官 事 一,翰林 書省 其直。 州 饑 軍 、罪答。 賜 0 同 乏至 命 需 大 以 加 西 獵 中 、御史臺遣官詣江浙 風 日 學士承旨也兒 庚 汰 闊 域 作 上都 書 戶、 庚 雨 江西建昌萬戶府軍 減。」 申 甲戌 徹 諸 午, 省 雹 佛 伯宅 陽 籍 王 鷹 者, 事 傷稼 一從之。 翰 歲星 不 坊 賜 ٠, 脫脫木兒家貲, 行唐等縣, 賜 林 賽 日 閱 諸 合得璽書者, 創 犯 因 國 太禧宗 口 戊辰 王 、氐宿。 吉尼 史院 御 置 遣 數給 |養怯: 史臺臣 使 衙 ,壽寧公主 門, 一種院 來 官 知 以 江西 戍 帖 大 樞 開 朝 祀 行 木兒 日 廣 風 平路 太祖 密院 劾奏新 翰 賀 糧 一濫冒 輸 海 衣 丽 湖廣 林院 , 內 服 者, 雹 孛 薨 俾各還所 監 闷 事 府 1支請, 太宗 傷 賜羣臣 電傷 ,收其 欒 除 察 0 無 稼。 四川 台 歲 御 河 調 得 辛 睿宗 南 稼 更役 史 諸 日 越 酉 0 徵 許 即 一請 續 部 府 中書省 衞 雲南 棘斯 通渭 失台速怯、 改哈思罕萬 總管 ., 以 御 增 中 卒築 己巳 來往 容于 ·書省 所 衞 增 諸行省 Щ 察 籍 大 漷 張 士 以 一勞苦, 崩 聞。 都 加 鷹 命 孙 闊 大 臣 居 言言 普 兀 敬 坊 江 賑 柳 月 徹 壓 罕 遷 慶 避 浙 糶 林 詔 謹 眞 伯 戶 民 定路 調 等 請 近 府 衣物 難 米 行 海 仍 眞 舍 至元 孛 嵗 爲 金銀 省 不 與 五. 子 之 萬 以 堤 總 П 之 命 分 命

閏七月庚辰朔,封諸王卯澤爲永寧王,授金印,及給銀字圓符、給驛璽書,併以所隸封。 本 紀 第 Ξ + 四 文 宗 = 七六一

邑歲 烏蒙 斥歸 之 **丛、奎章之職。」四川行省平章汪壽昌言:「雲南伯忽叛逆,** 軍之用。 詔嘉其去逆效順,厚慰諭之。 「本路舊隸四川,今土官撒 共 知 敕 五. 承天護 監察御 庶不稽誤。」從之。 政 딞 上都兵馬司官二員,率兵士由偏嶺至明安巡邏,以防盜賊。 政 八中書。 事 頃以市馬、造器械、軍官俸給、軍士行糧,已給 賦賜之。 相 田 庚寅 聖寺爲永業。 繼 里。」臺臣 史葛明 爲 燕鐵木兒言:「趙世延向自言年老,屢乞致仕,臣等以聞, 丙戌,忠翊衞左右屯田隕霜 亂,大兵深入,去朝廷益遠,元請軍需,早乞頒降,從本省酌 御史之言,不知前 以所籍野理牙宅為都督府公署。 癸未, 遣諸王篤憐、 誠言:「中書平章政事趙世 以聞,詔令中書議之。 寧夏、奉元、鞏昌、鳳翔、大同、晉寧諸路屬縣隕霜殺稼。 鑄黃金神仙符命印,賜掌全眞教道士苗道一。 加伯與雲南連叛,願備糧四百石、民丁千人,助大軍進 衞 有旨也。」帝曰:「如御 士上都駐冬者,所給糧以三分爲率,二分給鈔。 渾禿、 殺稼。 孛羅等齎銀千兩、幣二百匹**,** 延,年踰七十, 雲南茫部路九村夷 籍鎖住、野里牙等庫藏 辛卯、以陝西行臺御史中丞 鈔十五 史言、世延固 智慮 萬錠。 興兵進討, 人阿 耗衰,固位苟容, 市橐駝百、牛三百,充扈從屬 [難任 斡 今伯忽 嘗有旨, 阿里 、田宅、奴僕、牧畜、給大 己丑,立掌醫署, 中 調 賜諸王 其緩急, 未 書矣。 遣 詣 脱亦納 及殄滅 飽餉 癸巳,以月魯帖 世延舊 四 無補 一朶列鐵木兒。]]] 其仍任以 便宜 大駕將還 征。」事聞, 行省自陳: **而** 爲中 皆壽昌領 於 人,宜 、事,請 烏撒 以行 秩正 翰 與

本

門諸 農諸 率富 弟英,以孝行旌 慶、夔州逃亡軍八百 知 抵 四 發兵捕 三萬六千六百 羅 州]]] 屬 屯 馬 羅 行 人出粟十萬石賑 縣 之,賊衆 伯 省 水,沒田 斯 皆水 界,以控 所 調 部蠻兵,會周戡等,從便道共討之。 硼 一沒田 門安 餘頃,饑民 其門。 潰走,生擒 八十餘頃。 扼 撫 西番及諸蠻部。 人赴成 之。 司軍七百人,成都、保寧 大都 萬三千五 四十萬五千五百七十餘戶,詔江浙行省 國安。 寶慶、衡、永諸處, 愛祖 杭州、常州、慶元、 都。 丁、塔朮 廣西猺于國安率千五百人寇修仁、荔浦等縣, 百八十餘頃。 大都、(太)[大]寧、口四保定、益都諸屬縣及京畿諸衛 又遣 漷 成都、 州 田 、順慶、廣安諸屯兵千人,令萬戶 紹興、鎭江、寧國諸路及常德 松江、平江、嘉興、湖州等路 劉 生青蟲, 發成都沙糖戶二百九十人防遏 順慶二翼萬戶昝定遠等,以軍 仲溫,以輸米賑 食禾稼。 貧旌其 以入栗補官鈔 冠州 郁 闸 世 水,漂民 安慶、 復、大都 周 敍 五. 三千錠及 廣西元 戡 千同 州 池 、廬、沒 統領? 趙 州 邛 帥 徵 祥 及 府 勸 田 荆 部 重

以 有言 鐵 躍 世 木 里 祖 蔚 鐵 兒 八 人月庚 木 是月生,命京師率僧百七十人作佛事 州 由 兒 廣 西 道 以 戌,河南 靈 縣 田 兵 地產 獵 屯建昌,執羅 未 府路 一銀者, 至,韶 新安、沔池等十五驛饑疫, 以 詔 機 羅 中 務至重,遣使趣召之。 書、 斯 把事 太禧院遣 曹通斬之。 七月。 人涖 其事,歲所 御史臺臣請立燕王爲皇太子,帝曰:「朕 丁巳,北邊諸王月卽 人給米、 己未,大駕至京 馬給芻粟各一 得 銀 歸 大承 師 别 天 遣 月。 勞遣 護 使 聖 來京師 辛亥, 人 士還營。 辛 雲南 燕

之。」制可。 籍 宿。 朝, 十七,犯者與典給散者皆杖七十七,沒家貲之半,以籍入之半爲告者賞。仍令監察御史察 四人,當留者千一百二十人。 媵臣、怯憐口共萬人,當留者六千人。 其汰去者,斥歸本部著 減 四 子 應役。 宿 (者四千人。 尚 獻方物。 篇之士,每宿衞 .幼,非裕宗爲燕王時比,俟燕帖木兒至,共議之。」甲子,忠州土官黃祖顯遣其子宗忠來 壬申、詔 自裁省之後,各宿衞復有容匿漢、南、高麗人及奴隸濫充者,怯薛官與其長杖五 興舉蒙古字學。中書省、樞密院、御史臺言:「臣等比奉旨裁省衞士,今定大內 乙丑,遣使詣眞定玉華宮,祀睿宗及顯懿莊聖皇后神御殿。戊辰,太白犯氐 內饔九百九十人,四怯薛當留者各百人。累朝舊邸宮分饔人三千二百二十 不過四百人,累朝宿衞之士,各不過二百人。鷹坊萬四千二十四人,當

之。 省 保定等路,冠、恩、高唐等州,出馬八萬匹,令諸路分牧之。大寧路地震。甲申,授不蘭奚 敕 及月魯鐵木兒大司徒印。史惟良辭中書左丞職,不允。 樞 止可二百萬石、餘數令他省補運爲便。」從之。罷 !密院、宗正府及行省,每歲遣官偕往巡問,以治其獄訟。 九 河 月庚辰,江浙行省言:「今歲夏秋霖雨大水,沒民田甚多,稅糧不滿舊額,明年海運本 南行省給湖廣行省鈔四千錠爲軍需,討雲南。 入粟補官例。糴豆二十三萬石於河間、 遼陽諸王老的、蠻子台諸部擾民, 命藝文監以燕鐵木兒世家刻板行 監察御史萬明誠劾奏「遼陽

本紀

第

三十四

文宗三

萬戶 方 午 朏 官 其言 羅 雲南 西 罷 行 神 命 月赤察兒 三十 -, 熒 皇猷 哈八 議流 太 罷 口 湖 爲 省 人, 宜 府 卒 以 元 惑 廣 詔 鼠 聞 隸 移 兒禿爲 制 眞 犯 贊 蒙古軍進征 人鈔六錠。 匹 文詰 爲 哈 本 從 目可 棄 鬼宿 君 命 幸蒙恩宥]][右 國 刺 之。 國 龍 鄰 不章 安南 鐵 丞 政 御 積 州 境諸 <u>ـ</u> 遂 相 木兒 丙 史 萬 P 1 起 國 , 政 癸巳, 戌 氣 雲南 監察 戶 臺 太傅 且 争端 王, 事 , , 量徙湖廣。 府 其 嘗坐贓被杖罪, 臣 以 邛部 劾 其 答 發藩 御 申 者 月赤察兒輩 國 封 白 奏:「 魏 刺罕 史杂 嚴 回 人 此蓋 人給 虹 州 言 部 王 無 邊 貫 土官 前 為 羅台、王文 防。 311 TE. 邊吏 T 不復畏法自守, 日 鈔 , 壯二千 本國 大之 中 木 左 Ħ. 馬 己丑 書 哥 丞 居於前 生 伯 一个復任 置 錠。 (譽)有 相 自 平 子 景, 嚮 麓 保 章 歸 उन 人 岩言:「 雲南 導 \prod 熒惑 假 戍成都。 速 魯 而 順 路 鄙 安 以 征 速 閉 天 (於)[爲]西 邊 雲 宰 俚 羅 軍 以 犯 而 覆 朝,恪共 .) 領北 南 執 境 羅 之 民 斯 鬼宿 叨居台 爲 乃携妻娶妾 一總管府。 稱, 郭朝 斯 軍 人 名爾, 廣源 控 行 繼 叛, 有 廷遂 錢穀 制 |靖王 省 臣 功 其 鼎 辛 賊 與 東 乃太祖 職,彼 後 本 卯, 弗 無 成 以 藩 專 甲兵之事 [五]。 府 復立 贀 都 北 道 爲 肆 濫 宜 賜 疆 閉 甚 征 亦 不肖固 顧之患。 貪淫 污 肇 自 總管府 陜 乙未, 覆 我界,盡 進 邇 足 百 基 西 加 寇 見 招 懵 端 蒙 之 而 窮 龍州 國家 不 討 兩 治。」 以 於 古 成 地 無 今天 待 經 況湖廣 哈 都 立 軍 歸 知 所 杖 辯 武宗 羅 名爵之濫 一冬祀 之征 湖 刺 軍 本 知 子 斷 回 而 統 廣 火 馬 州 洞 明 蹜 時 豈 州 雲 行 俱 乃屯兵 \mathcal{E} 百 御 福十 분 能 南 省 進 理 太 宜 及 備 以 征 甲 昭 師 者 州 江

經世 旨,令中書省改正之。敕有司繕治南郊齋宮。遼陽行省水達達路,自去夏霖雨,黑龍、宋瓦 北行省人賑糧二石。至治初以白雲宗田給壽安山寺爲永業,至是其僧沈明琦以爲言,有 台爲陝西行臺御史大夫。鐵里干、木膦等三十二驛,自夏秋不雨,牧畜多死,民大饑,命嶺 좕 大長公主鈔萬錠,命燕鐵木兒詣其邸第送之。丙午,命西僧作佛事於大明殿。史惟良復乞 敕:「諸人非其本俗,敢有弟收其嫂、子收庶母者,坐罪。」壬寅,覈實諸衞軍戶物力。賜魯國 重鎭,豈宜居此?乞屛之遠裔,以示至公。」詔永竄雷州,湖廣行省遣人械送其所。 以魯國 二江水溢,民無魚爲食。至是,末魯孫一十五狗驛,狗多餓死,賑糧兩月,狗死者,給鈔補市 職 · 大典,命省、院、臺諸司以次宴其官屬。以平江等處官田 五百 頃,賜魯國大長公主。 辰州萬戶圖格里不花母石抹氏以志節,漳州龍溪縣陳必達以孝行,並旌其門。 歸養,允其請,仍賜鈔二百錠。丁未,中書參知政事張友諒爲左丞。 大長公主邸第未完,復給鈔萬錠,命中書平章亦列赤董其役。己亥,以奎章閣纂修 知樞密院事脫別 丙申,

徐議之未晚也。」立宣忠扈衞親軍都萬戶營於大都北,市民田百三十餘頃賜之。戊午,致齋 大臣復請立燕王爲皇太子,帝曰:「卿等所言誠是。但燕王尚幼,恐其識慮未弘,不克負荷, 辛亥,命湖廣行省給諸王云都思鐵木兒幣百匹,以賞將士捕徭賊有功者。壬子,諸王、 冬十月戊申朔,降璽書申飭衍聖公崇奉孔子廟事。賜雲南行省參政忽都沙三珠虎

院 州 皇 際 軍 依 言 以 人 約 於 並 兀 下 太 帝 娘 需 俟 及 火 祖 大 111 事 進 + 扈 宜 撒 子 內 來 從 永 失 配 皇 明 今 陳兵周泥驛,及祿余等 雲 一,禮 依 帝 章 溫 殿 敦 外 淳 年 叉 南 所 費 縣 配 官 所 其 計 成, 發 宣 行 請 用 居 享 己未 委 贓 吏 從 諸 敕 省 給 已 徽 是 諸 令家 之。 用 多 南 廣 衞 之。 盡 使 兵 寡 官 牧 日 郊 西元 漢 唐 遣 進 屬 論 辛 大 人 人三千 鎭 軍 討 其 /駕 亞獻官中書右 制 並 罪。」 未 受 庚 帥 西 萬 勢, 財 還 申 日 府 武 由 五 一從之。 鳥 於 户、 宮 -靖 千 並 中 以 率 出 可 蒙 是 戰 其 兵 瀕 賜 書 次 E 人 路 兀 甲子,以 捕 黄 郊 搠 答 駐 殺蠻兵三百餘 擬 干 JII 土 甲 賜 宮。 思 刺 聞 名犯 之。 Щ 河 官 行 丞 戌, 伯 罕 後、蒙古軍 所 班 省 相 142 夷 ·之號。 乙亥, 奉元 辛 義 及 樞 居 敕; 平 朝 燕鐵木兒、 鷹 行 密 酉 章 歸 叔 罪 省、 院 驛 坊 塔 累 順, 齊 改打 止 帝 馬 人。 中 臣言:「 五. 出 朝宮分官署、 三千 四 廟 行 服 瘠 遣 千 書 引 捕鷹 十七、 額 大裘、 院 省 終獻官貼木爾補化 禄余衆潰, 戶 其 死 兵 人駐 日 復 通 毎歳 臣言:「近討 , 由 聖 命 坊 求 各 解 事 衮 永 官山 淸 總 陜 賑 鈔 大駕 任 寧, 阿累等 冕 管府 西 如 凡 糧 歲春 即奪其關 行 文移 前 兩 左 今貪 幸 祀昊天 以 爲 省給 月。 數。 上都 雲南, 丞 貢 守 秋 仁 無得 字羅 方 關 污 .虞 が物。 鈔三千 丽 臣 乙 者 率諸 梁。 上帝于 隘 發各 已給 都 丑 等 稱 以 引 緣 以以 總 議 皇后, 少 執 兵 此 乞 壬 管府 衞 錠補 鈔二十 廣 導 南 由 牢 犯 申 事 如 方 軍 西 順元 告廟 舊 靑 法 郊 當 止 御 土 徭 र्ता 愈多 數 Щ 遺 稱 史臺 以 進 萬 千 賊 之。 知 諸 調 使 討 某 請 寇 太 樞 五. 錠 位 横 臣 趣 之 密 木 祖

時雲南行省平章乞住等俱失期不至。

供 罪之。 司言: 還賜 見。 爲令。」 東鹽課鈔三千 遣 三戶 宿。 里 臣言:「至元 怯 列 " 當 使 鐵 床 趣之。 木 後 命 十 量 坐受人僮奴一人及鸚鵡,請論 戶給 今討叛徭,各行省官將兵二萬 見等引兵追戰于|木托山下, 敗之, 兀 旣 帝師 但鸚鵡微物,以是論贓,失於太苛,其從重者議罪。 癸未,賑 一月庚辰, 入爲出,朕豈以鷹坊 附 兒之子 一鈔十五錠、米二石;被西兵掠者五百七十七戶,戶給鈔五錠、米二石。 廣西廉訪 間 籍,所輸歲賦皆入官, 率西僧作 知 錠, 樞 安豐、 燕鐵木兒。」從之。 上都灤河駐冬各宮分怯憐口萬五千七百戶糧二萬石。 密院事 賑曹州 命中書 :佛事,內外凡八所,以是日始,歲終罷。 安慶、 燕不憐,請依 賑 濟陰等縣饑民。 糶糧十萬石,濟京師貧民。 失所,重困 廬州等路有未附籍戶千四百三十六,世祖 別令萬億庫歲給以鈔二百錠。 羅羅 如律。」詔曰:「位至宰執、食國厚祿、猶受人生口, 理宜 .舊制全給鷹坊芻粟,使毋貧乏,帝曰:「國用皆百 人,皆屯駐靜江,遷延不 吾民哉! 斯撒加伯、烏撒 斬首五百餘級。 癸巳,以臨江、吉安兩路天源延聖寺田千頃所入 不從。 辛巳,御史臺臣言:「陝西行省左丞 辛卯,以闊闊 阿答等合諸蠻萬五千人攻建昌,躍 今後凡饋禽鳥者,勿以贓論,著 賑襄、鄧畏兀民被西兵害者六十 丙戌,太白犯壘壁陣。 進,曠 今乞停所給鈔,復以其戶 日持久,恐失事機。」詔 台 知 命以其歲賦賜床兀 甲申,熒惑退犯鬼 樞 密院事。 中書省 給川 |姓所

本

紀

第

三

+

四

文

宗

Ξ

租 一稅,隸太禧宗禋院。戊戌,立打捕鷹坊紅花總管府於遼陽行省,秩四品。辛丑,徵河南行 甲辰,命司天監禁星。丙午,恩州諸王按灰,坐擊傷巡檢張恭,杖六十七,謫還廣寧王 間 自實田土糧稅,不通舟楫之處得以鈔代輸。 命陝西行省賑河州蒙古屯田衛士糧兩

所部

充軍役。

仲舒 之神御殿。丁卯,命西僧於興聖、光天宮十六所作佛事。癸酉,詔宣忠扈衞親軍都萬戶府: 戊午,以十月郊祀禮成,帝御大明殿受文武百官朝賀,大赦天下。 正之功,實宗社生民之福也。」帝嘉納其言。詔:「龍翔集慶寺工役、佛事,江南行臺悉給之。」 今皇太子仁孝聰睿,出自天成,誠宜愼選德望老成、學行純正者,俾之輔導於左右,以宏養 史言:「昔裕宗由燕邸而正儲位,世祖擇者舊老臣如王顒、姚燧、蕭殸等爲之師、保、賓客。 兼大都留守。 者 從祀孔子廟,位列七十子之下。國子生積分及等者,省、臺、集賢院、奎章閣官同考試, 十二月戊申,遣伯顏等以將立燕王阿剌忒納答剌爲皇太子,告祭于郊、廟。己酉,以董 甲寅、西域軍士居永平、灤州、豐閨、玉田者,人給鈔三錠、布二匹、糧兩月。監察御 以等第試官,不中者復入學肄業。以栗十萬石,米、豆各十五萬石,給河北諸路牧官 宣忠扈衞斡羅思屯田,給牛、種、農具。辛亥,立燕王阿剌忒納答剌爲皇太子,詔 乙丑、遺集賢侍讀學士珠遘詣眞定,以明年正月二十日祀睿宗及后于玉華宮 癸亥,知樞密院事闊闆台

程氏、中興路伯顏妻阿迭的以志節, 兵,事緩則驛聞。」 奪所受制命,禁錮元籍終其身。」臺臣以聞, 尚,坐受婦 「凡立營司境內所屬山林川澤,其鳥獸魚鼈悉供內膳,諸獵捕者坐罪。」甲戌,御史中丞和 人爲賂,遇赦原罪。 賑龍慶州懷來縣前歲被兵萬一千八百六十戶糧兩月。 監察御史言::「和尙所爲貪縱,有污臺綱,罪雖見原,理宜追 大都宛平縣鄭珪以行義,並旌其門。 制可。 敕各行省:「凡遇邊防有警,許令便宜發 冀寧路梁世 **販遼陽行省所居** 明妻

校勘記

鷹坊戶糧

一月。

(變變) [變變] 據至順四年變變手書顏眞卿張長史十二意筆法記見三希堂石渠寶笈法帖題款改。類

編云:「正字通 云巎音撓,俗作巙者誤。」

大(明)[名]路

按元無「大明路」,據本書卷五〇五行志改。

道光本已校。

- = 雲南麓(州)[川] 據本書卷六一 地理志改。 類編已校。
- 29 (二月)辛卯(朔) 按上文已書「二月壬午朔」, 辛卯爲初十日。 此處「二月」「朔」皆行誤,今從道

光 本 删

本

紀

第 \equiv +

四

五 中 書平章朶兒(失)(只) 校 勘 記 據上文天曆二年八月壬辰條及本書卷一一二宰相年表改。「杂兒只」

藏語,意爲「金剛」。續編已校。

八六山 嘉興路崇德縣 按本書卷六二地理志、崇德元貞元年升州。本證云「當作州」。

「キン 副尉 按本書卷八九百官志、「副尉」當係「傅尉」或「府尉」之誤。

烏(蒙)[撒]土官祿余 據上文天曆二年九月甲子、下文至順元年七月丁丑、二年二月己酉、九月

庚辰、三年二月己酉條改。蒙史已校。

[元](南)[芍]陂屯饑 從北監本改。

河南懷慶衞輝(普)〔晉〕寧四路 按元無「普寧路」,據本書卷五八地理志改。

答刺(斥)[罕]軍 按本書卷九八兵志有「應募而集者」曰答刺罕軍」,據改。 蒙史已校。

建昌縣 按本書卷六一地理志、建昌路非縣。此處史文當有脫誤。

欲令伯忽弟拜延(順)等兵攻順元 涉下「順元」而行,今删。 蒙語「拜延」,意爲「富」。 按下文至順二年正月己卯條有「殺伯忽弟拜延」、此處「順」字

[□](太)[大]寧 據本書卷五○五行志改。

二吾 封魏王阿木哥子阿魯(於)〔爲〕西靖王 續編改「於」爲「爲」,是,從改。

元史卷三十五

本紀第三十五

文宗四

時享太廟。丙戌,伯顏、月魯帖木兒、玥璐不花、阿卜海牙等十四人,並以本官兼侍正。 皆潰,獨祿余猶據金沙江。」有旨趣進兵討之。庚辰,住持大承天護聖寺僧寶峯加司徒。 其費,仍命燕鐵木兒、撒迪等總督其工役。命後衛指揮使史塤往四川行省調軍官選。戊 大都大興縣郭仲安妻李氏貞節。丁亥,以壽安山英宗所建寺未成,詔中書省給鈔十萬錠供 已,大名魏縣民曹革輸粟賬陝西饑,旌其門。癸未,立侍正府以總近侍,秩從二品。乙酉, 集兵衆以討雲南,首敗伯忽賊兵於馬龍州,以是月十一日殺伯忽弟拜延,獻馘於豫王。十 三日,戰于馬金山,獲伯忽及其弟伯顏察兒、其黨拜不花、卜顏帖木兒等十餘人,誅之,餘兵 二年春正月己卯,御製奎章閣記。行樞密臣言:「十一月, 仁德府權達魯花赤曲朮, 糾

本

紀第三十

五

文

宗四

饑 帖 屢 撒 孝 子 蠻 兵 和 或 黜 法 皇 日 兩 戦 寺 , 民 周 朝 路 木 里 太 遣 防 悉 且 兒 從 等 使 建 败 泥 爲 命 子 遏 罷 各定 賜 以來貢 之。 守 燕 等。 之。 罷 驛 永 奴 [311] 遣 以授時曆 業 之。 益 都 鐵 刺 請 爲 己亥 浦 戶 木 都 + 明 赤 忒 調 浩 從 八百 萄 等 五. 日 SH 納 夔 兒 歲 御 之。 答 酒。 路 鷹 處 中 里 日 史 額 人 禄 遭 書 刺 廣 火 棚 臺 怯 余、 鈔 庚寅, 叉 吏 農 者 賜 英宗 省 薨 或 憐 本 臣 戦 部 武 提 按 制 樞 SII 臣 口 劾 至元 七 尙 寧 行 密 舉 奴 言 , 壬 七 改 戶 秦:「 星 書 累 ; — \pm 辰 院 司 北 東 百 T 鈔 關 阳 撒 朝 徹 路 邊牧 四 人。 臣 七 八 福 答 , 改 命 里 徹 行 言:]]] 蒙 百 + 六日 建宣 等 立 宮相 瓦 禿 省 地。 帳 古 中 九 賊 田 金 設 重 臣 軍 書 几 佩 慰 萬 凡 賦 兵 法 十 塔出 白 衞 慶 以晉 省]][虎 萬 副 五. 萬 總 里 兩 士 河 行 戶 符 臣 十 屯 餘 使 管 及 部部1 言, 東 府 省 哈只, 錠, 戰 銀五 脫 府 ٠, 給 給 禮 五. 地 爲 3 自 帖 事 部 事 舊 民 路 中 舜 賊 東 秩 Ш 百 者 木 如 郎 給 鳥 統 兩 前 路 劉元良等二萬 大 後 兩 從三品 兒 五 在 中 事 營兵三 蒙古侍 撒 鈔 敗 爲 間 等討 十八 位 趙 人 Ħ. 一, 而 潰 以 廣 道 時。 期 有 淮安路 去。」 東 千 , 潛 雲南 雲 人護 頤 百, 失 廉 衞 仍 錠 出 南 職 近 訪 令 詔 親 佩 悪 同 未 嘗 者, 塔 以 之海 隆 遭 四 副 軍 給 金 平, 譽 往 汰 指 千 使 出 十 使, 祥 符 鈔 成之。 北 詔 其 寧州 餘 總 揮 Á. 以 一月 今戍 耐 脫 復 貪 冗 管府 銀 戶 齎 使 干 葬 帖 其 濫 污 隸 爲 司 九 刨 卒 錠, 幣 俟 木 于 白 壽安 狼 其 位 單 統 H 武宗 賞 見等 Ш 征 、食邑。 之。 領 諸 賑 少, 塔 陵 進 王 寧 兵 Ш 告安 進 出 辛 宜 軍 仍 哈 宜 海 至 命 鳥 南 昭 脫 罷 令 兒 還 州 增 興

黨蒙古軍於安寧州,與再戰,叉大敗之。二十八日,阿禾來逆戰,遂就禽,斬于軍前。三十 營,搠思班、躍里鐵木兒等分十三隊又擊敗之,阿禾竄走。大兵直趨中慶,二十六日,遇賊 敦等金、銀、鈔各有差;又賜醫巫、乳媼、宦官、衞士六百人金三百五十兩、銀三千四百兩、 捷聞,詔總兵官量度緩急,從宜區處。 矢復與戰,大捷,遂復行省治。諸軍皆會,駐于城中,分兵追捕殘賊於嵩明州。 日,將抵中慶,賊兵七千猶拒戰于伽橋、古壁口,兵交,躍里鐵木兒左頰中流矢,洞耳後,拔 行院官同討雲南,兵十餘萬,以去年十一月十一日,搠思班師次羅羅斯,期躍里鐵木兒俱至 例鈔,人八十錠,內以他物及粟折五之一。鎭西武靖王搠思班、豫王阿剌忒納失里及行省、 六百人。乙巳,封蒙古巫者所奉神爲靈鳳昭應護國忠順王,號其廟曰靈祐。 乃顏之叛,獲其部蒙古軍,分置河南、江浙、湖廣、江西諸省,命樞密院遣使括其數,得二千 鈔五千三百四十錠。甲辰,敕每歲四祭五福太一星。建孔子廟于後衞。 卯,以皇子古納答剌疹疾愈,賜燕鐵木兒及公主察吉兒各金百兩、銀五百兩、鈔二千錠,撒 三泊郎,〇仍趣小云失會於曲靖馬龍等州,同進兵。躍里鐵木兒倍道兼進,奪金沙江。十 二月十七日,大兵與阿禾蒙古軍相值,戰敗之,阿禾偽降,明日,率其兵三千爲三隊來襲我 新添安撫司饔河寨主、訴他部徭、獠蹂其禾、民饑、命 至元末, 討諸王 給衞士萬人歲 樞密院臣以

湖廣行省發鈔二千錠,市米賑之。

北湖南 六所: 實 德府驢谷什用 鄰答里 安 總管、同 東諸路, 反圍之,至易龍驛,古刺忽等兵掩襲官軍**。** 夷獠等俱 速速徙海 司及巡檢司, 徹 輯 ·刑部議當

徹里帖木兒、班丹杖一百七,

速速處死,

會赦, 里鐵木兒、孛羅以正月戊寅敗烏 速速 其人民。」又言:「澂 日京畿 道, 月丙(戌)[午朔], [三] 篤烈 知府 日 禁錮終身。」己酉, 、款附。 南, 日浙 陜 事 西 捏四人並知院 Щ 皆置 且命各還所 等四 **一諸路** 後道,日 、判官各一員,宣政院選流 西江 鎭 荒 .洞及生蠻十二洞,皆內附,詔陞懷 西 東道, 僻州 日 武 江 甘肅諸 靖 河 掠 郡。 路 王 日 東 以上都留守乃 事、遙授平章政 生 浙 蠻官 搠 Щ 白 口。 有旨:「此輩怨望於朕, 思 路, 東福 右道,日遼東 虹貫 郡容報 班等 湖廣參政徹里帖木兒 日 撒 建 日。 四 道, 蠻兵, 駐]]] 中慶, 賊古刺忽 內官擬注 諸路, 馬台行 日 旌鞏昌· 事。 四川 江 Щ 射 西 北 復行 中 戊 行省平章塔出頓兵不進。 嶺北 道, 金州 日 . 廣 入申, 祿余, 及 以聞, 雲南 東道,日 省 禿堅 德府 行 向 民 立 日 事; 非 杜 諸 廣 樞 降其民, 河南荆北 與 一之弟 爲宣 總管則僧爲之。 豫王 路。 祖 赦 教總管府, 密院事, 、速速、班丹俱坐 徹里帖木兒流 廣 原, 隆妻張氏 撫 必 西 阿 秩正三品, 刺 兩 司 烏蒙、 俱當置之極 道, 刺 海道 以 都 太 太 鎭之。 迷失等偽降於 禧宗 日 以 志節。 納 東川 一,日 掌 兩 失 廣東, 四川 平章乞住妻子孳 出 僧 淮 燕南 禋 里 府設達魯花 諸 刑, 使謹 怨言, 尼 江 易良 等至當 樞 洞 行 芝 北 班丹 諸路) 密院臣言 可俱 各設 省招 道 政 只 州 豫王 鞫問 兒、 當當 蠻 廣 日山山 凡十 籍其 長官 諭懷 日 西 而 得 湖 答:

余追捕 給之。 使許有 錠、 之。 董 畜 秃 武 聖太后,議給價鈔十二萬錠,故相 歲 曰「可」。 士卒。」又言:「陛下不 中書平章 其役。 曆 爲 寧王 以 爲 銀六百鋌 郷王 燕鐵木兒又言:「安慶萬戶鎖住,坐令家人殺 二年,嘗以鹽賦十分之一 五 賊 月 所掠。 徹 未 壬並參議 今有司以詔書奪之還官。 徹禿 政事 一,賜以 壬子, + 獲。 乙卯,太白犯昴。 H 助建寺之需。」從之。 遷 來朝。 , 諜 命番休各衞漢軍 金印。 陝西行臺中 虚處 中書省事。 知 太白晝 秃堅方修城堡, Щ 後 用經費, 己未,命西僧爲皇子古納答剌 甲子, 見。 諸 州。 祀太祖、太宗、睿宗 丞杂兒只班為中書參知政 甲寅,燕鐵木兒言:「賽因 中書平章政事 折銀納之, 中書省臣言:「國家錢穀, 不勞人民, 一,十之二以三月一日放 辛亥, 拜住奏酬七萬錠、未給、泰定間 臣等議,以爲寶貨太后旣已用之, 丙寅, 布 建燕鐵木兒居第于興聖宮之西南,詔撒迪 兵拒守, 凡得銀二千餘錠。 以太祖四大行帳世留朔方 創建大承天護聖寺。 亦列赤兼瀋陽等路安撫使。 、御容。 無出降意。」 人繫獄,久未款伏,宜若無罪,乞釋之。」制 作佛事 遣。 怯列木丁,英宗時嘗獻寶貨于昭 事, 雲南統兵官來報捷, 歲入 戶部尚書高履亨、 1 韶速進兵討之。 八有額, 今請 周歲。 ·已,駙 臣等 以鹽引萬六百六十道折 以銀易官帑鈔本, 丽 馬不 壬戌、改封武寧王 不 願 所費浩繁,是以不足。 以鹽引還之爲宜。」從 遷者,其馬 上嚮 顏帖木兒自北 燕王宫相 諸蠻悉降,唯 所易鈔 敕探馬 兩 淮 反 伯撒 都 留 本 赤 給宿 轉 守 + 獻 軍 徹 邊 里 運 鈔 萬 司 衞 圝 士

本

紀

第

Ξ

+

沙 總 京 衞 死 孤 Ŧi. 子 旌 罕 管 哥 千 大都 貧 損 城 士 一歲 乾 者。 府 雷 兩 旺 發 州 隅 民 例 稅 來 鈔萬錠,命內史府市以給之。 銀 朝, 鑛 劉德仁妻王氏貞節。 鈔, 是月、深、冀二州 七 銀輸大承天護聖寺。 修上都洪禧、崇壽等殿。 壬申, 詔毋出定額萬人之外。 百兩,許之。 獻馴象,乞陞甸爲景東軍民府,阿只弄知府事,罕旺爲千戶,常賦 命遼 陽行省發粟賑 有蟲 以 Щ 甲戌, 食桑爲災。 東鹽課鈔萬錠,賑膠州饑。 命興 諸王徹徹禿、沙哥, 坐妄言不道, 和路為明聯 給宣讓王王傅印。 國王朶兒只及納忽答兒等六部蒙古軍民萬五 占城國遣其臣高暗都剌來朝貢。 行樞密院都事阿里火者來報雲南之捷。 不花作鷹棚。 荆王也速也不干貢犛 命龍翊衞以屯田歲 雲南景東甸蠻官阿 詔安置徹徹禿廣州, 創 建五 外歲 牛。 福太一宮于 入粟贍 庚午,給宿 ^然增輸金 只弄遺 命田 一千戶。 衞卒 賦

賑 金、 雖 遇 察罕腦兒蒙古饑民。 幣有差。 受贓計 奉安慶壽寺之東鹿頂殿,祀之如累朝神御殿儀。 赦原,乞追奪制命,籍沒流竄。」詔如所言,仍暴其罪示天下。 月丙子朔,熒惑犯鬼宿。 鈔二萬二千餘錠、金五百餘兩、銀三千餘兩、男女生口二十二人及它寶貨無算, 特 命 沙津愛護持必刺忒納失里爲三藏國師,這賜玉印。 癸未,割外府幣、帛各千匹輸之中宮,以供需用。 辛巳,御史臺 臣劾奏:「燕南廉訪使卜咱兒,前爲閩海 **鞫宦者拜住侍皇太子疹疾,飲食不時** 壬午,賜南郊侍祠文武官 以陝西鹽課 甲申、繪皇太子眞 鈔萬錠, 廉訪

進,以酥拭其眼鼻,又爲禳呪,杖一百七,斥出京城。 宣慰發近倉糧萬石賑之。又發山東鹽課鈔、朱王倉粟賑登、萊饑民,興和倉粟賑(保)[寶] 實之,是侮其君也。今弘景之曲,雖於生年、紀號若偶合者,然陛下應天順人,紹隆正統,于 錠,比歲數不登,乞凡僧道爲商者,仍征其稅。」有旨:「誠爲僧者,其仍免之。」司徒香山言: 家鈔各百錠。分賜燕鐵木兒鷹坊百人。中書省臣言::「宣課提舉司歲榷商稅, 昌饑民。四戊子,以西僧旭你迭八答剌班的爲三藏國師,賜金印。 所以定民志。」事遂寢。趙王不魯納食邑沙、淨、德寧等處蒙古部民萬六千餘戶饑,命河東 今四年,薄海內外,罔不歸心,固無待於旁引曲說以爲符命。從其所言,恐啓讖緯之端,非 賀,請宣示史官,頒告中外。而宋儒司馬光斥其采偶就之文以爲符瑞,乃小臣之諂,而宰相 「唐開元間,太子賓客薛讓進武后鼎銘云『上玄降鑑、方建隆基』,爲玄宗受命之符。 兼儲政使,不允。伯顏娶諸王女,賜金二百兩、銀千兩。賜上都死事者不顏帖木兒等十一 言:「奎章閣參書雅號,阿媚奸臣,所爲不法,宜罷其職。」從之。丙戌,雨土,霾。伯撒里辭 水磑、土田賜燕鐵木兒。 命之符,乞錄付史館,頒告中外。」詔令翰林、集賢、室章、禮部雜議之。 「陶弘景胡笳曲,有『負扆飛天曆、終是甲辰君』之語,今陛下生年、紀號,實與之合,此實受 命諸王阿魯出鎭陝西行省。 冠州有蟲食桑四十餘萬株。 以籍入速速、班丹、徹理帖木兒貲產 以龍慶州之流杯園池、 翰林諸臣議以謂 爲鈔十萬餘 御史臺臣 姚崇表 所

賜 大承 觀 天 僧道 諸 護 田 聖寺 度牒 佃 民, 爲 水業 萬道, 從 其 主假 浙 從之。 西 貸錢 諸路比 旌 穀 同 自 歲水旱, 知 賑, 大 都 餘 府 則 饑民八十五 勸 事 忙兀秃魯迷失妻海 分富家及入 萬餘 栗補官, 戶, # 迷失 書省臣 仍益 貞 以本 節。 請令官私、 省鈔十 己丑 一,賑 萬

裕宗 學、 宗 雲 士趙 神 錠,幷給 內 日 御 宣 亦 殿 日 州 之在 饑民 然, 壽 明壽,成宗 各率 明宗 一諸寺者,各製名以冠之:世 及察忽 **丁其徒赴** 日 景壽。 日 涼樓戍兵共七千戶。 廣壽,順宗日行 闕,修普 召亳州太淸宮道士馬道逸、 天大醮。 壽,武宗日仁壽,文獻昭聖皇后 祖 賑浙 日元壽, 庚寅,命威 西 鹽丁 昭睿順 順 五千餘 汴梁朝天宮道 王 寬 聖 徹 皇后日睿壽, 戶。 不花還鎭 命明 日 土 璐不花作佛 昭壽,仁宗日 李若訥、 湖 南 廣 必 皇后 癸巳, 河 事 南 文壽,英 日懿壽 於德興 詔累朝 嵩 |Щ 道

花、 鎭 府。 伯忽之叔 監察 武 靖 王 御 搠 怯 思班等禽雲南 得該、偽署萬 江 浙 行省 平章童童荒 諸 戶 哈剌 賊 也 答 木干、羅羅 兒 泆宴安, 及諸 將校,悉斬之,磔尸 、脫脫木兒、板不、 才非 輔佐, 以徇 阿居、 澂江 賑 遼 陽 路 總管 境 內 蒙古饑 羅 不

韶

発其官。

豫王

[42]

刺

忒納

失里、

史劾

同 樞 密院 知 臣 政 請 院 遣 事 使發粟給 卽 就 職、僥倖巧宜、避 之。 己亥,御史臺 難 就 臣 易。」有旨 劾奏:「大都總管劉 罷 之。 庚子 , 原仁 以將 稱 幸 疾, E 都 不 命 視 西 事 僧 作佛 及遷

事

於乘輿次舍之所。

壬寅,以欽察衛軍

士增多,

析爲左右二衞。

給雲南行省鈔十萬錠,

以

民 萬

四千

餘

戶

旌

山

丹

州

郝榮

次妻李閨

貞

節。

陝州

諸縣蝗。

八番

軍

從征

雲

南

者

俱

屯貴州

仕,由內郡、江淮者,注江西、江浙、湖廣,由陜西、兩廣者,注福建,由甘肅、四川、雲南、福建 備軍資民食。 鹽課鈔三千五百錠賑益都三萬餘戶。 場、篘山、沙塗、沙田等地之籍于官者,嘗賜他人,今請改賜燕鐵木兒。」有旨:「燕鐵木兒非 者,注兩廣。 命宣靖王買奴置王傅等官。立宮相都總管府,秩正三品,給銀印。以儒學教授在選數多,凡 王八刺失里等七部之民居遼陽境者萬四千五百餘戶告饑,命遼陽行省發近境倉糧賑兩月。 八州,俱有蟲食桑爲災。旌故戶部主事趙野妻柳氏貞節。 **賑諸王伯顏也不干部內蒙古饑民千餘口。眞定、汴梁二路,恩、冠、晉、冀、深、蠡、景、獻等** 他臣比,其令所在有司如數給付。」發通州官糧賑檀、順、昌平等處饑民九萬餘戶。 裁節衞士馬芻粟,自四月一日始。 敕河南行省右丞那海提督境內屯田。中書省臣言:「嘉興、平江、松江、江陰蘆 癸卯,御史臺臣劾奏工部尚書蘇炳性行貪邪,詔罷之。 是月,陝西行省遣官分給復業饑民七萬餘口 壽王脫里出、陽翟王帖木兒赤、西平王管不八、昌 大同路累歲水旱,民 以山東 行糧。

鐵木兒首倡大義,躬擐甲胄,伯顏在河南先誅攜貳,使朕道路無虞,兩人功無與比,其賞不 金等幣各十八匹,諸臣四戰以上者同,三戰及一戰者各有差。」有旨:「賞格具如 「天曆兵興、諸領軍與敵戰者,宜定功賞。臣等議:諸王各金百兩、銀五百兩、金腰帶一、織 夏四月丙午朔,全寧民王脫歡獻銀鑛。 韶設銀場提舉司,隸中政院。 中書、樞密臣言: 卿等議。 燕

半。 宗 戌,詔 木 口 撒 眞 嘗 今 糧 七 以 鎭 親 定定 兒 集 舉 雖 百 與 時 軍 里 Ŧi. 百 萬石 慶 以 俱 廉 閑 餘 衆 南 從 都 金 兩 建 高 路玄 訪 之。 紹 以 廢 匹 同 陟) 밂 萬 燕 麗 本 受 戶 使 賑 甸 興 鐡 猶 、涉」縣 國 自 貧賞 一妙觀 路 府 官 1 糶 命 其 乙 與 木 王 京 咱 者 卯 爲 兼 西 賜 爲 八 富 民 請 以 兒 燕鐵 食邑, 兒, 爲 宣 宮 師 僧 凡 地 貲 生 割 時 忠斡羅 貧民。 大元 九 相 於 震, 交納,宜遣 力 享 今和 祠 或 十六 木兒七寶腰帶一、金 五. 都 給 太 歲 於 中 公 臺及 興崇壽宮。 總管府 軍,協 割 紅 田 廟 尚、 戊 人, 思 逾 爲資 賜 橋 霧 申 扈 ŀ 月 南,樹 本 用 鎭 還其 都 , 靈 力討 衞 咱 不 路 送, 金二 西 山作 皇姑 達 親 追 兒 武 租 本 詔 魯 碑 贼, 軍 命 俱 千四 靖 賦 諸 花 籍 魯 佛 以 遣 興 以 壬子 鈔 王 詔 使往 赤。 和 國 指 事 紀 大 贓 搠 百 四 四 以襲 各一 建屋居海青,上都建屋居鷹鶻。 同 揮 罪除 其 大 ر َ 百 萬 思 路。 兩 命 一受之。 諸 長 使 勳。 錠, 兩 班 衣 燕 銀 公主 月, 司 \pm 名, 等已平 賜之。 一哈兒蠻 鐵 銀九 萬 御 又, 監察御 今 其 木 史臺 發衞 薨。 爲 賜 萬家閭 五. 見總制 百 千六百 銀 皇(太)子古(訥)[納]答刺 子 雲南, 丙辰, 遣 兩,伯 臣言:「平 卒三千助 以宫中高 即 [511] 使來 、脫脫難任 刺 史萬家閭 宮 各遣 中 兩、金腰帶九十一 忒 葺 顏金腰帶一、金二百 相 書 朝 納 太祖 都 省 貢 大 使 章 麗 失 總管府 來 女子 政 承 臣言:「 里 嘗薦 所 臺省之 報捷。 天 事 甲 襲 御 不 寅 曹 護 王 大行 中 庚 事 越王 立 聖 顏 一號, (申,特 職 永 , 諸王 寺 改宣 帖 亦 副 累任 帳 和 也 宜 禿 你 福 工 、幣帛 示 並 尙 命河南 朶 忠 歲 刺 賜 兩 戊午, 脱脫 一從之。 S 倫 江 燕 列 給 在 扈 . 浙 伯 以 銀 捏 其 武 衞 庚 鐵

儒士吳炳爲藝文監典簿,仍予對品階。 忒納失里、弟亦失班,歲給鈔五百錠、幣帛各五千匹,敢視其例以請。」制可。 山東鹽課鈔五千錠賑博興州饑民九千戶, 命御史臺給贓罰鈔千錠酬其直。 命河東宣慰司發官粟賑之。甲子,陝西行省言終南屯田去年大水,損禾稼四十餘頃,詔蠲 總制境內軍事。潞州潞城縣大水。癸亥,諸王完者也不干所部蒙古民二百八十餘戶告饑, 歲,以鎭輯之,餘軍皆遣還所部,統兵官召赴闕。時已命探馬赤爲雲南行省平章政事,遂命 二歲,以示威重。」從之。仍命豫王阿剌忒納失里分兵,給探馬赤三百、乞赤伯三百,共守一 其餘黨逃竄山谷,不能必其不反側,今請留荆王也速也不干及諸王鎖南等各領所部屯駐一 事已平,鎭西武靖王搠思班言:蒙古軍及哈剌章、羅羅斯諸種人叛者,或誅或降,雖已略定, 鈔百六十錠。臣等議:其罪宜杖一百七,除名,斥還鄕里。」從之。 壬戌,樞密院臣言:「雲南 逃,擅閉城門,驚惑民庶。度支卿納哈出嘗匿官馬,又矯增制命,又受諸王斡卽七寶帶一、 哈撒兒不花侍陛下潛邸時,受馬七十九匹,又盜用官庫物。天曆初,領兵瀘溝橋,迎敵卽 居囚七年不決。 鎭寧王那海部曲二百,以風雪損孳畜,命嶺北行省賑糧兩月。欽察台以名園 吉母老、無他子孫、中書省臣以聞、敕冤死、杖而黜之、俾養其母。 諸王乞八言::「臣每歲扈從時巡,爲費甚廣,臣兄豫王 寧國路涇縣民張道,殺人爲盜,道弟吉從而不加功, 一千錠販信陽等場鹽丁。 。御史臺臣言::「儲政使 韶:「故尙書省 辛酉,以 **岡為獻** 阿剌

許之。 節 晉寧、冀寧、大同、 申 武 花 邪 大水、民食草木殆盡, 或 丞 旌 ·, 散 史院 言:「脱ト赤顔 佞, 備 相 其門。 脫 寺諸匠官避元籍。 遣宣忠扈衞新 冒哀居官。」 取脱 脫 命遼陽行省發粟賑孛羅 可 いた赤顔 視 事 寶奴 河間諸路屬縣,皆以旱不能 韶黜之。 關 籍 書以紀太祖 ·秘禁,非可令外人傳寫 又疫癘, 例, 軍士六百人還鄕里,期以七月一 遣 使召 以所籍家貲還其家。」御史臺臣 揚州 死者十九, 部 1趙世 泰 以來事蹟,詔以 內蒙古饑民。 興縣饑民萬 延 於 集慶。 湖南道宣慰 ``,臣等不敢奉詔。」從之。 種告饑。 三千餘戶, 戊辰, 命翰林學士承旨押不花、塔失海 詔以泥金畏兀字書無量壽佛經 司請賑糧 甘州 日還營。 奎章閣 言:「同 河南行省先販 阿兒思蘭 以纂修經世 米萬石, 僉中 衡州路屬縣比 增置拱: 免古妻忽都的斤以貞 政院事 從之。 以糧 一大典, 衞 殷 (仲容) 司 歲旱蝗, 月 河 千 儀仗。 請從 牙。 後 中 以聞 府蝗。 翰林 姦貪 押 不 命

子貞 轅 百四十三人。」制可。 言:「累朝 左 角。 來朝貢 五 一月丙 賜 所 建 宮相都 子,皇太子影殿 大萬安等十二寺,舊額僧三千一 安慶之望江 總管府給驛璽 常德之桃源州去歲水災,免其租。 縣 造祭器 淮安 書。 之山 如 裕宗故事。 調 陽 衞 縣 兵浚金水河。 去 百五 一歲皆水災, 敕建宮相都總管府公廨。 十人,歲例 丁亥, 己卯, 発其 給糧,今其 復立怯憐 田 安南世子 租 丙戌, 口提 徒猥 ,陳日焯 1 太禧宗 舉司 多 丑,熒惑 一,請 遣 其 仍 汰 禋 隸 院 臣 犯 去 中 九 臣

御史大 鐵木兒 使脱因 臣請 秃 五 管府, 秩從三品。 都元 願入 路軍民總管府,日以土官為之,制授者各給金符。 並設 政院 皇朝經世大典成。 任,並許之。 府饑民 銀 依 帥。 |驛鈔各二百錠。[5] 軍民長官司,秩從五品。益都路宋德讓、趙仁各輸米三百石賑膠州饑民 大夫脱 爲薊 生 敕在京百司 **《為歲賦,詔爲置散府一及土官三十三所,皆賜金銀符。** . 輸粟補官例予官,從之。 命樞密院 又置臨(江)[安]元江等處宣慰司兼管軍萬戶[府]。 祠 國公。 別台 脫忽思娘子繼主明宗幄殿,詔賜湘潭州民戶四萬爲湯沐。 효 以 百 知樞密院事。 調軍士修京城。 太禧宗 者線、蒙慶甸、銀沙羅等甸並爲軍民府,秩從四 以平江官田五百頃立稻田提舉司、隸宮相都總管府。 戶 日集公署,自晨及暮毋廢事。 詔以泥金書佛經 糧 桓州民 兩 **禋院所** 月。 己亥, 隸昭孝 以所種麥獻, 御史大夫明璐 賬駐冬衞士二萬一千五百戶糧 己丑,置八百等處宣慰司 藏。 營繕司 也兒吉尼知行樞密院事。 丙申,大駕幸上都。 詔賜幣帛二匹,慰遣之。 不花累辭職, 隸崇(薩)[祥] **販欒陽** 癸巳, 桓州 都元帥府,以土官昭練 雲南威楚路之蒲蠻猛 總管府。[10] 賑遼陽 江西行省平章杂兒只以疾辭新 (主) 孟定路、孟 、李陵 甲午,太白犯畢宿。 四川 四 品。 八番「乖」西蠻官阿馬路 月。 臺、 行省平章汪壽昌辭職, 戊戌,次紅橋,臨視 孟併、孟廣、者樣等 庚寅,立雲南省蘆傳 奎章閣學士院纂修 昔寶赤、失[八]兒 乙未,以陝西行 月路並 九千戶,中書省 東路蒙古 吾來朝貢, 爲宣 一為軍 封宣政 慰 良 使 萬 總

本

德安、 六,今汰其 院整治內 方 也 速 運 見言 物 戶府 入 貢 尼 外 太 爲 十六爲定式。」制 尉 宣 水陸驛 路屬 一毅萬 高 賜 郵、寶應等 縣 銀 傳。 戶府 大 則。 水 宣政院臣言:「舊制 以 賜 河間 縣 可。 銀 去 即 歲 鹽課 東昌、保定二路,濮、唐二州, 命 水, 伯 鈔 発其 顏 四千錠賑 領之。 租。 列 聖 庚子,太陰犯太白。 旌 河間 神 濟南 御殿 屬 章丘 縣 及諸寺所作 饑民 縣 有蟲 馬萬 四千 食桑。 妻晉氏 辛 一百戶 佛 丑: 事 一、太白 寧夏、紹慶、保定、 , 志 毎 節 甲辰 歲 經 計 天。 癸 二百 詔 卯 通 改 + 政 SFI 加

行 倒 别 額 監 王 爲 興 一杂兒 察御 財關 宜 無 刺 和 沙 請 侍 屬 六月乙巳朔, 河間 說 一,其 只 御 縣 1 凡蒙古 史韓元善言:「 史臺 饑民。 等 奉養,不 諸 卽 生母 九部蒙古饑民三萬三百六十二戶。 有所取者,官如十二章論贓,吏罷 臣 色目 何氏 以 丁未,太白晝見。 限 徴儲 聞 本父 地方 漢 歷代 ,從之。 政院 人, **^之妾**, 名 國 次, 不 鈔三萬錠, 學皆盛,獨 旌 限 而 宜從優附 大都 員額, 兄妻之,欺誑 乙卯, 右警巡院胡德妻 皆得 給中宮道 本 監察御史陳良, 近 朝 遷調 入 或 八學。」又 不敍終其身,雖無所取,訟起滅由己者,罪加 學 朝 癸亥, , 生 路 廷, 庶廣忠孝之道。」皆不報。 '之用。 僅 曹氏 詔:「 監 封 四 察御 溫 百員,又復分辨蒙古、 劾浙 諸官 敕河南行省 貞 國 夫人, 節 史陳守中言「請 東 吏 廉 在 壬戌 訪 請 職 使脫脫 ′′; 以 黜 立 役或守 龍 阿不 鈔 憲 發米 萬 赤 職 代 色目、 海 凡仕者親老, 顏 五 未 牙 千 五. 追 四 任 漢 政蹟 還 干 錠 附 為爲 人之 賑 贈 權 石 國 恩 賑 姦

常人一等。」甲子,太府監頒宮嬪、閹宦及宿衞士行帳資裝。 泰定以來,累經優卹,放還者四百五十人,今邊防軍少,例當追使還營。」從之。 午,以揚州泰興、江都二縣去歲雨害稼,免今年租。 密院:「凡境上諸關戍兵,未可輕撤,宜視緩急以制其變。」丁卯,太陰犯畢,太白犯井。 出征軍悉還,鳥撒羅羅蠻復殺戍軍黃海潮等,撒加伯又殺掠良民爲亂。 亦集乃二路旱。 濟寧路蟲食桑。 河南、晉寧二路諸屬縣蝗。 樞密院臣言:「征西萬戶府軍七百人,自 免控鶴衞士當驛戶。丙寅,雲南 大都、保定、真定、河間、東昌 命雲南行省及行樞 是月,晉寧、 庚

諸路屬州縣及諸屯水。彰德路臨漳縣漳水決。

降詔 去年水、発今年田租。旌德安應山縣高可燾孝行。 封衍聖公,爵最五等,秩登三品,而用四品銅印,於爵秩不稱。」詔鑄從三品印給之。 告脫歡察兒將搆異圖,辭連潛邸,致出居海南。 睿宗御容於翰林國史院。 居中書, 命,倒剌 曲赦之。辛巳,只兒哈答兒坐罪當流遠,以唐其勢舅氏故釋之。 秋七月甲戌朔, 沙疑其有異志,復禽以歸,即追言昔日咬住之謀以 mi 又自貽厥咎,以致奪官籍產。 賜野馬川等處駐冬衞士衣。 監察御史張益等言:「欽察台在英宗朝,陰與中政使咬住造謀,誣 旋復釋宥,以爲四川平章。 及天曆初,倒刺沙據上都,遺欽察台以兵拒 藝文少監歐陽玄言:「先聖五十四代孫襲 己卯,以雲南旣平,惟祿余等懼罪竄伏, 自解。 皇上卽位,不念舊惡,擢 壬午,祀太祖、太宗、 今雲南未平, 與蜀接 德安府

本

紀

第三

十五

文宗

四

境,其人反覆,不可信任,宜削官遠竄,仍沒入其家產。」臺臣以聞,詔奪其制命、 化辭御史大夫職,不允。 給其家。癸卯, 顏爲浚寧王,賜金印,仍前太保、知樞密院事。 民百九十戶。丁酉,調甘州兵千人、撒里畏兀兵五百人守參卜郎,以防 傷稼,発今年租。 省合兵捕之。 山憫忠閣作佛事,起八月八日,至車駕還大都日止。丁亥, 孥禁錮于廣東,毋籍其家。 百,自愿理州民戶千三百糧各一月。又賑龍興路饑民九百戶糧一月。 月,河南、奉元屬縣蝗。 都思帖木兒還。 水暴漲,漂死百九十人,人給鈔二十貫瘞之,存者賑糧兩月。 知樞密院事脫別台爲御史大夫。癸巳、辰州、興國二路蟲傷稼、兔今年租。 爲災,並発今年田租 諸王搠思吉亦兒甘卜、哈兒蠻、駙馬完者帖木兒遣使來獻蒲 知行樞密院事徹里帖木兒以兵討叛蠻鎖力哈迷失,戮其黨七百餘 辛丑、懷德府洞蠻二十一洞田先什用等以方物來貢、還所虜生口 給諸衞士及蒙古戶糧四月。乙未,立閔子書院於濟南。 賬(靈)[寧]夏鳴沙、[三] 大都、 乙酉,遣使代祀護國庇民廣濟福惠明著天妃。 仍詔諭御史:「凡險人如欽察台者,其極言之, 河間、漢陽屬縣水,冀寧屬縣雨雹傷稼,廬州去年 蘭山二驛戶二百九十, 定[西]州 高郵府去歲水災,発今年租。 海南黎賊作 庚子, 廣西徭賊平, 大寧和衆縣 亂, 詔江西、湖廣 命西僧於大都 土番。 毋隱。」鐵木 杭州 葡萄 甲午,歸德府 湖州 酒。 新軍 金符, 火,賑被災 戊戌,封伯 召諸 八 安吉縣大 壬辰,以 戶千 人。 百餘人 寧夏霜 萬歲 見補 司 王云 雨

柏都賽兒,夫亡以身殉葬,旌其門。

政杜貞 糧 大星。 銀印 地頻年災,畜牧多死,民戶萬七千一百六十,命內史府給鈔二萬錠賑之。 兩、銀千五百兩、鈔五百錠、金帶一。命宣課提舉司毋收燕鐵木兒邸舍商貨稅。 孤寡者。 韶刑部 於撫州 王孛兒只吉台等來朝貢。甲寅,雪別台之孫月魯帖木兒、買閭也先來獻失剌奴,賜以 妻韋氏貞節。 百 孔子廟碑。 八月甲辰朔,日有食之。 西域 督 鞫 四十萬石,已令江浙運二百二十萬,河南二十萬。今請令江浙復增二十萬,本省參 。己未,立鎭寧王總管府於撫州。公主脫脫灰來朝。以汴梁路尉氏縣賜伯顏爲食邑。 丙辰,封內史怯列該爲豐國公。以星變,令羣臣議赦。 「黜罷。」從之。己酉,以銀符二十八賜拱衞直百戶。 辛亥,大駕南還大都。 內侍撒里不花巫蠱事,凡當死者杖一百七,流廣東、西。 領。」從之。 諸王卜賽因遣使忽都不丁來朝。 庚申, 御史臺臣劾奏:「宣徽副使桑哥,比奉旨給宿衞士錢糧,稽緩九日 太白犯軒轅左角。 復命賑糶米五萬石濟京城貧民。 封脫憐忽禿魯爲靖恭王,沙藍朶兒只爲懿德王,並給以塗金 壬子,西域諸王答兒麻[失里]襲朶列帖木兒之位,[12]遣諸 中書、樞密臣言:「西域諸王不賽因,其臣怯列 灤陽驛戶增置馬牛各一, 旌濟寧路魏鐸孝行、 命燕鐵木兒以鈔萬錠分賜蒙古 丁巳,命邠王不顏帖木兒圍獵 中書省臣言:「明 **免其和市雜役**。 乙卯,太白犯 揚州路呂 斡兒杂 ,玩法欺 年海運 手轅 思之 金百 天麟 賜

本

紀

第

 \equiv

+

十八萬八千七百三十八頃。景州自六月至是月不雨。澧州、泗州等縣去年水,発今年租。 宜令乘驛歸國以自辨。」制可。 矯王命來朝,不賽因遣使來言,請執以歸。 臣等議: 沅州饑,賑糶米二千石。金州及西和州頻年旱災,民饑,賑以陝西鹽課鈔五千錠。 壬申, 陞侍正府秩正二品。是月, 江浙諸路水潦害稼, 計田 宗藩之國,行人往來,執以付之,不可。

子,太白犯塡星。樞密院臣言:「雲南東川路總管普折兄那具,會祿余兵,殺烏撒宣慰使月 宥,難任宰輔。」帝曰:「綱常之理,尊卑之分,懵無所知,其何以居上而臨下! 亟罷之。」丙 當飼馬駝十四萬八千四百匹,京城飼六萬匹,餘令外郡分飼,每匹給芻粟價鈔四錠。」從之。 者,命遼陽行省給其牛具糧食。己卯,發粟五千石賑興和路鷹坊。 兒議:遣西域指揮使鎖住等,發陝西都萬戶府兵,直抵羅羅斯,發碉門安撫司兵,絕大渡河, 魯、東川路府判教化的二十餘人,又會怕忽姪阿福,領蒙古兵將擊羅羅斯。 直 發糧六千石餉雲南軍,中道輒還,預借俸鈔一十九錠以娶妾,又詬駡平章汪壽昌,罪雖蒙 乙亥,命留守司發軍士築駐蹕臺于大承天護聖寺東。 人作亂, 抵印部州, 九月癸酉朔,市阿魯渾撒里宅,命燕鐵木兒奉皇子古納答剌居之。中書省臣言:「今歲 命調 廣東、福建兵、隸湖廣行省左丞移刺四奴統領討捕之。 巡守關隘。」詔宣政院亦遣使同往督之。 。 御史臺臣劾奏:「四川行省參政馬鎔, 海南賊王周糾率十九洞黎蠻二萬餘 庚辰,樞密院臣言:「六 阿速及斡羅思新 臣等與燕鐵木 戍邊

從之。庚寅,幸大承天護聖寺。以鈔五萬錠及預貸四川明年鹽課鈔五萬錠,給行樞密院軍 妻孥,宜免其司徒、壇主之職。」從之。 禁諸驛毋畜竄行馬。 月中,行樞密院官以兵與烏撒賊兵五戰,破之,惟祿余簋伏未獲。」命四川行省給其軍 思州鎭遠府饑,賑米五百石。丁酉,雲南行省遣都事那海、镇撫欒智等奉詔往諭祿余及授 良,行極矯譎,挾其末技,趨附權門,請罷黜之。乙未,以金虎符賜中書平章政事亦列赤。 史臺臣劾太禧宗禋使**童童淫侈不潔,不可以奉明**禋,又,**奎章閣監書博士柯九思,性非純** 御史臺臣言:「江西行省參政李允中,乃故內侍李邦寧養子,器質庸下,誤叨重選,宜黜罷。」 久雨,

太湖溢,漂民居二千八百九十戶,

溺死男女百五十七人,

命江浙行省賑卹之。

丁亥, 販興和寶昌州饑民米二千石。御史臺臣言:「大聖壽萬安寺壇主司徒嚴吉祥, 祿余寇順元路。癸巳,罷供需府覆實司,置廣誼司,秩正三品,以右丞撒迪領其務。 **盗公物**, 湖州安吉縣 餉 御

寅,改隆祥總管府爲隆祥使司,秩從二品。 入順元境,左丞帖木兒不花禦戰,那海復就陣宣詔招之,遂遇害,帖木兒不花等斂兵還。 以參政制命,至撒家關,祿余拒不受。俄而賊大至,那海因與力戰,賊乃退。 及晚,鳥撒兵 1:

兒、小云失還朝。 冬十月甲辰,遣秘書太監王珪等代祀嶽鎮、海瀆、后土。 以前東川路總管普折子安樂襲其父職。 己酉,時享于太廟。 乙巳,召行樞密院徹里鐵木 爲皇子古納

本紀

第三

+

五

文宗四

兼 徵 漷、陵、滄 萬, 省 酉 和 獲 牛五 一,命西 昭 Ŧ 其 糴 禿 臣言:「江浙 丽 粟 功 租 燒在 堅弟二人、子三人, 命 + 萬 豆 僧作佛 命 河 京 + 四四 於 戶 己未,給宿 江 南發三十萬, 都 西域 積 五萬石,以鈔三十萬錠, 州,優價 浙 平江、湖州等路水傷稼,明年 總 年還倒昏鈔二百七十餘萬錠。 行 事 使。 來 省 於 獻 給鈔千 興聖宮、 和糴 衞士有官者芻豆。 丙寅,命大 誅之。 江西 米三十萬石。 五. ,十有五 百錠賑之。 發十萬爲 都路定時估,每月朔望送廣誼 甲寅、杭州 日 往遼陽 乃罷。 諸王 宜。 叉, 乙 、以鈔二萬五千錠、鹽引萬五千道,於通、漷二州, 火, 亚 懿、(編)[錦]二州、口云 叉, 海漕米二百六十萬石, ト賽因 吳江州 戊午,詔還平江路 一,立昭: 命江浙行省賑其不能自存者。 遣官齎鈔十萬錠、 使者還西域,詔 功萬 大風 戶都總使府 雨,太湖溢,漂沒廬 司, 大玉清昭應宮田 和糴 鹽引三萬五 以 酬其所 恐不足, 酬 , 伯 顔、 鐵 物價。 粟豆十 貢藥物 若令 舍資· ·萬石。」 千道, 燕 木 1 百 已, 鐵 兒 畜 運 價 頃, 千 直。 木 補 百 於通、 官 並從 九十 九百 兒 化 中 並 書 取 勿

月壬申朔, 日 有食之。 雲南行省言:「亦乞不薛之地所牧國馬,歲給鹽,以每月上

兒之子 泰定 受印 不花 古民 花 錠 賑 期 重鎭 寅 樞 五 密院、 左 戶 以 日 緩 啖之, 來 萬 欽 賜 及 初 乙亥,李彦通 嘗假 , 塔剌 宣 察 海 歲 諸 調 兩 宗 命上都 千 南 兵 王渾禿帖 衞 慰 五. 則 淮 折 正府遣官 四千 海 撒 所 月代還。」 馬 宣 東宣 百 鈔二 爲 敦 建 留守 健 等翼 撫二司 大 子, 餘 無病。 -慰司以 百 蕭不 興 木兒之子 戶,大雪畜牧凍死,賑 司 五. 龍 並 頂 賜 人 · 賑之。 與遼陽行省官, 領其 錠。 人成龍刺 普 從 也 居第及所籍李 蘭奚等謀 比因 兵權 之。 明 見古駐 役, 乙未, 寺 庚兀台。[12]詔給移 辛巳, 伯 己卯, 忽叛 亦集 今事 仍 冬軍千五百八十戶 反, 費 敕宮相都總管府勿隸昭 命 以戶 已寧, 伏誅。 浩 乃, 亂, 廉 封 彥通貲產。 巡 穰 訪 醮班 米 雲南鹽 、部尙 歷 期 司 五千石 諸 黎 宜 以 涖 丙 爲 書耿 郡, 五. 以 人不 之。 子 刺 豳 年 所 , 不 荆 毋 四 封 國 煥 部 爲 可 勝其擾 辛 0 令 公。 王 戊 奴 諸 兵復 到, 爲 代, 卯, 諸 也速 寅, 諸鹽課 分 王 中書參 行省 斡即 馬 王 庚辰、左、右欽察衛 今已七年, 隸 樞 功都總使府。 諸 也 多 以 所 加 一密院 王撒 鈔以 故爲 部擾 即 病 不 爲 知政 南 死。二 干 保 行 臣 兒蠻遣 民。」 十分 獻犛 亂 寧 事。 省。 1 言:「天曆兵 逃亡者衆, 詔 王 丑 之一 詔 隆 牛 癸未, 令四川行省 丁酉, , 叉, 使者七 賜 興和路 湖 祥 四 以印 折 征 廣 軍 司 百 收 行 使晃 主千 以南陽府 詔 西元帥 十四四 (興,以 以以 宜 省 詔:「 鷹 銀, 養 加 其 臣 忽 燕 坊 以 四 人來。 優 玥璐 鹽給 鐵 府 揚 見 每 百 先 銀 及 剪, 毎 不 歲 木 九 自 州 所

本

紀

嵩州

更賜

伯

顏

爲

食邑。

符鐫文曰「 破 宜 給 子,復命諸王忽剌出還鎭雲南。 省 計 賜 雨 與 實 僧家奴言:「自古求忠臣必於孝子之門。今官於朝者,十年不省覲者有之, 河 詐 定省假二十日,無父母者,五年聽一給拜墓假十日。 間 由 各道, 法,請罷 「平章月魯帖木兒,旣非蒙古族姓,且闇於事機,使總兵柄,恐非所宜。」 詔樞密院勿令提調 鈔,人二十錠。 木 路清池、 冰。 道 朝 奔 十二月戊 辛酉,遣兵部尚書也速不花、 一要者同科。」御史臺臣以聞,命中書省、禮部、刑部及翰林、集賢、奎章閣議之。 里遠近,定立假期。 廷無給假省親之制, 同 戊午,西域諸王禿列帖木兒遣使獻西馬及蒲萄酒。 翊忠徇義迪節同勳」,賜西域親軍副都指揮使欽察, 職 廉 籍 南皮縣牧地賜斡羅思駐冬,仍以忽里所牧官羊給之。 訪司 申,陝西行 贓, 庚申,遣集賢直 錄囚。 還歸田里。」有旨:「雖會赦,其准風 臺御史捏古伯、高坦等劾奏:「本臺 癸亥,雨木冰。 其應省觀匿而不省觀者坐 而有擅離官次之禁。古律, 癸丑,撒敦獻斡羅思十六戶,酬以銀百七鋌、 學士答失蠻詣眞定玉華宮,祀睿宗 同僉通 政院事忽納 給征東元 帥 不花迎帝師 憲例, 府兵仗。 立以罪。 以此推之,父母在三百里以至萬 諸職官父母在三百里,於三年 追奪敕 監察御史陳良,恃 若詐冒假期, 以旌其天曆初 預給四宿衞及諸 1, 卯, 命, 河南河 詔 御史臺臣言 及顯懿莊 中 餘 ·書省、 如所 規避以掩其罪, 非 北 鈔五 紅 勢肆 無思親之心, 道 橋戦 御 潛邸 奏。」以黄 聖 廉 史臺 千 皇 訪 甘肅 衞 功 后 丁巳, 副 遣官 神御 徇 金 私 使 以

士元、郝志善、憲綱不振、宜觅官。」從之。旌寧海州崔惟孝孝行。 己已,御史臺臣言:「河東道廉訪副使忽哥兒不花, 僉燕南道廉訪司事不顏忽都、王

是歲,真定路屬州水。冀寧、河南二路旱,大饑。

校勘記

- (一) 三泊郎 按本書卷六一地理志、雲南行省中慶路昆陽州有三泊縣、至元十三年立。疑「三泊郎」
- 即「三泊縣」、「郞」爲「縣」之誤。
- (三) 二月丙(戊)(午朔) 「朔」字,今改補。 按是月丙午朔,無丙戌日。 此「丙戌」在戊申初三日前,爲丙午之誤,且脫
- 必刺忒納失里 識里」,意爲「智慧吉祥」,無「忒」音。疑此處「忒」字因涉「阿剌忒納失里」梵語「寶吉祥」而衍。 按本書卷二〇二釋老傳作「必蘭納識里」與蒙文白史語音相符。梵語「必蘭納
- 四〕(保)[寶]昌 二六仁宗紀延祐六年九月戊戌條有「以故昌州寶山縣置寶昌州,隸興和路」,據改。 按元保昌縣屬江西行省南雄路,與興和倉無涉。此「保昌」爲「寶昌」之誤,本書卷
- 五 爲皇(太)子古(訥) 〔納〕答剌祈福 己酉、至順三年正月戊戌諸條皆作「皇子古納答剌」,據删改。梵語「古納答剌」, 按上文本年正月癸卯、二月己未及下文本年九月癸酉、十月 意爲「功德

本

紀第三

+

五

校

勘記

賢」。

シマ 眞定(武陟)□渉□縣地震 本證云:「繼培案,地理志武陟屬懷慶路, 其屬眞定路者涉縣也。 五行

志作真定陟縣,陟亦涉字之誤。」從改。

. 七 **七** 臨(江)[安]元江等處宣 慰司兼管軍萬戶〔府〕 據本書卷六一地理志、卷九一百官志改補。

ヘベン 蘆傳路 按本書卷六一 地理志,雲南省無「蘆傳路」、疑爲「麓 JII路」之誤

九九山 失【八】兒秃 據周 伯奇扈從北行前記補。 蒙語「失八兒禿」,意爲「泥地」。

崇(禧)[祥]總管府 據本書卷八七百官志「崇祥總管府」條改。 本證已校。

八番(乖)西蠻官阿 馬路奉方物入貢 據本書卷六三地理志所見「乖西軍民府」補。 叉, 土官阿

馬本書多見,疑「路」字行。

[1三] (靈)[寧]夏 據本書卷六〇地理志改。

[1] 定[四]州 據本書卷六○地理志補。

西域諸王答兒 麻〔失里〕襲杂列帖木兒之位 按此卽篤哇之子, 察合台系諸王。 後文至順

一月甲 -辰條 有 諸 王答兒馬 失里 」,七月戊辰條有「諸 王答里 麻 失里 」,據補。 蒙史 已校

至吾 (靖)〔澂〕江路 海中 Щ 按元兵撃 阿禾在雲南行省境。 雲南行省有澂江路,無靖江路。 靖 誤り

今改。

蒙史已校。

記

二六 遼陽懿(編)[錦]二州 按本書卷五九地理志,遼陽行省遼陽路有懿州,大寧路有錦州。 綿州則

在四川。此處「綿」誤,今改。、本證已校。

により 庚兀台 按「唐兀台」一名本書 屢見,其異譯有「唐兀歹」、「唐兀帶」、「唐兀욝」、「唐古歹」、「唐

古帶」等。此處「庚」字當爲「唐」之誤。

元史卷三十六

本紀第三十六

文宗五

未,給納鄰等十四驛糧及芻粟。 位。 肅行省爲豳王不顏帖木兒建居第。 廣西羅偉里叛寇馬武冲等,合龍州嶺北朗龍洞韋大蟲賊兵萬人,攻陷那馬違、那馬安等寨, 五萬石,濟京師貧民。己卯,時享太廟。罷諸建造工役,惟城郭、河渠、橋道、倉庫勿禁。 命廣西宣慰司嚴軍禦之。月闕察兒冒請衞士芻束,當坐罪,燕鐵木兒請釋之。壬午,命甘 王王燾仍爲高麗國王,賜金印。初,燾有疾,命其子(楨)[禎]襲王爵,至是燾疾愈,故復 甲戌,賜燕鐵木兒妻公主月魯金五百兩、銀五千兩。丁丑,禁冒哀求敍復者。賑糶米 三年春正月辛未朔,高麗國王(楨)[禎]遣其臣元忠奉表稱賀,[1] 貢方物。癸酉,命高 脈永昌路流民。

慶遠南丹等處溪洞軍民安撫司言,所屬宜 封孔子妻鄆國夫人幷官氏爲大成至聖文宣王夫人。癸

紀

第三十六

文宗五

錠。 11 縣 饑 丁亥,幸 命 疫, 發 死 粟 大承 者 七 衆 百 主 力 石 護 以 以 聖寺 脤 給 糶。 軍 積穀二百八十石販 賜 丙 諸王 戌, 帖 印 造 木 兒 歲 及 額 共 鈔 糶,從之。 本 妃 ٠, 311 至元 刺 赤 鈔 八 江 九 刺 西 + 金五 行 九萬六千 省言, 百 兩 梅 錠, 銀 州 萬 頻 中 年 兩 統 水 鈔 鈔 阜, 四 萬 民

鷹犬 者, 敍州 子,萬 罪雖 償, 錠、 衣 信 糧 都 寨 П 風 不 兵二 o 留守司 遇 回 洞 憲勿 安軍 帛 足則 陽。 主 赦 匹 山 各 南 千 Ш BI 宜從 諸王 黎 復 千 以宣 道 爲 行 具 五 匹。 用 賊 燕 什 廉 百 省言:「去 朏 章吉獻 王 一慰司 訪 鐵 人 用 退。」 制 奴 監 木 往 副 羅 察 可 合 公帑 使秃 救 兒 等, 斡 御史劾 御 洞 之。 建 年 羅 蠻 戊戌,命中書省以 史 鈔)堅董 ·九月, 居 集 臺 思 /償 八 第 順 衆 奏:「 百 臣 百七十 之。 元 30 御 五 左丞 餘 以 劾二 宣 萬 翰 史臺言:「選除雲南 聞 人 叉, 撫 帖 人寇 林 人,酬 寇 荆 司 從 木兒 學 施 副 湖 亦言:「賊 之。 陵 孙 士 使 北 以 鈔三千錠、 不花 水 承 驢 道宣 銀 庚子 縣。 旨典 駒 七 與祿余 列行 , 干 以 慰 己 哈 修 使 封 丑 幣帛 廉 公主 治 鋌 營爲十六所, 别 其 , 訪 賊兵戰被創 ?、鈔五 兄 列 沿 賑肇慶 各三千 司官, 不納 怯 野 江 堤 里 都 千 路高 岸 嘗貨 牙 爲 多託 錠。 匹, 坐誅, 耶安 総総 乞調 內 給 賊 要 故不行, 家 己亥, 大大長 府 遂 縣 皇子 奴掊 兵分 當罷。 鈔 侵境, 乞調 饑民 給斡 ٠, 公主 古 斂 威 道 納 繼 九 民 逼 備 千五 從 羅 今 答 禦。」 財 部 夔路 之。 思 有 東 重 民 千 歲 如 百 忠 代 人 人 例 是 詔 几 戊

一月辛 丑: 朔 八番 苗 蠻 駱 度 水貢 方 物。 癸卯, 諸王 也先帖 木兒薨 甲辰, 諸 王答兒

己旦, 於官, 降。 路 二井, 議 素 晉 怯 江 羅 臺 失 高 寧路 以攻 之。 無 薛官完者帖木兒及阿昔兒珠衣帽。 羅 御 里、哈兒蠻各遺使來貢蒲葡酒、西馬、金鴉鶻。 仁妻張氏、甘州路 仍乞改 異 賊 史大夫。 命燕鐵木兒集翰林、集賢、太禧宗禋院,議立太祖神御殿。 宋 東川、 沁 نار 兵千五百人寇會川路之卜龍村,又,祿余將引兵與茫部合寇羅羅斯,截大渡河、金沙 己未,旌寧夏路趙那海孝行。 兀 舊 州 Ш 名曰 屬四川 曩爲伯忽誘脅, 比聞朝廷招諭, 而今期限已過, 乞再降詔赦, 劉瑋妻張氏 轉 會通等州。臣等敢奉先所降詔書招諭 給豳王及其王傅祿。 運鹽司主之。 金鳳、茅池,天曆初,九月地震, 省、隸永寧路、冀得休息。」四川行省以聞、詔中書、 岳忽南妻失林、蓋州完顏帖哥住妻李氏志節 志節。 旌濟州任城縣王德妻秦氏、婺州路金華縣吳塤妻宋氏、廬州 禄余言于四川行省:「自父祖世爲鳥撒土官宣慰使,佩虎符, 戊申,雲南行省言:「會通州土官阿賽及河西阿勒等與 辛酉,燕鐵木兒兼奎章閣大學士,領奎章閣學士院事 德寧路去年旱,復值霜雹,民饑,賑以粟三千石。旌 鹽水湧溢,州民侯坤願作什器煮鹽而輸課 乙巳,以湖廣行省平章玥璐不華爲陝西行 一之,不奉命則從宜進軍。」制可。 詔修曲阜宣聖廟。 樞密、 即率四路土官出 御史諸大臣雜 己酉,賜 邛州有 0

臣言::「凡遠戍軍官 月 庚午朔,帝 死 師 而 至京 歸葬者,宜視民官例,給道里之費。 師。 遣使往西域,賜諸王不賽因繡綵幣帛二百四十匹。 叉, 四川驛戶比以軍與消乏, 中書省

部。 興瑞 丁亥 及 以 贍 糧 及 庚 宜 人,奉方物來 漸 帝 方 辰 卯 遺 臣 七 7 諸王 千 弟 官 賑 師 物 T 司,掌中宮歲作佛 萬 木 撒 泛 來朝貢。 七 同 安安 憐 舟 人。 敦 行 百 伯 以 陸 于 石 省 朝貢。 苦 岳 西 府賜 一從之。 高 西 量 [寧王 鹽濼、札哈、 兀 山高 己丑 其 唐、德、冀諸 濟 、完者帖木兒 并王晃火(見不花)[帖木兒]為 總 之。 已亥, 速 一復 佃 洛水 梁 事,秩正三品。 來蠻 者 制 河 立功德使司 死,頗爲 溢 可 賜 掃憐 鎭 調 州、大名、 O 行 禦 衞 來 爪 燕鐵木兒言:「 樞 九驛 有勞, 士三 朝。 哇 密院鈔 人 鬉 八占耕。 Ö 之貧者凡 百挽 汴梁 乙未, 戊子, 其 遺 癸巳,皇子 (如安定 其 四 舟。 , 臣 今 萬錠, 廣 占城國遣 命 平江 僧 臣 四 燕 平 丙 食 王 伽 願 諸 百五 鐵木兒依 申 分給 朶兒 一、松江 邑。 古(刺答納)[納答刺]更名燕帖古思 刺 增 路 ٠, 等 糧 有 其臣 十二戶 賜 Ξ 只 爲 征 八 澱 怯 鳥 班 萬 蟲 十三人,奉金書 旌 Щ 薛 舊 別 食 例,置 撒 石 **′** 0 官 南 大 湖 例 桑葉 入官,令 烏蒙 篤 都 Ţ 那 圩 以 良鄉 憐 王 田 鈔 那 酉 萬錠 所調 里沙 傅 鐵 方 緬 木 縣 官 人 五. 國 陝西 兒璽書, 等四 韋 表 分給蒙古孤 几 百 佃 遣使者 安 人 及 種 頃 妻張 有奇, 鑄 人,奉金書 方 四 以 物]]] 阿 申 印給之。」 所 氏 來 落 蒙 飭 當 得 寡者 貞 朝貢 2 等 其 餘 入 軍 所 表 米

壁 三千六百 散毛 夏 四 月 盤速出 人。 王: 一寅,中 叉,太 洞蠻野王等二十三人來貢方物。 書 府 省臣言:「去 監 歲支幣帛二 歲 宿 萬匹,不足於 衞 士 給鈔者萬五 用, 戊申, 千人, 請 再 大寧路 給 今減 一百 地 去千 匹。 兀 匹 並 百]]] 從 人, 之。 餘 盤 當 沪市 四 給]]] 者 師

軌,回 者也先 什用等十四人來貢方物。 立 承 答之子 百官。 丑 囚二十 一路及 一碑于 天 1 護 賜 一曹、濮 汴梁。 命宗 六人。 聖 通 月魯帖 帖 四 木 Ш 政 E 副 行 兒等,皆來貢方物。 諸州、皆有蟲食桑。 木兒, **発**四川 乙丑, 、大臣雜鞫之、獄成、三人皆伏誅、仍籍其家。 省平章汪壽昌辭職,不允。 使伯藍、玉鞍賜撒敦、餘人畜、土田及七寶奩具、金珠、寶玉、鈔幣、 戊辰, 兔雲南行省田租三年。 安南 行省境內今年租。命有司爲伯顏建生祠,立紀功碑于涿州,仍別建祠、 坐與畏兀僧玉你達八的刺板的、 丙辰,諸王不別居法郎, 遣使者要忽難等, 及西域諸王不賽因使 國 世子 戊午,命奎章閣學士院以國字譯貞觀政要,鋟板模印,以賜 陳日焯遣其臣鄧世延等二十四人來貢方物。 以作佛事祈福、釋御史臺所囚定興劉縣尹及刑部 安州饑, 給河間鹽課鈔萬錠賑之。 國師必刺忒納失里沙津愛護持謀不 以必刺忒納失里沙津愛護持妻 安西王 東昌、濟寧 並沒入大 阿難

賜 敕 錠。 湖 辭 廣行省平 甲戌、陞 五. 命及 癸酉 月己巳朔,高昌 燕鐵木兒等宣力效忠之蹟, ,熒惑犯 尙 章 ·舍寺爲從三品。[晉] 撒迪請備錄皇上登極以來固讓大凡、往復奏答, 政 事脫亦納金虎符。 東井。 王藏吉薨,其弟太平奴襲位。 賜燕鐵木兒宴于流盃池。 命朶來續爲蒙古脫卜赤顏一書,置之奎章閣, 旌保定路郭璹孝行、探忒妻靈保賢孝。 壬申, 賑木憐、七里等二十三驛, 人米 雲南大理、中慶等路大饑,賑鈔十萬 戊寅、幸大承 其餘訓 從之。

本

紀

第

Ξ

+

六

文宗

五

時巡于 詔給 淸州 封。」 險,紊 天 被災 夢 帛 賜 或 按 護 、應城 禮 各 藥 夫 制 等 | 經 價 鈔 Ŧi. 七 亂 處 $\bar{+}$ 可。 Ŧi. 上 千 鈔千 縣 諡 以勞定國 紀 都 匹, ·三戶 萬錠,修帝 屯 端 水。 綱 錠。 京 田 1 獻 分 命江 酉 置 詔 四十三 師 妻宋 賜之。 汴梁 Щ 遣 罷 地 白 · 以 東 使 之。 震 之雕 浙 虹 師 、戴氏 死勤 頃。 益都 往 有 並 巴思八 賑 行 壬午 帝 聲。 州 帖 省 日 兖國 事 等處金 常寧州 師 量 出 里干 - , 復賑 ٠, 陳 所居 己卯, 、影殿。 一賑之。 · 長 能 州、開封 夫 · |不 禦 銀 人,諡 竟 撒 饑 糶 大災, ", 賑 老 思吉牙之地 天。 鲖 命諸王 米五 壬辰,太常博 鐵 糶 貞素。 、(之) 蘭陽 也不徹溫 提 追 能捍大患, 萬 米二千 封 舉 也失班 石, 顏子父顏無 司。 甘州 濟京城貧民。 等十 以珠 四 還鎭。 士 辛 封 大雹 百 王瓚言:「 則 卯, 丘 石。 九 織 諸 祀 解, 制 復 浙 之。 繇 縣 杭州 揚州 書宣諭 爲杞 西 以司 人米二石。 河 戊子,唐其勢以 道 其非 各處請 水溢 火,被災九十一 之江都、泰 廉 國 徒 其屬 訪 公 祀 即 司 加 典之神 諡 給 庚寅 劾副 封 滹沱 仍 文裕 萬安 神 興, 給 廟 使三寶兇惡陰 河 寺僧 鈔四 疾 大 戶 德安 今後 母 決, 先往 濫 駕 齊姜氏 Ŧ 嚴吉祥 池 發大 及 沒 府 不 錠 州 淫 上 之 許 河 丽 幣 雲 杞 加

今年 分 元 瀛 六月 商 鎭 稅 海 亥 瀆 錄 朔 用 戊午, 杂杂、王 以 月魯 給鈔五 士 帖 熙 木 見等罪 一萬錠, 脱歡 等。 賜雲南行 詔 告 己 1中外, 酉 省 以 赦 爲 御 天下。 公儲 史 中 丞 **発四川** 趙世 己未,燕纖木兒言「頃伯顏 安 行省今年差稅、 爲 中 書 左 丞。 癸 陜西 1 封浚 行 遣 使 省

禁諸卜筮、陰陽人,毋出入諸王公大臣家。晉寧、冀州桑災。 思謙言:「內外官非文武全才、出處繫天下安危、能拯金革之難者,勿許奪情起復。」 開府儀同三司。乙丑,御史臺臣劾遼陽行省參政賽甫丁庸鄙不勝任,罷之。 寧王,賜食邑嵩州,今請於瀕汴擇一州賜之。」詔改賜陳州。 癸亥,加授知樞密院事也卜倫 益都、濟寧大雨。 監察御史陳 無爲州、和 制可。

州水。旌歸德府永城縣民張氏孝節。

錠。 進兵。」壬午,江西行省造螺鈿几楊遺燕鐵木兒,詔賜匠者幣帛各一 六十九、金字圓符四,伯忽之亂,散失殆盡,乞更賜爲宜。」敕更賜璽書三十二、圓符四,仍究 衛士鈔幣有差,仍賑糧五月。甲午,北邊諸王月卽別遣南忽里等來朝貢。 之貧乏者。壬辰,西域諸王不賽因遣哈只怯馬丁以七寶水晶等物來貢。 羅思二千五百人。 匹、鈔萬錠。丁丑,賑蒙古軍流離至陝西者四百六十七戶糧三月,遣復其居,戶給鈔五十 修柳林海子橋道。乙亥,命僧於鐵幡竿修佛事,施金百兩、銀千兩、幣帛各五百匹、布二千 詰所失者。辛未,以車坊官園賜伯顏。 賜從征雲南將校三百四十七人鈔幣有差。 湖廣行省言:「黎賊勢猖獗,乞益兵三千以備調用。」有旨:「依前詔,促移剌四奴 剋 秋七月戊辰朔,諸王答里麻失里等遣使來貢虎豹。 雲南行省言:「本省舊降給驛 璽書 旌裕州民李庭瑞孝行。庚寅、給鈔萬錠、命燕鐵木兒分賜累朝宮分嬪御 。甲申,燕鐵木兒獻斡 給蒙古民及各部 燕鐵木兒言:「諸 調軍士 日

王徹徹禿、沙哥、曩坐罪流南荒、乞賜矜閔、俾還本部。」從之。 賑宗仁衞軍士九百戶各鈔一 滕州民饑,賑糶米二萬石。慶都縣大饑,以河間鹽課鈔萬錠賑之。

太師右丞相伯顏率文武百官等議,上尊諡曰聖明元孝皇帝,廟號文宗,國言諡號曰札牙篤 崩,詔除其廟主。放燕帖古思於高麗,未至,月闊察兒害之于中道。 皇帝,請諡于南郊。三月己酉,祔于太廟。後至元六年六月,以帝謀爲不軌,使明宗飲恨而 崩,壽二十有九,在位五年。癸丑,靈駕發引,葬起輦谷,從諸帝陵。元統二年正月己酉, 官祭社稷。丁未,有事于太廟。海道漕運糧六十九萬餘石至京師。己酉,隴西地震。帝 賜護守上都宮殿衞卒二千二百二十九人,人鈔二十五錠。乙巳,天鼓鳴于東北。丙午,遣 運司糧萬石。癸卯,吳王木喃子及諸王答都河海、鎖南管卜、帖木兒赤、帖木迭兒等來朝。 八月辛丑,諸王阿兒加失里獻斡羅思三十人、漸丁百三人。 賑大都寶坻縣饑民以京畿

校勘記

- (一) 高麗國王(楨)(禎) 見卷三三校勘記(5)。下同。
- (三) 幷王晃火(兒不花)[帖木兒] 爲嘉王」,卷二九泰定帝紀泰定二年六月甲申條有「改封嘉王晃火帖木兒爲幷王」,據改。本證 按本書卷二六仁宗紀延祐五年二月丁酉條有「封諸王晃火鐵木兒

記

- 皇子古(刺答納)「納答刺」 據上文所見「古納答剌」改正。參看卷三五校勘記「五」。
- 必刺忒納失里沙津愛護持

万五

- 見卷三五校勘記〔三〕。下同。
- 開封(之)蘭陽封丘 陞尙舍寺爲從三品 按本書卷五九地理志 本證云:「案元年五月陞正三品,此陞字疑當作降,或三當作二。」 開封、蘭陽、 封丘皆汴梁路屬縣 此處 之」字衍,

今删。

元史卷三十七

本紀第三十七

寧宗

即皇帝位。 偏。 初,武宗有子二人,長明宗,次文宗。 天曆元年,文宗入紹大統,內難旣平,卽遣使奉皇帝璽綬,北迎明宗。明宗崩,文宗復 寧宗冲聖嗣孝皇帝,諱懿璘質班,明宗第二子也。母曰[八不沙]皇后,[1]乃蠻眞氏。 明宗有子二人,長妥懽帖木耳,次卽帝也。天曆(二)(三]年二月乙巳,三]封帝 延祐中,明宗封周王,出居朔漠。泰定之際,正統遂

爲鄭王。

帝以繼大統。 安懽帖木耳出居靜江,帝以文宗眷愛之篤,留京師。 至順三年八月己酉,文宗崩于上都,皇后導揚末命,申固讓初志,傳位於明宗之子。時 於是遣使徵諸王會京師,中書百司政務,咸啓中宮取進止。(八月)甲寅,[三] 太師、太平王、右丞相燕鐵木兒,請立

帖木兒等金、銀、幣、鈔有差。 及荆門州皆旱。 主本答里、諸王丑漢妃公主台忽都魯、四諸王卯澤妃公主完者台及公主本答里、四徹 不干子歡忒哈赤、太尉孛蘭奚、句容郡王答隣答里、僉事 中 書省臣 奉 中宮旨, 江水又溢。 預備大朝會賞賜金銀幣帛等物。 高郵府之寶應、興化二縣,德安府之雲夢、應城二 是月,渾源、雲內二州隕霜殺禾。 乙卯,燕鐵木兒奉中宮旨,賜 ·小薛、 阿麻 冀寧路之陽曲、 刺台之子秃帖木兒、公 縣 大 河曲 雨,水。 駙馬也 二縣 里

州、鎮江三路、松江府、江陰州 月,益都路之莒、沂二州,泰安州之奉符縣,濟寧路之魚臺、 (月丁丑) 塡星犯太微垣左執法。 ,中興路之江 辛巳,修皇太后儀仗。 陵縣,皆大水。 河南府之洛陽縣旱。 豐縣,曹州之楚丘縣, 是夜地 震有 聲 來 自 平江 北 是

十月庚子,帝卽位于大明殿,大赦天下,詔曰:

平內 實當 帝入纂大統,修舉庶政,動合成法,授大寶位于普顏篤皇帝以及格堅皇帝。 璽紱,遠迓忽都篤皇帝,朔方言還,奄棄臣 如傷,恩澤旁被,無間遠邇。 . 難, 在我忽都篤皇帝、扎牙篤皇帝,而各播越遼遠。 洪惟太祖皇帝,啓闢疆宇,世祖皇帝,統一 以定 邦 國,協 恭推戴 顧育眇躬,尤篤慈愛。 扎牙篤皇帝。 庶。 登極之始,卽以讓兄之詔明告天下。 萬方; 扎牙篤皇帝,荐正宸極,仁義之至,視民 賓天之日, 時則有若燕鐵 列聖相承, 皇后傳顧命於太師、太 法 度明著。 木兒,建義效忠,戡 曆數 我曲 之歸 隨奉 律皇

犯上者不赦外,其餘一切罪犯,咸赦除之。 逆、謀殺祖父母父母、妻妾殺夫、奴婢殺主、謀故殺人、但犯强盜、印造僞鈔、蠱毒魘魅 四日,卽皇帝位于大明殿。可大赦天下。自至順三年十月初四日昧爽以前,除謀反大 固讓之初志,以宗社之重,屬諸大兄忽都篤皇帝之世嫡。乃遣使召諸王宗親,以十月 平王、右丞相、答刺罕燕帖木兒,太保、浚寧王、知樞密院事伯顏等,謂聖體彌留,益推 一日來會于大都,與宗王、大臣同奉遺詔。 揆諸成憲,宜御神器。 。以至順三年十月初

廣海、雲南梗化之民,詔書到日,限六十日內出官,與発本罪,許以自新。 能決者、申達省部、詳讞釋放。學校農桑、孝義貞節、科舉取士、國學貢試、並依舊制。 旌擢。 一任之內,或犯贓私者,量其輕重黜罰。 其不該原免重囚,淹禁三年以上、疑不 內外三品以上正官,歲舉才堪守令者一人,申達省部,先行錄用。 造,以紓民力。民間在前應有逋欠差稅課程,盡行蠲免。 分爲率,免二分。江淮以南,夏稅亦免二分。土木工役,除倉庫必合修理外,毋復創 大都、上都、興和三路,差稅免三年。腹裏差發幷其餘諸郡不納差發去處,稅糧十 監察御史、肅政廉訪司官弁 如果稱職,舉官優加

庶府,交修乃職,思盡厥忠。 嘉與億兆之民,共保承平之治。 咨爾多方,體予至意!故 於戲!肆予冲人,託于天下臣民之上,任大守重,若涉淵冰。 尚賴宗王大臣、百司

本紀

第三十

七

寧宗

茲詔示,想知悉。

思受戒於西僧 廟。 品,百司庶府秩 辛 徽 |漢軍三萬人禦寒衣。命江浙行省範銅造和寧宣聖廟祭器,凡百三十有五事。 牙八十八斤、佩刀八十,賜鈔三千三百錠。 糧不及數, 者鐵古思、哈里兀答兒、黑狗者、闊闊出,並爲中政院使。辛亥,以江浙歲比 太后命作兩宮幄殿、車乘、供張。 中 樞密院事。 人者,罪之。」丙寅,楚丘縣河堤壞,發民丁二千三百五十人修之。 政 丑,以知樞 使。 右 庚申、告祭社稷。以伯顏爲徽政使、依前開府儀同三司、浚寧王、太保、錄軍 丞,中書平章 己酉,太白犯斗宿。 敕:「諸王、駙馬、勳舊大臣及中書省、樞密院、 賜諸妃 俟來歲補運。 壬子, 定婦人犯私鹽罪, 著爲令。甲寅, 諸王不賽因遣使貢塔里 提調忠翊侍衞親軍都指揮使司 密院 加兒 至一品者,闕門之內,得施繩床以坐,餘皆禁之。」庚戌,修郊祀法服。 后大朝會賞賚有差。甲子,以諸王忽剌台貧乏,賜 事撒敦爲御史大夫,中書右丞撒迪爲中書平章政事,宣政使闆 麻 ·政事 哇。 禿兒哈鐵木兒知樞 敕:「百官及宿衞 戊申,賞賚諸王金、幣,其數如文宗卽位之制。 乙卯,以卽位告祭南郊。 事伯撒 士有只孫衣者,凡與宴饗,皆服以侍。 密院事。 里、 乙巳,造皇太后玉册、玉寶。 右都威衛都 指 鈔 丙辰,給宿衞士、蒙古 Ŧ. 揮 , 使常 百 錠。 御史臺秩正二 不登, 不蘭 己未,告祭太 皇弟 國 立徽政、中 其或質諸 里吉思為 奚 丁未,皇 重事、知 其海 燕帖古 並 以官 運

四年三月辛酉,諡曰冲聖嗣孝,廟號寧宗。 帝崩、年七歲。甲午,葬起輦谷,從諸陵。 殿受朝賀。庚寅,賜諸王寬徹幣帛各二千匹,以周其貧。 祭太廟。 徹徹禿鎭遼陽。 后及改元事。 十一月己巳,詔翰林國史、集賢院、奎章閣學士院集議先皇帝廟號、神主、升祔武宗皇 戊寅,奉玉册、玉寶尊皇后曰皇太后。 庚午, 賜郯王徹徹禿以海寧州朐山、贛楡、(沐)[沭]陽三縣。[K] 壬申 甲戌、遺宿衛官阿察赤以上皇太后玉册告祭南郊、中書平章政事伯撒 明年六月己已,明宗長子安懽帖木耳卽位。 四月乙酉,耐于太廟。 皇太后御興聖殿受朝賀。 左欽察衞士饑,賑糧二月。 己卯,帝御大明 命郯王 壬辰 里告

校勘記

母曰[八不沙]皇后 據本書卷一○六元妃表、卷一一四后妃傳補。 蒙史已校。

天曆(三)(三)年二月乙巳 按本書卷三四文宗紀至順元年二月乙巳條有「封明宗皇子亦璘眞班

爲鄭王」。 至順元年卽天曆三年,此處「二」誤,今改。 蒙史已校。

= (八月)甲寅 考異云:「上文已書八月己酉、此又書八月。」此「八月」衍、今删

79 諸王丑漢妃公主台忽都魯 台忽魯都」,疑此 處一都魯」倒誤 按 本 書卷一〇九諸公主表作「台忽普都」,卷一一八特薛禪傳作

ネ

紀

第三

+

七

校勘

記

元史卷三十八

本紀第三十八

順帝一

地、納罕祿魯氏。延祐七年四月丙寅,生帝于北方。 初,太祖取西北諸國,阿兒厮蘭率其衆來降,乃封爲郡王,俾領其部族。及明宗北狩,過其 順帝名妥懽貼睦爾,明宗之長子。 母罕祿魯氏,名邁來迪,郡王阿兒厮蘭之裔孫也。

年四月辛丑,明宗后八不沙被讒遇害,遂徙帝于高麗,使居大青島中,不與人接。閱一載, 使迎立之。 復詔天下,言明宗在朔漠之時,素謂非其己子,移于廣西之靜江。 當泰定帝之崩,太師燕鐵木兒與諸王、大臣迎立文宗。文宗旣卽位,以明宗嫡長,復遣 明宗卽位于和寧之北,而立文宗爲皇太子。及明宗崩,文宗復正大位。至順元

三年八月己酉,文宗崩,燕鐵木兒請文宗后立太子燕帖古思,后不從,而命立明宗次子

本

紀

第三十八

順帝

帝于靜江。 之,一無所答。於是燕鐵木兒疑之。故帝至京,久不得立。適太史亦言帝不可立,立則天 幼、妥懽貼睦爾在廣西、今年十三矣,且明宗之長子、禮當立之。」乃命中書右丞闊里吉思迎 懿璘只班,是爲寧宗。十一月壬辰,寧宗崩,燕鐵木兒復請立燕帖古思,文宗后曰:「吾子尚 宗戚奉上璽綬勸進。 死,后乃與大臣定議立帝,且曰:「萬歲之後,其傳位於燕帖古思,若武宗、仁宗故事。」諸王 下亂,以故議未決。 至良鄉,具鹵簿以迓之。 遷延者數月,國事皆決於燕鐵木兒,奏文宗后而行之。俄而燕鐵木兒 燕鐵木兒旣見帝,並馬徐行,具陳迎立之意,帝幼且畏

四年六月己巳,帝卽位于上都,詔曰:

篤皇帝戡定內難,讓以天下。我皇考賓天, 札牙篤皇帝復正宸極。治化方隆, 奄棄 傳,丕承前烈。 洪惟我太祖皇帝,受命于天,肇造區夏,世祖皇帝,奄有四海,治功大備,列聖相 我皇祖武宗皇帝入纂大統,及致和之季,皇考明宗皇帝遠居朔漠,札牙

罪,太子遂遷于外。札牙篤皇帝後知其妄。尋至大漸,顧命有曰:『朕之大位,其以朕 謀逆,以明宗太子爲名,又先爲八不沙始以妬忌,妄構誣言,疏離骨肉。逆臣等旣 今皇太后召大臣燕鐵木兒、伯顏等曰:「昔者闆徹[伯]、[1] 脫脫木兒、只兒哈郎等

后體 遣使迎還。 兄子繼之。』」時以朕遠征南服,以朕弟懿璘只班登大位,以安百姓,乃遽至大故。 |承札牙篤皇帝遺意,以武宗皇帝之元孫,明宗皇帝之世嫡,以賢以長,在予一人, 徵集宗室諸王來會,合辭推戴。 今奉皇太后勉進之篤, 宗親大臣懇請之

至,以至順四年六月初八日,即皇帝位于上都。

鄰,交修不逮,以底隆平。 於戲! 惟天、惟祖宗全付予有家,慄慄危懼,若涉淵冰,罔知攸濟。 其赦天下。 **尚賴宗親臣**

中書右 撒敦爲太傅、左丞相。是月,大霖雨,京畿水平地丈餘,饑民四十餘萬,詔以鈔四萬錠賑之。 岩 時 一河溢 躬 有阿魯輝帖木兒者,明宗親臣也,言於帝曰:「天下事重,宜委宰相決之,庶可責其成功, 自聽斷,則必負惡名。」帝信之。由是深居宮中,每事無所專焉。 ·丞相、上柱國、監修國史,兼<u>奎</u>章閣大學士,領學士院、太史院、回回、漢人司天監事; 關中水災。 黃河大溢,河南水災。兩淮旱,民大饑。 辛未,命伯顏爲太師、

秋七月、霖雨。潮州路水。己亥、太陰犯房宿。

月壬 申,鞏昌徽州山崩。 是月,立燕鐵木兒女伯牙吾氏爲皇后。

今請自省、院、臺官外,其餘不許遞陞。」從之。丁巳,太陰犯塡星。 九 月甲午,太陰犯塡星。三乙未,太陰犯天江。 甲寅,中書省臣言:「官員遞陞,窒礙選 己未,太陰犯氐宿。

本

庚 沪, 詔太師 、右丞相伯顏,太傅、左丞相撒敦,專理國家大事,其餘官不得兼領三職

山崩。 賑恤 |寧夏饑民五萬三千人一月。 詔発儒人役

冬十月甲子,太陰犯斗宿。丙寅,鳳州山崩。 戊辰,改元, 詔

元統元年。 、嗣大歷服,茲圖治之云初,嘉與民而更始。 在昔世祖皇帝,紹開丕圖,稽古建元,立經陳紀, 於戲!一元運於四時,惟裁成之有道,大統綿於萬世,思保佑於 乃新紀號,誕告多方,其以 列聖相承, 恪 遵 成 至順 憲。 無疆 四 肆 年爲 予冲

中書省臣言:「凡朝賀遇雨、請便服行禮。」從之。己巳, 階金紫光祿大夫。 酉,詔以高郵府爲伯顏食邑。 辰,奉文宗皇帝及太皇太后御容於大承天護聖寺。 鄧馬弄來貢方物,詔以其 祿大夫。 庚午, 韶以察罕腦兒宣慰司人民, 庚寅、中書省臣請集議武宗、英宗、明宗三朝皇后 地陞立散府。 。戊子,封撒敦爲榮王,食邑廬州。 丁丑,依皇太后行年之數, 止令應當徽政院差發。 命左 加知樞密院事、答刺罕答里金紫光 丞相撒敦爲隆祥使,奉其祭祀。 唐其勢襲父封爲太平王,進 釋放罪囚二十七人。 癸酉,雲南 陞 耐 一 傀羅 土官渾 庚

司 賑被災人民。 、河南復立権茶運司。 十一月辛卯朔,罷富 丁酉,享于太廟。 州 金課。 追諡札牙篤皇帝爲聖明元孝皇帝,廟號文宗。 辛丑,起棕毛殿。 甲午,太陰犯 壘壁陣。 丙午,申飭 丙申,鞏昌 鹽 運 成紀 司。 縣 辛亥,江西、湖廣 時寢廟未建,於 地 裂 山崩 一个有

英宗室次權結綵殿,以奉安神主。封伯顏爲秦王,錫金印。 五 犯太微東垣 X 入 百頃,復賜 、粟以賑之。 上相。 其子唐其勢。 詔秦王、右丞相伯顏,榮王、左丞相撒敦,統百官,總庶政。 壬子,太陰犯塡星。 罷河間大報恩寺諸色人匠總管府。 江浙旱饑, 癸丑,太陰犯亢宿。 是日,秦州山崩地裂。 乙卯, 以燕鐵木兒平江所賜田 發義倉糧、募富 夜,太陰

癸酉 設官屬 死,寇 者罪其有司。 十二月庚申〔朔〕,命伯顏提調彰德威武衞。 焚掠而 太陰犯 三百六十有六員。 鬼宿。 去。 以奴列你他代其父塔剌赤為耽羅國軍民安撫使司達魯花赤,錫三珠虎符。 壬申、遣省、臺官分理天下囚、罪狀明者處決、冤者辨之、疑者讞之、淹滯 甲戌,秃堅帖木兒致仕,錫太尉印,置僚屬。 太白犯(壁壘) [壘壁]陣。[三太陰犯軒轅。己卯,太陰犯進賢。 乙丑,廣西徭寇湖南,陷道州,千戶郭震戰 乙亥,為皇太后置徽政院,

未,太陰犯東咸。

濟陰縣 物,卽 河南 行省左 元 共 水災, 統 地 二年春正月庚寅朔,雨血于汴梁,着衣皆赤。 立 丞相。 盤順府, 民饑, 丁 詔以鈔六萬錠賑之。 命謀谷什用爲知府。 酉,享于太廟。 戊戌,四川 以御史大夫脫別台為中書平章政事,阿里海牙 遣吏部尚書帖住、禮部郎 大盤洞蠻謀谷什用遣男謀者什用 辛卯,東平須城縣、濟寧濟州、曹州 中智熙善使交趾,以授 來貢方 爲

本

紀

第

 \equiv

+

八

順帝

祭于南 賜之。 庚戌,太陰犯房宿。甲寅,罷廣敎總管府,立行宣政院。乙卯,雲南土酋姚安路 太陰犯軒轅。 癸卯,敕僧道與民一體充役。己酉,以上文宗皇帝諡號,遣官告

總管高明來獻方物,錫符印遣之。

賑鈔五千錠。 相。 以燕不隣爲太保,置僚屬。戊辰,封也眞也不干爲昌寧王,錫金印。癸酉,太陰犯太微上 1 甲子、塞北東涼亭雹、民饑、詔上都留守發倉廪賑之。乙丑、命有司以時給宿衞冬衣。 甲申、太廟太陛壞、遺官告祭。丁亥、太白經天。是月、灤河、漆河溢、永平諸縣水災、 二月己未朔,詔內外興舉學校。癸亥,廣西徭寇邊,殺官吏。廣海官已除而未上者罪 丑,封皇姑妥妥輝爲英壽大長公主。癸未,安豐路旱饑,敕有司賑糶麥萬六千七百

官選有德行學問之人以充。」辛卯,以陰陽家言,罷造作四年。太陰犯塡星。癸巳,廣西徭 言::「興和路起建佛事,一路所費,爲鈔萬三千五百三十餘錠。請依上都、大都例,給饍僧 江 賊復起,殺同 |陰水旱疾疫,敕有司發義倉糧,賑饑民五十七萬二千戶。 癸卯,月食旣。 甲辰,中書省臣 廣 誼 三月己丑朔,詔:「科舉取士,國子學積分、饍學錢糧,儒人免役,悉依累朝舊制。 司,復立覆實司。贈吉烈思官,令其子孫襲職。庚子,杭州、鎭江、嘉興、常州、松江、 知元帥吉烈思,掠庫物,遣右丞禿魯迷失將兵討之。復立西番巡捕都元帥府 瑞州路水,賑米一萬石。

古、 錢,節其冗 丞相 擒獲者倍其賞,獲三人者與 饑,賑糶 色目犯奸盜詐偽之罪者,隸宗正府,漢人、南人犯者,屬有司。」是月,山東霖雨,水湧,民 壬子,廣西慶遠府徭 米二萬二千石。 費。」從之。 乙巳,中書省臣言:「<u>益都、真定盗起,</u>請選省、院官往督捕之,仍募能 淮西饑,賑糶 賊寇全州, 一官。」從之。 米二萬石。 韶平章政 丁未,以河南行省左丞相阿里海牙 事探馬赤統兵二萬人擊之。丁巳, 湖廣旱,自是月不雨至于八月。 爲江浙 行省左 詔:「蒙

復立 是日 使、 國之大典,王者必行親祀之禮,所以盡尊尊、親親之誠,宜因 元孝皇帝文宗神主祔于太廟,躬行告祭之禮,樂用宮懸,禮三獻。 達魯花 韶:「雲南 酉,中書省臣言:「佛事 孫從宗為章佩 八番等處沿邊宣慰使伯顏溥花承襲父職。 杭 能 夏四 赤,與馬札兒台並爲御史大夫。丁丑, 州 夏季時享。 出征軍 . 月戊午朔, 四隅錄事司。 監 異珍庫提點。 士亡殁者,人賜鈔二錠以葬。」 詔 日有食之。 ,布施,費用太廣,以世祖時較之,歲增金三十八錠、銀二百三錠四十 加榮王、左丞相撒敦開 太白晝見。 癸未,立鹽局 庚申,封宗室蠻子爲文濟王。 壬午,復 如之。 于京師 府儀 壬申, 太白經天。 丙寅, 罷龍慶州黑峪道上勝火兒站。 帝嘉 同三司、上柱國、錄軍 南北 命唐其勢爲總管高麗女直漢軍 許衡 城, 戊寅,太白晝見。 官自賣鹽,以革 輔世 、陞耐,有事 乙丑,命順元等處軍 祖 先是御史臺臣言:「郊 以不殺一 國 于太廟。」帝從之。 重事,食邑廬州。 己卯, 專利之弊。 天下, 特錄 民宣撫 奉聖明 萬戶府 庚午, 廟 其

本

紀

第

三十

八

順

帝

出庫

一鈔及發常平倉米賑之。河南旱,自是月不雨至于八月。

罷。」從之。是月,車駕時巡上都。益都、東平路水,設酒禁。 大名路桑麥災。 成州旱饑,詔 兩、 繒帛六萬一千六百餘匹、鈔二萬九千二百五十餘錠。 請除累朝期年忌日之外,餘皆

諸縣者,令所在一體役之。」贈故中書平章政事王泰亨諡淸憲。舊令,三品以上官,立朝有 糧七十八萬三百七十石以備不虞。」從之。詔:「王侯宗戚軍站、人匠、鷹房、控鶴,但隸京師 名,雲南王阿魯鎭雲南,給銀字團牌。是月,中書省臣言:「江浙大饑,以戶計者五十九萬五 辰,命中書平章政事撒的領蒙古國子監。癸巳,罷洪教提點所。戊申,詔文濟王蠻子鎭大 闞文興英毅侯,妻王氏貞烈夫人,廟號雙節。 書,乞以九經賜之,使高麗不受禮遺,爲尚書貧不能自給,故特賜是諡。贈漳州萬戶府知事 百六十四,請發米六萬七百石、鈔二千八百錠,及募富人出粟,發常平、義倉賑之,并存海運 取 大節及有大功勳於王室者,得賜功臣號及諡。時寖冗濫失實,惟泰亨在中書時,安南請佛 鹽一十萬引入中政院。辛卯,以唐其勢代撒敦爲中書左丞相,撒敦仍商量中書省事。 五月己丑,詔威武西寧王阿哈伯之子亦里黑赤襲其父封。宦者孛羅帖木兒傳皇后旨,

災傷,民饑,請發鈔十萬錠,差官賑恤。」從之。戊午,淮河漲,淮安路山陽縣滿浦、淸岡等處 六月丁巳朔,中書省臣言:「雲南大理、中慶諸路,曩因脫肩、敗狐反叛,民多失業,加以

撒敦爲左丞相。辛巳,詔蒙古、色目人行父母喪。癸未,復立繕工司,造繒帛。乙酉,贈燕 忠武。是月,彰德雨白毛。大寧、廣寧、遼陽、開元、瀋陽、懿州水旱蝗,大饑,詔以鈔二萬 民畜房舍多漂溺。丙寅,宣德府水災,出鈔二千錠賑之。乙亥,唐其勢辭左丞相不拜,復命 鐵木兒公忠開濟弘謨同德翊運佐命功臣、開府儀同三司、太師、中書右丞相,追封德王,諡

錠,遺官賑之。

亭。己酉,太白晝見。夜,有流星大如酒盃,色赤,長五尺餘,光明燭地,起自天津,沒于離 容。罷秋季時享。壬辰,帝幸大安閣。是日,宴侍臣於奎章閣。甲午,太白晝見。己亥,太 月,池州青陽、銅陵饑,發米一千石及募富民出粟賑之。 宮之南。庚戌,太白經天。壬子,復如之。夜,熒惑犯鬼宿。癸丑、甲寅,太白復經天。是 白經天。壬寅、詔:「蒙古、色目人犯盜者発刺。」甲辰、太白經天。丙午、復如之。帝幸楠木 秋七月丁亥,戒陰陽人毋得於貴戚之家妄言禍福。辛卯,祭太祖、太宗、睿宗三朝御

政事阿里海牙罷。是月,南康路諸縣旱蝗,民饑,以米十二萬三千石賑糶之。 戌,太白經天,丁丑、己卯,復如之,夜,犯軒轅。 庚辰至壬午,太白復經天。癸未,中書平章 復經天。辛未,赦天下。京師地震。雞鳴山崩,陷爲池,方百里,人死者甚衆。自是日至甲 八月丙辰朔,太白經天,凡四日。戊午,祭社稷。癸亥,太白經天。丙寅至戊辰,太白

本

甲午,太白經天。徭賊陷賀州,發河南、江浙、江西、湖廣諸軍及八番義從軍,命廣西宣慰 使、都元帥。章伯顏將以擊之。 乙未,太白經天。 己亥、壬寅,復如之。 乙巳,太白犯太微垣 壬子,吉安路水災,民饑,發糧二萬石賑糶。夜,太白犯太微垣 九月庚寅,太白經天。辛卯,車駕還自上都。壬辰,太陰入南斗。 癸巳,太白犯靈臺。

器奠安,海宇寧謐,實慈訓之致然也。爰協衆議,再舉徽稱,而皇太后以文宗皇帝未祔于 安撫司曰乾寧安撫司。乙亥,太陰犯軒轅,太白犯塡星。己卯,奉玉册、玉寶,上皇太后尊 天同茲大慶,其赦天下。」発今年民租之半。內外官四品以下減一資。却天鵝之獻。 廟,至誠謙抑,弗賜兪允。今告祔禮成,亦旣閱歲,始徇所請。乃以吉日奉上尊號,思與普 號曰贊天開聖仁壽徽懿昭宣皇太后。 詔曰:「朕登大寶、君臨萬方、永惟大母擁佑之勤,神 統千戶一十三所,每所兵千人,屯戶五百,皆土人爲之,官給田土、牛、種、農器,免其差徭。 命臺憲部官各舉材堪守令者一人。 又創立武安縣。移石山寨巡檢司於淸水寨。 有壬爲中書參知政事。癸亥,太白犯太微上相,復犯進賢。丁卯,立湖廣黎兵屯田萬戶府, 冬十月乙卯朔,正內外官朝會儀班次,一依品從。戊午,享于太廟。辛酉,以侍御史許 · 立霍丘縣淮陰鄉臨水山巡檢司。 改乾寧軍民 癸未,

十一月戊子,中書省臣請發兩綜船下番,爲皇后營利。 濟南萊蕪縣饑,罷官冶鐵一年。

辛卯、賜行宣政院廢寺錢一千錠以營公廨。乙未,塡星犯亢宿。庚戌,熒惑犯太微垣。 是

月,鎭南王孛羅不花來朝。

十二月,立道州永明縣白面墟、江華縣濤墟巡檢司各一,以鎭遏徭賊。甲戌,詔整治

是歲、禁私創寺觀庵院。僧道入錢五十貫、給度牒、方聽出家。

至元元年春正月癸巳,申命廉訪司察郡縣勸農官勤惰,達大司農司以憑黜陟。乙未,

立徽政院屬官侍正府。丙午,雲南婦人一產三男。

皇付托之重,致天下於隆平。況今赤縣之民,供給繁勞,農務方興,而馳騁冰雪之地,倘有 二月甲寅朔,革冗官。乙卯,車駕將田于柳林,御史臺臣諫曰:「陛下春秋鼎盛,宜思文

<u>薊州寶坻縣稻田堤舉司所轄田土賜伯顏。戊午,祭社稷。甲戌,熒惑逆行入太微。己卯,</u> 銜橛之變,奈宗廟社稷何」遂止。丁巳,立縹甸散府一,穆由甸、范陵甸軍民長官司二。以

以上皇太后册、寶、遣官告祭天地。

俱不得兼領各衛。」從之。平伐、都雲、定雲酋長寶郎、天都蟲等來降,即其地復立宣撫司,參 三月癸未朔,詔遣五府官決天下囚。御史臺臣言:「丞相已領軍國重事,省、院、臺官,

本

經筵事 用 帝 節 食。 吉太后 牛 生母 一而近年屢遣使往選取 羊 其 萬 駝 土 己亥,龍 太后 於 五. 馬 酋 千 內 凍 封安南世子陳端午爲安南 爲 引 神主宜於太廟安奉,命集議其 ,請定祭禮。」從之。 死者十九, 官 興路 ,中書請權罷徵,止令催辦正 辛 饑 卯 出糧 民 以 、媵妾,至使生女不舉, 上 大 九萬 饑。 |皇太后寶、册,遣官告祭太廟。 九千八百石 丙申? 1 酉,以霑益州 國王。 中書省臣言:「甘肅 禮。 額。 是月,盆都路沂 賑 《其民。 甲辰,山東、河間 女長 所轄羅山 乙巳,以中 不嫁, 庚子,御史臺臣言:「高麗 甘州路· 、石梁、交水三縣 水、日照、蒙陰、 乞賜禁止。」從之。 書左丞王結 壬辰,河州路 十字寺 兩淮 參 奉安世 福 大 知 併 建 雪十日 宮 縣 旱 饑 四 歸 政 中書省臣言 事 處 巡 祖 爲國首效臣 增 檢司 皇帝 許 ,深八尺, 鹽課 有 母別 賑 壬 月 知

院 御 政院散 玉 纂修 史臺 珠翠諸提 夏四 五 累 給 一月壬午朔,皇太后以膺受寶、册,恭謝太廟。 中 朝 達 丞 月 癸 達 舉 實 不 花 1 錄 兀 司 |朔,詔:「諸官非節制軍 及后 魯思 爲 以 中書省參知 撒 、怯薛 妃、功臣 的 爲御 丹、各愛馬。 . 列 史大 政 傳。 事。 夫。 庚 壬戌,太陰犯 (辰, 罷 ·馬者,不得佩金虎符。」辛酉,享于太廟。 己巳, 禁犯御 功德、 加唐 名。 、典瑞 左 其 丙戌,占城國遣其臣 是月,河南旱,賑 執 勢開府儀 法。 、營繕、集慶、 丙寅, 同 三司 詔以 翊 恤 東太 芍陂 正 鈔五 己卯, 羣玉、 納瓦 屯 + 軍 詔 萬 見撒 以江 糧 翰 錠 繕 林 兩 工、金 南 來獻 月。 或 命 史 徽

萬石。

本紀第三十八 順帝一

癸卯, 致祭。 方 物, 且言交趾遏其貢道,詔遣使宣諭交趾。 太陰 加 伯 犯 撒 壘壁陣。 里金紫光祿 甲辰,伯顏請以右丞相讓唐其勢,詔不允, 大夫。 壬辰,命嚴諡法,以絕冒濫。 戊子,車駕時巡上都。 京畿民饑, 命唐其勢爲左丞相。 遣使者詣曲阜孔子廟 詔 有 司 議賑恤 是

月,

永

新州

饑,賑

之。

弟 歸 酉 塔 有 禁服色不得僭上。 刺 司 六月辛酉,有司言甘肅撒里畏[兀]產金銀,四 請遣官稅之。 海 謀 詔 逆,誅之。 湖南宣慰 使司 執皇后伯牙吾氏幽於 乙亥,罷江淮財賦總管府所管杭州、平江、集慶三處提舉司,以其事 '兼都元帥府,總領所轄諸路鎭守軍馬。 別所。 大霖 雨 庚辰,伯顏奏唐其勢及其 壬戌, 太陰犯心宿。 癸

平民舍。 奉遺 罕 其 者 未,太陰 (妄) 有旨 腦兒之地。 文宗皇帝以 詔、迎朕 秋 七月辛 犯 丁亥,享于 傳 壘壁陣。 于南、旣 次于予。 ·已朔, 燕鐵木兒嘗有勞伐,父子兄弟,顯 乙巳、罷燕鐵木兒、唐其勢舉用之人。 太廟。 壬寅, 以馬札兒台、阿察赤並 至大都,燕鐵木兒猶懷兩端,遷延數月,天隕厥躬。 燕鐵木兒貪利幼弱,復立股弟懿璘質班,不幸 專命伯顏爲 壬辰,加馬札兒台銀青榮祿大夫、開府儀同三司,領承徽寺。 中 書右 爲御史大夫。 丞 列朝 相,罷左丞相 戊申,誅答里 延,而 輒 壬午,伯顏殺皇后伯牙吾氏于開 不置。 造 事 及 釁,出股遠方。 ·崩殂。 刺 癸卯,立脫脫 刺等于市、韶 伯顏等同辭翊戴 今丞 相 禾孫於察 文皇尋 伯 日... 顏 追 悟 曩 乙

與謀, 下。」是月西 永 近古罕 惟 īF. `翼戴文皇`,茲又克淸大憝,明飭國憲,爰賜答刺罕之號, 皇 宸 賴伯 比。 太后後其所 極 顏等 後撒 雖嘗 和 州 以次掩捕, 徽州 敦、答里、唐其勢相襲用事,交通宗王晃火帖木兒,圖危社稷,阿察赤亦嘗 奉 在之子,一以至公爲心,親挈大寶,畀予兄弟,迹其定策兩朝,功德隆 上尊號,揆之朕心, 雨雹,民饑,發米賑貸之。 明正其罪。 **猶為未盡**, 元兇搆難, 貽我(太皇)[皇太]后震驚, [三] 朕 已命大臣特議加 至于子孫, 禮 世世 伯顏 爲 永 賴 武宗捍 用 可 兢 放天 禦北

院 徭 千石 反, 事 帖 及 八 命 木兒不花並爲御史大夫。 月辛亥朔、熒惑犯氐宿。戊午,祭社稷。 義 湖 倉糧 廣行省右丞完者討之。 賑之。 己卯,議尊皇太后爲太皇太后,許有壬諫以爲 甲子,加完者帖木兒太傅。 沅 州等處民饑,賑 癸亥, 米二萬七千七百 詔以岐陽王完者帖木兒、 戊寅,道州、永興水災,發米 非禮,不 石 從。 중 是月,廣 知樞 五 密 西

保、 從 宦官 政 中 事 九 書平 不 月庚 徹 丙午,韶以烏撒、烏蒙之地隸四川行省。 過 里帖木兒 章 數 辰 政 人,今內府執 朔,車駕駐 事 定住爲宣德王。 銀青榮祿 一扼胡嶺。 事 大夫。 不下千餘。 夜,太陰犯 丙 命 茂,赦。 有 乞依 司 造 斗宿。 舊 太皇太后玉 丁亥, 制 是月,耒陽、 裁減 庚寅,太陰犯 封 知 **冗濫,廣仁愛之心,** 一册、玉 樞 常寧、道州民饑,以米萬六千石 密院事閥 一寶。御 壘 壁陣。 史臺臣 里吉 思爲宜 庚 言言 省 子, 糜 費 國 加 或 之 朝 中 患。」 書平 初 太 用

幷常平米赈糶之。 車駕還自上都。 以京畿鹽換羊二萬口。

其兄 癸亥 T 名 囚。 御 詔 已,以 留。 史以爲 海 封。 甲子 · 流御史大夫完者帖木兒於廣海安置。 道都漕運萬戶府船戶與民一 冬十 字 塔失帖木兒爲太禧院使,議軍 , 太陰犯昴宿。 未, 監察御 言,故斥 月甲寅、熒惑犯南斗。 太皇太后玉册、玉寶成, 史呂思誠等十九人劾奏徹里帖木兒之罪,不聽,皆辭去,惟陳允文以不署 之。 選省、院、臺、宗正 丁卯, 太陰犯斗宿。 丙辰,以大司 體充役。 國 遣官告祭于太廟。 重事。 府 壬戌,加御史大夫帖木兒不花 完者帖木兒乃賊臣 通練刑 '農塔失海牙爲太尉,置僚屬,商議中書省事 戊辰,太白晝見。 流晃火帖木兒、 獄之官, 是月, 分行各道,與廉訪司審決天下 .也先鐵木兒骨肉之親,監察 答里、唐其勢子孫於 以伯顏獨任 以宗王亦思干兒弟撒昔襲 銀 青榮祿 中書右丞相詔 大 邊 地。

見台 事 所 酉 一,伯顏 奪 1領武 高 + 戊 皮,召前 麗 請內外官悉循資銓注,今後毋得保舉, 備寺。 月庚辰,敕以所在儒學貢士莊田租給宿衞衣糧。 田 宅, 知 還其王 丙戌,太白經天。 樞密 院 河剌 事 福丁、失剌不花、撒兒的哥還京師。 《忒納 失里。 己丑,辰星犯房宿。日日午,以燕鐵木兒、唐其勢、答 丁酉,以戶部尚書徐奭、吏部尚書定住參議 澀 滯選法,從之。 詔罷科舉。 初, 癸巳, 二人 甲申,太白經天。 命知 以帝未立,謀誅燕 樞密院事馬札 中 -書省 里

本

紀

第

Ξ

+

八

順

帝

鐵 木 兒, 為 所 誣 貶,故正之。 己亥,太陰犯太微垣。 庚子、太陰犯左執法。 辛丑,下詔改元,

典。 逮 謐 一年仍) 敷? 一,朕 惟 股 方增修厥德,日 天 爲 世 祗紹天明, 心仁愛, 祖 至元元 皇帝,在位長久,天人協和,諸 年。 俾予以治, 入纂丕緒,于今三年,夙夜寅畏,罔敢怠荒。 以敬天恤民爲務,屬 **適**遵成 (憲) 誕布寬條,庶格禎 有所告戒歟? 福 太史上言,星文示儆。 成至, 弭災有道, 善政為先。 一样,永綏景祚。 祖述之志, 良切股懷。 茲者年穀順成,海宇清 赦天下。 將股德菲 更號 紀年, 今特 、薄,有所未 實 催 舊

立

册、 錢 滁 7 欽 糧 常 百 已,詔 大 惟太皇太后,承九廟之托,啓兩朝之業,親以大寶,付之眇躬。 玉. 平倉。 新 夫 頃 寶, ,兼左翊蒙古侍衞 舊之籍。 二月己酉 伯 賜 顏 宣讓王 上 丁未, 領 太 宮相 朔 皇太后 丙辰,制省諸 帖 賜 ,荆門州獻紫芝。 府。 木兒不花。 知樞密院事徹里帖 尊號曰贊天開聖徽懿宣昭貞文慈佑儲善衍慶福元太皇太后, 戊午, 親 軍 王、 都 日 命 指 公主、 赤 四 揮 如赭。 川、雲南、江 使。 以廪給 木兒三珠 駙 壬子, 馬飲 辛酉, 司 屬 饍 太陰犯壘 虎符。 通 西行省保選蠻夷官以俟銓注。 太白犯 之費。 政院。 壘壁陣。 一壁陣。 詔 加 徵高麗王阿剌忒納 知 樞密院事闊里吉思銀青榮 乙卯, 尚依擁佑之慈,恪遵仁讓 壬戌、撥廬州、饒州 命雲南行省造軍士 失里 乙丑,奉玉 改元統 一入朝。 部曰: 牧地

天。壬申,復如之。癸酉,歲星晝見。乙亥,太白、歲星皆晝見。丙子,安慶、蘄、黃地震。 之訓,爰極尊崇之典,以昭報本之忱。庸上徽稱,宣告中外。」命宣政院使末吉以司徒就第。 丁丑,西番賊起,遣兵擊之。戊寅,蒙古國子監成。是日,太白經天,歲星晝見。是月,寶慶 太白犯軒轅夫人星。丙寅,太白經天。丁卯,復如之。夜,太陰犯右執法。庚午,太白經

路饑,脹糶米三千石。

章政事塔失海牙領都水、度支二監。 陰犯心星。〔5〕壬寅,流徹里帖木兒於南安。太陰犯箕宿。癸卯,太陰犯南斗。丙午,詔平 領奎章閣,知經筵事。戊戌,御史臺臣復劾奏中書平章政事徹里帖木兒罪,罷之。庚子,太 襲封荆王、賜金印、命掌忙來諸軍、設立王府官屬。丁酉、御史大夫撒的加銀青榮祿大夫、 壘壁陣。丁亥,日赤如赭,凡三日。戊子,復以宗正府爲大宗正府。 壬辰,詔宗室脫脫木兒 閏月乙酉,詔:「四川鹽運司於鹽井仍舊造鹽,餘井聽民煮造,收其課十之三。」熒惑犯

爲民,旣而復聽爲僧。移犍爲縣還舊治。 是年,江西大水,民饑,賑糶米七萬七千石。賜天下田租之半。凡有妻室之僧,令還俗

校勘記

- 關 | 徹 (伯) 據本書卷三四文宗紀至順元年六月庚子條及卷一三八燕鐵木兒傳補。 續編已校。
- 九月甲午太陰犯塡星 按本書卷四九天文志作「九月甲午, 太陰犯東咸西第一星,填星犯進

賢」。此處史文有脫誤。

(三) 太白犯(壁壘)(壘壁)陣 從殿本改。

四 甘肅 撒里畏〔元〕 據本書卷三五文宗紀至順二年七月丁酉條補。 卷一二一速不台傳作「撒里

畏吾」。

- 万五 (太皇)[皇太]后 按同詔下文卽有「皇太后」之稱,此「太皇」倒誤,今改正。類編已校。
- , 六 山 岐陽王完者帖木兒 考異云:「岐陽當作淇陽,月赤察兒之孫,承其祖父封 號。」
- , . ----------丙戌至己丑 按是月己卯朔,丙戌初八日、己丑十一日不應在癸巳十五日後,此處錯簡
- 庚子太陰犯 心星 按本書卷四九天文志作「庚子,太陰犯心宿大星」,此處史文有脫誤。

元史卷三十九

本紀第三十九

順帝二

於王 爲貞裕徽聖皇后。庚子,分衡州路衡陽縣,立新城縣。 **翁田八十頃還其子都中。** 太陰犯房宿。 王也可札魯忽赤添孫薨,賜鈔一百錠以葬。 己丑,立穆陵關巡檢司。壬辰,日赤如赭。乙未、丙申,復如之。丁酉,追尊帝生母邁來迪 一事者優加褒贈。 二月戊寅朔,祭社稷。辛巳,太陰犯昴宿。甲申,太白經天。戊子,詔以世祖所賜王積 二年春正月壬戌,太陰犯右執法。甲子,太陰犯角宿。乙丑,宿松縣地震,山裂。 是月,置都水庸田使司于平江。 金山甘肅兵士在逃者,聽復業,発其罪。 初,積翁齎詔諭日本,死於王事,嘗受賜,後收入官,故復賜之。 乙巳,詔賞勞廣海征徭將卒,有官者升散階,歿 進封宣靖王買奴爲益王。甲辰,宗 丁卯,

本紀第

三十九

順

帝二

宣政 掌天 司籍 之。 之。 乙丑,太陰犯 無麥 院 撒 順州 下 賜 三月 敦 使, 征 奸 家 民 盜 戊 東 加金紫光祿 財。 饑 申 元 詐 南 偽。 帥府軍 以鈔 斗。 以 甲 阿里 戌 1 四 賜 士冬衣及甲。 巳,以累朝御 一千錠賑 大夫。 宗 海牙家藏 復 匹 王 Ш 火 見灰 之。 造武宗、英宗、 鹽 并 書 之禁。 服珠 夜,太陰犯 母 盡賜伯顏。 諸軍討 答里 衣、七 鈔一 以按答木兒家 廣 心宿。 西徭 明宗三朝皇后玉册、 寶項牌賜 千錠。 甲寅, 癸亥, **外無功,敕行省、** 以按 以撒 伯 人田 顏。 灰爲大宗正 敦 日 宅 上都 赤 庚 賜 如 申,日赤 玉 居第賜 赭。 太 寶。 保定住。 行臺、 府 甲子 也可 是月, 太保定住, 如 赭 ٦, 廉 札 太陰 以汪 訪 魯忽赤 陝西暴風 壬 司官 一戌,復 犯箕宿 家 仍 奴為 敕 共 有 督 總 如

賜伯 黄等服 太陰 錠,公主八八鈔二千錠 香、幣賜 (德懋)[懋德] 顏 犯角 夏四 武當 仍於 宿。 庚寅 月丁 爲 句容縣設長 龍虎 一以知 丑朔,日赤 丁亥,禁服 中 書 左丞 樞 山 密院 麒麟 。[1] 賜宗室灰里王金一錠、鈔一千錠, 如 官所 詔 事 赭。禁民 以 鸞鳳 帖木兒不華爲中書 領 太平路為 之。 間私造格例。戊寅、封駙馬孛羅帖木兒爲毓 、白兔、靈芝、 戊戌, 郯 王徹徹禿食邑。 車駕 | 平章 雙角 時巡上 政 五 都。 爪龍、 事 撒 以集慶、 拜中書 八龍 迪 毓 德 王 爲 御史大夫。甲午, 九龍 廬州 左丞 孛羅帖木兒鈔三千 耿煥為侍御 、萬壽、 饒州 德王 秃秃哈民 福 壽字 遣 一。丙 史,王 使以 、赭 戶

于六月甲申 五 月丙午朔,黃河復于故道。 ,湍河、白河 大溢,水爲災。 庚戌,太陰犯靈臺。 丙辰,太白晝見。 乙卯,南陽、鄧州大霖雨,自是日至 丁巳, 亦如之。 壬申,秦州山崩。

是月,婺州不雨,至于六月。

爲江浙 忽 羅羅歹爲保寧王,諡 里台 六月丁丑,禁諸王、駙馬從衞服只孫衣,繫絛環。 請復科舉 行省左 丞相。 取士之制,不聽。 昭勇。 太白犯井宿。 庚辰,命中書平章政事阿吉剌知經筵事。 庚子,涇水溢。 辛卯、以汴梁、大名諸路脫別台地土賜伯顏。 辛丑,以鈔五千錠賜吳王搠失江。 贈宗王忽都答兒爲雲安王, 諡忠武, 戊子,以鐵木兒補化 禮部侍郎

宅,賜 錢糧。 邑。 衞糧 扈從 賜 多。
一 百 己酉 秋 車駕者,每戶鈔二錠,死者 賜之數。 金二錠、銀十錠。 甲子, 十上供太皇太后乘輿之用。 七月丙午,詔以公主奴倫引者思之地五千 百錠及銀牌遣之。 ,太白犯鬼宿。 命有司以所籍撒敦寶器分賜伯顏及 癸酉,命宗王不蘭奚,駙馬月魯不花、帖古思、敎化鎮薛 庚午,敕賜上都孔子廟碑,載累朝尊崇之意。 庚戌,以定住、鎖南參議中書省事。 是月,黃州蝗, 錠。 乙卯,太白犯熒惑。 督民捕之,人日五斗。 ·頃賜 太保 伯顏。 定住。 庚申, 壬子, 發阿魯哈、 以衛輝路賜衛王寬徹哥為食 乙丑,中書平章政事孛羅徙 禁隔 以鈔二千錠賑新收阿速軍 越中 省諸王、公主、駙馬從 連哥、怯魯連之地, ·書口傳敕旨,冒支 不蘭奚駱駝

本

紀

第

三十

九

順

帝

著 海 犯 馬 政 至 命 而 黥 院院 札 爲 運 通 威 不 罕 糧 令。」辛 財 孙 順 九 能 八 之地 月 至 賦 霖 王 月 歸 犯 京 府 寬 庚 葬 甲 雨 劓; 丑: 田 ,大水,敕 徹 者 戌,熒惑 戌 遣官 劓 庚子 租 不 朔, 有 減 後 花還 . 六萬三千三百石,補本年海 司 日 致 (湖 再犯 ,) 韶:「强盗皆死,盗牛馬者劓; 給 有 犯 祭 馬)[馬湖]路泥溪、平夷 軍 鎭 食之。 太 糧 天 者死。 湖 人修道。己卯,太陰犯 微 食舟 妃。 廣。 垣。 車護 高 是月, 盗諸 先是伯顏矯 癸亥, 郵 送還 大 物 台州 一雨雹。 弛 者 鄉; 鞏昌 ,照其數估價。 路饑, 去鄉 制召之至京,至是帝 、蠻夷、夷都、沐 運未敷 詔:「雲南、廣海、八番 總 心宿。 遠者, 帥 發義 盜 府漢 心之數, 驢 辛 倉、 驟者 加 已、太陰 人 鈔二 省、院、 募富 軍 令有 黥 器 川、雷坡六長官 一十錠 額 泛禁。 人出 司 犯箕宿 遣 臺、 再 歸 及 歸藩。戊寅, 栗 犯劓; 其 直。 無 甘 五府官三 賑 戊辰, ··。 辛 親 肅 之。 屬 盜 卯, 者, 四川 壬 車 羊 司 沅 辰, 駕還 · 三 年 以徽 祭 豕 官爲 州 邊遠官,死 者 社 路 立 自 併 墨 稷 次 政 盧 一屯衞 瘞之。 上都 院、 爲 審 項 陽 大 決。 再 都 縣 中 於

饑、赈糶米六千石。

太陰 吉剌 御 容 工。 犯 聚 進 議 酉、太陰 賢。 户 於 內 丙子,熒惑犯 是月, 廷。平 犯 昴 章 撫 宿 州 政 袁州 左 事塔失 己亥, 一執法。 瑞州 海 詔 牙, 己 諸路饑 卯, 毎 右 日, 水 享于太 鞏 右 發米六萬石賑糶之。 ١ 丞 班 相 「廟。 伯 參知 顏 丙申, 政 太保 事 命參知 納麟、 定住 許有 政 中 事 · 書 平 納麟 壬等聚議於中書。」 章 監繪明 政 事 孛羅 宗皇帝 [31]

是月,松江府上海縣饑,發義倉糧及募富人出粟賑之。安豐路饑,賑糶麥四萬二千四百石。 赤,領隆鎭衞、左阿速衞諸軍。癸亥,安置宗王不蘭奚於梧州。丁卯,太陰犯房宿。辛未, 府官屬,朝賀班次列于有司之右。壬戌,命同知樞密院事者燕不花兼宮相都總管府達魯花 英宗、明宗三朝皇后升祔入廟,命官致祭。丁巳,遣河南行省平章政事明珞普華於西番爲 禁彈弓、弩箭、袖箭。壬申,國公買住卒,賜鈔三百錠。印造至元三年鈔本一百五十萬錠。 僧。己未,太陰犯壘壁陣。〔三辛酉,賜宣讓王帖木兒不花市宅錢四千錠。詔帖木兒不花王 十一月己酉,太陰犯壘壁陣。壬子,以那海爲湖廣行省平章政事,討廣西叛徭。 武宗、

省、院、臺、翰林、集賢、奎章閣、太常禮儀院、禮部官定議寧宗皇帝尊諡、廟號。 諸縣饑,總管王大中貸富人粟以賑貧民,而免富人雜徭以爲息,約年豐還之,民不病饑。慶 元慈溪縣饑,遣官賑之。 是月,江州

司。宗王也孫帖木兒進西馬三匹。賜文濟王蠻子金印、驛券及從衞者衣幷糧五千石。

十二月甲戌,日赤如赭。丙子,命興元府鳳州留壩鎭及晉寧路遼山縣十八盤各立巡檢

灌頂國師曩哥星吉,號大覺海寺,塑千佛於其內。江浙旱,自春至于八月不雨,民大饑。 是歲、詔整治驛傳。以甘肅行省白城子屯田之地賜宗王喃忽里。 以燕鐵木兒居第賜

太宗 買 郭 國) 日 二十處。 璞 池 改元赤符。 爲 未 監 州 嘗 靈 察 年 銅 丙 辛亥, 應 示 辰 御 陵 史丑 侯。 賞, ,月食。 產銀地 E 月癸卯, 汝其 命指 升耐懿璘只班皇帝於廟,諡 的、朱紹明進諫,帝嘉納之,賜金、幣。 一所,請用 揮狗 受之。」 丁巳,日有交暈,左右珥上有白虹貫之。 廣州 札里、 是月,臨江路新淦州、新喩州、瑞州民饑,賑糶米二萬石。 增城縣民朱光卿反,其黨石昆山、鍾大明率衆從之, 私 江西行省左丞 財煅煉、輸納官課、從之。 冲聖嗣孝皇帝, 一沙的討之。 丑 '戊申,' 的等固辭,帝曰:「昔魏徵進諫,唐 癸丑 廟號 戊午, 一,立宣 寧宗。 大都 帝獵于柳林,凡三十五 · 鎭侍衞· 南 豫王 北 兩 阿 城設 屯田 刺 賑 偽稱 大金 萬 芯 戶府 糶米 納 封晉 失 鋪 於 里

路 妄 浙 錠 己 那 ",以下 海、江西行省平章禿兒迷失海牙總兵捕之。 等 造 丑: 大 水。 處饑 汝 妖言作 月 寧獻 遞減。 民 1 丙子 四十 亂 申 所 · 立 朔, ,破歸德府 壬 獲 萬 棒 船 午,以上太皇太后玉册、玉寶,恭謝太廟。 日有食之。 戶,開所在 胡 戶 提舉司 彌勒佛、小旗、偽宣敕幷紫 鹿邑,焚陳州,屯營於杏岡, 十處,提領二十處。 棒胡反於汝寧信陽州。 Щ 場、河泊之禁, 、聽民 丙申,太保定住薨,給賜殯葬諸物。 金印、量天尺。 定船 人樵采。 命 棒胡本陳州人,名閨兒,以燒香惑衆, 河南 戶科差,船一千料之上者,歲納鈔六 廣西徭賊復反,命湖廣行省平章 甲申、定服色、器皿、輿馬之制。 行省左丞慶童領兵討之。 辛卯,發鈔四十萬錠,賑 庚子,中 紹興

百 人。 廉訪司及郡府幕官之長,並用蒙古、色目人。禁漢人、南人不得習學蒙古、色目文字。」以米 唐杜甫爲文貞。己亥,惠州歸善縣民聶秀卿、譚景山等造軍器,拜戴甲爲定光佛,與朱光卿 從官賜與有差。辛卯,合州大足縣民韓法師反,自稱南朝趙王。太陰犯壘壁陣。 寶、恭謝太廟。命伯顏領宣鎭侍衞軍、賜鈔三千錠,建宣鎭侍衞府。 持軍器,凡有馬者拘入官。甲戌,有星孛于王良,至七月壬寅沒于貫索。皇后以受玉册、玉 相結爲亂,命江西行省左丞沙的捕之。庚子,太白晝見。是月,詔:「省、院、臺、部、宣慰司、 天下。己卯、車駕時巡上都。壬午、高麗王阿剌忒納失里朝賀還國、賜金一錠、鈔二千錠、 宗王燕帖木兒爲大宗正府札魯忽赤。 都饑,命於南北兩城賑糶糙米。癸亥,加封晉周處爲英義武惠正應王。(己)[乙]丑,四命 氏伯顏忽都爲皇后,因雨輟賀。 復立之,且以採珠戶四萬賜伯顏。是月,發義倉米賑蘄州及紹興饑民。 書參知政事納麟等請立採珠提舉司。 夏四月壬申,遣使降香於龍虎、三茅、閤皂諸山。癸酉,禁漢人、南人、高麗人,不得執 三月辛亥,太陰犯靈臺。發鈔一萬錠,賑大都寶坻饑民。 韶以完者帖木兒蘇州之田二百頃賜郯王徹徹禿。己未,大 先是嘗立提舉司,泰定間以其煩擾罷去,至是納麟請 是月,天雨線。 發義倉糧賑溧陽州饑民六萬九千二 戊午,以玉寶、玉册立弘吉剌 以太皇太后受册、寶詔 丁酉,諡

本

千 石 鈔二千八 白 錠、賑哈刺 奴兒饑民。 龍 興路南昌 、新建縣饑,太皇太后發徽政院糧三

萬六千七百七十石賑糶之。

有官 都、 酉, 立 甲 卯 如 天 寅 給 太白 興 於省 船 宣 五. 和 平 一政院, 月辛 詔 星,色白 畫 伐 造 哈八 臺 常都 見。 酒。 丑: 、院及翰林、 以 兒禿 一朔, 雲定雲二處安撫 約約 壬戌, 太陰 也 先 長 及 犯軒 民間 帖木 命四 秃堅帖木兒 尺餘,彗 訛言 轅。 兒 集賢者,]]] 爲院使, 行省 戊申,詔:「 指 朝廷拘刷童男、童女,一時嫁娶殆盡。 司 西 参 爲 達魯花赤暗都 可講 南 太尉, 知 至 往討之。 政 求 汝寧棒胡,廣東朱光卿、聶 八 事 誅 各設僚屬 月庚 舉 捕之法 理 戊午, 等捕 午 刺等虎符。 始 以 幕官。 反 太白 聞。」 賊 韓 [畫見。 太白 西 法師。 乙旦,以 番 、贼起, 畫 己未, 見。 秀卿等,皆係 1 興州 壬寅, 卯,彗星 殺鎭 壬子, 太陰犯 太白犯鬼宿。 松州 西王子 太陰 見於 壘壁 民 漢 饑 党兀 東北,大 犯 陣。 心宿 禁上 漢 班 辛

童 夜,太 推 渾河 忠 六 白 佐 月 犯太微垣 水 犯 運 庚 溢 太 開 午[朔], 微 沒 國元 垣。 畜 勳 戊子, 辛 太 白 廬 已, 東平 舍甚 經 大霖 加封文始尹眞 天。 忠 衆。 憲王, 雨,自 辛未 壬 **午**, 於 甲 是 所 日 ·戌,復 太白晝 人為 封 至 一癸巳 城 無上太 如之。 內 見。 不 建 此。 立 太陰 初博文文始眞君, 乙亥, 祠 京 廟, 犯 師 官 太白 斗 河南、 宿。 爲 致 犯 祭。 靈臺。 癸未,設 北 水 徐甲為 己卯,太 溢, 戊寅,贈丞 御 酷 長 垂玄感聖慈 河、黄河、沁 春宮。 白 相安

遁世 化 應 遊 御眞君,庚桑子洞靈感化超蹈混然眞君,文子通玄光暢昇元敏誘眞君,列子冲虛至德 樂眞君,莊子南華至極雄 文弘道眞君。 己丑,太白晝見。 庚寅,復如之,至七月辛酉

方息。

壬辰,彰德大水,深一丈。

立高密縣維川鄉景芝社巡檢司。

甲子,復如之。是月,狗札里、沙的擒朱光卿,尋追擒石昆山、鍾大明。 錄,有司依例決之。」辛酉,太白晝見。壬戌,賜宗王桑哥八剌七寶繫腰。 寅、太白經天。乙卯、懷慶水。 張寬仰天祝曰:「寧殺縣尹,毋傷百姓。」 俄有魚鷹羣飛啄食之。 以祭。 經天。 秋 戊申,召朶兒只國王入朝。庚戌,太白晝見。 乙巳,復如之。丙午,車駕幸失剌斡耳朵。太白復經天。丁未,車駕幸龍岡,酒馬乳 七月己亥〔朔〕,漳河泛溢至廣平城下。 庚申, 韶:「除人命重事之外, 凡盜賊諸罪, 不須候五 賜鞏卜班西平王印。 河南武陟縣禾將熟,有蝗自東來,縣尹 壬子,車駕幸乾元寺。甲 癸卯,車駕出獵。 太白經天。癸亥、 府官審 太白

貫之。 午,京師地大震,太廟梁柱裂,各室墻壁皆壞,壓損儀物,文宗神主及御床盡碎,西湖寺神 殿壁仆,壓損祭器。 至是凡六十三日,自昴至房,凡歷一十五宿而滅。甲戌,太陰犯心宿。辛巳,京畿盜起。 八月戊辰[朔],祭社稷。 河南地震。 弛高麗執持軍器之禁,仍令乘馬。戊子,漢人鎭遏生蕃處, 自是累震,至丁亥方止,所損人民甚衆。 遣使賑濟南饑民九萬戶。庚午,彗星不見,自五月丁卯始見, 癸未,日有交量,左右珥 亦開軍器之 御

本

紀第三十九

順帝

修理文宗神主幷廟中諸物。 是月,車駕至自上都。

皮貨所於寧夏、設提領使、副主之。立四川、湖廣江西、江浙行樞密院。文宗新主、玉册及 一切神御之物皆成、詔依典禮祭告。 九月己亥、熒惑犯斗宿。甲辰、太(白)[陰]犯斗宿。[三]丁未、太陰犯壘壁陣。 太陰犯壘壁陣。辛(亥)[酉],太陰犯軒轅。〔六]丙寅,大 己酉,立

白晝見。辛卯、亦如之。丙申、復如之。 運。日,丙子,太陰犯壘壁陣。壬午,太陰犯昴宿。丁亥,太白晝見。太陰犯鬼宿。 冬十月庚午,太白晝見。癸酉,日赤如赭。乙亥,命江浙行省丞相搠思監提調海 庚寅,太

都南北兩城添設賑糶米鋪五所。

發鈔萬五千錠,賑宣德等處地震死傷者。 太白經天。甲子、乙丑,復如之。 垣。詔脫脫木兒襲脫火赤荆王位,仍命其妃忽剌灰同治兀魯思事。戊午,太白經天。癸亥, 惑。癸卯,太陰犯壘壁陣。丙午,立屯田於雄州。丁未,塡星犯鍵閉。辛亥,太(自)[陰]犯 五車。[<] 甲寅,太(自)[陰]犯鬼宿。[3]丙辰,太陰犯軒轅。丁巳,太白經天。 太陰犯太微 十一月丁酉〔朔〕,太白經天。戊戌,太白犯亢宿。己亥,太白經天。壬寅,太陰犯熒

東咸。乙亥,東部仍設考功郎中、員外郎、主事各一員。庚辰,命阿魯圖襲廣平王爵。 十二月己已,享于太廟。歲星退犯天罇。塡星犯罰星。甲戌,熒惑犯壘壁陣。 太白犯

午, 集賢大學士羊歸等言:「太上皇、唐妃影堂在真定玉華宮,每年宜於正月二十日致祭。」

從之。 是歲,詔賜孝子靳昺碑。 丙戌,命阿速衞探馬赤軍屯田。 伯顏請殺脹、汪、劉、李、趙五姓漢人,帝不從。 是月,以馬札兒台爲太保,分樞密院鎭北邊。 徵西域僧加刺

麻

至京師,號灌頂

國師,賜玉印。

江浙 賑京 銓注 庚午,車駕獵於柳林。 分命宗王乃馬歹爲知行樞密院事。〔三〕癸亥〕印造鈔本百二十萬錠。是月,詔修 星。甲辰,復如之。 師、河南 海 了以便侍養。」以宣政院使不蘭奚年七十致仕,授大司徒,給全俸終身。 四年春正月丙申〔朔〕,以地震,赦天下。 二月丁卯, 運糧數不足,撥江西、河南五十萬石補之。 、北被水災者。 罷 河南、江西)江浙、湖廣[江西]、四川等處行樞密院。口已戊辰,祭 丙午, 戊寅,太陰犯 太(自)[陰]犯五車。[10]辛亥,太陰犯軒轅。 龍興路南昌州饑、二三以江西海運糧賑糶之。 軒轅。 己卯,太陰犯靈臺。 韶:「內外廉能官,父母年七十無侍丁者,附近 庚申、太陰入南斗。 乙酉, 奉聖州 太白犯牛宿。 己未,塡星犯 癸卯,太白犯建 地震。 曲阜孔子 是月, 社 東咸。 辛 廟。 稷。 酉,

以 國王杂兒只 三月戊申,塡星退犯東咸。 為遼陽 行省 左丞相,宗王玉里不花爲知樞密院事,賜 辛酉, 命中書平章政事阿吉剌監修至正條格。 鈔一 千錠、 金一錠、銀

本紀第

Ξ

+

九

顺帝

十錠。

棒胡至京師,誅之。癸巳,車駕薄暮至八里塘,雨雹,大如拳,其狀有小兒、環玦、獅、象、龜、 卵之形。 脫爲御史大夫。乙亥,命阿吉刺爲奎章大學士兼知經筵事。己卯,車駕時巡上都。 夏四月辛未,京師天雨紅沙,晝晦。 以探馬赤、只兒瓦歹爲中書平章政事。 癸酉,以脫 河南

寅、贈湖廣行省平章政事燕赤推誠翊戴安邊制勝功臣、太傅、開府儀同三司、上柱國,追封 過。 永平王,諡忠襄。辛酉,詔:「土番宣慰司軍士,許令乘馬,執兵器。」湖廣行省元領新化洞、 月,命佛家閻爲考功郎中,喬林爲考功員外郎,魏宗道爲考功主事,考較天下郡縣官屬功 古州、潭溪、龍里、洪州諸洞三百餘處,洞民六萬餘戶,分隸靖州,立敍南、橫江巡檢司。是 命阿 五月乙未〔朔〕,立五臺山等處巡檢司。庚戌,升兩淮屯田打捕總管府爲正三品。 刺吉復爲中書平章政事。彰德獻瑞麥,一莖三穗。臨沂、費縣水,發米三萬石賑 甲

伏誅。 分行各道,比到秋分時畢事。」從之。辛巳,袁州民周子旺反,僭稱周王,爲改年號。尋擒獲, 六月庚午,廣東廉訪司僉事恩莫綽言:「處決重囚,宜命五府官斟酌地理遠近,預選官 塡星退犯鍵閉。壬午,立重慶路墊江縣。 己丑、邵武路大雨,水入城郭,平地二丈。

是月,信州路靈山裂。漳州路南勝縣民李志甫反,圍漳城,守將搠思監與戰,失利。詔江浙

行省平章別不花、總浙閩、江西、廣東軍討之。

丙辰, 鞏昌府山崩, 壓死人民。 戊午, 爲伯顏立打捕鷹房諸色人戶總管府。 秋七月壬寅、詔以伯顏有功、立生祠於涿州、汴梁。己酉、奉聖州地大震,損壞人民廬

南老告土官八那遣姪那賽齎象馬來朝,爲立老告軍民總管府。是月,車駕還自上都。 |木兒宣忠濟美協誠正德功臣、太傅、開府儀同三司、上柱國,追封文安王,諡忠憲。 甲申,雲 推忠翊運保寧一德功臣、太師、開府儀同三司、上柱國,追封廣陽王,諡忠惠。 至乙酉乃止。丁丑,白虹貫天。癸未,改宣德府爲順寧府,奉聖州爲保安州。 府地大震。癸酉,山東鹽運司於濟南歷城立濱洛鹽倉東西二場。丙子,京師地震,日二三次, 兒守誠佐治安惠世美功臣、太師、開府儀同三司、上柱國,追封奉元王,諡忠宣。辛未,宣德 八月癸亥朔,日有食之。戊辰,祭社稷。己巳,申取高麗女子及閹人之禁。 贈平章伯帖 贈太保曲出 贈伯顏察

庚戌、太陰犯(斗)[昴]宿。[四乙卯、太陰犯鬼宿。 閏八月戊戌,日赤如赭。己亥,復如之。塡星犯罰星。太陰犯斗宿。壬寅,日赤如赭。

西南行,沒於近濁。甲申,太陰犯軒轅。乙酉,太陰犯靈臺。庚寅,日赤如赭。 九月丙寅、太陰犯斗宿。 戊辰、太白犯東咸。 癸酉、奔星如盃大、色白、起自右旗之下, 太白犯

斗宿。

冬十月辛卯[朔],享于太廟。辛亥,太陰犯酒旗。

羅領太常禮儀院使。熒惑犯氐宿。丁丑,太陰犯鬼宿。戊寅,太(陰)[白]犯壘壁陣。[187壬 午,四川散毛洞蠻反,遣使賑被寇人民。 鎮;國初,以其地荒而廢之,至是居民二十餘萬,故立府治之。(乙)[己]已,口三命平章政事孛 **兼都總使,治書侍御史吉當普爲副都總使,世襲其職。本府元領六州、二十縣、一百五十二** 十一月丙寅,改英宗殿名昭融。丁卯,立紹熙府軍民宣撫都總使司,命御史大夫脫脫

其酋長為帥、令三年一入貢、至是來貢、故立官府。庚子、熒惑犯房宿。壬寅、以宣徽使別 太白犯外屏。太陰犯斗宿。丙辰,太白經天。 廣忠宣義正節振武佐運功臣之號。太白經天。辛亥,復如之。壬子,熒惑犯東咸。乙卯, 兒怯不花爲御史大夫。癸卯,太白經天。己酉,復如之。庚戌,加荆王脫脫木兒元德上輔 戊戌,立邦牙等處宣慰司都元帥府幷總管府。先是,世祖旣定緬地,以其處雲南極邊,就立 十二月甲午,大都南城等處設米鋪二十,每鋪日糶米五十石,以濟貧民,俟秋成乃罷。

校勘記

王(德懋)[懋德] 據本書卷一一三字相年表及山左金石志卷二三琅琊郡公王氏先德碑改。新元

)建己校。

(湖馬) [馬湖]路 據本書卷六〇地理志改。類編已校。

太陰犯壘壁陣 按是日月黃經一一八度半、壘壁陣黃經三一〇度半至三三七度半、不合。 本書

卷四九天文志作「太陰犯鬼宿積尸氣」,積尸氣黃經一一八度,合。「壘壁陣」誤,當作「鬼宿積

尸氣」。

屈 (己)(乙)出 按是月壬寅朔,無己丑日。此「己丑」在癸亥二十二日後,爲乙丑二十四日之誤,今改。

道光本已校。

 $\overline{}$ **35**. 黃經二六六度半,第五星二七五度半,金星黃經一九○度半,不合,月黃經二七七度半,合。 太(自)[陰]犯斗宿 本書卷四九天文志作「太陰犯斗宿魁第二星」,據改。按是日斗宿魁第二星

, 辛(亥)[酉]太陰犯軒轅 本書卷四九天文志作「辛酉,太陰犯軒轅大星」,據改。 按是月軒轅大

星一黃經一○三度半,軒轅大星四黃經一二八度半,辛亥十四日月黃經二度,不合;辛酉二十四日

月黄經一二四度,合。

- - · 本 命江 紀 浙行省丞相 第 Ξ + ル 搠思監提調海運 校 勘 記 按本書卷二〇五本傳,搠思監至元三年拜江浙行中書省參 八四七

知政事,同年受命督海運。蒙史改「丞相」爲「參政」,疑是。

太(自)[陰]犯 五車 本書卷四九天文志作「太陰犯五車東南星」,據改。 按是日五車東南星黃經

六七度,金星黃經二一七度,不合;月黃經七一度半,近。

<u>へ</u> た ∪ 太(白)[陰]犯鬼宿 本書卷四九天文志作「太陰犯鬼宿西北星」,據改。 按是日鬼宿西北星黃經

一一五度,金星黄經二二〇度,不合,月黃經一一三度半,合。

太(自)[陰]犯五車 本書卷四九天文志作「太陰犯五車東南星」,據改。 按是日五車東南星黃經

六七度,金星黃經二七九度,不合;月黃經七四度,近。

宗王乃馬歹 蒙史云:「乃蠻台,木合黎五世孫也。本傳稱後至元三年襲國王,考杂兒只傳則云

四年,與紀異。此本異姓之王,舊紀誤稱爲宗王。」

丞相奏准於四川及湖廣、江西之境及江浙,凡三處,各置行樞密院」,上文至元三年九月己酉條 罷河南(江西) 江浙湖廣(江西)四川等處行樞密院 按本書卷九二百官志有「至元三年,伯顏右

有「立四川、湖廣江西、江浙行樞密院」。湖廣、江西實爲一處行樞密院所轄,此處行文倒舛,今

改正。

[1] 龍興路南昌州饑 本證云「按地理志、州當作縣」。

太陰犯(斗)[昴]宿 本書卷四九天文志作「太陰犯昴宿第二星」,據改。按是日月黃經五一度,

(1吾)(乙)(己)已 按是月辛酉朔,無乙巳日。此「乙巳」在丁卯初七日、丁丑十七日間,爲己巳初九日之

(1次) 太(陰)[白]犯壘壁陣 本書卷四九天文志作「太白犯壘壁陣西第六星」,據改。按是日壘壁陣西 第六星黃經三二六度,月黃經一三一度半,不合,金星黃經三二五度半,合。

誤。今改。道光本已校。

兀史卷四十

本紀第四十

順帝三

五年春正月癸亥,禁濫予僧人名爵。 庚午,太陰犯井宿。 乙亥,熒惑犯天江。 溪州郵

錠。雲需府饑,賑鈔五千錠。開平縣饑,賑米兩月。 城、范縣饑、賑鈔二千一百八十錠。 冀寧路交城等縣饑,賑米七千石。 興和寶昌等處饑,賑鈔萬五千錠。

桓州饑,賑鈔二千

二月庚寅〔朔〕,信州雨土。甲午,太陰犯昴宿。戊戌,祭社稷。庚子,免廣海添辦鹽課

萬五千引,止辦元額。 壬寅,太陰犯靈臺。 三月辛酉,八魯剌思千戶所民被災,遣太禧宗禋院斷事官塔海發米賑之。

戊辰, 灤河

住冬怯憐口民饑,每戶賑糧一石、鈔二十兩。 夏四月辛卯,革興州興安縣。癸巳,立伯顏南口過街塔二碑。 乙未,加封孝女曹娥爲

本

第

四十

頫 萜

八五二

慧感 靈孝 昭 順 純懿夫人。 壬寅,太陰犯日星及房宿。 己酉,申漢人、南人、高麗人不得執軍

器、弓矢之禁。是月,車駕時巡上都。

吾山 米賑 龍 之。 五月己未 神崇惠昭 庚午,太陰犯 朔,晃火兒不剌、賽禿不剌、紐阿迭烈孫、三卜剌等處六愛馬大風雪,民饑,發 應靈顯廣濟侯。 心宿。 壬申,太陰犯斗宿。 丙子,太白犯昴宿。 丙戌,加封瀏陽州 道

沂、莒二州民饑,發糧賑糶之。 沒民廬 六月壬寅, 八百家,壞民田二百頃,戶 月食。 甲辰,熒惑退入南斗。 賑 鈔半錠,死者一 庚戌, 汀州路長汀縣大水, 平地深可三丈餘, 錠。 乙卯,達達民饑,賑 糧三月。 是月,

丙 韶:「諸王位下官毋 丙子,開上都、 !戌,太白復經天。 秋七月辛酉、壬戌、熒惑犯南斗。 興和等處酒禁。 入常選。」甲申,常州宜 丁 丑,封皇姊月魯公主爲昌 甲子,熒惑犯南斗。太陰犯房宿。 興 山水出,勢高一丈,壞民廬。 國大長 公主。 乙酉, 戊寅, 甲戌,太白 太白 太白 經天 經天。 經 天。

宗 以 一鈔萬 王 一脱歡 八月丁亥〔朔〕,車駕至自上都。 一千三百五十七錠賑之。 脫 木爾 各愛馬 人民饑,以鈔三萬四千九百錠賑之。 太白經天。 戊子,太白經天。 辛卯,太白復經天。 祭社稷。 宗王脫憐渾禿各愛馬人民饑 己丑,太白復經天。 甲午,太陰犯斗宿。丁 庚寅,

酉,太白犯軒轅。戊戌、己亥,太白經天。壬寅至甲辰,太白復經天。乙巳,太陰犯昴宿。

九月丁巳,瀋陽饑,民食木皮,賑糶米一千石。戊午,太白經天。己未,太白復經天。

甲午、詔命伯顏爲大丞相、加元德上輔功臣之號、賜七寶玉書龍虎金符。〔1〕己亥、熒惑 冬十月辛卯,享于太廟。壬辰,禁倡優盛服,許男子裹青巾,婦女服紫衣,不許戴笠、乘

是月,衡州饑,賑糶米五千石。遼陽饑,賑米五百石。文登、牟平二縣饑,賑糶

米一萬石。

犯壘壁陣。

省平章政事月祿帖木兒、左丞叔烈、廉訪使完者不花等,已而捕誅之。癸酉,瑞州路新昌州 十一月丁巳,熒惑犯壘壁陣。禁宰殺。戊辰,開封杞縣人范孟反,偽傳帝旨,殺河南行

雨木冰,至明年二月始解。是月,八番順元等處饑,賑鈔二萬二十錠。

十二月辛卯,復立都水庸田使司于平江。先是嘗置而罷,至是復立。 甲午,太陰犯昴

宿。癸卯、熒惑犯外屏。

是歲,敕賜曲阜宣聖廟碑。 工部廳梁上出芝草,一本七莖。 袁州饑,賑糶米五千石。

膠、密、宮、濰等州饑,賑鈔二萬錠。

六年春正月丁卯,太陰犯鬼宿。 甲戌、立司禋監、奉太祖、太宗、睿宗三朝御容於石佛

本紀

第四十

順帝三

八五

四

錠。

邳州

饑

賑

米

兩

月

司、 上柱 國 追 陰 封 犯 晉 房 寧王 宿 戊 諡 寅, 忠襄。 追 封 是 閣 月 兒吉思宣 ٠, 察忽 、察罕腦兒等 誠戡難 翊 運 處馬 致 美 災, 功臣、 賑 鈔六千 太 師 八 開 百 府 儀 五 + 同

領 立 府。」 米 樞 爲 南 亂 垣 西 王、 密 所 延 鋪 行 祖 太 中書大 癸卯 院 己亥, 徽 ,從便 省 宗 師 漸向 寺, 月 戊 事 左 成 中 申 , 丞 憲,虐害 甲 西 以 太 賑 汪 書 丞 黜 相 申 熒 奉 北 家 相 陰 糶 右 中 朔 0 惑 行 寧宗 而 奴 犯 丞 書 所 天下。 相 詔 犯 爲 心 壬 大 有 伯 、太尉 中書 是月 月 祀 宿 權 寅 丞 顏 元 星。 事 止 相 領 不能安分 o 韶:「 平章 乙 今年印 加 塔失海 伯 諸 福 巴, 以 己 罷 顏 寧州 衞 除 酉 政 極 司 爲 竉 親 事 知 刑 鈔。 禋 7,專權 河 牙 大水 彗 軍 各處船 領北 介允合 監 樞密院 南 爲 星 幷 戊子,祭社 行省 湯 太傅 如 怯 自念, 罷 輿 戶提舉 房星大,色白, 行省平章政事 薛 事脫脫 通州 死 左 論 丹 人民。 知 丞 欺 人 樞 (等) 詔 质 相, 稷。 朕 股 河 之外, 密院事 年幼, 念先朝之故,尚 西 東 詔 京畿五州 己 務等 書 採 日 也先 丑: 諸王 狀 塔馬赤 到 輕 \dashv 珠 一,太陰犯昴宿。 處 如 提 時, 視 朕 帖木兒為 侯 粉 抽 子一 舉 太 践 卽許散還。」 不 分 二司 皇 位 爲太保,御 按 得 存 太后 縣水,每 以 尾 . 懸帶 利 來, 0 憫 跡 御 房, 及 恤 丁 史 約 弓箭 命 今 股 丙申,太陰犯 未, 史 以 大 大 戶 長 伯 弟 夫。 命 賑 五. 都 大 太 顏 太陰 燕帖古思 保 米 環 夫 伯 寸 東 爲 脫 馬 增 顏 兩 餘 裏 刀 太 犯 設 札 月。 輒 Щ 脫 出 詗 羅 太微 蔧 兒 京 爲 爲 堰 提 內 台 秦 城 知 ÿΠ 變

本 紀 第 四 + 順 帝 Ξ 台辭

閣

太陰犯 千錠。 政事許 軒轅。 日。 卯,益都、般陽等處饑,賑之。 死事者。 定史大 供 一千石、鈔二千錠。 公奉學 三月甲寅〔朔〕,漳州義士陳君用襲殺反賊李志甫,授君用同知漳州路總管府事。 \equiv 南 有 夫別兒怯不花、 丁卯,詔賜江南行 是月, £ 士。 斗。 丁巳,大斡耳杂思 上尊、束帛。 戊寅、太白犯月星。 1 淮安路山陽縣饑,賬鈔二千五百錠,給糧兩月。 丑,以治書侍御史達識帖睦邇爲奎章閣大學士,翰林直學士揭傒斯爲奎章 知樞密院事牙不花知經筵事,中書參議阿魯佛住兼經筵官。 成宗潛邸四 庚午,太陰犯房宿。 臺御史中丞史惟良、御史中丞耿煥、山東廉訪使張友諒、中書參知 風雪爲災,馬多死,以鈔八萬錠賑之。 丙辰、赦障、潮二州民爲李志甫 辛巳、彗星〔不〕見、自二月己酉至三月庚辰、凡〔見〕三十 怯薛戶饑、賑米二百石、鈔二百錠。 辛未、詔徙伯顏 於南恩州陽春縣安置。 劉虎仔脅從之罪,褒贈軍將 順德路邢臺縣饑,賑鈔三 癸亥,四怯薛役戶饑,賑 以知樞密院事脫脫、 太陰犯 壬申 Z

御

米

知樞 密院 夏四 事 月己丑,享于太廟。 鐵木兒塔識爲中書右丞。 庚寅, 韶大天(元延壽)[源延聖]寺立明宗神御殿 丙午,詔封馬札兒台爲忠王及加答剌罕之號,馬札兒 碑。三以同

五. 一月癸 1 〔朔〕,禁民間藏軍器。 乙卯、監察御史普魯台言:「右丞相馬札兒台辭答刺罕

門禁唐 十餘 於大明殿,遇行禮時,令省臣就殿迎香祭之。以宦者怕不花爲長寧寺卿。 追 口 爵 封 名號, 元,左、右阿速,貴赤,阿兒渾,欽察等衞軍。 皆遇害,以佐才爲龍巖縣尹。 涼 王,諡忠烈。 宜示天下,以勸廉讓。」從之。己未,詔以党兀巴太子擒賊阿答理胡,歿於王 漳州龍巖尉黃佐才獲李志甫餘黨鄭子箕。 丁卯、太陰犯斗宿。 丙子,車駕時巡上都。 辛未,降鈔萬錠,給守衞宮闕內外 佐才因與賊戰,妻子四 是月,濟南饑,賑 置月祭各影堂香

六月丙 申,詔撤文宗廟主,徙太皇太后不答失里東安州安置,放太子燕帖古思於高麗,

共略日

鈔

萬

乃謂 也 事 南 上,皇考推 丁, 里牙、明里董阿等謀爲不軌,使我皇考飲恨上賓。 昔我 夫 英宗遇害,正統寖偏,我皇考以武宗之嫡,逃居朔漠,宗王大臣同心翊戴,肇啓大 時 何數日之間,宮車弗駕。 以 ,皇祖武宗皇帝昇遐之後,祖母太皇太后惑於儉慝,俾皇考明宗皇帝出封雲 地近,先迎文宗,暫總機務。 ,誠不疑,即授以皇太子寶。文宗稔惡不悛,當躬迓之際,乃與其臣月魯不花、 海內聞之,靡不切齒 繼知天理人倫之攸當,假讓位之名,以寶璽來 歸而再御宸極,思欲自解於天下,

又私圖傳子,乃搆邪言,嫁禍於八不沙皇后,謂朕非明宗之子,遂俾出居遐陬。 祖

失里 宗大業,幾於不 一,怙 其勢燄,不立明考之冢嗣,而立孺稚之弟懿璘質班,奄復不年,諸王大臣 繼。 內懷愧慊,則殺也里牙以杜口。 上天不祐,隨降殞罰。 叔嬸不答 以賢

以長,扶股 踐 位。 國之大政,屬不自遂者,詎能 枚 舉。

惟鞠 之禍 理 在 死,其以明 難 廟 同 離 之主。 育罔 每念治 處, 間 [極之恩,忍忘不共戴天之義。 骨肉、罪惡尤重、揆之大義、削去鴻名、徙東安州安置。 里董阿等明正 股終 必本於盡孝,事莫先於正名,賴天之靈,權奸屛黜,盡孝正名,不容復緩,永 不答失里本朕之嬸,乃陰構奸臣,弗體朕意,僭膺太皇太后之號,迹其閨門 不陷於覆轍,專務殘酷,惟放諸高麗。 典 刑 旣往之罪, 不可勝誅, 當時賊臣月魯不花、 其命太常徹去脫脫木兒 燕帖 . 古思昔雖幼冲, 也里牙已

監察御史崔敬言燕帖古思不宜放逐,不報。 己酉,太白復晝見。 辛亥、太白晝見、夜犯歲星。 己亥,秦州成紀縣山崩地坼。 是月,濟南路歷城縣饑,賑鈔二千五百錠。 癸卯、太白晝見。

旱相 2 壬戌至癸亥,太白晝 卯,奉元路盩厔 仍, 秋七月甲寅,太白晝見。 預罪 己認 於天下。 縣 見。 河 水溢 甲子,太陰犯羅堰。 一漂流 享于太廟。 韶封微子 人民。 己未,以亦憐眞班爲御史大夫。 爲仁靖公,箕子爲仁獻公,比干加封爲仁顯忠烈公。 丁巳,太白晝見。 乙丑至丙寅,太白復晝見。 戊午,以星文示異,地 庚申,太陰犯心宿。 丁卯,燕帖古思薨, 道失寧,蝗

本

紀

[巎巎]等删修大元通制。四 庚辰,達達之地大風雪,羊馬皆死,賬軍士鈔一百萬錠,幷遣使 詔以鈔一百錠備物祭之。癸酉,太白晝見。戊寅,命翰林學士承旨腆哈、奎章閣學士 脈 怯烈干十三站,<a>(三)每站一千錠。是月,禁色目人勿妻其叔母 (巙峻)

惑犯歲星。甲戌,太陰犯軒轅。 太(白)[陰]犯虛梁。[弘]丙寅、詔:「今後有罪者、毋籍其妻女以配人。」丁卯、太陰犯昴宿。 九月辛亥〔朔〕,明里董阿伏誅。 八月壬午〔朔〕,以也先帖木兒爲御史大夫。戊子,祭社稷。是月,車駕至自上都 癸丑,加封漢張飛武義忠顯英烈靈惠助順王。 辛酉,

宿。壬寅、馬札兒台辭右丞相職,仍爲太師。 不花爲中書左丞相。 辰,立曹南王阿刺罕、淮安王伯顏、河南王阿朮祠堂。 丁酉,太白入南斗。 己亥,太白犯斗 奉符、長淸、元城、淸平四縣饑,詔遣制國用司官驗而賑之。 冬十月甲申,奉玉册、玉寶尊皇考爲順天立道睿文智武大聖孝皇帝,親裸太室。 是月,河南府宜陽等縣大水,漂沒民廬,溺死者衆,人給殯葬鈔一錠, 以脫脫爲中書右丞相,宗正札魯忽赤鐵木兒 。辛卯,各愛馬人不許與常選。壬 庚寅,

陰犯虛梁。 十一月甲寅,監察御史世 以親裸大禮慶成,御大明殿受羣臣朝。 圖爾言,宜禁答失蠻、回回、主吾人等叔伯爲婚姻。 戊午,熒惑犯氐宿。甲子,月食。辰星 乙卯,太

仍賑

義倉糧兩月。

犯東咸。辛未,以孔克堅襲封衍聖公。戊寅,辰星犯天(罡)[江]。[刊是月,處州、婺州饑,以

常平、義倉糧賑之。

禧宗禋等院及奎章閣。 乙未,熒惑犯東咸。 戊戌,太陰犯明堂。 名。癸未,太陰犯虛梁。乙酉,太陰犯土公。丁亥,熒惑犯鈎鈴。戊子,罷天曆以後增設太 寶慶路大雪,深四尺五寸。 十二月,復科舉取士制。 國子監積分生員,三年一次,依科舉例入會試,中者取一十八 是月,東平路民饑,賑之。

至正元年春正月己酉朔,改元,詔曰:

武大聖孝皇帝,被服衮冕,裸于太室,式展孝誠。 十有一月六日,勉徇大禮慶成之詩, 慕,不忘于懷。乃以至元六年十月初四日,奉玉册、玉寶,追上皇考曰順天立道睿文智 付託之重,戰兢惕勵,于茲八年。慨念皇考,久勞于外,甫卽大命,四海觖望,夙夜追 朕惟帝王之道,德莫大於克孝,治莫大於得賢。 朕早歷多難,入紹大統,仰思祖宗

御大明殿受羣臣朝。

民。 尋卽控辭,養疾私第,再三論旨,勉令就位,自春徂秋,其請益固。 爰自去春,疇咨于衆,以知樞密院事馬札兒台爲太師、右丞相,以正百官,以親萬 **股憫其勞日久**

忠貞 丞 相 其 並 至 万命 誠,不 錄 軍 爲 中書 恋 或 煩之以政,俾解機務,仍爲太師。 重 右丞 事 0 夫三公論道,以輔 相;宗正 札魯忽赤帖木兒不花,嘗歷 予德,二相總政,以弼予治, 而知 樞密院事脫脫, 政府, 嘉績 其以至元 早歲 著聞, 輔 爲 朕, 中 七年爲 克著 書 左

至正元年,與天下更始。

未,太 甲 永 明寺 寅 ,熒惑犯 陰 寫 犯 金 心宿。 字 天江。 經 一藏。 癸酉,太陰犯斗宿。 丁巳、享于太廟。 **発天下稅糧** 五. 分。 甲戌,太白晝見,凡四日。 庚申,太陰犯井宿。 湖南 諸路饑,賑糶米十八萬九千 癸亥, 是月,命脫脫領經筵事。 韶天壽節禁屠宰六日。 ·七十六石 辛 命

錠。 河 犯 問 等 明 莫州 即 庫 造 月 乙未, 至元 戊 乙 滄州 画, 寅〔朔〕,祭社 鈔 濟南 等處饑, 加封 九十九 濱州霑化等縣饑,以 皇姊不答昔你明惠貞懿大長公主。 萬錠、中統 賑 稷。 鈔三萬五千錠。 己卯,太白晝見。 鈔一 萬錠 鈔五 晉州 萬三千錠賑之。 庚辰,太白 饒陽, 阜平,安喜, 是月,大都寶坻縣饑, 復 き見。 丙戌,太白 靈 辛巳, 壽 畫 四縣饑 立廣 見。 癸巳,太陰 福 賑 賑鈔二萬 米兩月 庫 一,罷藏

洪 涿 州 范陽、房山饑、賑鈔四千錠。 、德安三 月 庚 戌、罷 處 屯 種。 兩淮 甲寅、給還帖木兒不花宣讓王印、鎭淮西。 屯 田 手 號 打捕軍役,令屬 丙子,以行省平章政事燕帖木兒就佩虎符,提調屯田。 本所領之。 癸丑, 己未,汴梁 命屯儲禦軍於河南芍陂、 地震。 大都路

月,般陽路長山等縣饑,賑鈔萬錠。彰德路安陽等縣饑,賑鈔萬五千錠。

官。庚子,復封太師馬札兒台爲忠王。罷漷州河西務。 昌庫,隸資正院。復立衞候司。丁酉,以兩浙水災,免歲辦餘鹽三萬引。 幸護聖寺。命中書右丞鐵木兒塔識爲平章政事,阿魯爲右丞,許有壬爲左丞。 北起,晝晦如夜。甲申,享于太廟。丁亥,臨賀縣民被徭寇鈔掠,發義倉糧賑之。庚寅,帝 夏四月丁丑〔朔〕,道州土賊蔣丙等反,破江華縣,掠明遠縣。〔〇戊寅,彰德有赤風自西 彰德饑,賑鈔萬五千錠。是月,車 己亥,立吏部司績 癸巳,立富

刺忽等處被災之民三千九百一十三戶,給鈔二萬一千七百五錠。 五月戊申,以崇文監屬翰林國史院。己未,罷河西務行用庫。 壬戌,月食。 是月、賑阿 駕時巡上都。

王官屬八百七人金、銀、鈔、幣各有差。壬寅、詔刻宣文、至正二寶。 閏五月丁丑〔朔〕,改封徽州土神汪華爲昭忠廣仁武烈靈顯王。 甲午,賞賜扈從明宗諸

午,太陰犯井宿。是月,揚州路崇明、通、泰等州,海潮湧溢,溺死一千六百餘人,賑鈔萬一 六月戊午,禁高麗及諸處民以親子爲宦者,因避賦役。戊辰,改舊奎章閣爲宣文閣。庚

千八百二十錠。

秋七月己卯,享于太廟。 乙酉,太陰犯塡星。庚寅,太陰犯雲雨。

八月戊申、祭社稷。是月、車駕至自上都。

壬辰,太陰犯鉞星,又犯井宿。 九月庚辰,太陰犯建星。 壬午,賜文臣燕於拱辰堂。 壬寅,許有壬進講明仁殿,帝悅, 己丑,冀寧路嘉禾 賜酒宣文閣 中, 生,異畝 仍賜 同穎 貂

金織紋幣。

從之。 臣奏:「海運不給,宜令江浙行省於中政院財賦府撥賜諸 冬十月丁未,享于太廟。 乙卯,歲星犯氐宿。 丁巳,太陰犯月星。 己酉、封阿沙不花順寧王、昔寶赤寒食順國公。 戊午,月食旣 人寺觀田 糧,總運二百六十萬石。」 甲寅,中書省

庚子,太陰犯天江。 禮部、兵部、刑部爲二庫,戶部、工部爲二庫,各設管勾一員。 + 一月丙子,道州路賊何仁甫等反。 徭賊寇邊,詔湖廣行省平章政事鞏卜班總兵討平之,定賞有差。 戊寅,彰德屬縣各添設縣尉一員。 己亥,太陰犯東(井)[咸]。云 庚辰,分吏部、

雲南 景等處產金地土。 名, 觅其家雜役。」丁巳, 太白犯壘壁陣。 百八十二萬二千四百八十八錠可支二年,住造明年鈔本。 車里寒賽、刀等反,[10]詔雲南行省平章政事脫脫木兒討平之。癸亥,以 十二月乙卯, 詔:「民年八十以上, 蒙古人賜繒帛二表裏, |山東、 燕南强盜縱橫 己未,立四 至三百餘處,選官捕之。 Ш 安岳縣。 其餘州縣, 韶革王伯顏察兒等所獻檀、 增設嘉興等處鹽倉。 復立拱儀局。 旌以高年耆德之 在 庫 至元 壬戌,

翰林學士承旨張起巖知經筵事。是月,復立司禋監。加封眞定路滹沱河神爲昭佑靈源侯。

錠。降咸平府爲縣。升懿州爲路,以大寧路所轄興中、義州屬懿州。 月,大同饑,人相食,運京師糧賑之。順寧保安饑,賑鈔一萬錠。廣平磁、威州饑,賑鈔五萬 十萬。戊子,太陰犯明堂。癸巳,遣翰林學士三保等代祀五嶽四瀆。甲午,熒惑犯月星。是 二年春正月丁丑,享于太廟。丙戌,開京師金口河,深五十尺,廣一百五十尺,役夫一

鈔五萬錠賑之。 源州饑,以鈔六萬二千錠、糧二萬石兼賑之。大名路饑,以鈔萬二千錠賑之。河間路饑,以 事,伏誅。己巳,織造明宗御容。是月,彰德路安陽、臨漳等縣饑,賑鈔二萬錠。大同路渾 二月壬寅〔朔〕,頒農桑輯要。戊申,祭社稷。乙卯,李沙的偽造御寶聖旨,稱樞密院都

鈔 賑 萬 解米三萬石。戊子,太陰犯房宿。是月,順德路平鄉縣饑,賑鈔萬五千錠。衛輝路饑,賑 五千錠。杭州路火災,給鈔萬錠賑之。 三月戊寅、親試進士七十八人,賜拜住、陳祖仁及第,其餘出身有差。辛巳,冀寧路饑,

廟。 夏四 己酉、罷雲南蒙慶宣慰司。庚申、太陰犯羅堰。是月、車駕時巡上都。 .月辛丑〔朔〕,冀寧路平晉縣地震,聲鳴如雷,裂地尺餘,民居皆傾。 乙巳,享于太

本紀第四十 順帝三

五. 月甲申, 太白 [經天。 丁亥,以江浙行省平章政事只而瓦台爲河南行省平章政事 東

·雨雹 如馬

六月戊申,命江浙撥賜僧道田還官徵糧,以備軍儲。 壬子, 濟南山崩, 水湧。 乙丑,罷

邦牙宣慰司。是月,汾水大溢。

畫見。己亥,慶遠路莫八聚衆反,攻陷南丹、左右兩江等處,命脫脫赤顏討平之。 於上都,比大都兵馬司。 秋七月庚午〔朔〕,惠州路羅浮山崩。 是月,拂郞國貢異馬,長一丈一尺三寸,高六尺四寸,身純黑,後二 辛未,享于太廟。乙未,太陰掩太白。 丁酉,太白 立司 獄 司

八月庚子朔,日有食之。曰以癸卯,罷上都事產提舉司。 丙午,太白晝見。戊申,祭社

是月,冀寧路饑,賑糶米萬五千石。

蹄皆白。

戊子,太陰犯井宿。 復平嵠峒堡寨二百餘處。 九月己已〔朔〕,詔遣湖廣行省平章政事鞏卜班領河南、江浙、 是月,歸德府睢陽縣因黃河爲患,民饑,賑糶米萬三千五百石 辛未,車駕至自上都。 ' 丁丑,太陰犯羅堰。 湖廣諸軍討道州賊,平 京城强賊 四

冬十月己亥朔,日有食之。 癸卯,太陰犯建星。 陝西行省平章政事朶杂辭職 侍親,不

允。 丁未、享于太廟。甲寅、太陰犯天關。壬戌、詔遣官致祭孔子于曲阜。 罷織染提舉司。

甲子,杭州、嘉興、紹興、溫州、台州等路各立檢校批驗鹽引所。 權免兩浙額鹽十萬引,福建

餘鹽三萬引。

十一月甲申,詔冤雲南明年差稅。 辛卯、歲星、熒惑、太白聚於尾宿。

經筵事。己酉,京師地震。辛亥,封晃火帖木兒之子徹里帖木兒爲撫寧王。丙辰,賜雲南行省 十二月壬寅,申服色之禁。丙午,命中書右丞太平、樞密副使姚庸、御史中丞張起巖知

參知政事不老三珠虎符,以兵討死可伐。癸亥,阿魯、禿滿等以謀害宰臣,圖爲叛逆,伏誅。

校勘記

龍虎金符 按陶宗儀輟耕錄卷二「權臣擅政」條作「龍鳳牌」。新元史改「虎」爲「鳳」,疑是。

辛巳彗星〔不〕見自二月己酉至三月庚辰凡〔見〕三十二日 星之見,自二月己酉至三月庚辰凡三十二日,紀、志所載相同,日數不誤。辛巳爲庚辰之次日, 據本書卷四九天文志補。按此次彗

志書「不見」是。

〔三〕大天(元延壽)〔源延聖〕寺 見卷三○校勘記〔四〕。

[四] (變變)[變變] 見卷三四校勘記[]]。

本

紀第四十

校

勘記

二五 **怯烈干十三站** 按本書卷五八地理志及經世大典站赤,元於嶺北行省立帖里干、木憐、納憐等

三道驛站共一百一十九處。「帖里干」之名本書屢見,有「鐵里干」、「鐵烈干」、「帖烈堅」、「帖列

干」等異譯。此處「怯烈干」疑爲一帖烈干」之誤。

【大】太(自)[陰]犯虛梁 本書卷四九天文志作「太陰犯虚梁北第一星」,據改。 按是日虛梁黃經三〇

三度至三四〇度、金星黃經二四四度、不合、月黃經三三一度半一合。

[7] 辰星犯天(型)[江] 本書卷四九天文志作「辰星犯天江北第一星」,據改。 按是日天江四黃經二

五三度,水星黄經二五四度,合。「罡」誤。

[八] 掠明遠縣 「明遠」疑係一寧遠」或「永明、寧遠」之誤。 元無「明遠」縣。按本書卷六三地理志,道州路屬縣有營道、寧遠、江華、永明,此處

[元] 太陰犯東(井)[咸] 本書卷四九天文志作「太陰犯東咸南第一星」,據改。 度半,并宿黃經八五度至九〇度,不合,東咸南第一星黃經二三八度,合。 按是日月黃經二三五

(10) 雲南車里寒賽刀等反一按本書卷二九泰定帝紀泰定元年十月己巳條有「(塞)〔寒〕賽子尼面雁、

構木子刁零出降」。此處「寒賽」下之「刀」字另指一人,其下當有脫文。

八月庚子朔日有食之 辛丑朔,當公曆一三四二年五月五日,十九時四十分合朔,日有偏食。此處繫八月,誤。 按是日當公曆一三四二年九月一日,合朔不入食限,無日食。 是年四月

元史卷四十一

本紀第四十

順帝四

三年春正月丙子,中書左丞許有壬辭職。 丁丑,享于太廟。 乙酉,中書平章政事納麟

辭職。庚寅、沙汰怯薛丹名數。

饑 檢校官。 判官文殊奴以所受敕牒貸官糧萬石賑之。 二月戊戌,祭社稷。甲辰,太陰犯并宿。 遼陽吾者野人叛。乙卯,太陰犯氐宿。 塡星犯牛宿。 秦州成紀縣,鞏昌府寧遠、伏羗縣山崩, 是月,汴梁路新鄭、密二縣地震。 熒惑犯羅堰。 丁未,立四川省 寶慶路 水

涌,溺死人無算。

本

紀第四十

順帝

四

會試不中者,與終場舉人同。」戊寅、詔:「作新風憲。 三月壬申,造鹿頂殿。 監察御史成遵等言:「可用終場下第舉人充學正、山長,國學生 在內之官有不法者,監察御史劾之,在

外 氐宿。 識、中書右丞 之官有不法者,行臺監察御史劾之。 是月, 太平、 韶修遼、金、宋三史,以中 御史中丞張起巖、翰林學士歐陽玄、侍御史呂思誠、翰林侍講 歲以八月終出巡,次年四月中還司。」壬午, ·書右丞相脫脫爲都總裁官,中書平章 政 事 學 鐵 木兒 太陰 士 揭 塔 傒 犯

夏 四 月丙 申 朔,日有食之。 乙巳, 享于太廟。 是月,兩都桑果葉皆生黃色龍文。 車駕

時巡上都。

斯

爲

總裁官。

五月,河決白茅口。

六月壬子, 命經筵官月進講者三。 是月, 回 回刺里五百餘人渡河寇掠解、吉、隰等州。

中書戶部以國用不足,請撙節浮費。

右 執 法。 秋 七 月丁卯,享于太廟。 是月,興國 路大旱。 戊辰,修大都城。 河南自四月至是月,霖 戊寅、立永昌等處宣慰司。日庚辰、太白犯 丽 不止。 戶部復言撙節 錢糧

四 Ш 八 月 上蓬 甲午朔,晉寧路臨 瑣吃賊。 戊戌、祭社稷。 汾 縣獻嘉禾,一莖有八穗者。 Щ 東 有賊焚掠兖州。 命朶思麻 是月,車 駕還自上都 同 知宣 慰 司 事 鎖 兒哈等

黨 蔣丙 九 月 甲子,湖廣行省平章政 自號順天王,攻破連、桂二州。 事 鞏 **卜班擒道州、賀州猺** 甲申,修理太廟,遣官告祭,奉遷神主於後殿。 賊首唐大二、蔣仁五至京,誅之。

其爲帝時,陛下爲之臣。春秋時,魯閔公弟也,僖公兄也,閔公先爲君,宗廟之祭,未聞僖公 郊,告祭太廟。至寧宗室,問曰:「朕,寧宗兄也,當拜否。」太常博士劉聞對曰:「寧宗雖弟, 大赦天下,文官普減一資,武官陞散官一等,獨民間田租五分,賜高年帛。 樞密院事韓元善爲中書參知政事,中書參議買朮丁同知宣徽院事。己未,以郊祀禮成,詔 不拜。陛下當拜。」帝乃拜。丁未,月食。己酉,帝親祀上帝于南郊,以太祖配。癸丑,命僉 政事鞏卜班爲宣徽院使,行樞密院知院刺刺爲翰林學士承旨。 冬十月乙未,增立巡防捕盗所於永昌。丁酉,告祭太廟,奉安神主。戊戌,帝將祀南 以湖廣行省平章

十一月辛未,享于太廟。

高密地震。 十二月丙申,詔寫金字藏經。丁未,以別兒怯不花爲中書左丞相。 河南等處民饑,賑糶麥十萬石。 是月,膠州及屬邑

是歲、詔立常平倉、罷民間食鹽。徵遺逸脫因、伯顏、張瑾、杜本。本辭不至。

减 一資,三事備者平遷,六事俱不備者降一等。」庚寅,河決曹州,雇夫萬五千八百修築之。 四 年春正月辛未,享于太廟。辛巳,詔:「定守令黜陟之法,六事備者陞一等,四事備者

本紀第四十一 順

帝四

是月,河又決汴梁。

月 戊 戌, 祭 社稷。 辛丑,四川行省立惠民藥局。 是月,中書右丞太平陞平章政事。

閏月辛酉朔、永平、澧州等路饑,賑之。乙亥,月食。

丑,以河南行省平章政事 三月丁酉, 復立武 功縣。 · 納麟為 壬寅, 中書平章政事 特授八禿麻朶兒只征東行省左丞相,嗣高麗國王。 ,集賢大學士姚庸爲中書左丞。 癸

夏四月丁亥,復立廣樣局。是月,車駕時巡上都。

脱爲鄭王,食邑安豐,賜金印及海 五月乙未,右丞相脫脫辭職, 青、文豹等物,俱辭不受。 不許。甲辰, 許之, 以阿魯圖爲中書右丞相。 是月,大霖雨, 黄河溢,平地 乙巳,封脫 水

二丈,決白茅堤、金堤,曹、濮、濟、兖皆被災。

六月戊辰,鞏昌隴西縣饑, 每戶貸常平倉粟三斗,俟年豐還官。 己已,賜脫脫松江田,

為立松江等處稻田提領所。

于太廟。 秋 七月戊子朔 是月,欒河 溫州 水溢 颶 風 大作,海水溢,地震。 益都瀕海鹽徒郭火你赤作亂。 己丑,享

赤上太行,由陵川入壺關,至廣平,殺兵馬指揮,復還益都。 錠、鈔萬錠、幣帛二百匹,辭不受。 八月戊午,祭社稷。 1 卯, Щ .東霖雨,民饑相食,賑之。 是月,陝西行省立惠民藥局。 車駕還自上都。 丙戌, 賜脫脫金十錠、銀五 莒州蒙陰縣 地震。 郭 火

爲江浙行省參知政事,提調海運。癸丑,命御史大夫也先帖木兒、平章政事鐵木兒塔識知 九月丁亥朔,日有食之。丙午,命太平提調都水監。 辛亥,以南臺治書侍御史秦從德

經筵事,右丞達識帖睦邇提調宣文閣、知經筵事。

冬十月乙酉,議修黃河、淮河堤堰。

內外官民宴會不得用珠花。己亥,保定路饑,以鈔八萬錠、糧萬石賑之。戊申,河南民饑, 十一月丁亥朔,以各郡縣民饑,不許抑配食鹽。復令民入粟補官,以備賑濟。戊子,禁

势泥

設置推官一員。」從之。壬戌,太陰犯外屏。癸亥,漢陽地震。戊寅,猺賊寇靖州。是月,東 平地震。禁淫祠。賑東昌、濟南、般陽、慶元、撫州饑民。 十二月己未,四川廉訪司建言:「廣元等五路,廣安等三府,永寧等兩宣撫司,請依內郡

是歲、徭賊寇潯州、同知府事保童率民兵擊走之。

五年春正月辛卯,享于太廟。是月,薊州地震。

二月戊午,祭社稷。

紀第四

+

順帝四

三月辛卯,帝親試進士七十有八人,賜普顏不花、張士堅進士及第,其餘賜出身有差。

之,以 是月,以陳思謙參議中書省事。 收 人心,仍分布重兵鎭撫中夏。」不聽。 先是思謙建言::「所在盜起,蓋由歲饑民貧,宜大發倉廩賑 大都、永平、鞏昌、興國、安陸等處幷桃溫 萬 戶

府各翼人民饑,賑之。

賑 之。 夏 募富戶出米五十石以上者,旌以義 四 月丁卯,大都流民,官給路糧,遣其還鄉。 士之號。 車駕時巡上都。 是月,汴梁、濟南、邠州、瑞州等處民饑,

T 未,河間轉運 五. 月己丑,詔 一司竈戶被水災,詔權免餘鹽二萬引, 以軍士所掠雲南子女一千一百人放還鄉里,仍給其行糧,不願歸者聽。 候年豐補還官。

六月,廬州張順興出米五百餘石賑饑,旌其門。

秋 七月丁亥,河決濟陰。 己丑,享于太廟。 丙午,命也先帖木兒、鐵木兒塔識並爲御史

大夫。詔作新風紀。

八月戊午,祭社稷。是月,車駕還自上都

林 學士承旨, 九 月(至午)[辛巳朔],日有食之。曰 中書參知政事搠思監爲右丞,資政院使朶兒直班爲中書參知政事。 戊戌,開酒禁。 辛丑,以中書右丞達識帖陸邇爲翰 是月,革

罷奧魯。

冬十月壬子,以中書平章政事太平爲御史大夫。 乙卯,享于太廟。 辛酉,命奉使宣撫

祛,民瘼滋甚。 知。 者,四品以上停職申請,五品以下就便處決。民間一切興利除害之事,悉聽舉行。 奉使宣撫,布朕德意,詢民疾苦,疏滌寃滯,蠲除煩苛。體察官吏賢否,明加黜陟,有罪 故雖夙夜憂勤,覬安黎庶,而和氣未臻,災眚時作,聲敎未洽,風俗未淳,吏弊未 朕自踐祚以來,至今十有餘年,託身億兆之上,端居九重之中,耳目所及,豈能周 豈承宣之寄,糾劾之司,奉行有所未至歟。若稽先朝成憲,遣官分道

命江 賈惟貞巡海北海南廣東道。黃河泛溢。 省,前西臺中丞定定、集賢侍講學士蘇天爵巡京畿道,平江路達魯花赤左答納失里、都水監 兒巡山北遼東道,荆湖北道宣慰使阿乞剌、兩淮運使杜德遠巡雲南省,上都留守阿牙赤、陝 道,兵部尚書不花、樞密院判官斬義巡河東陝西道,宣政院同知伯家奴、宣徽僉院王也速迭 使王士弘巡江西福建道,大都路達魯花赤拔實、江浙行省參知政事秦從德巡江南湖廣道, 西行省左丞王紳巡甘肅永昌道,大都留守答爾麻失里、河南行省參知政事王守誠巡四川 吏部尚書定僧、宣政僉院魏景道巡河南江北道,資政院使蠻子、兵部尚書李獻巡燕南 ·史旣成書,前人善者,朕當取以爲法,惡者取以爲戒,然豈止激勸爲君者,爲臣者亦當知 |西行省左丞忽都不丁、吏部尚書何執禮巡兩浙江東道,前雲南行省右丞散散、將作院 辛未、遼、金、宋三史成、右丞相阿魯圖進之、帝曰: 山東

本紀

第

四十

順帝四

之。 卿等其體股心,以前代善惡爲勉。」己卯, 監察御史不答失里請罷造作不急之務。 是

月,以呂思誠爲中書參知政事。

十一月甲午,至正條格成。 奉元路陳望叔爲稱燕帖古思太子,伏誅。

十二月丁巳,詔定薦舉守令法。

是歲,宣徽院使篤憐鐵穆邇知樞密院事,馮思溫爲御史中丞。

六年春二月庚戌朔,日有食之。辛未,興國雨雹,大者如馬首。 是月, 山東地震, 七日

乃止。

運道阻塞,乞選能臣率壯勇千騎捕之。」不聽。戊申,京畿盜起,范陽縣請增設縣尉及巡警 兵,從之。 月辛未, [三] 盜扼率(開)[海]務之閘河, [四] 級商旅船。 山東盜起,詔中書參知政事鎖南班至東平鎮遏。八番龍宜來進馬。 兩淮運使宋文瓚言:「世皇開 恐

宮傅官。頒至正條格於天下。 卯,車駕時巡上都。發米二十萬石賑糶貧民。 夏四月壬子,遼陽爲捕海東靑煩擾,吾者野人及水達達皆叛。 甲寅,以中書參知政事呂思誠爲左丞。 萬戶買住等討吾者野人遇害,詔恤共家。 癸丑,以長吉爲皇太子 乙卯,享于 太廟。

中 ·書左 丞呂思誠知經筵事。 命左右二司、六部東屬於午後講習經史。

五. 月 、壬午, 陝西饑,禁酒。 象州 、盜起。 江西田賦提舉司 擾民,罷之。 丁亥,盜竊太廟神

遣火兒忽答討吾者野人。 丁酉,以黃河決,立河南 山東 都水監

和尚等討之。 六月己酉,汀州連城縣民羅天麟、陳積萬叛,陷長汀縣,福建元帥府經歷眞寶、萬戶廉 丁巳,詔以雲南賊死可伐盜據一方,侵奪路甸, 命亦禿渾爲雲南行省平章政

事討之。

惟定定與湖廣道拔實糾舉無避。 甲辰,京畿奉使宣撫定定奏言御史撒八兒等罪,杖黜之。 申,以朶兒直班爲中書右丞,答兒麻爲參知政事。 宣撫使,置官屬,給宣敕、虎符,設立驛鋪。 丞相鎭之。 秋 七月己卯,享于太廟。 丁亥,降詔招 諭死可伐。 丙戌,以遼陽吾者野人等未靖,命太保伯撒里爲遼陽行省左 散毛洞蠻覃全在叛,招降之,以爲散毛誓厓等處軍民 癸巳,詔選怯薛官爲路、府、縣達魯花赤。至丙 壬寅,以御史大夫亦憐眞班等知經筵事。 時諸道奉使,皆與臺憲互 相掩蔽,

申,祭社 八 月丙 稷。 午[朔], 是月,車駕還自 命 江浙 上都 行省右丞忽都不花、江西行省右丞秃魯統軍合討羅天麟。

九月乙 酉,克復長汀。 戊子,邵武地震,有聲如鼓,至夜復鳴。

本

冬十月,思、靖猺寇犯武岡,詔湖廣省臣及湖南宣慰元帥完者帖木兒討之,俘斬數百

級,猺賊敗走。

未,汀州賊徒羅德用殺首賊羅天麟、陳積萬,以首級送官,餘黨悉平。 閏月乙亥[朔]、詔赦天下,觅差稅三分,水旱之地全免。 靖州猺賊吳天保陷黔陽。 癸

速衛指揮不兒國等討之。 韓部襲其父爵。辛丑,以吉剌班爲太尉,開府,置僚屬。壬寅,山東、河南盜起,遣左、右阿 甲午、設立(海)海刺禿屯田二處。〔云詔:「犯贓罪之人,常選不用。」復立八百宣慰司,以土官 宣慰使司都元帥府,開設屯田,駐軍馬。甲申,詔復立大護國仁王寺昭應宮財用規運總管 府,凡貸民間錢二十六萬餘錠。辛卯,有司以賞賚汎濫,奏請恩賜必先經省、臺、院定擬。 十二月丁丑,省臣改擬明宗母壽童皇后徽號曰莊獻嗣聖皇后。己卯,改立山東東西道

是歲,黃河決。尚書李絅請躬祀郊廟,近正人,遠邪佞,以崇陽抑陰,不聽。

南老丫等蠻來降,立老丫耿凍路軍民總管府。丙寅,以廣西宣慰使章伯顏討徭、獠有功,陞 中書左丞相別兒怯不花爲右丞相、尋辭職。丁巳,復立東路都蒙古軍都元帥府。 七 年春正月甲辰朔,日有食之。大寒而風,朝官仆者數人。己酉,享于太廟。 庚申,雲 壬子,命

湖廣行省左丞。詔以怯薛丹支給浩繁,除累朝定額外,悉罷之。

爲中書參知政事。丙戌,以宦者伯帖木兒爲司徒。是月,徭賊吳天保寇沅州。 河南、山東盜蔓延濟寧、滕、邳、徐州等處。 庚辰,以中書參知政事鎖南班爲中書右丞,道童 二月甲戌朔,興聖宮作佛事,賜鈔二千錠。己卯,山東地震,壞城郭,棣州有聲如雷。 。以阿吉剌爲

知樞密院事,整治軍務。

申、監察御史王士點劾集賢大學士吳直方躐進官階,奪其宣命。乙丑,雲南王孛羅來獻死 修光天殿。庚戌,試國子監,會食弟子員,選補路府及各衞學正。戊午,詔編六條政類。庚 可伐之捷。壬申,遣使修上都大乾元寺。 近年廢弛,恐萬世之後,一代成功無從稽考,乞復舊制。」從之。乙巳,遣使銓選雲南官員。 三月甲辰,中書省臣言:「世祖之朝,省、臺、院奏事,給事中專掌之,以授國史纂修。 命有司定弔賻諸王、公主、駙馬禮儀之數。

鐵木兒塔識爲左丞相。臨淸、廣平、灤河等處盜起,遣兵捕之。 通州盜起,監察御史言:「通 州密邇京城,而盜賊蜂起,宜增兵討之,以杜其源。」不聽。是月,河東大旱,民多饑死,遣使 以翰林學士承旨定住爲中書右丞。庚寅,復命別兒怯不花爲中書右丞相,以中書平章政事 以通政院使朶郎吉兒爲遼陽行省參知政事,討吾者野人。己丑,發米二十萬石賑糶貧民。

夏四月乙亥,命江浙省臣講究役法。己卯,享于太廟。辛巳,遣達本、賀方使于占城。

賑之。 車駕時巡上都。

兒怯不花,以調變失宜、災異迭見罷,詔以太保就第。 五 月庚戌,徭賊吳天保陷武岡路,詔遣湖廣行省右丞沙班統軍討之。 是月,臨淄地震,七日乃止 乙丑, 右丞相別

六月,詔発太師馬札兒台官,安置西寧州,其子脫脫請與父俱行。 以御史大夫太平為

中書平章政事。彰德路大饑、民相食。

徭賊吳天保復寇沅州,陷溆浦、辰(漢)[溪]縣,[t]所在焚掠無遺。 著作郎。張樞不至。 丙辰,太陰犯壘壁陣。 秋 七月甲寅,召隱士完者圖、執禮哈琅爲翰林待制, 丁巳,以江南行臺大夫納麟爲御史大夫。 張樞、董立爲翰林修撰, 徙馬札兒台於甘肅 李孝光爲 是月, 以別別

見怯不花之譖也。

驛戶。 甲子,集慶路盜起,鎭南王孛羅不花討平之。丁卯,徭寇吳天保復陷武岡, 人,以備侍衞。丁巳,中書左丞相鐵木兒塔識薨。辛酉,以御史大夫朶兒只爲中書左丞相 九月癸卯,八憐內哈剌那海、禿魯和伯賊起,斷嶺北驛道。 戊申、車駕還自上都。 癸丑,上都斡耳杂成,用鈔九千餘錠。 甲辰, 甲寅,詔舉材能學業之 遼陽霜早傷禾, 延及寶慶,殺湖 賑

廣行省右丞沙班于軍中。

冬十月辛未,享于太廟。 丁丑,詔:「左右丞相、平章、樞密知院、御史大夫,得賜玉押字

卯,開東華射圃。戊戌,西蕃盜起,凡二百餘所,陷哈刺火州, 印,餘官不與。」 庚辰, 詔建木華黎、伯顏祠堂於東平。 丙戌, 亦憐只答兒反, 遣兵討之。

月,徭賊吳天保復寇沅州,州兵擊走之。

章政事韓嘉訥爲陝西行臺御史大夫。 州,命威順王寬徹不花、鎭南王孛羅不花及湖廣、江西二省以兵討之。丁巳,命中書平章政 事太平爲左丞相、辭,不允。 章政事苟爾領兵討之。 請,令三年後滅之。庚戌,太陰犯天廩。懷慶路饑。徭賊吳天保復陷武岡,命湖廣行省平 田禾不收,湖廣、雲南盜賊蜂起,兵費不給,而各位怯薛冗食甚多,乞賜分揀。」帝牽於衆 有。」不聽。 功,豈不貽笑!宜亟選知勇,以任兵柄,以圖後功。不然,東南五省租賦之地,恐非國家之 康, 江海之門戶,而 鎭江、 眞州次之, 國初設萬戶府以鎭其地。 今成將非人, 致使賊艦往來 制,上疏劾之。甲辰,沿江盗起,剽掠無忌,有司莫能禁。兩淮運使宋文瓚上言:「江陰、通、 十一月辛丑,監察御史曲曲,以宦者隴普憑藉寵幸,驟陞榮祿大夫,追封三代,田宅踰 集慶花山叝賊才三十六人,官軍萬數,不能進討,反爲所敗,後竟假手鹽徒,雖能成 撥山東地土十六萬二千餘頃屬大承天護聖寺。乙巳,中書戶部言:「各處水旱, 。以河決,命工部尙書迷兒馬哈謨行視金堤。甲寅,徭賊吳天保陷靖 戊午,命河南、山東都府發兵討湖廣洞蠻。己未,以中書省平 迤北荒旱缺食, 遣使賑濟驛戶。 丁卯, 海北、湖南徭

本紀

第四

+

順帝

四

賊竊發,[<] 兩月餘,有司不以聞,詔罪之,幷降散官一等。 是月,馬札兒台薨,召脫脫還

至夾馬營,遇賊掩捕,從之。是月,陝西行御史臺臣劾奏,別兒怯不花乃逆臣之親子,不可 議,以河南盜賊出入無常,宜分撥達達軍與揚州舊軍於河南水陸關隘戍守,東至徐、邳,北 午,晉寧、東昌、東平、恩州、高唐等處民饑,賑鈔十四萬錠、米六萬石。丙戌,中書省臣建 居太保之職,不從。 以連年水旱,民多失業,選臺閣名臣二十六人出爲郡守縣令,仍許民間利害實封呈省。壬 十二月庚午,以中書左丞相, 足只爲右丞相, 平章政事太平爲左丞相, 韶天下。 丙子,

是歲,置中書議事平章四人。隆福宮三皇后弘吉剌氏木納失里薨。

使壽山監湖廣軍。 甲子,木憐等處大雪,羊馬凍死,賑之。是月,詔給銅虎符,以宮尉完者不花、貴赤衞副指揮 學士承旨張起巖、學士楊宗瑞、侍講學士黃溍爲總裁官,左丞相太平、左丞呂思誠領其事。 寧路於濟州。 八年春正月戊戌朔,命也先帖木兒知樞密院事。丁未,享于太廟。辛亥,黃河決,遷濟 詔:「各官府諳練事務之人,毋得遷調。」詔翰林國史院纂修后妃、功臣列傳, 命湖廣行省右丞禿赤、湖南宣慰都元帥完者帖木兒討莫磐洞諸蠻,斬首

數百級,其餘二十餘洞,縛其洞首楊鹿五赴京師。

撫賈 子, 水監,以賈魯爲都水 站撥屬虎賁司,後爲豪有力者所奪,遂失其利。 命星吉爲江南行臺御史大夫。 命太子愛猷識理達臘習讀畏吾兒文字。 催貞 月癸酉,御史大夫納麟加太尉致仕。 、稱職,特授永平路總管。 壬辰,太平言:「孛答、乃禿、忙兀三處屯田,世祖朝以行營舊 會歲饑,惟貞請降鈔四萬餘錠賑之。 庚辰,太陰犯軒轅。 乙亥,以北邊沙土苦寒,罷(海)海刺禿屯田。丙 今宜仍前撥還。」從之。 癸未,太陰犯平道。 韶濟寧鄆城立行都 是月,以前 甲申, 奉使宣

寇沅 魯輝 成。 太陰 盗起 達路 州 犯建星。 帖),地遠,難於討捕,詔汀、漳二州立分元帥府轄之。 脫脫禾孫唐兀火魯火孫討擒之。 , 遼陽 兀顔 京畿民饑。 三月丁酉〔朔〕,詔以束帛旌郡縣守令之廉勤者。 木兒、 王宗哲進士及第,餘出身有差。 己未,遣使詣江浙、江西、湖廣、四川、雲南銓福建、番、廣蠻夷等處官員選。 撥魯歡妄稱大金子孫,受玉帝符文,作亂,官軍討斬之。 徽州路達魯花赤哈剌不花以政績聞、詔賜金帛旌之。 壬寅、土番盜起,有司請不拘資級,委官討之。 己酉,湖廣行省遣使獻石壁洞蠻捷。 遼東鎖火奴反,詐稱大金子孫,水達 癸卯,帝親試進士七十有八人,賜阿 是月、徭賊吳天保復 壬戌,六條政類書 丙辰, 福建

本

傅。 等處盜起,[4] 遣翰林學士禿堅不花討之。是月,享于太廟。車駕時巡上都。 幸 海運糧十萬石賑之。丁丑,遼陽董哈剌作亂,鎭撫欽察討擒之。 其玉典赤、拱衞百戶,不得授縣達魯花赤,止授佐貳,久著廉能則用之。」平江、松江水災,給 社 長,專一 ·國子學,賜衍聖公銀印,升秩從二品。定弟子員出身及奔喪、省親等法。 湖廣章伯顏引兵捕土寇莫萬五、蠻雷等。已而廣西峒賊乘隙入寇,伯顏退走。 夏四月辛未,河間等路以連年河決,水旱相仍,戶口消耗,乞減鹽額,詔從之。 乙亥,帝 勸課農桑。」詔:「京官三品以上,歲舉守令一人,守令到任三月,亦舉一人自代。 己卯,海寧州(沐)[沭]陽縣 韶:「守令選立 命脫脫爲太

人畜漂沒。 五月丁酉朔,大霖雨,京城崩。 壬子,寶慶大水。丁巳,四川旱,饑,禁酒。 庚子,廣西山崩,水湧,灘江溢,平地水深二丈餘,屋宇、

月,山東大水,民饑,賑之。 六月丙寅朔、陞徐州爲總管府,以邳、宿、滕、嶧四州隸之。 丙戌,立司天臺於上都。

卯,遣使祭曲阜孔子廟。 鞏氏門。 秋七月丙申朔,日有食之。 辛丑,復立五道 戊申,西北 邊軍民饑,遣使賑之。 江州路總管劉恒有政績,陞授山東宣慰使。丙辰,以阿剌不花爲 壬子,量移竄徙官於近地安置,死者聽 河屯田。 乙巳,享于太廟。 旌表大都節婦 歸葬。乙

大司徒。

八月丙子,太陰犯壘壁陣。 己卯,山東雨雹。 是月,車駕還自上都。

九月己未,太陰犯靈臺。

冬十月丁亥,廣西蠻掠道州。

十一月辛亥、徭贼吳天保率衆六萬掠全州。

罪,又言…「明里董阿、也里牙、月魯不花,皆陛下不共戴天之讎,伯顏賊殺宗室嘉王、郯王 亂; 降爲妃,庶幾三辰奠位,災異可息。」不聽。 噬臍之禍。」不聽。 之言,乃以高麗奇氏亦位皇后。 十二口,稽之古法,當伏門誅,而其子、兄弟尚仕于朝,宜急誅竄。 宜遠貶。 聚衆海上,命江浙行省參知政事朶兒只班討之。 是歲、詔賜高年帛。 今災異迭見, 盜賊蜂起, 海寇敢於要君, 閩帥敢於玩寇, 若不振舉, 恐有唐末藩鎮 監察御史李泌言:「世祖誓不與高麗共事,陛下踐世祖之位,何忍忘世祖 設分元帥府於沂州,以買列的爲元帥,備山東寇。 今災異屢起,河決地震,盜賊滋蔓,皆陰盛陽微之象,乞仍 監察御史張楨劾太尉阿乞刺欺罔之 別兒怯不花阿附權姦,亦 台州方國珍為

校勘記

立永昌等處宣 一慰司 按本書卷九二百官志,至正三年七月置永昌等處宣慰使司都元帥府。 元

制 , 宣慰司掌軍民之務, 有邊陲軍旅之事, 則兼都元帥府。 時永昌等地, 「達達人口、頭匹時被西

番 **郑奪殺傷」,故** 有司府設置。 此處但載宣慰司 而無「都元帥府」、疑脫。

九月(壬午) [辛巳朔]日有食之 按是年九月辛巳朔, 當公曆一三四五年九月二十六日,十九時

五十九分合朔、日偏食。此作「壬午」誤,今改。

[三] 辛未 按是月庚辰朔,無辛未日。此「辛未」誤。

[8] 盗扼李(開)[海]務之閘河 據本書卷六四河渠志改。

 $\overline{}$ 五 **韶選怯薛官爲路府縣達魯花赤** 按元制、地方分置路、府、州、縣,均設達魯花赤總轄政務。蒙

史于「府」下補「州」、疑是。

ベン (海)海刺秃 據本書卷二九泰定帝紀泰定元年六月庚午、二年閏正月丁卯條删。 蒙語「海刺

秃」,義爲「有楡」。 新元史已校。下同。

 $\overline{}$ - 辰(漢)[溪]縣 據本書卷六三地理志改。 道光本已校。

海 北 湖 南徭賊竊發 按本年內史不載海北 海南道有徭兵反元事, 此處所指當係上文所見之吳

天保。「海北」疑爲「湖北」之誤。

允〕(冰)[沭]陽縣 據本書卷五九地理志改。蒙史已校。

元史卷四十二

本紀第四十二

順帝五

九年春正月丁酉,享于太廟。癸卯,立山東河南等處行都水監,專治河患。 庚戌,太 乙巳,廣

西徭賊復陷道州,萬戶鄭均擊走之。丙午,命中書平章政事太不花提調會同館。

白犯建星。辛亥、太白犯平道。

二月戊辰,祭社稷。辛巳,太不花辭職,不允。甲申,太陰犯建星。

可農達識帖睦邇爲湖廣行省平章政事。是月,河北潰。 三月丁酉,壩河淺澀,以軍士、民夫各一萬濬之。 己亥,太白犯壘壁陣。 陳州麒麟生,不乳而死。 己巳,命大 [徭] 賊吳

天保復寇沅州。日

本紀

第四

+ =

順帝五

夏四月丁卯,享于太廟。丁丑,以知樞密院事欽察台爲中書平章政事。 己卯,以燕南

廉訪 使韓元 善爲 中書 ·左丞。 立鎭撫 司於直沽海津鎮。 壬午,以河間鹽運司水災,住煎

萬引。是月,車駕時巡上都。

城, 辛 法,路督攝府,府督攝州,州督攝縣。 丑,罷瑞州路上高縣長官司。 五月戊戌,命太傅脫脫提調大斡耳杂內 庚戌, 是月,白茅河東注沛縣,遂成巨浸。 命翰林國史院等官薦舉守令。丙辰,定守令督攝之 史府。 庚子、詔修黃河金堤、民夫日給鈔三貫 蜀江大溢,浸漢陽

六月丙子,刻小玉印,以「至正珍祕」爲文,凡祕書監所掌書畫,皆識之。

韓嘉 犯天 使。 翰林學士承旨。 大夫。乙未,以湖廣行省左丞 關。 李好文等上書辭,不許 秋七月庚寅〔朔〕,監察御史斡勒海壽劾奏殿中侍御史哈麻及其弟雪雪罪惡,御 壬辰、詔命太子愛猷識理達臘習學漢人文書,以李好文爲論德、歸陽爲贊善、張冲爲 甲寅,以柏顏 是月,大霖雨,水沒高 爲集賢大學士。 相亦憐眞 賜公主不答昔你平江 唐州城;江、漢溢,漂沒民居、禾稼 班知知 乙卯,罷右丞相朶兒只,依前爲國王,左丞相太平爲 樞密院事。 出海壽爲陝西廉訪副使, 田五十頃。 丙午,太陰犯壘壁陣。 甲午,以也先帖 韓家訥 木兒為 癸丑 爲宣 史大夫 , 太陰 一政院 御 史 文

閨

.月辛酉,詔脫脫爲中書右丞相,仍太傅,韓家訥爲江浙行省平章政事。

庚午,以

扎 魯忽 赤 搠 思監爲 中書右丞,同 知樞密院事 玉 樞 虎兒吐華爲 中書參知政事。 辛巳、詔赦湖

|[廣 猺 贼 詿 誤 者。 戊子、 命 岐 主 河 刺 乞鎮 西番

使。 庚 八 戊, 月 甲 以司 È, 徒雅 以集賢 普化 大學 提 土 調 太史院 柏 顏 爲 中 知經筵事。 書平章 政 事,河南行省平章政事 是月,車駕還自上 都。 月魯不花 爲宣政院

調 留 守 九 司 月 甲子 丙子, ', 凡 中 建 書平 言 中 章 外 政 利 事定住 害者, 詔委官選其 以疾辭職, 不允。 可行之事 辛巳, 以 聞。 命 知 丙寅, 樞密院 命 平章 事 亦游眞 政事柏顏 班 提 提 調

武

備

寺。

丙

戌

, 熒惑犯

靈

臺。

是

月

遣御史中丞李獻代

祀

河

瀆

命

脫 脱 領端 冬十 月辛 本堂 事 卯,享于太 , 司 徒 雅 普化 廟 1 知端本堂 酉 一,命皇太子愛猷 事。 端 本堂虚· 識 理達 中座,以俟 臘 自是日爲始入端 至尊臨幸, 太子 本堂肄業。 與師傅分

朿 茜 向 坐 一授書, 其下 僚 屬 以 次 列 坐

十 一月戊 月戊 午朔, 戊、太白 日 復 有 食 犯 人之。 壘 壁 陣。 戊辰,太陰 丁未、徭 犯畢宿。 賊吳天保陷辰州 庚辰,太白 犯 壘 壁陣。

事 日 船 其 戶 是 (歲)詔 困 日 於 京 壩 汰冗 畿 夫 和 7、海糧 官 糴 二日 一, 均 壞於壩 俸祿,賜致仕官及高年 優 蓟 戶,六日疏濬 漕 司 舊領 漕戶,三日 運河,七日臨淸運糧萬戶 帛。 接 漕 運 運委官, 使賈魯 兀 1建言 日 通州 府當 便 益 總治 二十餘 隸 漕 豫定委官, 司 ,八日宜 事、從其 五. 以

宣忠船戶付本司 節制。冀寧平遙等縣曹七七反,命刑部郎中八十、兵馬指揮沙 不丁討 平之。

戌,立四川容美洞軍民總管府。 有聲自西北來,至州北二十里乃隕 十年春 正月丙辰朔, 以中 書右丞搠思監爲平章政事,玉樞虎兒吐華爲中 壬申,太陰犯熒惑。 甲戌、隕石棣州、色黑、中微有金星、先 書 右 丞。 壬

二月丙戌〔朔〕,詔加封天妃父種德積慶侯,母育聖顯慶夫人。 辛丑, 太陰犯平道。 甲

辰,太陰犯鍵閉。

爲中書右丞相,統正百官,允釐庶績,曾未期月,百廢 邦,夙夜厲精,靡遑暇逸。 之重、民物之繁、政令有未孚、生息有未遂、可赦天下。」丙午、太白犯鬼宿。 夏四月己丑,左司都事 三月己卯,熒惑犯太微 比緣倚注失當,治理乖方, 武祺 垣。 建言更鈔法。 是月,奉化州 山石裂,有禽鳥、草木、山川、人物之形。 丁酉,赦天下,其略曰:「朕纂承洪業,撫 具 是用 舉 一,中外協望,朕甚嘉焉。 圖 任一相, 俾贊萬機。 是月,車駕時巡 尙 爱 慮 命 脫 臨 軍 或 脫 萬

六月壬子,星大如月,入北斗,震聲若雷,三日復還。

秋七月辛酉, 太陰犯房宿。 癸亥,以大護國仁王寺昭應宮財用規運總管府 仍屬 宣 政

院。辛未,太白晝見。丁丑,太白復晝見。

八月壬寅,車駕還自上都。

部選格條目繁多,莫適據依,銓選者得以高下之,請編類爲成書,從之。 至是用之。壬戌,熒惑犯天江。 訪使文殊的建言、禮有未備、乃敕工部具祭器、江浙行省造雅樂、太常定儀式、翰林撰樂章、 九月癸丑朔,太白晝見。辛酉,祭三皇,如祭孔子禮。 庚午,命樞密院以軍士五百修築白河堤。 先是,歲配以醫官行事,江西康 壬午,脫脫以吏

賢、翰林兩院之臣集議之。丙申,太陰犯昴宿。 大名、東平、濟南、徐州、各立兵馬指揮司以捕上馬賊。 冬十月癸巳,歲星犯軒轅。乙未,吏部尚書偰哲篤建言更鈔法,命中書省、御史臺、集 辛丑,置諸路寶泉都提舉司於京城。 是月,

于耀州,化爲石,如斧形,削之有屑,擊之有聲。 文,準至元寶鈔貳貫,仍鑄至正通寶錢並用,以實鈔法,至元寶鈔通行如故。 罷遼陽濱海民煎熬野鹽。 戊辰,太陰犯鬼宿。 己巳,詔天下以中統交鈔壹貫文權銅錢壹千 十一月壬子朔,日有食之。丙辰,以高麗瀋王之孫脫脫不花等爲東宮怯薛官。 是月,三星隕 辛酉,

益事。 十二月壬午朔,修大都城。辛卯,以大司農禿魯等兼領都水監,集河防正官議黃河便 命前 同知樞密院事不顏不花等討廣西徭賊。 乙未,太陰犯鬼宿。己酉, 方國珍攻

本紀第

四十

順帝五

溫州。

是 歲, 京師麗正門樓上忽有人妄言災禍,鞫問之,自稱劍州 人,已而 不知所往。

兒 討 方 + 國 一年春正月乙卯,享于太廟。 珍。 1 卯,蘭陽 縣 有 紅 星大 丙辰, 如 、斗,自· 辰星犯牛宿。 東南 墜 西北、其 庚申, 聲 如 命江浙行省左丞孛羅帖木 雷 己卯, 命 搠 思 監 提

書省 臣 月庚 諫 止 之,不 寅、太陰犯鬼宿。 聽。 立 湖 南 乙未,太陰犯太微。 元 Ĥή 府分府于寶慶路。 1 酉,太陰犯亢宿。 是月, 命游皇城, 中

都

留

守

司

咸。 進士 錠。 戊辰, 及第,其餘賜 三月庚戌〔朔〕,立 太陰犯天 出 江。 身有 山 是月, 差。 東 分元 壬戌、 遣使 帥 府于 ,徵建寧處士彭炳爲端 賑湖南、北被寇人民,死者鈔五錠,傷者三錠,燬所 登州。 丙辰,親策進士八十三人,賜朶烈圖 本堂說 書,不至。 1 卯, 太陰 文 允中 居 犯 東

陽 十五 青村 萬 夏 四 、合于故道,凡二百八十里有奇 廬州 月壬午,詔 等戍 十八翼軍 開 黃河故道,命賈魯以工部尚書爲總治河防使,發汴梁、大名十三 二萬,自 黄 陵岡 ,仍命中書右丞 南達白茅, 玉樞虎 放于 黃固、哈只等 兒 吐華、同 知樞密院 口 , 叉 自 事 黄 黑厮 凌 路 西 以

本紀第四十二 順帝五

長官司 東道巡 馬指 王,仍 兵鎭之。 揮 重 防 使司,復分司于膠州。 四 建河瀆及西海 冀寧路屬縣多地震,半月乃止。 捕盜所,立鎭寧州。 、巡檢司 七。 神廟。 乙巳,彰德路雨雹,形如斧,傷人畜。 辛 改永順安撫司爲宣撫司。 車駕時巡上都。 止 ,師壁安撫司土官田驢什用、盤順府土官墨奴什用降,立 乙酉,享于太廟。 丁酉, 詔加封河瀆神爲靈源神祐弘濟 是月、罷沂州分元帥府、改立兵 孟州地震。 庚子, 罷海西遼

勒佛 兵為 復鼓 都至汴梁二十四驛,凡馬一匹助給鈔五錠。 丑: 人 一文水 韓 亂,事 妖言,謂山童實宋徽宗八世孫,當爲中國主。 Щ 下 五 童祖 月己 生,河南及江淮愚民皆翕然信之。 縣 雨雹。 覺,縣官捕之急,福通遂反。山童就擒,其妻楊氏,其子韓林兒,逃之武安。 (父)以白蓮會燒香惑衆,謫徙廣平永(平)[年]縣。[三至山童,倡言天下大亂,彌 酉朔,日有食之。 壬申,命同 知樞密院事禿赤以兵討劉福通,授以分樞密院印。丙子,命大 辛亥、潁州妖人劉福通爲亂,以紅巾爲號,陷潁州。 福通與杜遵道、羅文素、盛文郁、王顯忠、韓咬兒 福通等殺白馬、黑牛,誓告天地,欲同起 初,欒城

Щ 遂犯舞陽、葉縣等處。 六 (月)發軍一千,從直沽至通州,疏濬河道。 江 浙左丞孛羅帖木兒爲方國珍所敗。 是月,劉福通據朱皐,攻破羅山、眞陽、確

秋 七月丙 辰,廣西大水。 丁巳,罷四川大奴管勾洞長官司,改立忠孝軍民府。 己未,太

陰 功 成 犯 斗宿。 乃濺 塞 壬 決河 皮, 太(陰)[白]犯右執法。[四]己已,太白犯左執法。 命 大司農達識帖睦邇及江浙行省參知政 事 樊執敬、 熒惑入鬼宿。 浙 東廉 訪使董 是月,開 守慇 河

趙 君 用 八 攻陷 月丁 徐 丑: 州 朔, 中興地震。 李二 號芝麻李,與其黨亦 戊寅, 祭社稷。 以燒香聚衆 乙酉, 太陰犯天江。 而 反。 是月,車 丙戌, 駕還自上都。 蕭縣李二及老彭、 蘄 州

巾

爲

號

羅

田

縣

人徐貞

名壽輝,

與黃州

麻

城

人

鄒普勝等,

以妖術陰謀聚衆,

遂

學兵

爲

亂,以

紅

司

招

諭

方

國

珍。

月 麗 各 館 國 賜 事 劉 鈔 王 九 福 不 壬子 月 通 千 戊 答失里 陷汝寧府及息州 中, 錠 命御 從 以中書平章政事朶兒直班提調宣文閣、知經筵事,平章政事定住提調會同 之弟伯顏帖 征者賜予有差。 史 大夫也先帖 光州 木兒襲其王封, 木 衆至 乙卯,辰星犯 見知樞密院事,及 一十萬。 不答 徐壽 左執法。 失里之子 輝 陷蘄 衞 王寬徹哥總率 丁巳,太白犯房宿。 ,遂廢。 水 縣 及 黄 戊辰, 州路 大軍 太陰 出 犯 壬 征 一戌,詔 鬼 河 南 妖寇, 以高

以 司 兵同 于 河 冬十月戊寅,熒惑 也 南 先 行 省 帖 木 及 見討 濟南、冀 河南妖寇。 犯 寧等路 太 微垣。 凡 乙酉 九,江浙、 己 一卯,享于太廟。 太白犯斗宿。 江西、湖 辛巳,太陰 廣行省等處凡三。 己丑, 太白晝見。 犯 斗 宿。 命 熒惑犯 癸未,立寶 知樞 密院 嵗 〈泉提舉 星。 事 老章 辛

本紀第四十二 順帝五

虹縣 如黍 卯,太白犯斗宿。立中書分省于濟寧。癸巳,歲星犯右執法。癸卯,以宗王神保克復睢寧、 裁。 有功,賜金帶一,從征者賞銀有差。丙午,熒惑犯左執法。是月,天雨黑子于饒州,大 徐壽輝據蘄水爲都,國號天完,僭稱皇帝,改元治平,以鄒普勝爲太師。

塡星。 斬之。 賜脫脫答刺罕之號,俾世襲之,以淮安路爲其食邑。 腰一、銀十錠、鈔千錠、幣帛各二十匹。都水監幷有司官有功者三十七員,皆陞遷其職。 相脫脫治河功成,宜有異數以旌其勞。甲戌,江西妖人鄧南二作亂,攻瑞州,總管馬蘇福擒 + 孛星微見于畢宿。 黃河堤成,散軍民役夫。 庚午, 監察御史徹徹帖木兒等言, 右丞 是月,遣使以治河功成告祭河伯。召賈魯還朝,超授榮祿大夫、集賢大學士,賜金繫 月癸丑,有星孛于婁宿。甲寅,孛星見于胃宿。乙卯、丙辰,亦如之。丁巳,太陰犯 命立河平碑。

晝見。 壬寅、太白晝見。 以治書侍御史烏古孫良楨爲中書參知政事。辛卯,太白經天。壬辰,復如之。丁酉,太白 辰,太白經天,是夜,犯壘壁陣。甲申,太陰犯塡星。丙戌,太白復經天,是夜,復犯壘壁陣。 十二月丙子朔,太白晝見。 太陰 辰 星犯天江。 犯熒惑。 命脫脫於淮安立諸路打捕鷹房民匠錢糧總管府,秩從三品。庚子,太 辛丑,太白經天。 丁丑,太白經天。己卯,立河防提舉司,隸行都水監。庚 也先帖木兒復上蔡縣,擒韓咬兒等至京師,誅之。

是歲,括馬。

設 路 寅 使 王 壽 踏 水 視 賊 月 山 陷, 分賞 寛 踐 患、供 魯 倘 輝 縣 督 É 以 徹 遣 書 賊 不 l 勒守 當春首耕作之時,恐農民不 山 河 以 普化 偽 陷 花 侍 有 給 南 復 致 年春 將 襄陽 功 爲 之處。 郎 宣慰司 故 農 令,親詣 者 中書平 1 郎 事 道,大赦天下。 湖 普郎、徐 路 Ē ,廢弛。」從之。乙卯,淮 廣 貧民 中、員 辛 月丙午朔,詔 同 總管柴肅 行省平 章政 酉 鄉都,省諭 知月古輪失領兵出 一,徐 不能 外郎 明 事。 壽 遠陷漢陽。 章 自備牛、種 各 輝 死之。 政 己巳, 壬子 農民, 偽 印造 事 員, 將 中,中 和 能安於 歲星 曾 中統元寶交鈔一百 是 尙 五愛 依時播 東宣 法 1 書省臣言:「 者,所在 日 棄 戰, 已,陷 犯 興陷安陸府, 、城走。 田畝, 荆 馬添設 慰司 右 衆 阿州 種,務 執法。 有 潰,宣慰使錦 興 守令有 添設同 刑部 國府。 司給之。 亦 忽 河南、陜 陷。 要 刺 辛 尙 知 人盡其力,地盡 罕赤二百名。 未, 知宣慰司 失勸課, 九十萬錠、 書 己未, 府 己 阿魯收 西、腹 酉 丑: 仍 徐壽 州 驢戰不 令總兵官,禁 徐壽輝 時享 不 宜 輝兵陷 花 事 裏 捕 委通 至元鈔十萬錠。 諸 及 ·太廟。 Щ 勝 Щ 乙 都 路, 遣 其 東 南 死 沔 丑; 曉農 利。 鄒 事 賊, 廉 陽 供給 之。 普 庚 各 止 訪 太陰 府。 給 事 其 勝 屯 戌,以宣 使 官 繁 癸亥 敇 陷 員。 駐 有 犯赞 h 壬 員, 重, 牒 武 軍 曾 禮 申 戊 十 昌 馬 丙 經 月 感感。 刑 分道 調 印, 政 辰,徐 盗賊 敦 威 毋 院 中 部 兵 道, 使 皆 丙 添 得 巡 興 竹

本紀第四十二 順帝五

章

政

事

月魯

不

花

知經筵事

٠,

左丞

賈魯

參知政事帖理帖木兒、

烏古孫良楨並

同

知經

匠筵事。

遼 宣 兀 遁 慰 JII 陽三省及 使朶兒 行 省 是月, 右 只 上都、大都、 丞 命遂魯曾為淮 班 長吉討興元、金州等處賊,宣政院同 同 守襄陽; 腹裏等處漢 東添設元 濟寧兵馬指揮使寶童統領右都衛軍,四 人馬。 帥,統領兩淮所募鹽丁五千討徐州。 命四川 知桑哥率領亦都護畏吾兒軍 行 省平章 一政事 月魯帖木兒 從知樞密院事月闊察 拘 刷 爲 一與荆湖 河南、 總兵官,與 陝 北 道

見討

徐州

驛守揚 路。 錠。 行 築 廉 犯 之衆,限二 臺 帥 太微垣。 訪 丙戌, 甲 御 filli 使哈藍朶兒只為荆湖北道宣慰使都元帥,守襄陽。 申 月乙 州 史大 復之。[t]褒贈伏節死義宣徽使帖木兒等二十七人。壬寅, ,鄒平縣馬子昭爲亂,捕 霍州 一十日,不分首從,並 賜)亥朔,詔許溪洞蠻猺自新。 癸巳,太陰犯氐宿。 夫,仍太尉。 金一錠、鈔一千錠。 靈石縣 地震。 命 翰林學士承旨八刺 徐壽 一與赦 辛丑、鄧州賊王權、張椿陷 斬之。 命[西]寧王 原。」置安東、安豐分元帥府。 輝兵陷岳州。 丁丑,以集賢大學士賈魯爲中書添設左丞。 乙酉,徐壽輝兵陷江州, 牙安沙鎮 與諸 房州 王孛蘭奚領軍守大名。 賊陷歸州。 四川。 癸未, 澧州 [公賜鎭 命諸王 龍鎭 己丑,游皇城。 總管李黼 戊子 以 衞 御史大 南王孛羅不花鈔一 秃堅領從官百 , 詔:「徐州 指揮使俺都刺哈蠻 死之, 癸卯, 夫納麟 庚寅,太陰 遂陷 命 內外羣聚 爲 **人** 以河南 中書平 南 江 萬 南 馳 康

濟寧。

是月 嚴 備 禦 賊 賊 侵 滑 不 敢 濬 犯。 命 徐壽 德 住 爲 輝 河南右丞、守東明。 偽 將 歐[普]祥 陷袁 州 德住 0 時致仕于家,聞命 命 帖 理 帖 木 見以 馳 中書參知 至 東明 政 浚 事 城 分省

安撫 卯 普 脈 備 糧 花 行 以 制 各 省 成 錢 米 克 略 以 江 中 + 左 糧 供 敗 銅 陷 兵 復 南 書 月乙 討 之。 萬 饒 供 給 南 丞 宜 省、 行 相 州 匹 給 陽 軍 商 刨 臺 亦憐 路 等 徐 已 樞 州 軍 儲 御 其 於 者 朔 逐 等 壽 儲 處 密 地 史 迤 院 眞 處 者 輝 追 陷 照 大 各 北 班 賊 癸 偽 夫帖 立 御 驗 依 封 徽 萬 爲江 丑: 將 定 太師 見授 史 州 鲖 戶 以 陶 冶 臺 木 擬 中 九 西行 鞏 信 千 皆 哥 品 書 場 地 陷 忠王馬扎兒台爲 1 州 乞致 う直 級, 方 省 戶 用 班 瑞 省 之。 所 實 臣 改授 左 州 知 隸 四 易 仕 請 授常選流 丞 寶 行)]] 總管 中書 馬。 示不 行 相 泉 常流。」從 樞 未 納 密院 領 提 允, 附 省 戊 粟 禹 舉司 生 兵收 以爲 官, 蘇 辰, 臣言:「 補官之令:「凡 德王。 事。 蠻 福 之。 , 依 太白 向 捕饒 甘 宜 例 壬 萬 亞 張 肅 以 戌 戊午,太陰 陞 1 甲 戶 畫 理 行 張 ()太陰 轉、封 未, 信贼。 張 見。 洞 省 獻 理 岳 平章 主 徐壽 言 各處士庶, 就 敗之。 詔:「. 墨 [] 犯 爲 饒 庚午, 得 輝偽將 東 犯 政 銅 州 南 及已除 什 進賢。 事 咸。 冶 德 壬子, 用 人 o 場官。」 部:「隨朝 興三 果能 出降, 有 甲子 許 以 茶鹽錢 才學 辛 甲攻衡 出 虚, 河南 徐 爲 酉, 征 從 立 者, 或 膽 馬 命 之。 穀 左丞 盤 壽 宣 州 少, 水 딞 依 官 順 輝 親 力 浸 職 有 洞官 出 以 府。 世 僞 相 Ŧ 鐵 事 幣 自 祖 將 江 阳 能 了; 可 及 浙 不 黄 舊 帛 項 兒 備 再 1

尤甚。會州公字中牆崩,獲弩五百餘張,長者丈餘,短者九尺,人莫能挽。改定西爲安定州, 泰不花率官軍與戰,死之。隴西地震百餘日,城郭頹夷,陵谷遷變,定西、會州、靜寧、莊浪 處,陞四等,稍近賊境,陞二等。」是月,方國珍復級其黨下海,入黃巖港,台州路達魯花赤 依入廣例、量陞二等。任滿、驗守令全治者、與眞授、不治者、全削二等、依本等敍、半治者、 省、臺、院、六部、翰林、集賢、司農、太常、宣政、宣徽、中政、資正、國子、秘書、崇文、都水諸 滅一等敍。 並授兼管義兵防禦諸軍奧魯勸農事,所在上司不許擅差。守令旣已優陞,其佐貳官員,比 正官,各舉循良材幹、智勇兼全、堪充守令者二人。知人多者,不限員數。各處試用守令, 雜職人員, 其有知勇之士, 並依上例。 凡除常選官於殘破郡縣及迫近賊境之

南達達軍口糧。立淮南江北等處行中書省,治揚州,轄揚州、高郵、淮安、滁州、和州、廬州、 復之。命工部尚書朶來、兵部侍郎馬某火者,分詣上都、察罕腦兒、集寧等處,給散出征 討山南、湖廣等處賊。乙酉,徐壽輝爲將陳普文陷(安吉)[吉安]路,[五]鄉民羅明遠起義兵 安豐、安慶、蘄州、黄州。 花已死。壬午,以大理宣慰使答失八都魯爲四川行省添設參知政事,與本省平章政事咬住 閏三月辛巳,以台州路達魯花赤泰不花爲江浙行省參知政事,行台州路事,命下,泰不 壬辰,以大都留守兀忽失爲江浙行省添設右丞,討饒、信賊。丙 河

會州爲會寧州。

韶定軍民官不守城池之罪。

湖 花 申 潰, 圓 等 陝 是 政 南 浙 你 左 處 赤 月 派 西 事 西 行 牌 派 行 退屯 湖 जिय 行 設 鐵 臺 省 胧 命 與 行 相 廣 詔 速 參 參 江 省 御 左 面 亦 朱 平 匹 史 知 平 游 知 侍 丞 方 西 驛 馬 章 以 仙 111 或 政 御 大 左 查 行 政 眞 鎭 湖 券 行 政 里 答 史答 夫 珍 省 事 班 事 政 五. 省 事 納 南 杂 不 納 納 右 事 以 詔 平 失 兵 忽 同 受 麟 嘚 月 兵 失 失 丞 台 道 章 列 復 以 招 知 禿 守 魯 里 兀 討 與 中書平 ~ 門 擒 政 岳 經 安 忽 江 江 江 帖 滑 湖 事 Ш 並 州 詔 筵 之命 浙 失 西 木 東 州 北 咬 爲 廣 江 事 賊 兒 行 章政事 行 西 江 西 住 廉 平 戊 0 討 開 省官 ٠, 。[][]以以 浙 皮, 以 訪 章 圂 省 行 辛 命 州 南 车 省 隘 使 政 兵 行 江 田: 陽 賊 詔 | 蠻子 0 省 事 趙 並 章 左 東 浙 , 浙 韓 淮 襄 璉 以 左 命 討 命 政 丞 左 東宣 淮 兀 南 陽 諸 並 代 荆 淮 便 事 相 丞 丞 東 奴 行 老老 總 爲 官 賊 襄 南 王 也 亦 左 罕 慰 元 省 參 其 先 游 亦 賊 行 行 答 帥 有 使 設 刑 省 潾 兵, 知 颠 事 帖 道 納 蠻子 恩 克復 功 官二 部 班 平 木 星 慎. 政 失 寧普 也 尙 古、 章 班 事 授 兒 1 里 忠 爲 先 淮 十 書 資 0 政 先 討 右 不 代 帖 匹 愛因 五 130 南 帖 事 用 庚 萬 之。 木 丞]]] 顏 江 魯 員 行 子 庫 木 晃 兒還 浙 帖 行 省 討 班 變 燕 兒 火 大 命 省 以 以 木 行 平 海 駐 兒不 南 使。 典 京 雲 翰 樞 兒 省 參 平 章 率 廉 軍 瑞 削 章 陽 密 林 左 知 政 賊 花 蠻 訪 沙 T 院給 等 學 副 丞 政 政 事 提調 子 使 酉 仍 河 使悟 左 州 士 事 事 江 晃 秦 海 命 淮 承 答 湖 西 1 八 軍 火 從 鎭 才 爲 轁 旨 廣 納 先 良 失 行 命 兒 H 南 德 御 百 行 哈台 忽 失 省 帖 江 晃 行 少大 夜 不 討 爲 省 里 火 省 都 右 木 近 花 傅 左 銀 宁 行 爲 兒 參 見 及 丞 中 字 火 與 省 知 江 信 江 蕪

隄防。 陽、南陽、鄧州賊。 各路添設佐貳官。 州,進攻峽州,與峽州總管趙余藏大破賊兵,誅賊將李太素等,遂平之。詔天下完城郭 忽都海牙年老有疾,詔免其朝賀。 先帖木兒討和州有功,各賜金繫腰幷鈔一千錠。辛未,荆門知州聶炳復荆門州。 廣行省右丞致仕,錫玉帶及鈔一百錠,給全俸終其身。戊辰,諸王禿堅帖木兒、平章政事也 爲中書平章政事。 之,千戶魏淳以計擒塗佑、應必達,復其城。 陷。 正其罪,詔不允。左遷西臺御史大夫梁爾直班爲湖廣行省平章政事,蒙古魯海牙十二人爲 史大夫搠 丙辰,

江西宜黃賊塗佑與邵武建寧賊應必達等攻陷邵武路,總管吳按攤不花以兵討 夏四月癸卯朔,日有食之。 命亦都護月魯帖木兒領畏吾兒軍馬,同豫王 思監爲中書平章政事,提調留守司。 四川行省參知政事桑哥失里復渠州。 陝西行臺監察御史蒙古魯海牙、范文等糾言也先帖木兒喪師辱國,乞明 江西臨川城鄧忠陷建昌路。 是月,大駕時巡上都。 辛酉、翰林學士承旨渾都海牙乞致仕,不允,以 乙卯、鐵傑及萬戶陶夢楨復武昌、漢陽、尋再 阿剌忒納失里、知樞 甲子,翰林學士承旨歐陽玄以湖 永懷縣賊陷桂陽。[11] 咬住復歸 己酉,時享太廟。 密院事老章討襄 甲寅, 平章政事 以御 **华**,築

戶李世安建言權停夏運,從之。 五月癸酉朔,太白犯鎭星。 戊寅, 命江南行臺御史大夫納麟給宣敕與台州民陳子由、楊恕 命龍 虎山張嗣德爲三十九代天師,給印章。 海道萬

本紀

第四十二

順帝五

慕 卿 建 沙 木 昌 孙 兵 兒 趙 等 路 安 趨 置 襄陽 乙 酉 戴 河 勿 南 甲 與 命 與 賊 , 諸 令 留 人 戰 處 交 守 其 羣 集民 通 大 帖 盗 敗 木 從 克 哥 1 輒 之。 之。 夾 與 引 諸 攻 方 命 韶 王 宋 朶 苽 國 左 故 答 珍。 兒 兒 號 納 只 棚 以 守 等 己 失 爲 卯 里 處 北 金 仍 實 咬 守 膾 銀 住 燕 場 慶 宜 復 湖 州 課 以 中 險 瀛 興 癸 隘 是 國 路 月 未 公 子 建 答 庚 和 昌 失 辰 尙 民 八 趙完 戴 監 都 良 魯 普 起 御 至 及 史 鄉 荆 親 徹 兵 門 屬 克 徹 增 復 徙 帖

淮 辛 千 拘 廣 及 賜 收 左 淮 中 西 亥 九 牌 宣 白 丞 南 書 太 月 參 慰 八 廉 面 楊 白 使 + 丙 訪 知 伯 犯 午, 丙 使 政 口 顏 井 隨 寅 班 事 宿 給 1 中 軍 祝 悟 紅 花 書 鈔 供 兒 良 省 巾 爲 泂 + 給 哈台 並 周 紹 南 萬 臣 平 慶宣 伯 錠 言 行 命 賊 珠 顏 省 賑 河 衣 有 大 之。 陷 慰 左 南 功 幷 名 使 渞 丞 行 帽 路 孙 戊 匝 賜 省 換 開 申 納 文資 金 平 乙 修 滑 祿 一繋腰 章 丑: 命 太 政 濬 , 參 治 楊 廟 宣 事 書 知 銀 西 城 讓 禿 侍 州 政 爲 神 魯 王 鈔 事 御 元 門 沿 帖 史 有 王 邊 參 城 木 差。 杜 也 + 溪 知 兒 速 秉 洞 政 不 紹 迭 彝 招 事 縣 花 慶 兒 討 中 李 水 宣 諸 並 早 涸 書 使 慰 兼 供 以 參 蟲 王 使 乞塔 給 議 蝗 征 失 楊 行 誤 李 汝 饑 延 萬 歹 寧 稷 軍 禮 民 需 軍 並 七 不 曲 十 花 憐 口 左 經 賜 遙 帖 遷 筵官 T 添設 萬六 先 授 木 巳 所 湖 兒

麻 失 里 秋 與 七 樞 月 密 T 副 11: 使 時 秃 享 堅 太 不 廟 花 討 庚 徐 辰 州 饒 賊 徽 給 敕 賊 牒 犯 = 昱 + 嶺 道 累 以 陷 賞 杭 功 州 己 丑 辛 , 湘 Ė 鄕 賊 命 陷 通 寶 政 院 慶 使 答 兒 庚

寅,以 辰星 之。 南 班 各金 犯 辛 殺 卯, 鰄 獲西番首 繁腰 臺 命脫脫台為行樞 以杜秉 0 賊功,錫岐 以 彝為 征 西元 中書添設 密院使,自己提 帥斡羅 王 阿刺 參 爲章 乞巴鈔 知政 佩 調二十萬 事。 添設少監,討徐州 千錠,邪王 湖南 戶 元帥副 ,賜金繫腰 一鬼厘、 使小云 諸 脫脫 一、銀 王班的 失海牙、 請 親 鈔幣帛有差。 失監、 出 師 總管兀顏思忠 討 平章政 徐州 認 丁酉, 事 鎖

復

寶

慶路

是月.

徐壽輝

偽將王善、

康壽

四、江

二蠻等陷

福安、寧德等縣。

承旨 顏帖 思監 錠, 院 政 政 南 方 之根 事 國 事 行 鈔 普化 哈麻 省 闊 珍 木兒調 八 也可 率 本 怯鎭 月 左 萬錠、幣、帛各一千 一不可 、癸卯, ·其 爲 丞,各賜 知 扎魯忽赤 中 兵勦捕之,賜 衆 經筵事 遏五投下 攻台 書 以 添設 命中書參知 鈔五十錠。 州 日 福壽,並從脫脫 脱脱 石丞。 城 百姓,賜金繋腰 離。 浙 金繋腰 將出師,六部 東元帥 匹。 乞詔留賢相,弼亮天工,如此則內外有 政 齊王 丙辰, 事 二、鈔 1 帖理 失列門獻 未, 也忒迷失、 出 以禿思迷失 __<u>.</u> 帖 師 二千 H 尚書密邇 木 本 征徐 壬子, 爾 錠。 馬 國 州 一萬五 白 福建 淮 己酉 高 爲 以 麻 錫金繋腰及銀、鈔、幣、帛有差。 南 麗 扎撒 元 淮南行省 和謨等 行 一, 命 賊 千匹于 帥 省 過 黑的 溫 右 知樞密院 海 孫 丞 上言: 剽掠, 京 平章 爲 兒擊退之。 一蠻子供給脫脫行 師。 河南 一大臣 政 事 兼治之宜 身稱島居民,高 賜脫脫金三 行省 事 咬咬、中書 天子之股 右 甲 1 已, 丞, 辰, 社稷有 軍 偰 平章 錠,銀 以 命中 肱, 麗 哲 同 翰 應所需 倚 書 篤 林 國 中 政 知 王 重 學 事 樞 書 爲 平 伯 + 之 庶 淮 搠 密 士

本

紀

第

四

+

順

祈

五

錠、銀 錠, 酉, 興路, 己 府等官 哈麻 卯 孙 脫 鈔、 九 脫 監 兪 月 鈔三百錠買玉帶。 十錠、 察御 孵 至 交 君 乙亥, 令章言 有 徐 E 差。 州 史 一敗走, 鈔 俞君正復陷中興, 及 御 五 史大 河 辛 1 千錠、 龍 剪 南 亥, 鎭 夫 分 命 脫 他先 御 衞 幣帛 己亥, 脱 知 指 史臺 行 復 揮 帖 各 樞 徐州 木兒 使俺 賊攻 咬住 密院 百百 行 樞 都 出 辰州 匹。 領兵 屠 密院 事 征 刺 其 BAT 哈蠻領 河 癸未 城 刺 與戰於 河 南 吉從脫 達 南 芝麻 功 , 魯花赤 績 兵 廉 中 樓臺,敗績 入 興 訪 李 脫 城, 庚辰 司 義 等 和尙擊走之。 討 士 遁 翠昌 徐 咬 范忠 , 走。 州 賜 住 ,奔松滋, 總 自松 也先 賜 壬辰 偕 帥 金 府、 荆 滋 帖 一繋腰 庚子, 門 還, 木 本路 太陰 陝 僧 兒 西 _, 屯 李 金 判官 犯 都 詔 兵于 智 繫 金 軒 府 加 率 腰 轅 上 脫脫為太 義 義 石 錠, 都 馬 ` 兵萬 兵 死之。 戊 銀五 復 0 金 戌, #1 戶

賜

師,班師還京。

太尉、淮南行省平章政事。 丞哈麻同知經筵事。 冬十月丁未,時享太廟。 癸丑,命和糴粟豆五十萬石于遼陽。 戊午,太陰犯鬼宿。甲子,太陰犯歲星。 庚戌, 知樞密院事老章進階金紫光祿大夫。 甲寅、拜知行樞密院事阿乞刺爲 乙丑,太陰犯亢宿 命平章定住、右

事,出師湖廣。丙子,中書省臣請爲脫脫立徐州平寇碑及加封王爵。 錠、幣帛各三千匹,上表辭,從之。 庚寅,太陰犯太微垣。 [左]丞帖理帖木兒總兵討方國珍。[lē]己丑,以脫脫平徐功,錫金一十錠、銀一百錠、鈔五萬 十一月辛未,命江浙行省平章政事慶童收捕常州賊。 乙亥,以星吉爲江西行省平章政 癸未,命江浙行省(右)

者,蠲其夏稅、秋糧,命有司撫恤其民。辛酉,以湖廣行省參知政事卜顏不花、右丞阿兒灰 脫脫言:「京畿近地水利,召募江南人耕種,歲可得粟麥百萬餘石,不煩海運而京師足食。」 討徭賊,復湖南潭、岳等處有功、日間上顏不花陞散階從一品,阿兒灰陞正二品。 帝曰:「此事有利於國家,其議行之。」 十二月壬寅,答失八都魯復襄陽。辛亥,詔以、杭、常、湖、信、廣德諸路皆克復,赦詿誤 癸未,白哥

陽州羅山人李思齊同起義兵,破賊有功,授察罕帖木兒中順大夫、汝寧府達魯花赤,李思齊 是歲,海運不通。 立都水庸田使司于汴梁,掌種植之事。 潁州沈丘人察罕帖木兒與信

知汝寧府。

校勘記

- [1] [徭] 賊吳天保 從北監本補。
- 阿剌乞 按下文至正十二年七月庚寅條作「阿剌乞巴」、疑此處脫「巴」字。
- 滴徙廣平水(平)[年]縣 按本書卷五八地理志,廣平路有永年縣,無「永平縣」。 明史卷一二二

韓林兒傳云「謫徙永年」,據改。

度半,不合。金星黃經一七六度、合。 太(陰)[白]犯右執法 據本書卷四九天文志改。 按是日右執法黃經一七六度半,月黃經三一七

○五 〕 右都衛軍 按「右都威衞軍」本書多見、蒙史補「威」字、疑是。

へたし 命〔西〕寧王牙安沙鎭四川 據下文至正十三年十二月丁已條及本書卷一四四上顏帖木兒傳

所見「西寧王牙罕沙」補。 蒙史已校。

- てもし 龍鎭衛指揮使 按本書卷八六百官志有「隆鎭衞」、此處「龍」當作「隆」。下同。 蒙史已校。
- 歐[普]祥 明太祖實錄卷一五甲辰年六月丁巳條附有歐普祥小傳,據補。 續通鑑已校。
- 「九」(安吉)「吉安」路 按元無「安吉」路。明太祖實錄卷八壬辰年閏五月戊午條附有徐壽輝小傳,稱

江西行省右丞火你赤 按下文至正十三年十一月丁亥條及本書卷一四四通道事、 卷一四五亦

憐眞班傳均作「左丞」,庚申外史亦稱「左丞」。疑「右」爲「左」之誤。 按元無「永懷」縣。元桂陽有三:湖廣行省有桂陽路,郴州路有桂陽縣,另江

永懷縣賊陷桂陽

西行省有桂陽州。 郴州路有永興縣,與桂陽縣相去不遠,疑「永懷」係「永興」之誤。

命脫脫台爲行樞密院使 此行樞密院使脫脫台當即「請親出師討徐州」之中書右丞相脫脫。 }新

元史删「台」字、疑是。

江浙行省(右) [左] 丞帖理帖木兒 按下文至正十三年三月、十四年四月諸條及國初羣雄事略

卷八劉基天妃廟碑均作「左丞」,據改。

湖南潭岳等處

則屬 江南湖北道。 疑此處「湖南」當作「湖廣」。

按本書卷六三地理志,兩州皆屬湖廣行省,

潭州爲湖南道宣慰司所在地,岳州

癸未 按是月庚子朔,無癸未日。此「癸未」在辛酉二十二日後,疑爲癸亥二十四日之誤。

元史卷四十三

本紀第四十三

順帝六

用。 即。 穆淸閣。乙亥,命中書右丞禿禿以兵討商州賊。 酉,享于太廟。 從分司農司立法佃種,合用工價、牛具、農器、穀種、召募農夫諸費,給鈔五百萬錠,以供其 百九十萬錠、至元鈔一十萬錠。辛未,命悟良哈台、烏古孫良楨兼大司農卿,給分司農司 事 **ず**つ(|| 西自西山,南至保定、河間,北至檀、順州,東至遷民鎭,凡係官地及元管各處屯田,悉 十三年春正月庚午朔,用帝師請,釋放在京罪囚。 旌表真定路藁城縣董氏婦貞節。壬申, 參知政事悟良哈台爲右丞,參知政事烏古孫良楨爲左丞。 以皇第二子育於太尉衆家奴家,賜衆家奴及乳母鈔各一千錠。甲戌,重建 命陝西行省平章政事卜答失里爲總兵官。 丙子, 以中書添設平章政事哈麻爲平章政 方國珍復降。 詔印造中統元寶交鈔一 以司農司舊署賜哈

本

紀第四

十三

順帝六

農民一百名者授正九品,二百名者正八品,三百名者從七品,卽書塡流官職名給之,就令管 錠。」從之。以杜秉彝爲中書參知政事。 千錠、幣帛各五十匹。戊戌,熒惑、太白、辰星聚於奎宿 行省右丞,賜金繫腰一。庚寅,知樞密院事老章克復南陽唐州,賜金一錠、銀一十錠、 領所募農夫,不出四月十五日,俱至田所,期年爲滿,卽放還家。 人各一千名爲農師,敎民播種。宜降空名添設職事敕牒一十二道,遣使齎往其 八百頃,除軍見種外,荒閑之地,盡付分司農司。答失八都魯克復襄陽、樊城 庚辰, 中書省臣言:「近立分司農司,宜於江浙、淮東等處召募能種 。乙酉,太陰犯太微垣。 丙戌,以武衞所管鹽 其所募農夫,每名給 水田及修築圍 有功,陞 地, 有 臺 鈔十 能 堰之 四 屯 募 JII 田

以宣政院使篤憐帖木兒知經筵事,中書右丞悟良哈台、左丞烏古孫良楨、參知政事杜秉彝 寅,中書省臣言徐州民願建廟宇,生祠 知經筵事 二月丁未,祭先農。己酉,太陰犯軒轅。庚戌,太白犯熒惑。 右丞相 脫脫,從之,詔仍立脫脫平徐勳德碑。 壬子,太陰犯太微垣。 壬戌, 甲

以 土,並付司農分司播種。 太師開府,提 三月己卯,命脫脫領大司農 調太史院、回回、漢兒司天監。 是月、會州、定西、靜寧、莊浪等州地震。 司。 甲申,詔修大承天護聖寺,賜鈔二萬錠。 己 丑,以各衙 門係官田 命江浙行省左丞帖里帖 地并宗仁等衛 丁亥,命 屯 脫脫 田 地

並

同

木兒、江南行臺侍御史左答納失里招諭方國珍。

井宿。 滕州、嶧州仍屬益都路。辛亥、太陰犯房宿。是月,車駕時巡上都。 立司牧署,掌司農分司耕牛。又立玉田屯署。降徐州路爲武安州,以所轄縣屬歸德府,其 章政事俸。先是,永昌愚魯罷等爲亂,鎖南班討平之,至是復起,故有是命。辛丑,太白犯 司幷地土給付司農分司。以甘肅行省平章政事鎖南班爲永昌宣慰使,總永昌軍馬,仍給平 巡邏,給分司印,一同署事,半載一更。特命烏古孫良楨得用軍器。庚子,以禮部所轄掌薪 夏四月戊戌朔,命南北兵馬司各分官一員,就領通州、漷州、直沽等處巡捕官兵,往來 乙巳,時享太廟。己酉,詔取勘徐州、汝寧、南陽、鄧州等處荒田幷戶絕籍沒入官者。

出軍。 以太尉阿剌吉為嶺北行省左丞相。知行樞密院事伯家奴封武國公,與諸王孛羅帖木兒同 自信州,元帥韓邦彦、哈迷取道由徽州、浮梁,同復饒州,蘄、黃等賊聞風皆奔潰。癸酉, 隄岸,或有損壞,即修理之。 辛未,江西行省左丞相亦憐眞班、江浙行省左丞老书引兵取道 及其弟士德、士信爲亂,陷泰州及興化縣,遂陷高郵,據之,僭國號大周,自稱誠王,建元 五月己巳,命東安州、武淸、大興、宛平三縣正官添給河防職名,從都水監官巡視渾河 甲戌,行樞密院添設僉院二員。乙亥,太陰犯歲星。乙未,泰州白駒場亭民張士誠

甲辰, 錠、幣帛各九匹。以資 設 市占 罷 南 使, 陸 前 桑哥襲 事 失 治 揮 宮傅 邇 達世 刺 發 河 困 政 便宜 把 本 事 六 西 以立 术赤术等五十六名吾者 亦 廉 府 都 處 授 帖 月 玉 一員,給二珠金牌,副指揮二員,一珠金牌。 精銳 訪 都 行 睦邇,於淮南、淮北等處召募壯丁,幷總領漢軍、蒙古守禦淮安。 總河南軍 以 樞 丙 以所掌錢帛歸詹事院。 |皇太子詔天下,大赦。 事。 護 中朔, 金寶、告祭天地、宗廟。 虎 副 使也先不花爲淮西添設宣慰副使,討泰州。 高昌王爵。 勇敢軍一千人從征討,三以千戶二員、百戶一十員領之。 兒吐華便宜行 詔淮南行省平章政事福壽討興化。 立詹事院,設詹事三員、同知二員、副詹事二員、丞二員。 ,平章政事答失八都魯總四川軍,自襄陽分道而下,克復安陸府。 政院所轄左、右都威衞屬詹事院。 辛亥、親王完者禿泰州陣亡,八禿亳州陣亡,各賻鈔五百錠。 事。 野人以皮貨來降,給捌羊哈等三人銀牌一面, 丁酉,立皇子愛猷識(達)[理]達臘爲皇太子、中書令、樞密 癸卯,詔以敕牒二十道、鈔五萬錠,給付淮南行省平章政 己酉,亦都護高昌王月魯帖木兒薨于南陽軍中, 命右丞相脫脫兼詹事。 賜吳王 是月,命淮南行省平章政事達世帖 一搠思監金二錠、銀五 丙辰, 詔皇太子位下立 己亥、詔 征西都元(都)[帥]汪 庚子,知樞 遼東搠羊哈及乾 管領 命四 一錠、鈔二千 吾者野人。 川行省平 一儀衙 密院事 命其子 辛丑, 司, 命 只

是夏,薊州大水。

院自行銓注本院屬官。 二品者,依常例給俸祿。 秋 七月丁卯,泉州天雨白絲,海潮日三至。 壬辰,親王只兒哈忽薨于海寧軍 壬申,湖廣 行省參知政 時享太廟。 事 阿魯輝復武昌及漢陽府。 中,以其子寶童繼襲王爵。 戊辰,太白晝見。 癸酉,詔詹事 宦官至一品

兒吐華、 哈郎討捕金山賊,薨于軍中,命其子禿魯帖木兒入備宿衞。 是月, 八月癸卯,親王闊兒吉思、帖木兒獻馬。 右丞完者不花守鎭中興路。 車駕還自上都。 資政院使脫火赤以兵復江州路。 左遷平章政事咬住爲淮西元帥, 辛亥,賜脫脫東泥河 庚申,命不花帖木兒襲封 以四川行省平章政事玉樞虎 田一十二頃。 供給烏撒軍, 親王只兒 文濟 進討

經天。 獻大撒哈剌、察赤兒、米西兒刀、弓、鎖子甲及青、白西馬各二匹,賜鈔二萬錠。 省平章政事。 刺歹桑哥失里獻馬 九月乙丑朔,日有食之。乙亥,以怯薛官廣平王咬咬征討慢功,削其王爵,降爲河南行 熒惑犯左執法。 己丑、廣寧王渾都帖木兒薨、賻鈔 一百匹,賜金繫腰一、幣帛各九。 庚寅,太陰犯熒惑。 南臺御史大夫納麟以老疾辭職、從之,命太尉如故。 一千錠。 建皇太子鹿頂殿于聖安殿西。 辛卯,扎你別之地 壬辰,太白 歪

住丁陞本省右丞,提調明年海運。 〔冬十月〕丁酉,享于太廟。 庚子,太白經天。 甲辰,歲星犯氐宿。 (冬十月)癸卯、四以江浙行省參知政事買 丁未,廣西元帥甄崇福復道州,誅賊

本 紀

第四

+==

順

帝六

中, 慰使納 皇太子 國 瑛 五 鵩 建殿宇 信 哈刺 愛馬 州路治 法薛丹二百五十人鈔各一百一十錠。 爲 正 中 萬 戶 督 ,宣慰使董摶霄 **遣之任**, 國 珍 疑懼,不 爲副萬戶。 ·受命。 庚 癸亥,太白犯亢宿。 申, 立 水軍 賜 皇太子妃鈔 都萬 戶府於崑 $\dot{+}$ 是 萬 月,撤 Щ 錠。 州 世祖 以 壬 浙 戍 所 東 立 賜 宣

以 兵平 + 富 月 44 壬申 臨江 ,太陰犯壘壁陣。 一、遂引 兵復瑞州。 乙酉,立典藏庫,貯皇太子錢帛。 是月? 立義兵千戶、水軍千戶所于江西 丁亥,江西左丞火你赤 事 卒 小願 還 爲

者聽

遭殿.

改

庚子 鎭 震 知 同 天 政 路 地 無 龍 事 疫,死者太半。 吉 雲 十 熒惑 兒 癸 哈臨禿、左丞 而 一月丁 之地 1 雷 入氐 一,以 鳴, 酉,太白 西安王 宿。 少 Ţ 頃 Ė, 桑禿 江 癸卯, 浙 太陰 有 河 犯東咸。 火 失里、 刺 行 (墜于 脱脱 省平 犯 芯 S. 納 (三)西寧王 章 失 東南。 請 宿。 己亥,寧王 政 里 以 爲 西 事 趙完普家 [寧王 豫王 F 懷慶路 顏 牙罕沙 旭滅該還大斡耳杂思,賜 牙罕沙 帖 ,弟答兒麻討 及河 產 木兒、南臺 一合軍討徐壽 田 南 鎭 地 府 匹 賜 JII 西 知 南陽 御 。 還 北 樞 史中 密院 有 輝 賊 沙 聲 於蘄水, 永 州 有 如 事 蠻子 賜 功, 桑哥 擊 金繋腰一、鈔一 鼓 鈔 以 海 者數 西 失里。 敗之, 牙 千錠。 安 及 几 王 四 一,已而 壽輝遁走, 即 庚]]] 是月,大 戊戌、京 與之, 行 千錠。 省參 雷 城 命 鏧

獲其爲官四百餘人。陝西行省平章政事孛羅、四川行省右丞答失八都魯復均、房等州,詔

孛羅等守之,答失八都魯討東正陽。

帝,行房中運氣之術,號演揲兒法,又進西番僧善秘密法,帝皆習之。 留守同知也速迭兒及都水少監陳阿木哥等董其役。哈麻及禿魯帖木兒等陰進西天僧于 是歲,自六月不雨至于八月。造清寧殿前山子、月宮諸殿宇,以宦官留守也先帖木兒、

峽州。 事,實授行宣政院使,整治西番人民。是月,命桑哥失里、哈臨禿守中興。 杂思哥兒好事,凡所用物,官自給之,毋擾于民。」丙戌,以答兒麻監臧遙授陝西行省平章政 嘗作朶思哥兒好事,迎白傘蓋遊皇城,實爲天下生靈之故。今命刺麻選僧一百八人,仍作 錠。癸酉,熒惑犯房宿。立遼陽等處漕運庸田使司,屬分司農司。丁丑,帝謂脫脫曰:「朕 犯歲星。丁卯,太白犯建星。辛未,享于太廟。壬申,命帖木兒不花襲封廣寧王,賜鈔一千 十四年春正月甲子朔,汴梁城東汴河冰,皆成五色花草如繪畫,三日方解。 答失八都魯復 乙丑, 熒惑

壁陣。己未,以湖廣行省平章政事尚兒爲淮南行省平章政事,以兵攻高郵。 月戊戌,祭社稷。 乙卯,命中書平章政事搠思監提調規運總管府。戊午,太白犯壘 是月,以呂思

本紀第四

-十 三

順

帝

誠 水 事 軍 1 萬 顏 湖 廣 戶 帖 府,命 行省左丞。 木 兒、 、參知 江浙 行省右丞佛家閭 政 命湖 事 阿里溫沙,會合湖廣行省平章政事也先帖木兒討沿江賊。 廣行省右丞伯顏普化、江南行臺中丞蠻子海牙、江浙行省平章政 領之。 詔河南、淮南兩省並立義兵萬戶府。 建清河大 立鎭江

壽

完

忠國寺,以江

浙廢寺田歸

之。

丙子 丞答 邊 官官 以 供 畄 失八都 軍 身有差。 月癸亥朔, 州陷。 用,凡有馬之家,十匹內和買二匹,每匹給鈔一十錠。 魯陞本省平章 是月, 壬申,以皇太子行幸, 日 有 中書定擬義兵立功者權任軍職,事平授以民職,從之。 食之。 政 事 己巳,廷試進士六十二人, 兼 知行 樞密院事,總荆、 和買駝馬。甲戌,命親王速哥帖木兒以兵討宿州賊。 襄諸軍,從宜調遣。 賜薛朝晤、 牛繼志進士及第,餘 命四川 詔和買馬于北 行省右

里帖 運 朝 江 行 西 1省參知政事,皆總兵討方國珍。 廷 以 授 木 夏四 放歸罪二人。以江浙行省參知政事 湖廣 兒 以 與 五 月 大饑,民疫癘者甚 江 一癸巳朔,汾州介休縣地震,泉湧。 品流官,令納其船,散遣徒衆,國珍不從,擁船一 南行 臺侍御史左答納失里奉旨招諭方國珍, 衆。 御史臺臣糾言江浙行省左丞帖里帖木兒等罪。 發陝西軍討河南賊,給鈔令自備鞍馬軍器, 阿兒溫沙陞本省右丞,浙東宣慰使恩寧普 以武祺參議中書省事。 報國珍已降,乞立巡防千戶所, 千三百餘艘,仍據海道,阻 是月,車駕時巡上都 合二萬五千 先是,帖 爲江 絕糧 浙

沙王傅府,至是有司以爲不便,復之。 人,馬七千五百匹,永昌、鞏昌沿邊人匠雜戶亦在遣中。 人匠,以御史大夫也先不花督之。復立應昌、全寧二路。 詔復起永昌、鞏昌、喃巴、臨洮等處軍。命各衞軍人 造過街塔於盧溝橋,命有司給物色 先是,有詔罷之,以撥屬魯王馬某

修白浮、甕山等處隄堰。

寧。 路,創建龍門等處石橋。皇太子徙居宸德殿,命有司修葺之。 合鎭河西,[t]計西番賊。 赴京 詔以玉樞虎兒吐華募兵萬人下蜀江,代答失八都魯守中興、荆門。 兵萬戶府,募土人爲軍,免其差役,令討賊自效。 師從軍。 陞湖廣行省參知政事阿兒灰爲右丞, 討廬州。 五月甲子,安豐、正陽賊圍廬州。 復發禿卜軍萬人,命太傅阿剌吉領之。〔天〕命荆王答兒麻失里代闊(瑞)〔端〕 是月,詔修砌北巡所經色澤嶺、 因其鄉人自相團結,號毛胡蘆,故以名之。 募寧夏善射者及各處回回、朮忽殷富者 立南陽、鄧州等處毛胡蘆義 命答失八都魯以兵赴汝 黑石頭河西沿山道

諸軍皆潰。 己酉,盱眙縣陷。 六月辛卯朔,薊州 詔江浙行省參知政事佛家閭會達識帖睦邇,復進兵討之。甲辰,太陰入斗宿。 庚戌,陷泗州,官軍潰。 雨雹。 高郵張士誠寇揚州。 丙申,達識帖睦邇以兵討張士誠,敗績,

秋七月甲子,潞州襄垣縣大風拔木偃禾。 乙丑,太陰犯角宿。 壬申, 韶兔大都、上都、

本 紀

第 四

+

Ξ

順 帝 六

和 三路今年稅糧 命刑部尚書阿魯於海寧州等處募兵討泗州。 壬午, 太陰犯昴宿。

月,汾州孝義縣地震。

八月,冀寧路楡次縣桃李花。車駕還自上都。

奥剌 兵 役。 王。 馬、諸省各翼軍馬,董督總兵、領兵大小官將, 樞 、擊之。 密院事月(赤)[闊]察兒爲中書平章政事。[5] 詔脫脫以太師、中書右丞相,總制諸王 是月, 赤二十名,仍給衣糧草料。庚申,以湖廣行省左丞呂思誠復爲中書左丞。辛酉 冬十月甲午,享于太廟。戊戌,詔答失八都魯及泰不花等會軍 丁卯,普顏忽都皇后母歿,賻鈔三百錠。 九 月己未朔,賜親王撒蠻答失金二錠、銀二十錠、鈔一萬錠、幣帛表裏各三百匹。 方國 賜穆淸閣工匠皮衣各一領。 珍 拘 ,執元帥也忒迷失、黃巖州達魯花赤宋伯顏不花、知州趙宜浩,以俟詔 蓋海靑鷹房。禁河南、淮南酒。 立寧宗影堂。戊子,兔河南蒙古軍人雜泛差 出征高郵。甲子,封高麗國王脫脫不花 討安豐。 階州西番賊起,遺 甲辰, 詔加號 门以知 一各愛 創設 爲 命

海 神 爲輔 國 護 聖庇民廣濟福惠明著天妃。 壬子,太陰犯太微垣

運,以備軍儲,價錢依本處十月時估給之。」丁卯,脫脫領大兵至高郵。 公主、后妃、寺觀、官員撥賜田糧,及江淮財賦、稻田、營田各提舉司糧,盡數赴倉,聽候海 月 丙寅,敕:「中書省、樞密院、御史臺,凡奏事先啓皇太子。」詔:「江浙 辛未,戰丁高郵城 應有 諸王、

合縣。 里、卜 事, 章 恬 都門聽旨,以宣徽使汪家奴爲御史大夫。丁酉,詔以脫脫老師費財,已逾三月,坐視寇盜, 帖木兒,庸材鄙器,玷污淸臺,綱紀之政不修,貪淫之心益著。」章三上,詔令也先帖木兒出 奏:「脫脫 院使哈麻、永昌宣慰鎖南班並爲中書平章政事,進階光祿 以下囚。 仍蠲 朶憐赤、高麗、 哥 不爲 政 失里為 事泰不花爲本省左丞相, 租 亦失 同 意 是月,答失八都魯復苗軍所據鄭、(均)[鈞]、許三州。〔5〕皇太子修佛事,釋京師死罪 稅三年。 總兵, 中書 `削脫脫官爵,安置淮安路,弟御史大夫也先帖木兒安置寧夏路。 以河南行省平 出師三月,略無寸功,傾國家之財以爲己用,半朝廷之官以爲自隨。 月辛卯、絳州北方有紅氣如火蔽天。 你山、哈八兒秃、哈怯來等拔都兒、云都赤、禿兒怯里兀、孛可、西番軍人、各愛馬 回回 添 總領諸處征進軍馬,幷在軍諸王、駙馬、省、院、臺官及大小出軍官員,其滅 設 賜 右 高 民 義 丞。 年帛。」罷 丁壯等軍人,並聽總兵官節制。 己亥, 中書平章政事月闊察兒加太尉,集賢大學士雪雪知樞密院 庸 太陰掩昴宿。 田、茶運、寶泉等司。戊戌,以定住領經筵事,中政院使桑 丙申,以中書平章政事定住為左丞相,宣政 庚子,以桑哥失里同知經筵事。 韶:「被災殘破之處,令有司賑恤, 大夫。監察御史袁賽因不花等劾 又其弟也先 冀國公禿魯

外,

大敗賊衆。

丙子,太陰犯鬼宿。

癸未,賜親王喃答失金鍍銀印。

乙酉,脫脫遺兵平六

本

降 廣 加 虎 太 紹 符 尉 興 其 進 甲辰 路 王 階 地 印,至是寬徹 金紫光祿 震。 以桑哥 是月, 大夫。 失里提調宣文閣, 普化 命 織 癸卯,命哈麻提調經正監、都水監、會同舘、 討 造 賊 世 、累立功, 祖 御 容。 哈麻魚 故詔還其印,仍守 詔 威順王寬徹普化 大司 農, 呂思誠 萬戶許脫因 舊 還鎭 鎭。 兼司 命 湖 死 農 甘肅 廣。 之。 卿, 知經筵事,就帶元 先是 提 右 丞 調 嵬的 農 以財 據 捕 湖

懸 設 爪 四 吾 城 其 日 精 爿 西 尾皆 帶 香 殿 思 官 鉦 宫, 樓 吏軍 賊。 不 是 巧絕出, 頭 夜 歲 花 巾 動 子 飛 則 答失八 聖 監 僊 龍 神 於 詔 殿 工。 叉 船 身幷殿宇 諭 人謂前代所鮮有。 人 匮 自 京 人 自 兩 製宮漏, 帝 師 都 旁下 立 能 腰 民 大饑, 魯復 自 立 間 宮前,遇子 按 製其樣,船首 私租 各執 用五 更 玉 河陰、鞏縣。 一女捧 約 而 加 擊, 高 篙 彩金粧,前有 太重,以十分爲 以 å. → 0 時 六七尺,廣半之,造木爲匱, 、疫癘, 午時, 無 時帝怠於政事,荒于游宴,以宮女三聖奴、妙樂奴、文殊奴 `刻籌,時至,輒 分毫差。 尾 自後宮至前宮山下海子內, 民有 徭賊 長一百二十尺,廣二十尺,前瓦簾棚、穿廊、兩 飛僊自 兩爪。 父子 自耒陽寇衡州 當 率普減二分, 能 鐘 相 耦 浮 上用 鉦之鳴, 食者。 進, 水 而上。 水手二十四人, 度 一德橋, 帝於 獅 永爲定例。」降鈔十 陰藏諸壼其中,運水 左右 鳳 內苑造龍船,委內官供 在 `往來游戲,行時,其龍首眼 達三聖殿,已而 列二金甲神人, 側者皆翔舞。 身衣紫衫, 萬錠賞江西守 復退立 上下。 賈 懸 金荔 之西東有 暖閣,後 奉少監 鐘 校帶, 一如前 匱 П

琴、響板、拍板。 雜襖、雲肩、合袖天衣、綬帶鞋韈,各執加巴刺般之器,內一人執鈴杵奏樂。 等一十六人按舞,名爲十六天魔,首垂髮數辮,戴象牙佛冠,身被纓絡、大紅綃金長短裙、金 人,練槌髻,勒帕,常服,或用唐帽、窄衫。 以宦者長安迭不花管領,遇宮中讚佛,則按舞奏樂。 所奏樂用龍笛、頭管、小鼓、筝、蓁、琵琶、笙、 宮官受秘密戒者得 又宮女一十一 胡

校勘記

入,餘不得預。

- (一) 以中書添設平章政事哈麻爲平章政事 月正 ·除右丞`十四年冬遷平章政事`紀、表、傳均有記載。 續通鑑改「平章政事」爲「右丞」,疑是。 按哈麻以至正十二年八月爲中書添設右丞,十三年正
- 愛猷識(達) [理]達臘 從北監本改。按本書卷一〇七宗室世系表及卷一四四后妃表均作「愛猷
- 三〕征西都元(都)[帥〕 從道光本改。
- [冬十月]丁酉至(冬十月)癸卯 則丁酉當爲十月初三日,庚子爲初六日,與下文之「冬十月」倒置。 按九月乙丑朔、無丁酉、庚子日。 此丁酉之上爲壬辰九月二十八日, 今改正。 道光本已校
- 35. 桑秃失里 按上文至正十二年四月辛酉、 下文十四年正月條作 「桑哥失里」, 蒙史改「禿」爲

本

紀

第四

十 三

校

勘

記

「哥」,疑是。

八 六 山 太傅阿剌吉 紀,發禿卜軍萬人,命太傅阿吉剌領之。 「阿剌吉」,本書又作「阿吉剌」。蒙史三公表至正十四年太尉阿吉剌下注云:「舊 按阿吉剌即阿乞剌。太傅爲太尉之誤。」

「よし 閣(瑞)[端]阿合 者之稱。」 永昌、子孫世襲其封、今世系已絕,故命答兒麻失里代之。阿合,蒙兀語兄也,宗室諸王在兄位 據本書卷九二百官志改。蒙史云:「闊端者,斡歌歹汗之子,分地河西,建牙

九九 月(赤) [闊] 察兒 鄭(均)[鈞]許三州 脱傳、卷一四二也速傳改。 據上文至正十二年正月、下文至正十四年十二月丁酉條及本書卷一三八脫 按本書卷五九地理志,汴梁路屬有鄭、鈞、許等州,而均州則屬襄陽路。

·史改「均」爲「鈞」,並注云:「鈞,舊誤作均,按均與鄭、許二州地不相接。」從改。

元史卷四十四

本紀第四十四

斡耳朶儒學教授鄭咺建言::「蒙古乃國家本族,宜教之以禮。而猶循本俗,不行三年之喪, 戌,以宣政院副使忻都爲太子詹事。 癸亥,享于太廟。 甲子,親王秃堅帖木兒歿于軍中,賜 又收繼庶母、叔嬸、兄嫂,恐貽笑後世,必宜改革,繩以禮法。」不報。丙子,上都饑,賑糶米 鈔五百錠。 元帥阿思藍水陸並進討之。 二萬石。 河南行省左丞許有壬爲集賢大學士,遼陽行省左丞奇伯顏不花陞本省平章政事。 十五年春正月戊午朔,以中書平章政事搠思監提調留守司,宣徽使黑厮爲中書平章政 丁丑,徐壽輝偽將倪文俊復陷沔陽府。 江西行省平章政事道童加大司徒。戊辰,太陰犯五車。辛未,太陰犯鬼宿。 至漢川,水淺,文俊用火筏燒船,報恩奴遇害。 威順王寬徹普化令王子報恩奴等同湖南 庚辰,復設仁 大

本紀

第四十四

順帝

七

納失里與陝西行省平章政事搠思監從宜商 守禦興元,陝西行省參知政事阿魯溫沙守禦商州,通政院使朶來守禦山東。 南行省參知政事洪丑驢守禦河南,陝西行省參知政事述律朶兒只守禦潼關 章政事乞剌 虞、雲需、尙供三總管府。 班慢功,削其官爵,令從軍自效。 丙戌,大同路饑, 出糧一萬石減價糶之。 議軍 韶安置脫脫于亦集乃路, 事 是月,詔 收 所賜田 ,宗王扎牙 以湖廣行省平 詔豫王阿剌忒 士。 失里 命河

都路饑; 詔嚴酒禁。 種、農器,命司農司令本管萬戶督其勤惰。 里 月壬寅,以各衞軍人屯田京畿,人給鈔五錠,以是日入役,日支鈔二兩五錢,仍給牛、 命河南行省參知政事塔失帖 丙午,太陰犯心宿。 木爾領元管陝西軍馬,守禦河南 丙辰,太白經天。 是月,上

宋,改元龍鳳。 下。 帥府于天長縣,統濠、 經筵事。 命甲士撾殺遵道,福通遂爲丞相,後稱太保。 知樞密院事,拆鹿邑縣太淸宮材建宮闕,遵道等各遣子入侍。 庚午,以河南行省平章政事咬咬為遼陽行 月己未,劉福 戊辰、命太傅、御史大夫汪家奴爲中書右丞相、中書平章政事定住爲左丞相、詔 以其母楊氏爲皇太后,杜遵道、盛文郁爲丞相,羅文素、劉福通爲平章,劉六 通等自碭山夾河迎韓林兒至,立爲皇帝, 泗義兵萬戶府幷洪澤等處義兵,聽富民願出丁壯義兵五千名者爲萬 丙寅,以中書平 省左 丞相。 壬申,立淮 章 政 又號小明王, 建都亳 遵道得寵專權,劉 事 黑厮、左丞許 東等處宣慰 福 使司 有壬 州 通疾之, 並知知 國號 都元

本 紀 第 四 + Щ 順 帝 七 辛未,命御史中丞伯家奴同知經筵事,中書參議成遵兼經 火你赤專任征討之務,便宜從事,遣使先降曲赦,諭以禍福,如能出降,釋其本罪,執迷不 事,提調留守司;平章政事黑厮兼大司農。 戶,五百名者爲千戶,一百名者爲百戶,仍降宣敕牌面。 是月, 命刑部尚書董銓等與江西行省平章 丙子,以達識帖睦邇爲中書平章 政 政

悛,剋日進討。

調內史府。癸丑,太白經天。 奴安置蘭州,仍籍其家產。 言,安置脫脫于雲南鎭西路,也先帖木兒于四川碉門,脫脫長男哈剌章安置肅州,次男三 太子愛猷識理達臘玉册,錫以冕服九旒,祗謁太廟。 三月庚寅、太陰犯五車。 己酉,命知樞密院事衆家奴知經筵事,知樞密院事捏兀失該提 癸巳,徐壽輝兵陷襄陽路。 丙申,太陰犯房宿。 甲午,命汪家奴攝太尉,持節授皇 辛丑,以監察御史 寶

卜、左丞烏古孫良楨分省彰德。 密院添設副使一員、都事 亥,以中書平章政事達識帖睦邇知經筵事。 福建等處闕官亦依前例。」從之。 康、廣西、海北、海南三品以下通行遷調,五品以下先行照會之任,江浙行省三年一次遷調, 夏四月壬戌,中書省臣言:「江南因盜賊阻隔,所在闕官,宜遣人與各省及行臺官以廣 員。 命彰德等處分樞密院添設同知、副使、都事各一員。 以御史中丞扎撒兀孫同知經筵事。 命樞密院添設僉院一員、判官二員,直沽 乙丑,以中 書右 分樞 丞 臧

盤順 筵官 印信、牌面,與鎭南王孛羅不花及淮南行省、廉訪司等官商議給付之。御史臺劾奏中書左丞 呂思誠, 錠。 章政 立 ||汴梁等處義兵萬戶府。 (事)雪 府,改立盤 。癸酉,以左丞相定住爲右丞相,平章政事哈麻爲左丞相,太子詹事桑哥 是月,車駕時巡上都。 罷之。 雪爲 御 順軍民安撫司,罷 詔四川等處立宣化鎭南軍民府, 史大夫。 工 詔翰林待制烏馬兒、集賢待制孫撝招安高 一,加 四川羊母甲洞、 知 樞密院事 衆家 改四川 臭南王洞長官司 奴 太 忠孝軍民府爲忠孝軍民安撫 傅。 辛巳,親王脫脫薨,賜 ',改立忠義軍民安撫司 郵張士誠,仍齎宣命、 失里 爲 鈔二百 中 司;罷 書平

事 削 應軍 咬住、淮東廉 其官職,仍令率領 五 月壬辰,復襄陽路。 庚戌,倪文俊自沔陽陷 訪使王也先迭兒撫諭 、火赤溫,從總兵官、平章 監察御史也里忽都等劾奏河南行省左丞相太不花慢功虐民,詔 中興路,元帥朶兒只班死之。 高 郵 政事答失八都魯征進,答失八 是月,命淮南行省平章政 都魯管領太不 花

奏脫脫 司農,桑哥失里知經筵事。 哥等辯明 之師 (月丙辰)命御史大夫雪雪提調端本堂。 中書左丞呂思誠, 集賢大學士吳直方及其參軍黑漢、長史火里赤等並宜追奪,從之。 己巳,靖安王闊不花薨,無後,命其姪襲封靖安王。 給付元追所授宣命、玉帶。 癸亥,太白經天。 戊辰, 命中書平章 丁卯, 監察御 政事 史哈林 監察御 搠 癸酉,以四 思 監 禿劾 兼 史 大

作院判官烏馬兒、利用監丞八十奴招諭濠、泗、淮南行省左丞相太平助之,章佩監丞普顏帖 大水。 開倉,盡行拘收,其不敷糧,撥至元折中統鈔一百五十萬錠,於產米處糴一百五十萬石,貯 至。 等處,章佩監丞普顏帖木兒招安沔陽等處。諸王倒吾沒於軍中,賻鈔二百錠。 川行省平章政事答失八都魯爲河南行省平章政事。 參知政事納麟哈剌統領水軍萬戶等軍,會本省平章政事定定,進攻常州、 者不花以兵攻和州等處。 自和州渡江,取太平路。 薛幷各愛馬官員子弟,今宜諭之,依先例入學,俾嚴爲訓誨。」從之。是月,大明皇帝起兵, 瀕河之倉,以聽撥運。從之。癸未,中書參知政事實理門言:「舊立蒙古國子監,專敎四怯 支鈔不敷,乞減海運,以甦民力。」戶部定擬本年稅糧,除免之外,其寺觀幷撥賜田糧,十月 州地震。己卯,陜西行省平章政事秃秃加答剌罕。 木兒、翰林修撰烈瞻招諭沔陽,四川行省平章政事玉樞虎兒吐華等助之。 平章政事咬住爲總兵官,領本省軍馬幷江州楊完者、黃州李勝等軍,守禦湖廣。 江浙省臣言:「至正十五年稅課等鈔,內除詔書已免稅糧等鈔,較之年例,海運糧幷所 命湖廣行省平章政事阿魯灰領軍,與淮南行省平章政事蠻子海牙、淮西道宣慰使完 自紅巾妖寇倡亂之後,南北郡縣多陷沒,故大明從而取之。 命郡王只兒噉伯、湖廣行省右丞卜蘭奚攻討河南。 庚辰, 徵徽州隱士鄭玉爲翰林待制,不 乙亥,命將作院判官烏馬兒招安濠、泗 以怯薛丹潑皮等 鎭江等處。 。丁丑,保德 以湖廣行省 江浙行省 荆州 命將

本

管

頟

其

所

部

軍

馬

六十 名 從 江 南 行 御史臺 大夫福壽守禦集慶路。 國 王 朵兒只薨于 揚 州 軍 中 命 郡 王 只 兒噉

哈林 省 伯 禿 守 魯 左 曹 州 及 丞 禿 秋 玉 及 沙 七 Щ 王 樞 刺 月 東 塔失 虎 班 辛 宣 兒 卯 湖 慰 化帖木 吐 享 馬某火者 南 華 于太 同 爾 討 知 守禦沔陽, 之。 宣 廟。 以 慰 命 兵分 壬寅, 使 湖 劉答兒麻 廣 如 府 行 倪文俊復陷武昌、 沂州 賊徒不降,卽 省平 、萬州 失里, 章政 等處。 事 以 桑哥、 進 兵 兵討之。 屯 漢陽等路。 命 中 亦秃 興、招 知 樞密院事 渾及禿禿守禦襄陽,參 陞台州海道巡 諭 是月, 諸 處, 答兒麻 命親 有 不 防 監 王失里 降 千 藏 者 戶 及 所 知 與 門 四 以兵 爲 親 政 JII 海 事 王 行

上 赤 章 道 所 來 部 都。 防 貢 迭 政 苗 禦 里 事 八 乃立 永昌宣慰使完者帖木兒討 迷 達 軍 運 月 詔 失 識 庚 糧 聽 准 平 申, 萬 爲 帖 其 南 緬宣 甘 節 睦 戶 行 命南 肅 制。 府 邇爲江 省 撫 行 左 司 陽等處義兵萬戶府召募毛胡蘆義 省平· 立 丞 ŏ 吾者 浙 相 几 章 行 太平統淮)11 一政事。 野 省 向 人乞 左 思勝降, 西番賊。 丞 列 戊寅, 相,便宜 南諸 迷等 以安定州 軍 太白 處諸 以 一討所 行 淮南行省平章政事 [經天。 事, 軍 陷 萬 那邑, 改立安定軍 賜 戶府 鈔 兵萬 雲南 一千錠。 于哈 173 死 人, 命 可伐等降,令 見分 湖廣 民安撫司。 進 蠻子 甲戌, 攻南陽。 之地。 行 海牙 省 | 平章 以 與同 其子 大宗正 戊辰, 命 是月 親 政 莽 知 王 事 , 寬 \equiv 樞 車 府 以 311 密院事 徹 駕 魯 以 扎 中 班 還 魯忽 · 書 平 灰 方 守 以 自 物

從 絆 便 住 調 馬等,自蕪湖至鎭江南岸守禦,同阿魯灰所部軍馬協力衞護江南行臺。 度 湖廣行省左丞卜蘭奚所領苗軍,江浙行省平章政事卜顏帖木兒守禦廝、黃 命答失八都魯 「蘭溪

等處。

宗 賢大學士 吉太后影堂祭祀, 酉 影堂祭祀。 立分海道防禦運糧萬戶府于平江路。 冬十月丁巳,立淮南行樞密院于揚州。 九 月癸未〔朔〕,命搠思監提調武衞。以知嶺北行樞密院事紐的該爲中書平章政事。 許有壬兼太子諭德。 己亥,倪文俊圍岳州路。 知樞密院事野仙帖木兒提調世祖影堂祭祀,宣政院使蠻子提調裕宗、英 是月,移置脫脫于阿輕乞之地。 壬子,命桑哥失里提調宣文閣,呂思誠 己丑,太白犯太微垣。 己未,太陰犯壘壁 陣。 辛卯, 命答失 甲子、命兵、工二部尚 命秘書卿答蘭提調 八都魯移軍 知 經 住 筵事,集 陳留 書 別 乙

帝出宫、至郊祀所、便服乘馬、不設內外儀仗、敎坊隊子、齋戒七日、 事 思 肸 農 撒 將 司 誠領其 八兒、王安童,以金銀牌一百六十五面,給淮東宣慰使司等處義 以克堅子希學爲襲封衍聖公。 親 祀郊廟,務盡誠敬,不必繁文,卿等其議典禮,從其簡者行之。」遂命右丞 帝謂右丞相定住等曰:「敬天地、尊祖宗、重事也。 事。 以 中書右丞拜住爲平章政 癸酉,太陰犯軒轅。 事。 庚午, 以襲封 哈麻 近 奏言:「郊祀之禮,以太祖 行聖公孔克堅同 年 以 來,闕於舉行。 兵官員。 內散齋四日 知太常 命哈麻領大司 斡欒、左丞呂 於別殿,致 當 選吉日 禮儀院 配。皇

本

紀

第

告太 廟。 日 一二日於 己卯 门以以 大明殿 翰林學士承旨慶童爲淮南行省平章政事。 西幄殿,一日在南郊祀所。」丙子,以郊祀,命皇太子愛猷識理達臘祭 立黃河水軍萬戶府于小淸

討之。 官 國 命 捕 識 彰 以 敕、金銀 湖 理 達臘 惠 廣 太保就第治病。 以湖 靖 沔陽等處, 遠 爲亞獻,攝太尉、右丞相定住爲終獻。 月甲申,熒惑犯氐宿。 牌 边功臣。 廣 面。 歸州 戊戌,介休縣桃杏花。 改隸 是月,答失八都魯攻夾河賊, 湖廣、 庚戌,賊陷饒州路。 四四 川行省。 荆襄諸軍悉聽節制,給還元追奪河南行省丞相宣命,仍給以功賞 庚寅、塡星犯井宿。 己亥, 辛亥, 太陰犯鬼宿。 賜高麗國 甲午,以太不花爲湖廣行省左丞相,總兵招 大破之。 壬辰,親祀上帝于南郊,以皇太子愛猷 王伯顏帖木兒爲親仁輔義宣忠奉 賊陷懷慶, 戊申, 右丞相定住以病辭職 命河南行省右丞不花

魯大敗劉福 花、 經筵 陳敬伯 事 命戶 多議 二月壬 部 分省彰德。 通等于太康,遂圍亳州,爲宋主遁于安豐。 1 FIJ 子 好禮兼經筵官。 造明年鈔本六百萬錠給之。 朔, 熒惑犯房宿。 癸亥,立忠義、忠勤萬戶府于宿州、武安州。 乙亥,以天下兵起,下詔罪己, 給湖廣行省分省印。 **壬申**,以平章政事 立興元等處宣慰使司都元帥府于興 丁巳, 大赦 帖里帖木兒、 命中書參知政事月倫 己已, 天下。 以諸 是月, 右丞 郡 答失八都 斡欒 軍儲 失不 供餉 並 知

來,天下多事,不宜興作,帝怒,命往使高麗,改命宦官答失蠻董之。以中書平章政事拜住 植 播種。」詔濬大內河道,以宦官同知留守埜先帖木兒董其役。 埜先帖木兒言,自十一 是歲,薊州雨血。詔:「凡有水田之處,設大兵農司,招集人夫,有警乘機進討,無事栽 年以

是歲,察罕帖木兒與賊戰于河南北,屢有功,除中書刑部侍郎。

分省濟寧, 設四部。

降,遣姪腮斡以方物來貢。庚戌,左丞相哈麻罷。辛亥,御史大夫雪雪亦罷,以搠 阿吉剌開府設官屬。乙巳,以遼陽行省左丞相咬咬爲太子詹事,翰林學士承旨朶列帖木兒 職、太尉、大宗正府扎魯忽赤月闊察兒以出軍中傷辭職、皆不允。(乙)[己]亥、[1] 詔命太尉 廟。 史大夫。復以定住爲右丞相。是月,薊州地震。 同 知詹事院事。 丙(子)[午], 三 以知樞密院事實理門兼大府監卿。 命中書平章政事帖里帖木兒提調國子監。己丑,太陰犯昴宿。丁酉,太保定住以病辭 十六年春正月壬午〔朔〕,改福建宣慰使司都元帥府爲福建行 倪文俊建偽都于漢陽,迎徐壽輝據之。 中書省。 。戊申,雲南土官阿蘆 戊子,親享太 思監爲御

曰:「哈麻兄弟雖有罪,然侍朕日久,與朕弟懿璘質班皇帝實同乳,且緩其罰,令之出征自 二月癸(酉)[丑]、[三秃魯帖木兒辭職,不允。 搠思監糾言哈麻及其弟雪雪等罪惡,帝

紀第四十四

順帝七

或任內害民受贓者,舉官量事輕重降職。 號、王爵。甲戌,命六部、大司農司、集賢翰林國史兩院、太常禮儀院、秘書、崇文、國子、都 職。 羅不花自兵興以來率怯薛丹討賊,累立戰功,賜鈔一萬錠。 效。」甲寅,命右丞相定住依前太保,中書一切機務,悉聽總裁,詔天下。 住篤憐赤、怯薛丹三十名,給衣糧、馬匹、草料。 集賢直學士楊俊民致祭曲阜孔子廟,仍葺其廟宇。 水監、侍儀司等正官,各舉才堪守令者一人,不拘蒙古、色目、漢、南人,從中書省斟酌用之, 奏哈麻兄弟罪惡,遂命貶哈麻惠州安置,雪雪肇州安置,尋杖殺之。壬戌,詹事伯撒里 乙丑,禁銷毁、販賣銅錢。 丙寅,命翰林國史院、太常禮儀院定擬皇后奇氏三代功臣 命蠻蠻爲靖安王,賜金印,置王傅等官。 是月,高郵張士誠陷平江路,據之,改平江 詔諭:「山東鹽法,軍民毋得沮壞。」賜定 定住及平章政事桑哥失里等復 丙辰,以 鎭 己卯,命 南王孛

法。 路爲隆平府,遂陷湖州、松江、常州 金一錠、銀五錠、幣帛九匹、鈔二千錠。 師,詔和買馬六萬匹。 總管府見種外,餘盡取勘,令大司農召募耕墾,歲收租課以資國用。」從之。丁亥,以今秋出 壬午,徐壽輝復寇襄陽。癸未,臺臣言:「係官牧馬草地,俱爲權豪所占。 三月辛巳〔朔〕,復立酒課提舉司。 戊子,命宣讓王帖木兒不花、威順王寬徹普化以兵鎭遏懷慶路,各賜 庚寅, 大明兵取集慶路, 江南行臺御史大夫福壽死 命中書平章政事帖里帖木兒、參知政事 今後除規運 成遵等議 鈔

紀 第 29 + 四 頫 帝 Ł 九三一

于杭州。 運糧漕運萬戶,兼防禦海道運糧萬戶。其兄方國璋爲衢州路總管,兼防禦海道事。 凡賞功、罰罪、招降、討逆、許以便宜行事。 丙申,倪文俊陷常德路,總兵官俺都刺遁。 命江浙行省左丞相達識帖陸邇兼知行樞密院事,節制諸軍,省、院等官並聽調遣, 大明兵取鎭江路。戊申,方國珍復降,以爲海道 命搠思監提調承徽寺。 丁酉,立行樞密院 是月,

有兩日相盪。

密院事實理門分院濟寧、翰林學士承旨脫脫同知詹事院事。 卯,以陝西行臺御史大夫朶朶爲陝西行省左丞相,大司農咬咬爲遼陽行省左丞相。 陝西行省官商議軍機,從宜攻討。己卯,命悟良哈台兼太子諭德。 因班太子與陝西行省官同討均、房、南陽。 以河南行省左丞卜蘭奚爲湖廣行省平章政事。 巳,命左丞相搠思監領經筵事,中書平章政事悟良哈台、御史大夫普化並知經筵事。 夏四月辛亥〔朔〕,以搠思監爲中書左丞相。 遼陽行省平章政事奇伯顏不花加大司徒。 答失八都魯加金紫光祿大夫。 丙辰,以資正院使普化爲御史大夫。 丁 壬申,命豫王 是月,車駕時巡上都。 阿剌忒納失里與 丙寅, 命阿 以知樞 庚申,

丁酉,太陰犯壘壁陣。 五月壬辰,太白犯鬼宿。 癸巳,亦如之。 甲午,太陰入斗宿。 乙巳,賊寇辰州,守將和尚 以鄉兵擊敗之。 丙申, 倪文俊陷澧州路。

六月甲寅,江浙行省平章政事三旦八、參知政事楊完者以兵守嘉興路, 禦張士誠。

九三二

丑,回大明兵取廣德路。

遣 兵陷杭州,江浙行省平章政事左答納失里戰死,丞相達識帖睦邇遁, 秋 七月癸未,以翰林 學 士禿魯帖木兒爲侍御史。 丁酉,太陰犯壘壁陣。 楊完者及萬 是月, 張 戶普賢 士誠

奴擊敗之,復其城。

滅。 路,元帥甄崇福戰死。 (至) 是月, 車駕還自上都。 賊侵河南府路,參知 八月丙辰,奉元路判官王淵等以義兵復商州, 甲戌, 政事 洪壮 彗星見張宿,色青白,彗指西南,長尺餘,至十(三)月戊午始 黄河决,山東大水。 驢以兵敗之。丁 卯,太陰犯昴宿。 陞淵同知關商襄鄧等處宣慰 庚午, 倪文俊 司 陷衡 己 州

失里、 復襲敗賊兵于平陸、安邑,以功由兵部尚書陞僉河北行樞密院事 韶以太尉納麟復爲江南行臺御史大夫,遷行臺治紹興。 陷,伯家奴兵潰,豫王阿刺忒納失里復以兵取之,李武、崔德敗走。 九月庚辰,汝、潁賊李武、崔德等破潼關,參知 同 知樞密院事定住引兵復潼關,河南行省平章政事伯家奴以兵守之。 政事述律杰戰死。 是月,察罕帖木兒復陝州及號州, 戊戌,賊陷 壬午, 豫王阿 丙申, 陝州 及號州 刺忒納 潼關復

乃息,化爲石,靑黑色,光瑩,形如狗頭,其斷處如新割者,命藏于庫。壬辰,太陰犯井宿,至 冬十月丁未〔朔〕,大名路有星如火,從東南流,芒尾如曳篲,墮地有 聲,火燄蓬勃,久之

是月,詔罷太尉也先帖木兒。

月,河南陷,河南廉訪副使俺普遁。置河南廉訪司于沂州,又於沂州設分樞密院,以兵馬指 跡約長五尺餘,光明燭地,起自東北,東南行,沒於近濁,有聲如雷。 壬辰,太陰犯井宿。 是 十一月丙戌,以老的沙、答里麻失「里」並爲詹事。「む」丁亥,流星大如酒盃,色青白,尾

十二月,倪文俊陷岳州路,殺威順王子歹帖木兒。 湖廣參知政事也先帖木兒與左江義

兵萬戶鄧祖勝合兵復衡州。 是歲、詔:「沿海州縣爲賊所殘掠者,觅田租三年。賜高年帛。」河南行省左丞相太不花

揮使司隸之。

論,凡十有二事。命大司農司屯種雄、覇二州以給京師,號京糧。 駐軍于南陽嵩、汝等州,公叛民皆降,軍勢大振。陝西行臺監察御史李尚絅上關中形勝急

校勘記

[] (元)[己]亥 按是月壬午朔,無乙亥日。此「乙亥」在丁酉十六日、乙巳二十四日間,爲己亥十八日之

誤,今改。道光本已校。

本

紀

第四十

四

校勘記

丙(子)[午] 按是月壬午朔,無丙子日。此「丙子」在乙巳二十四日、戊申二十七日間、爲丙午二十五日

之誤、今改。道光本已校。

癸(酉)[丑] 按是月壬子朔,癸酉爲二十二日。此「癸酉」在甲寅初三日前,爲癸丑初二日之誤,今

改。道光本已校。

乙 丑: 按明太祖實錄卷四丙申年六月乙卯條有「元帥鄧愈、邵成、總管湯昌率兵攻廣德路, 克

之,改爲廣興府」。是月庚戌朔,乙卯爲初六日,乙丑則爲十六日。續通鑑作「乙卯」,疑是。

至十(三)月戊午始滅 按本書卷四九天文志,八月甲戌彗星見於正東,「至十月戊午滅跡,西北

行四十餘日」。自八月甲戌二十六日至十月戊午十二日,正合「四十餘日」之數。此處「二」字衍,今

删。新元史已校。

壬辰太陰犯井宿 按是月丁未朔,無壬辰日。下文十一月條及本書卷四九天文志均載本年十

一月壬辰「太陰犯井宿」,干支、紀事全同,疑此處爲錯簡複文。

答里麻失〔里〕 按「答里麻失里」之名本書屢見,此名梵語,義爲「法吉祥」。此處「失」下脫

「里」字,今補

河南行省左丞相太不花 按上文至正十五年十一月甲午條及本書卷一四一太不花傳, 太不花

至正十五年拜湖廣行省左丞相,十八年遷中書右丞相。此處「河南」當爲「湖廣」之誤。 蒙史已

